



M



✓
14-27.e.12

PHILOSOPHIA
VETVS ET NOVA,
AD VSVM SCHOLÆ
ACCOMMODATA
IN REGIA BVRGVNDIA
novissimo hoc biennio pertractata,

Tomus Quartus,

QVI

PHYSICES PARTEM SECVNDAM
de viventibus, & tertiam de rebus
vitæ expertibus complectitur.



VENETIIS, MDCLXXXII.

Apud Nicolaum Pezzana .

Suborinarum Permissu . ac Privilegio :

DISPUTATIO II.

De sensibus externis , & eorum organis .

Quæst. I. De sensuum exteriorum organis & functionibus .	121
Quæst. II. De visione .	142
Quæst. III. De saporibus & odoribus .	154
Quæst. IV. De sono .	161
Quæst. V. De lumine .	170
Quæst. ultima. De coloribus .	187

TRACTATUS III.

De vitalis facultatis functionibus & organis.

DISPUTATIO I.

De vitali facultate proprie dicta .

Quæst. I. De iis organis qua respirationi serviunt.

203

Quæst. II. Quomodo fiat respiratio, & qui sint ejus usus præcipui .

218

Quæst. III. De structura & motu cordis.

221

Quæst. IV. De motu sanguinis & illius circulatione .

232

Quæst. V. Quæ sit sanguinis & spirituum motus in affectibus animi , & unde præcipui eorum characteres ducantur .

241

DISPUTATIO II.

De altricis facultatis functionibus & organis .

Quæst. I. De prima Chyli præparatione , seu de digestionem .

248

Quæst. II. De Chyli in vasis lacteis motu.

254

Quæst. III. De sanguinis in hepate, liene , & renibus percolatione .

263

Quæst.

Q V Æ S T I O N V M.

Quæst. IV. *De nutritione, ubi de sanguinis analysi.* 273

DISPUTATIO III.

De partium conformatione.

Quæst. I. *De insectorum ortu.* 285

Quæst. II. *De pulli procreatione.* 289

TRACTATUS IV.

De plantarum ortu & Anatomia.

Quæst. I. *De natura stirpium.* 295

Quæst. II. *De plantarum ortu & vegetatione.* 298

Quæst. III. *De plantarum Anatomia.* 304

Quæst. IV. *De nutritione & accretione plantarum.*

315

Quæst. ultima. *Plantarum vegetatio comparatur cum vegetatione animalium.* 323

PHYSICÆ PARSTERTIA

de corporibus inanimatis.

TRACTATUS I.

De Mundo.

Quæst. I. *Qua sint præcipua hujus universi partes:*

339

Quæst. II. *De præcipuis Cosmographia elementis*

348

Quæst. III. *De mundi systemate.* 361

TRACTATUS II.

De Cælo.

Quæst. I. *De solis motu & illius phænomenis.*

378

Quæst.

INDEX QVÆSTIONVM.

Quæst. II. Luna motus & phænomena explicantur.	
384	
Quæst. III. De Mercurii & Veneris phænomenis.	
398	
Quæst. IV. De superioribus planetis.	40
Quæst. ultima. De stellis fixis.	42

TRACTATVS III.

De Meteoris.

Quæst. I. De halituum natura & causis.	43
Quæst. II. De mixtis imperfectis quæ in terra gignuntur.	43
Quæst. III. De fontium origine & differentiis.	44
Quæst. IV. De Maris salsedine.	44
Quæst. V. De vario Oceani motu & maxime aestu reciproco.	46
Quæst. VI. De ventis.	47
Quæst. VII. De aliis Meteoris aereis.	49
Quæst. VIII. De ignitis impressionibus.	50
Quæst. ultima. De Iride, & aliis impressionibus emphaticis.	50

TRACTATVS IV.

De mixtis perfectis, seu de fossilibus.


Quæst. I. De variis terrarum generibus.	51
Quæst. II. De salibus.	52
Quæst. III. De succis oleosis.	53
Quæst. IV. De lapidibus & gemmis.	53
Quæst. ultima. De Metallis.	53

*Pag. Lin. Errata**Correcta*

7	25	forma	forma
8	3	sep	sed
12	18	persificitur	perficitur
15	16	tempore	tempore
16	2	facultes	facultates
18	32	omniumt	omnium
20	10	persuaserut	persuaserit?
	12	quod dant acce- pimus:	à quodam acce- pinus
	34	virturi	virtuti
21	26	natura cagente.	natura cogente .
25	30	facit	facit
28	22	quodammodo	quodammodo
32	18	homom	homo
34	11	möribus	morbis
	33	inspicis	in spicis
40	4	lätatur	latatur
45	2	movendum	monendum
	32	possunt	possunt
48	22	oenere	cernere
51	24	qui fieri	fieri
52	5	discrimnat	discriminat
	12	velu t	velut
56	32	reram	rerum
58	34	facultatibus	facultatibus
60	17	lacerti	lacertæ
	22	insectis	in insectis
61	31	fortassi	fortassis
68	3	masculos	musculos
	25	arteriarium	arteriarum
70	6	disposita	disposita
75	26	cerebror	cerebro
	27	intedum	interdum
76	15	functionibus	functionibus
80	27	ab atteriis	arteriis
82	23	iniiciet	inficiet

*Pag. Lin. Errata.**Correcta*

	37	præbeant	præbeat
83	24	tabulis	tubulis
88	10	arterito	arterioso
89	18	candide	candida
90	5	ut seorsus	ut serosus
92	12	& nimirum	& nimium
110	19	fibræ	fibræ
115	13	ut plutes	ut plures
118	36	æui	levi
122	20	granis mihi	granis milii
126	30	radicæ	radice
127	3	cuique	quique
129	1	feriunt	feriunt
	27	flexura oris	flexura ossis
134	13	sparguntur	spargitur
135	2	ossi	osse
137	16	in orbeam	in orbem
138	29	cum id	cum in
	30	immo	imo
144	6	unius	unus
145	34	ampliore	ampliores
149	9	fit	fit
	24	ex imagnis	ex imaginis
153	25	uua	una
157	9	abbumina	albumina
162	4	proximus	proximius
166	10	ut triusque	ut utriusque
170	1	ut eum vos	ut eum vox
171	15	lux vix	lux vis
181	7	id vitrum	in vitrum
183	24	punctu	puncto




PHYSICES

PARS SECVNDA.

DE VIVENTIBVS,

Seu de anima, & corpore animato.



QVÆ ad Philosophiam naturalem universim pertinere visa sunt, satis fuscè sunt explicata, nunc addeunda nobis est pars illa Physices quæ specialis dicitur, quamq; ob temporis angustias pressiore stylo tractare cogimur. Primum itaque de rebus viventibus, tum de iis quæ sunt vitæ expertes dicturi sumus.

Cum autē in viventibus duo sint spectanda, principium vitæ quod anima dici solet, & corpus ipsum suis organis ad obeundas vitæ functiones instructum; primum nobis de Anima agendum est, tum de corpore animato. Sicque hanc Philosophiæ naturalis partem in quatuor tractatus partiemur, Primus erit de

PHYSICES

2
 anima ipsa, & præcipuis illius facultatibus;
 tres reliqui corporis animati tractationi sic
 tribuentur, vt in primo animam sentien-
 tem, & illius organa, in reliquis vitalem fa-
 cultatem, & naturalem tum in animantibus,
 tum in plantis, quam poterimus dilucide per-
 sequamur.



TRACTATVS PRIMVS

De anima.

Primum de anima universim, tum de anima rationali, & illius facultatibus breviter strictimque dicendum.

QVÆSTIO PRIMA.

Quid sit anima, & quosuplex.

Nullius pene rei magis vaga est, & incerta notio, quam ipsius animæ: nam plantis, bestiis, & homini animam tribuimus, & vitam: & tamen plerique in ea sunt sententia ut putent, ex iis quæ afferri solent animæ definitionibus, nullam omnibus viventibus univoce convenire. Quod utique veri proximum nobis videtur: primum enim ab Aristotele definitur, *actus primus corporis organici potestate vitam habentis*; atque hanc definitionem, qualiscumque sit, ultro amplectimur: quod accuratior nō occurrat. Sed quid vitæ nomine sit intelligendum, non satis liquet. Vita enim animæ rationalis in perceptione, aut intellectione maxime posita videtur: sed quid plantarum vita cum cognitione, aut appetitu habeat commune, & in quo ratio communis vitæ posita sit, vix quisquam explicabit.

Platonici quidem vitam definiunt, primum & constantem animæ motum. Ac vulgo receptum est ut ea vivere consueantur, quæ seipsa

movent: sed intellectu est difficile quomodo planta seipsam moveat, non item flamma. Fontem quidem vivum dicimus, ubi continenter fluit; & carbonem accensum itidem vivum appellamus: sed voces illæ sunt metaphoricæ, proprias inquirimus, & quid simile sit in plantis cum hominis vita.

Nec ignoro quid responderi soleat, vivens esse sui motus causam principem. Sed non video cur plantæ ut causæ principes seipsas potius moveant quam ignis, aut gravia quæque corpora. Alii vitam in eo constituunt, quod sit principium actionis immanentis; idque ultro accipimus: verum in animalibus quidem eæ actiones sunt satis conspicuæ, in plantis non item.

Alexander Alensis animam ut lucem aliquā vegetam, & semper mobilem concipit, quæ vitam ex se instar alicujus luminis fundit: nam lux est in sole, vel igne, lumen est in aere; sic vita ex anima in corpus ut substantialis quidā vigor jugiter fluit, id vegetat, & fovet. Hinc à Platonicis definitur anima numerus seipsum movens: quod ut animam ex vita, sic vitam ex motu ipso, & spontaneo maximè perspectam habeamus. Rerum autem formas tolent Platonicæ numerorum voce, ut Deum unitatis nomine designare.

Sed his ommissis quæ magis magnificè quam dilucide dicuntur, ad eam, quam ex Aristotele attulimus definitionem, reuertamur. Est, inquit, anima actus primus corporis Physici organici, id est, forma substantialis, quæ corpus organicum constituit uti calor est actus corporis calidi.

Quod addit, potestate vitam habentis, vitæ nomine operationes vitales, seu actum secundum

dum animæ videtur intelligere. Nam ut S. Thomas explicat, Actus primus dicitur respectu actus secundi, qui est operatio. Ac dicitur anima actus corporis Physici organici, ut lux est actus corporis lucidi: non quod seorsum sit lucidum sine luce: sed quod sit lucidum per lucem. Sic per animam est corpus organicum, & potestate vitam habet, quæ potentia non excludit animam. Nam corporis in organa distinctio vitæ muneribus destinatur: potest enim fieri machina ex variis velut organis compacta; sed cum ad vitæ functiones non ordinentur, potestate non habent vitam.

Itaq; cum corpus animatum varias & multiplices actiones exercet, atque in hoc maximè à corpore quod tantum est naturale differat, quod varias actiones exerat: necesse est ut id variis quoque partibus aut organis sit instructum. Nā corpus simplex & uniusmodi tam multiplices actiones nō potest obire; partes verò illius certa lege sibi sunt aptatæ, & alię aliis subserviunt. Principium denique illarum actionum dicitur anima, & actiones ipsæ immanentes, vitales dicuntur: tamen si, ut diximus, vivere ipsum, si Physice accipiatur, equivoce cōveniat substantiæ spiritali & materiali: non enim eodem modo operantur immanenter.

Eodem recidit vulgata etiam definitio. Anima est *primum principium vitæ, in his quæ apud nos vivunt*: quæ quidem definitio priorem utcumque explicat: non enim per animam aliud intelligimus, quam fontem & principium operationum quæ vitales dicuntur. Quanquā ut jam diximus, intellectu sit difficile, quid plantæ alicujus animæ, aut vitæ cum humana commune sit, & in quo ratio illa vitæ posita sit.

Definitur quidē actio vitalis quæ est à principio vitæ conjuncto: eaque est vitalior, quo est magis immanens.

Definiri etiam solet anima id quo vivimus, movemur, sentimus, & intelligimus. Atque hinc quatuor vitæ gradus vulgo distinguuntur: primus est eorum quæ vegerantur, sed omnis sensus sunt expertia: cujusmodi sunt plantæ. Alia sentiunt quidem, sed loco non moventur; ut ostrea, & conchilia: quamquam illud merito dubitari potest an sensus usquam sine motu locali reperiatur: sed de his alibi. Sequuntur animantes sensu, & motu præditæ: supremum viventium locum ea tenent, quæ & vegetantur ut plantæ, loco moventur, & sentiunt ut animantes, sed præterea intelligunt, atque hic est supremus vitæ gradus.

Tres tamen animarum species vulgo numerant, vegetatricem, sentientem, & rationalem: quam divisionem sic fere colligit S. Th. 1. p. q. 18. art. 1. vita hinc deprehenditur quod res seipsam moveat. Quæ autem seipsa movent, vel motus vitales solummodo exequentur, sed formam seu principium ipsius motus ab ipsa natura acceperunt, ut plantæ quæ alias generant, & seipsas alunt. Alia non solum seipsa movent quoad executionem horum motuum, sed etiam formas acquirunt, quæ sint eorum motuum principia; species nimirum, & imagines rerum quas cognoscunt, & appetunt; sed tamen fines eorum motuum non sibi præstituant, in eos feruntur qui sunt à natura præstituti. Sic animalia seipsa movent, & nobiliori modo quam plantæ. At homo non solum motus exequitur suos, & formas earum motionum acquirit, & quodammodo efficit, sed varios etiam fines suarum operationum sibi præstituit. Hinc melio.

meliore & perfectiore fruitur vita.

Verum, inquiunt, una species alteram non includit: sed anima rationalis includit vegetatricem, & sentientem.

Respondent, Animam rationalem continere reliquas animas eo fere modo quo superficies lineam, aut major numerus minorem continet, materialiter, ut aiunt, non formaliter: eas quippe præsupponit, non ex iis constituitur anima rationalis.

Verum hæc quæstio oritur an definitiones animæ quæ vulgo circumferuntur, animæ rationali convenient: adeo ut anima sit vera corporis forma. Sit igitur

Vnica Conclusio.

Anima rationalis est vera hominis forma.

Probat. hæc conclusio. 1. quia in Conc. Vienneſi est clare definita: adeo ut contraria sententia tanquam erronea, & fide Catholicæ inimica reprobetur.

2. Probatur multiplici ratione à S. Thoma 1. p. q. 76. & 79. quæ huc fere redeunt: formam esse id quo primo aliquid operamur; sed anima est id quo primum intelligimus, & intellectio est præcipua hominis operatio; ergo anima intellectiva est hominis forma: nam si intellectio est hominis actio, & quisque experiatur seipsum intelligere, necesse est primum hujus actionis principium esse hominis formam, cum forma sit primum agendi principium.

Præterea per animam rationalem homo constituitur, & ab omnibus aliis distinguitur, atque id quod sibi maxime proprium est operatur; est item homo totum Physicum, & unum

agendi principium : Ergo anima rationalis est vera hominis forma : cum forma cujusque rei ex propria illius operatione innotescat : Sep propria hominis functio est intelligere . Quod igitur principium est intelligendi , idipsum est hominis forma . Est etiam actus primus seu nobilissima perfectio corporis organici , quod animæ ut idoneum instrumentum obsequitur .

Opp. Operationes animæ intellectuales , intelligere nimirum , & velle communicari non possunt corpori , nec per organum corporeum exerceri : ergo neque ipsum esse animæ intellectualis , quod non minus est immateriale quam illius operatio , recipi in corpore , aut ei communicari ullo modo potest : neque adeo anima est corporis forma : maxime cum anima in seipsa existat , nec possit esse in alio instar formæ materialis .

Resp. Dist. conf. non potest anima communicari corpori , aut ita recipi in corpore , ut ab eo dependeat , & quasi omnino in eo demergatur , C. non potest communicari corpori , ut id perficiat , vitam , & sensum impertiat , N. id enim in Morali Philosophia ostendimus , hominem esse velut centrum utriusq; naturæ spiritalis , & corporeæ , & quasi totius universi compendium . Sic anima medium velut locum inter naturas spirituales & corporeas nacta , ut Angelus , in seipsa subsistit & vivit : & tamen vitam corpori communicat , idque vere informat , quod cum brutorum formis habet commune .



QVÆSTIO II.

De unitate, & origine animæ.

CVM in homine vegetatricis & sentientis animæ actiones sint conspicuæ, merito inquiritur, an una vel multiplex sit anima. Nam ut eos omittam qui hac in re à Fide Catholica aberrarunt, ut Manichæos qui duplicem in nobis animam posuere, unam à bono, alteram à malo principio; aut Averroem qui unam in omnibus, & universalem mentem, & quasi intelligentiam commentus est, quam intellectus agentis nomine donavit, alteram cuique propriam, quæque intellectus patiens aut possibilis ab eo vocitatur. Sic Plato concupiscibilem animam in jecore, irascibilem in corde, rationalem in cerebro posuisse vulgo dicitur: ut ista, inquam, omittam, inter ipsos Theologos & Philosophos Catholicos nonnulla hac de re dissensio est. Nam Ochamus, Antonius Mirandulanus, & alii animam rationalem ex duabus velut partibus consistere volunt, quarum una sit intellectualis, altera irrationalis, & sensus principium, quæ per totum est diffusa corpus; eamque opinionem illæsa fide defendi posse faterentur ipsi Conimbricenses. Hanc inter recentiores acerrime tuetur Petrus Gassendus: contra eos tamen sit.

Prima Conclusio.

Probabilius est in homine unam esse & indivisibilem animam, non multiplicem.

Probatur conclusio. Ex dictis liquet animam rationalem esse hominis formam, cui omnes vires subiunguntur, dum eas ad agendum appli-

cat ; & unum esse homini , non multiplex tribuit ; ac nihil ei deest quominus omnia formæ substantialis obeat munera. Sed si plures essent animæ in eodem homine, eaque loco aut sedibus discretæ , non unum esset , sed multiplex esse hominis ; ac nulla foret ratio cur unius operatio paululū intensior alterius functiones impediret : cum unaquæque quod sibi esset propriam ageret , & diversa prorsus essent earum functionum principia : neque etiam facultatum omnium subordinatio facile posset explicari : nam diversæ functiones ad distincta principia referrentur. Ergo non multiplex, sed una est & simplex hominis anima .

Confirm. Si propter diversitatem operationum diversæ quoque animæ statui debent , tot futuræ erunt animæ , quot sunt sensus inter se distincti. Ergo licet sensus & rationis functiones plurimum inter se distent, nihil propterea necesse est earum actionum principia secernere , & sentientem animam ab intellectuali sejungere .

Solvuntur objectiones .

Opp. 1. Eadem res simplex & uniusmodi , non potest sibi ipsi adversari, aut secum pugnare : sed anima rationalis & sensitiva sibi mutuo repugnant , & una alteri reluctatur , dum *caro concupiscit adversus spiritum , & spiritus adversus carnem* . Ergo non una & eadem est anima quæ hos motus diversos procreat , neque illa carnis & spiritus lucta, cujus toties meminit Apostolus , & quam in nobis ipsis experimur , ex eodem principio vel ex eadem forma manare potest .

Responderi potest 1. Eandem animam per distinctas saltem virtualiter facultates sibi ipsi reluctari : neq; id mirum esse debet , cum voluntas,

luntas sæpe intellectui adversari videatur.

Responderi potest 2. Spiritus ipsos qui mentis imperia deferunt, non despotico imperio regi ab anima, & alio persæpe duci, aut ab objectis, aut ab ipsa consuetudine, & corporis temperie, quam mens ipsa præscribit, unde & mentis functiones pierumque concurbant.

Opp. 2. Vbi sunt operationes omnino diversæ, ibi sunt distincta principia & formæ diversæ. Sed vivere, sentire, & intelligere, sunt operationes omnino diversæ, quæ in homine etiam locis distinctæ sunt: nam ossa vivunt & vegetantur, non sentiunt tamen; oculus videt, non intelligit. Ergo alia est o. lis, alia oculi, alia hominis ipsius forma vel anima.

Resp. Dist. maj. Diversæ operationes diversa habent principia virtualiter distincta, C. realiter, N. Alio qui infinitæ in eodem homine essent animæ. Sic anima rationalis non est in ossibus aut oculis, quoad operationes, C. quoad substantiam, N.

Instant. Anima sentiens aut vegetatrix est mortalis & corruptibilis, non item anima rationalis. Ergo non est una & eadem anima: cum idem simul esse mortale, & immortale non possit.

Resp. Dist. ant. Anima sentiens est corruptibilis, cum sola est, ut in brutis, C. Cum autem eadem est intellectualis, N. Tum enim est immortalis, non ex seipsa, sed ex mente.

Opp. 3. In ipsius hominis conformatione primum vegetatrice anima, tum sentiente, tum rationali foetum informari; cum autem non sit probabile unā perire, cum advenit altera: neque enim necesse est mori animal priusquam mens rationalis infundatur: restat ut in homine non una, sed plures sint animæ.

Respondent plerique in hominis conformatione plures esse animas quæ sibi succedunt : cum autem hæc magna sit quæstio , & valde obscura, quid nobis videatur, paulo diligentius est explicandum. Sit igitur

Secunda conclusio.

IN viventium generatione plures animæ non ita sibi mutuo succedunt , ut una adveniente pereat altera .

Probatur conclusio. Id omnino videtur alienum à ratione hominem prius plantam fuisse , tum belluam , tandem hominem . Ergo ubi vivit aut sentit , jam anima intellectualis adest . Sic moriente homine una cum anima rationali , reliquæ , si quæ sint, discedunt .

Confirm. Illud minimè necesse est ut moriatur animal , & sentiens anima recedat , cum anima rationalis infunditur : tum enim foetus perficitur , non destruitur ; nec series illa corruptionū ullo nititur fundamento . Hinc foetus baptizatur , ex quo motus aut vitæ principium in eo percipitur : ac si expectemus dum corpus ad functiones animæ rationalis sit apte dispositum , non quadraginta dies , ut volunt , sed plures anni erunt expectandi .

Solvuntur objectiones.

Opp. 1. Non infunditur anima prius quam organa sint conformata : ergo prius vivit & sentit foetus , quàm anima rationali informetur . Iam quærant quid fiat de principio vitæ & sensus , cum advenit anima : si remanet : ergo non una, sed plures sunt animæ, si recedit: sunt igitur plures successive .

Respondet Vir pereruditus P. Fabri foetum primo vivere, tum sentiente anima donari : sed
quæ

quæ prius fuit vegetatrix anima, aut forma cum sola esset, jam fit potentia aut facultas animæ sentientis, eique subijcitur. Cum autem anima rationalis creatur, non perit principium illud vitæ aut sensus, sed formæ rationem non amplius obtinet; estque potentia animæ rationalis cui subest ut formæ: non enim ante fuit homo, quam anima in corpore crearetur; & unum esse hominis una forma constituit. Quæ responsio satis est probabilis, saltem in eorum opinione, qui animam rationalem nondum adesse volunt cum vivit & sentit foetus.

Instans. Potentia aut facultas nihil est aliud quam accidens. Sed forma foetus antequam adventat anima rationalis, non est accidens quoddam. Ergo fieri non potest ut potentia sit, aut facultas animæ rationalis.

Resp. Vim illam sentiendi in homine potentiam dici, non quod sit accidens physicum, sed quia est velut instrumentum animæ, eique subordinatum, quodque se ad agendum non determinat, sed ab altiore pender principio: ac forte nihil est præter spirituum contextum. In bestiis formæ substantialis habet rationem: nam speciem iis tribuit, & est primum actionum principium: sed ubi anima rationalis accesserit, huic omnino subijcitur, nec amplius formæ, sed potentiæ tantummodo, aut instrumenti munus obit, neque esse aut naturam specificam homini tribuit: tametsi quarundam operationum principium est: unde & potentia operatrix dici potest.

Opp. 2. Animam sentientem à parentibus traduci, non item rationalem: ergo sentienti animæ succedit rationalis. Hinc Aristoteles negat simul animal fieri, & hominem.

Resp. Simul non fieri animal & hominem quoad

quoad operationes, C. quantum ad naturam aut substantiam, N. Vtrum autem à parentibus anima sentiens traducatur, magna itidem est quæstio. Sit itaque

Tercia conclusio.

Animam sentientem à parentibus traductam, defendi utcumque potest, non item animam rationalem.

Probatur prior pars conclusionis. Nam qui plures in homine animas, aut simul, aut sibi succedentes agnoscunt, iidem satis probabiliter tueri possunt animam sentientem à parentibus traduci, eamque esse quasi vinculum quod mentem cum corpore connectit: præsertim cū foetus crescat, & vitæ operationes edat, priusquam organa sint formata, & rationalis anima infundatur. Quare illud satis est verisimile, animam sentientem ex parentibus transfundi, ne injuria patris nomen homo usurpare videatur, si nihil præter materiam præbeat.

Quod si vero eam quæ nobis videtur probabilior, sententiam tueri volumus, eandem animam quæ sentiens prius fuit, adveniente anima rationali, manere facultatem, aut potius ut instrumentum animæ: ne illud quidem à vero abhorret, in homine ut in brutis materiam jam utcumque in partes delineatam, & vi plastica instructam, tenuioris vitæ non expertem transfundi.

Pars altera conclusionis ex iis quæ de natura animæ jam sunt explicata, facile colligitur: constat enim non à parentibus dari animas, sed ab uno eodemque patre, & Deo, qui legem rationemque nascendi tenet solus. Quod ipse Lucetius fateri videtur.

*Denique cœlesti sumus omnes semine
oriundi,*

Omnibus ille idem pater est

Quocirca neque ex anima mundi decerpitur anima rationalis, ut visum est Platoniciis, neque ex spiritali quadam materia in mundi origine præcreata, ut corpus ex præjacente materia componitur: ut aliquando dubitare visus est Augustinus: nam ut ipse ait: *Quid illa est materia, quod nomen, quam speciem in rebus conditis tenet? Vivit, an non? Si vivit, quid agit?*

Itaque anima non propagatione vel educatione, sed sola creatione producitur. Nam solus Deus, ut ait Scriptura, *figit spiritum hominis in eo*. Quo verò tempore anima corpori infundatur, Deus solus hæc noverit, cujus munus est quod spiramus, quod vivimus, quod vigemus.

Sed, inquiunt, si pater rationalem animam non transfundit, quo jure effectrix causa filii dici potest?

Resp. Patrem causæ effectricis titulo non excidere, licet formam non procreet: nam materiam disponit, & infusionem animæ quodammodo exigit; illius conjunctionem cum corpore efficit, idque maximè, si vim sentientem proli communicat.

Instant. & molestius inquirunt quomodo natura spiritalis cum corporea uniri aut conjugari possit.

Responsum jam à nobis fuit in ipso fere limine Philosophiæ naturalis, cum de unionem, ut vocant, materiæ & formæ ageretur. Neque aliud in re maximè abstrusa nobis occurrit, nisi animam intime præsentem esse corpori; cum illo unum esse, & unam naturam integrâ efficere;

cere ; moto corpore eam moveri , eamque regere subjectas sibi facultes ; ac nihil demum ei deesse quominus cuncta obeat formæ munera. Quod autem animæ & corporis conjunctionem & nexum etiam efficit , est ea lex ab Authore naturæ sancita, quæ perceptiones animi certi corporis motus, ut vicissim quasdam corporis motiones certæ cogitationes mentis consequuntur : ut in prima Logicæ parte fuisse exposuimus.

Sed cur , inquiunt , anima non poterit à parentibus traduci.

Resp. Id fieri non posse , quod sit spiritalis & indivisibilis : est enim tora in gignente, nec pars illius in genitum transire potest : quia ex re spiritali & indivisibili nihil potest decedere.

Rursum urgent. Si anima est indivisibilis , quomodo per totum corpus diffundi potest ? Quod si verò , ut visum est Alberto , alicui parti , ut cordi aut cerebro insidet , quomodo erit corporis forma , & cum eo tam arte coniungitur ?

Resp. 1. Animam in corpore virtualementem , non formalem habere extensionem , ut de Angelis diximus.

Resp. 2. Etiam si anima uni tantum corporis parti potissimum inesset , ut multis etiam Peripatericis videtur, nihilominus eam corporis formam futuram : ut visus , quamvis certæ corporis parti addictus , totius tamen animalis est facultas , non solius organi cui insidet : sic anima cum sit intimum motus principium , aut certe id quod motus omnes determinat, formæ rationem obtinet : sive per totum corpus diffundatur , ut nobis videtur ; sive in aliqua tantum corporis parte , quæcumque illa sit , insideat ; atque ut gemma in annulo ; aut Rex in

civ-

civitate regia, ita mens in organo phantasie, cum qua adeo cohæret, sit collocata.

Quin etiam, ut multis videtur, anima sentiens in brutis ossa, ungues, cornua, pilos non informat, cum in his partibus nullus sit sensus: sic anima rationalis erit corporis forma, & intime cum eo conjuncta, quamvis non sit per singulas diffusa partes: quod ex arce in qua residet, quæcumque geruntur in corpore, cujus dominatum sortita est, sublimis intueatur; quod administræ facultates illius mandata perferant. Hinc per oculos objecta cernit, quasi per fenestras pellucido vitro obductas, ac perceptio omnis in cerebro, tanquam in mentis regia perficitur. Verum ista quæ dubia sunt & obscura, quæque vix expediri possunt aut explicari, ut ab instituto aliena rejicimus, quod de animæ rationalis natura & immortalitate paulo uberius disseramus.

QVÆSTIO III.

De immortalitate animæ rationalis.

CVM animæ rationalis immortalitas triplici rationū genere demonstrari possit, primum morales, tum physicæ, postremo metaphysicæ nobis sunt afferendæ.

Rationes morales afferuntur.

Primum illud ut fide certū, imo ut fidei nostræ fundamentū supponimus, animos nostros non interire una cum corpore, sed immortales permanere. Hinc Christus Dominus, nolite, inquit, timere eos qui occidunt corpus, animam autem non possunt occidere. Et alibi, qui odit animam suam in hoc mundo, in vitam æternam custodit eam: ut infinita alia loca præteream.

Verum id à Philosophis requiritur, utrum animarum immortalitas rationibus non suaderi modo, sed etiam persuaderi possit. Plerique enim etiā Catholici in ea sunt opinione, ut id sola fide certum sit, nulla demonstratione firmatum; nobis aliter quidem videtur, nec quicquam esse in Philosophia, si Dei existentiam & providentiam excipias, quod firmioribus & magis in concussis rationibus muniatur. Nostræ autem sunt partes ex innumeris pene quas Platonici imprimis, & Christiani Philosophi attulerunt, optimas seligere: ac primum eas, quæ intellectu sunt faciliores, quæque ex Ethices principiis ducuntur, proferemus.

I. Itaque iisdem pene rationibus uti possumus, quas supra adhibuimus, cum de existentia Dei ageremus, quæque ex communi pene omnium testimonio, ex Dei providentia, ex ultimo hominum fine ducuntur. Nam incorruptos manere animos, non sancti modo Patres ut S. Aug. lib. de immortalitate animæ & Tertul. lib. integro de testimonio animæ, sed etiam M. Tullius colligit ex communi, & publice recepta hominum persuasione. *Atque hac, inquit, ita sentimus natura duce, nulla ratione, nullaque doctrina. Hinc omnibus cura sunt, & maxime quidam quæ post mortem futura sunt, & nisi inhereret in mentibus quasi saculorum quoddam: augurium futurorum, quis tam esset amens qui semper in laboribus viveret?* Quocirca ut firmissimū hoc asserri putat cur credamus Deū esse quod nulla pene gens tam fera, nemo omnium tam sit immanis, cujus mentem non imbuerit deorum opinio: sic permanere animas magno esse argumento existimat consensum omnium fere nationum. Nam *omni quidem in re, inquit, consensus omnium gentium lex quadam natura putanda est.* Sed

Sed, *inquiunt*, Epicurus, & alii quidam Philosophi contrarium senserunt.

Resp. Nihil mirum esse si Philosophi qui se corporibus totos dederunt, nō viderint plus aliquid mente quā corpore. Quod si aliquis forte uno oculo, aut pede mulctatus nascitur, nō ideo negabimus, duos oculos, aut duos pedes ad naturam hominis pertinere. Neq; adeo si minutiores quidā Philosophi animos velut capite damnarunt, idcirco nobis naturā ipsam de immortalitate animorum tacitam judicare negandum est. Nam omnibus insitus est, ut beatitudinis sic æternitatis amor: ceteræ quidem animantes mori recusant, sed æternitatē ipsam, aut foeliciorem vitam ne cogitant quidem. Nec audiendi sunt Epicurei qui providentiam Dei sustulerunt: hinc enim incunctum argumentum pro immortalitate animorum eruitur.

2. Ex Dei itaque providentia incorruptos manere animos sic demonstratur. Certum est huic universo tamquam Reipublicæ bene constitutæ præesse summum principem, & moderatorem, qui sit & virtutis remunerator, & scelerum vindex; neq; enim, ut ait Cicero, *temere & fortuito sati, & creati sumus*: nec Deus nisi justus esse potest. Sed si homo cum moritur, funditus intereat, male consultum erit hominibus, & boni erunt infeliciores iis qui se vitiis, & sceleribus contaminauerint, ac virtus sua mercede fraudabitur. Ergo ex veris & indubitatis Moralis Philosophiæ principiis recte colligimus animos post mortē incorruptos manere: *nimum enim*, ut ait Plato in Phædone, *impii lucrarentur, cum à corpore & à pravitate liberarentur.*

Sed, *inquiunt*, virtus seipsa ad bene beateq; viven- uo

vivendum contenta est : improbos autem sæva conscientia torquet , & scelerum infamia : adeo ut metus , error , ægritudo animi , tristes libidinum exitus facinorosos discrucient: Ergo nihil necesse est ut bonos æterna præmia, malos supplicia maneant, cum virtus sit sibi ipsi præmium , & scelus poena .

Contra, pessimos quosque vix interdum conscientia stimulat . Quid enim is timeat qui animum una cum corpore perire sibi persuaserit . Quod tamen improbos conscientie stimulis identidem cruciari volunt , quod dant accipimus, sed hoc ipsum demonstrat esse quiddam in nobis omni sensu præstantius , quodque in brutis animantibus non invenitur . Nulla enim ex bene actis lætitia, nullus ex male acta vita tangit eas conscientie stimulus: illa quippe ad vim aliquam omni sensu , aut vi corporea superiorem , quæ in se se, & suas actiones varie reflectatur , omnino pertinent .

Sed nullum, inquit, virtuti theatrum conscientia majus est .

Resp. Id quidem dici magnificè : at si nulla est virtutis merces præter ipsam, vereor ut vere dici possit. Quotus enim quisque sola recte faciendi delectatione, nullius præmii spe, frui voluptatibus recuset, aut malit in egestate & contemptu vivere , quam prædari, & justitiæ leges infringere , etiam si possit impune : cum tamen ex omnibus malis quæ patitur, cum dolet, cruciatur , emoritur ne virtutem deferat aut quid turpe faciat , nihil amplius consequatur , quo possit voluptas amissa compensari ?

Quare nullus virtuti locus relinquitur, si anima extinguatur : nec virtus, ut copiose Lactantius l. 7. inst. disserit , *erit secundum naturam, cum presenti vita nocens. Nam prohibet iis bonis ho-*

hominem, quæ naturaliter appetuntur, & ad sustinenda mala impellit, quæ naturaliter fugiuntur. Ergo malum est virtus, & inimica natura, stultumque judicari necesse est qui eam sequitur; quoniam seipse ladit, & fugiendo bona praesentia, & appetendo mala, sine spe fructus amplioris. Si autem virtus malum non est, facitque honeste, qui voluptates vitiosas, turpesque contemnit, & fortiter, qui nec dolorem, nec mortem timet, ut officium servet: Ergo majus aliquod bonum assequatur necesse est, quam sunt illa quæ spernit. At verò morte suscepta, quod ulterius bonum sperari potest, nisi aeternitas?

3. Hic adeo nobis nova succurrit ratio ex ipsius æternitatis ac summi boni appetitione deprompta. Neque enim dubium est quin Deus hoc nobis felicitatis desiderium inferuerit, quod inutile, aut vanum esse non poterit: nec frustra tantam sciendi, & veritatis cognoscendæ cupiditatem in nobis accendit, ac rerum omnium capacem animum dedit. Expleri tamen is non potest, donec corporis vinculis solutus fuerit.

Soli homini sapientia data est, quæ nihil est quam notitia Dei; sola mers Deum, qui æternus est, quærit & diligit, ipsa natura cogente sentiens vel unde orta sit, vel quo reversura. Nullum enim est aliud animal quod habeat aliquam notitiam Dei, religioque ipsa hominem omnino discerni à brutis animalibus. Hæc itaque cum in hominem solum cadat, profecto magno est argumento id nos affectare, id desiderare, id colere quod nobis familiare, quod nobis proximum sit futurum. Et tamen tot malis conflictatur homo, tot animi ægritudines, molestias, morbos perferre cogitur, tanta de-

mum est corporis infirmitas, & rerum omnium inopia, ut nullum sit animal homine infelicius, si animus ipse moriatur.

4. Ex ingenita hominis libertate naturam animi esse omni corpore præstantiorem, & summi boni capacem jam in Morali Philosophia ostendimus, & quantum bruta ipsa naturæ suæ dignitate superet, ex illa libertate, ratione ipsa, & sermonis usu demonstratum à nobis fuit. Nam cæteræ animantes impetu feruntur; non sunt sui juris, sed ab objectis ipsis rapiuntur, omniaq; ad corpus referunt: quæ sunt ejusdem generis, eodem modo operantur. Paucos & confusos conceptus formant, quos voce incondita utcumque exprimunt: quod si intellectum haberent, nunquam eis natura sermonis usum denegasset: nulla iis signa sunt ex instituto, ac si quæ habent, ea sunt à natura impressa. Sed homo sui juris est, seipsum ad agendum determinat, omnia ex nutu suæ voluntatis agit, infinitas prope artes excogitat; cunctis præest animantibus; quæ mente concipit, aut sermone, aut scriptis exprimit; rebus ipsis imponit nomina; infinitos prope vocis sonos paucis litterarum notis terminavit; stellarum progressionem notavit, fruges, vestitum, tecta, cultum vitæ, præsidium contra feras ipsas invenit: adeo ut nemini hæc perpendenti dubium esse possit quin in homine quiddam sit omni sensu præstantius, quodque in brutis nullomodo invenitur.

Postremo eandem nobis rationem asserre licet, qua usi sumus cum de existentia Dei agebamus; qui se totos interire volunt, ex hac opinione nihil emolumenti sperare, summum contra damnum expectare coguntur. Nam horum alterum necesse est, vel ut toti pereant, vel

vel in æternum crucientur: meliorem enim vitam sperare nō possunt qui magno fastu omnem religionem abjecerunt. Quare non video quid spei habere possint vel sui interitu, vel in æternis suppliciis.

Demonstrationes Physicae.

Immortalitas anime non ex alio magis quam ex illius functionibus demonstratur. Nam uniuscujusque rei naturam ex illius operationibus metimur, cum omnis actio sit naturæ à qua proficiscitur, accommodata. Hinc illæ communes, & à Peripateticis toties usurpatæ notiones: *operari sequitur esse; unum quodque est propter suam operationem; modum essendi sequitur modus operandi.*

Iam ipsum animum proprias sibi habere functiones, quæ nullo corporis organo perficiuntur, multis argumentis cum in Logica, tum in Morali confecimus. Ac primum rationes rerum universales ab omni materia abstractas animus effingit. Neque id corporeæ facultatis munus esse potest, quæ formas tantum singulares determinatas, corporeas excipit: circulus qui in charta, vel in imaginatione depingitur, multos quidem circulos exhibere potest; ut si tres homines sint facie simillimi, quæ unum exprimet pictura, omnes exprimet: sicque illa figura aut pictura quodammodo universalis dici poterit, quod multa similia exhibeat. Sed tamen circulus ille delineatus, aut pictura singularis erit, nec charta, nec imaginatio quicquā exhibere potest nisi determinatum. Quæ igitur vis figuræ rationem, quod scilicet sit extensio undique terminata, aut lineis circumscripta, potest exhibere? Eadem est spiritalis,

italis, & diverso prorsus modo operatur, quæ vis imaginatrix: cumque mens non solum res universales, sed etiam ipsam universitatis rationem percipiat, non utique ea est vis corpori mancipata.

Deinde principia menti impressa, ut totum esse sua parte majus, demonstrationes omnes præsertim mathematicæ; judicia certa & fixa, quibus rem esse aut non esse decernimus, affirmatio nimirum aut negatio, non sunt actus corporei, aut imaginationis foetus: ut nihil dicam de cognitione rerum spiritualium.

Omnes etiam cerebri partes & sinus scrutare, nusquam intellectus organum offendes, nec quicquam fere occurreret quod in aliis animantibus non inveniatur: quod vis intelligendi nulli organo insideat, sed sit plane spiritualis: unde in seipsam redit & reflectitur, se se interdum colligit, & quasi intus revocat: cum sensus sint perangusti, hebetes, infirmi, in exteriora effusi, neque in suos actus reflecti possint, quod ii non sint sensibiles. Vis itaque illa quæ res etiam corporeas, & earum rationes contemplamur, quæ ipsa phantasmata expendimus, alia ex iis seligimus, alia rejicimus omni sensu, aut facultate corporea superior est. Quod si ergo aliqua sit inter facultatem & objectum cognatio, quam esse maximam necesse est; cum animum in res æternas & spirituales intendamus, recte colligimus cum Platone in Phædone, *cum immortali, intelligibili, uniformi, & eodem modo se habenti esse similem.*

3. Id etiam hinc demonstrat Plato, quod quandiu simul sunt anima & corpus, hoc quidē servire, & subesse natura jubeat, illam vero præesse atque dominari; spiritualis adeo est natura quæ præest & ducit, ut mortale est quod subicitur

subijcitur & servit: nec fieri posset ut perturbationum æstus animus coerceret, nisi quiddam esset omni corpore præstantius.

4. Non ex cognitione modo animi, sed etiam ex ipsius voluntatis actionibus, animum spiritalem, atque adeo incorruptum esse colligimus: quid enim amatur in amico, animus, an corpus? Fides, benevolentia, virtus ipsa in eo diligitur. *Quid in Sanctis, ut pulcre Augustinus tract. 3. in Ioan. quid in Martyribus amamus, membra laniata à feris? Quid fœdus, si oculos carnis; quid pulchrius, si oculos mentis interrogas? Quid tibi videtur adolescens pulcherrimus, fur? Quomodo horrent oculi tui? Cum audis quia fur est, fugis hominem animo. Vides ex alia parte senem curvum, baculo innitentem, vix se moventem, rugis undequaque exaratum: quid vides, quod oculos delectet? Audis quia justus est, amas, amplecteris.* Ex quibus sane efficitur animum non modo percipere, sed etiam expetere res omnino spirituales, eumque esse omni corpore præstantiorem.

5. Nō aliud molitur animus, seu in contemplatione rerum, seu in actione versetur; quàm disponere, atque ad ordinem cuncta revocare; adeo ut ratio ipsa nihil aliud quam ordo quidam & constans velut proportio, rerum denique quasi universalis mensura esse videatur. Hanc ordinem in rebus æternis aut à natura jam constitutis ratio non facit, sed invenit: res vero sibi subjectas ordinate disponit, atque in hac rerum apta collocatione, & usa, omnium artium summa consistit. Ergo animus qui regit corpora, & tanta arte disponit, quique ordinem in rebus constitutum examinat, omni corpore sublimior est: ordinem quippe accipere possunt corpora, non dare: hoc utique

divinioris cujusdam naturæ munus est .

Ex his itaque efficitur physica demonstratio: illa natura est spiritalis, immortalis, independens à corpore, cujus functiones sunt itidem spirituales, quæque à corpore non pendent. Sed operationes animæ rationalis sunt ejusmodi: ut multis argumentis evicimus: cum attingant objectum universale, & immateriale, Deum, & rationem ipsam; non item sensuum operationes: nam visio ab objecto materiali & singulari omnino determinatur.

Quin etiam animus judicare non posset de rebus corporeis, si ipse esset corpus, aut quid corporeum. Sic oculus flavo aut alio colore tinctus, flavo itidem aut alio colore tincta videt objecta; atque, ut ait Aristoteles, quod intus est in organo alicujus sensus, aliorum cognitionem prohibet. Ergo anima non est materialis aut corporea, sed spiritalis aut incorrupta.

Sed, inquiunt, mens nostra res spirituales percipit instar rerum corporearum, per phantasmata; & res universales tanquam singulares, ac sui similes. Ergo anima non est spiritalis, sed corporea.

Resp. Huic argumento jam sæpius satisfactum à nobis fuisse: fatemur enim mentem à rebus corporeis excitari; ex iis occasionem intelligendi accipere: verum ea non hæret in cognitione rerum corporearum & singularium; sed ea ex rebus corporeis spirituales, & singulares universales percipit. Cum utitur organis corporeis, res in concreto perspicit, ut coloratum, rotundum: sed ubi per seipsam agit, res abstractas intuetur: ut quid sit color, quid rotunditas: quod nulla vis materiæ immersa potest efficere. Sed de his postea fusiùs.

Demonstrationes Metaphysicę ex natura ipsius animę rationalis desumuntur. Prima itaque huc fere recidit. Substantia spiritalis eadē est immortalis: sed anima rationalis est substantia spiritalis: ergo eadem est immortalis. Prima quidem propositio certa est: nam quod non pendet à materia, quod simplex est, neque ullum in se habet corruptionis principium; cui nihil est contrarium, nec partes habet in quas dissolvi possit, id sane ex natura sua est incorruptum, neq; alio indiget ut permaneat, nisi iugis Dei influxu aut cōservatione. Quod si enim, ut optime M. Tullius, nihil sit in animis admixtum, nihil concretum, nihil copulatum, nihil duplex, certe nec secerni, nec dividi, nec discerpi, nec distrahi potest: nec interire igitur. Est enim interitus quasi discessus, & secretio, ac diremptus earum partium quę ante interitum vinctiōe aliqua tenebantur.

Confirm. Nullum corpus perit, quantumvis ipsa divisione minuatur, & diversas induat formas. Multo minus substantia spiritalis destruetur, quę nullas habet partes in quas dissolvi queat: pręsertim cum nulla res in nihilum abeat, nedum res omni corpore pręstantior.

Quod autem opponunt, Accidens spiritale non esse immortale: nam habitus destruuntur, & actus ipsius mentis: ergo nec substantiam licet spiritalem esse immortalem.

Resp. Longe disparem esse rationem: nam accidens spiritale proprie non est, sed est entis alterius, vel subiecti à quo pendet; vel à causa secunda tum quoad fieri, ut aiunt, & quoad esse dependet, cum ab ea conservatur. Quin etiam à contrario sæpe destruitur: licet spiritalem esse immortalem. Sed animus non est accidens

aut modus, cum per se agat independentèr à corpore, neque ulli organo sit affixus: itaque destrui nullo modo potest.

Quocirca huc omnis, si quæ sit difficultas, redit, utrum animus sit spiritalis: quod tot rationibus à nobis effectum est, ut dubitem an aliud quicquam planius demonstrari possit. Ac facile esset rationes hanc in rem plurimas ex Platoniciis desumptas qui in hac dimicatione omnes; quotquot fuerunt Philosophi superarunt, huc afferre.

Quod 1. Animi aciem & intuitum nec temporum nec spatiorum intervalla prohibeant; quod præterita meminerit, futura quodammodo præsagiat, omni temporis volubilitate superior.

2. Mens nostra luce divina aspergitur: magno quidem argumento cœlestem illius & incorruptam esse naturam. Nam ut omnes oculi qui corporeo lumine perfunduntur, eadè quoque specie continentur; sic mentes angelicas & humanas eodem genere quodammodo censerè, & utrasque esse immortales, hinc rectè colligi videtur, quod ex sint ejusdem divinæ lucis participes.

3. Res sunt in mente longè puriores quam in seipsis. Nam rationes figurarum nusquam alibi sinceræ quàm in mente occurrunt. Verum circulum, veram lineam nullibi nisi in animo offendes. Atq; hinc Augustinus spiritalem animum, non corporeum esse colligit, quod veram lineam omni latitudine destitutam; verum punctum quod secari non possit (tametsi oculis corporeis nemo ista viderit) mens perspiciat. Itaque sic concludit: *Si corpora corporeis oculis mira quadam cognatione rerum coniunguntur, animum, quo videmus illa incorporalia, corporeum,*

venum, corpusve non esse.

4. Res pene innumerabiles ab omni corpore secretas perspicimus, unitatem, pulchritudinem, sapientiam, veritatem, argumentationum leges, principia ipsa ex quibus demonstrationes ducuntur: infinitam pene seriem demonstrationum, quarum alix aliis confertæ & colligatæ sunt, quæque nullo sensu possunt comprehendi.

5. Quo plura mente comprehendimus, hoc promptiores ad alia percipienda sumus; adeo ut major scientia augeat quodammodo animum, ut majorem cognitionis cupiditatem incendit. Non idem in sensu evenit: nam ab objecto suo, ubi paulo est vehementius, læditur: neque enim visus purissimam lucem sustinere potest. Sed intellectus aciem nec minima quæque fugiunt, nec maxima obtundunt, nulla rerum cognitione impletur, nulla possessione satiatur; hoc magis perficitur, quo res sublimiores, & diviniore attingit: rerum quidem vestigia aut signa cerebro imprimuntur, sed res ipsæ quæ iis significantur sonis, quas mens intuetur, in cellulis cerebri recondi non possunt.

Postremo sensus angustus admodum est & debilis, mens in immensum patet. Nam infinitas in continuo partes, infinitos rerum possibilitium gradus sibi fingit, nec tantum ea quæ sunt, sed etiam privationes, & negationes complectitur.

Secunda ratio metaphisica, & à Platonice sæpius usurpata ex motu animæ & illius vita desumitur. Nullum, inquiunt, corpus moveretur nisi ab alio impulsus, atque omnis motus, ut supra ostendimus, ab aliqua mente initium ducit. Sed anima in seipsa principium sui motus habet, ac seipsam agit, sonique ille peren-

nis motus est illius vita: ergo illa ut se moveat & vivat, à nullo pendet corpore: cum vita, seu perennis motio illi conveniat per se, ut rotunditas circulo; neque adeo ab ea separari possit: neque enim seipsam potest deferere. Id quippe est de ratione animi quod vivat, hoc est, quod vi sua, non aliena moveatur. *Quamobrem*, inquit Augustinus lib. de immort. animæ, si potuerimus impetrare ut ostendatur ne corpori quidem hoc posse accidere, ut etiam ea specie privetur, qua corpus est, jure fortasse obtimebimus, multo minus auferri posse animo id quo animus est. Siquidem nemo se bene inspexit, qui non omni corpori qualemlibet animum prapponendum esse fateatur. Quod si etiam nulla res seipsam deserit, & id moritur quod vita deserit, non utique animus mori potest.

Hanc rationem non omnino probat Lactantius lib. 7. Instit. c. 8. quod etiam mutis animantibus immortalitatem dare videatur. Quod, inquit, ut effugeret Plato, hominem à mutis adjunctione sapientia discrevit. Fieri enim non potest quin sit immortalis animus humanus, cujus miranda solertia inveniendi, & celeritas cogitandi, & facilitas percipiendi atque discernendi, & memoria præteritorum, & providentia futurorum, & artium innumerabilium scientia, quæ cetera careant animantes, divina & celestis appareat.

Ego tamen hanc Platonis rationem ex motu & vita animæ desumptam non parum habere firmitatis crediderim, Nam ceteræ animantes non seipsas movent, si proprie loqui volumus, sed agitantur aliunde. Sensus earum, & nostri corporum incurfu impelluntur, ac nullas exerunt functiones quæ à corporibus non pendeant; cuncta in iis necessitate quadam fiunt:

Sed

Sed homo consulto & deliberate agit, atque ad eundem finem non uno tramite contendit.

3. Huc etiam pertinet Cartesii ratio, quæ in hanc pene formam redigi potest. Illa distinguuntur quorum ideæ, seu conceptus sunt omnino diversi: non enim aliunde colligimus unum non esse alterum, quam ex distincta utriusque notione, vel idea; præsertim cum utramque rem clare & distincte cognoscimus. Sic triangulum non esse circulum manifeste intelligimus, quod utriusque ideæ sint diversæ, & una alteram excludat. Sed ubi mentem, seu cogitandi principium, & corpus quod triplici dimensionis subjectum est, attente intuemur, tum ut cogitatio ab extensione, sic mens à corpore plane diversa intelligitur. Neq; enim ipsa cogitatio quicquam in longum, latum aut profundum extensum, nec ipsæ dimensiones ullam in sua ratione cogitatione comprehendunt, nihil inter se habent commune cogitatio, & extensio, nec vis cogitatrix aut corpus, aut quid corporis esse potest.

Confirm. Cum egomet mecum reputo quis ego sim qui loquor, qui ambulo, video, cogito, tum sane id mihi liquet me præcisis cruribus, aut lingua amputata, nec ambulare nec loqui; sed tamen adhuc existere, & cogitare; adeo ut nulla sim pars corporis, nec oculus, nec jecur, nec ipsum cerebrum. Nam licet forte sine cerebro non possim cogitare, quia in cerebro phantasmata imprimuntur; illa tamen nihil sunt quam signa quibus mens afficitur, ut rerum naturas percipiat, nec majorē habent cum rebus similitudinem quam voces ipsæ, quæ nos in rerum notitiam ducunt. Mens itaque quæ his signis admonetur, aliud quiddā est à cerebro, in quo hæc rerum vestigia imprimuntur. Ergo

ipſo corpore in varias partes diſtracto , adhuc quiddā ſuper eſt quod iis partibus utebatur, idque nec corpus eſt, nec particula corporis. Salvus enim maneret animus etiamſi negare corpus omne exiſtere ; certus quippe eſſem me cogitare , etiamſi nullum eſſet cœlum, aut terra, aut aliud quodlibet corpus, de cuius exiſtentia dubitare poſſum , non item de mea cogitatione .

Hæc utiq; Carteſii ratio niſi paulo aliter explicetur, minus valida nobis videtur, ut in Morali oſtendimus, cum de brutorum cognitione egimus . Primum enim licet cogitationis alia ſit idea , aut conceptus , quam corporis , non hinc ſequitur , & cogitationem , & extensionem eidem rei convenire non poſſe: ut alia eſt ratio Medicinæ , alia Muſicæ , & tamen idem homō , & Medicus eſſe poteſt , & Muſicus .

2. Non adeo certum eſt ea diſtingui realiter , quæ per diſtinctas ideas concipiuntur , ut extenſio , & cogitatio . Nam trianguli variaz proprietates per diſtinctas ideas intelliguntur: ut quod majus latus majori angulo opponatur, eſt trianguli proprietas quæ clare & diſtinctè concipi & demonſtrari poteſt , non intellecta altera illius proprietate, tres illius angulos eſſe æquales duobus rectis. Itaque ut ex diſtinctis ideis rerum diſtinctionem colligamus , neceſſe eſt ut una alteram poſitive excludat , uti jam alibi diximus .

3. Cum probat Carteſius ſublato omni corpore animū remanere, id concedet Epicureus, animum nullum eſſe ex iis corporibus quæ ſub ſenſu veniunt, aut quæ exterius percipiuntur. Sed is pertendet animum eſſe quoddam corpus inſenſibile, auram videlicet tenuiſſimam, nobis intimam, & cogitationē eſſe materialem , ut in belluis cernitur .

Quam-

Quamobrem ut hæc ratio Cartesii, quam Avicenna, & alii nonnulli jam attulerant, vim aliquam habeat, statuendum est cogitationem qualem in nobis experimur, quæ est cum aliqua reflexione conjuncta, quæque circa res omnino à materia secretas versatur, non esse materialem, aut extensam, uti suo loco jam fusiùs à nobis explicatum fuit.

Diluvuntur objectiones.

Quo facilius iis faciamus satis, quæ opponi solent ab Epicureis contra animorum immortalitatē, quædam sunt in memoriam redigenda, quæ bene intellecta nullū relinquunt ambigendi locum. 1. Animam esse corporis formam, & corpore uti tanquam instrumento: magni adeo referre quali in corpore locata sit. Multa quippe, ut ait Cicero, è corpore existunt quæ acuant mentem, multa quæ obtundant.

2. Paucas aut nullas animus exerit functiones, sine organis corporeis: quæ quidem organa sensim crescunt, & exsolvuntur. Quare in lethargo, phrenesi, & ebrietate non animus, sed cerebrum laborat; tumque functiones læduntur, quod instrumentum in vicio sit, non animæ substantia; nec curatur animus, sed cerebrum, quod illius est instrumentum.

3. Amentia ipsa, aut insania adeo non probat mentem esse corpoream, ut contrarium pene persuadeat. Nam in amentia phantasmatum usus impeditur, licet sensus plerumque vigeat. Est igitur pars quædā animæ omni sensu superior quæ phantasmata ipsa disponit, iisque utitur: nisi forte quoddam in organo insit vitium. Id igitur quod phantasiæ imperat, ut vim suam in aliquod objectum impendat; ut alio, cum libitum est divertat; quod illam in viam reducit, cum aberrat; quod demum ejus func-

tionem, quid ad cæteras vires pertineat; id inquam, ipsa phantasia superius est. His itaque explicatis non erit admodum difficile iis respondere, quæ contra ab Epicureis afferri solent.

Opp. 1. Lucretius animum una cum corpore procreari: Ergo is quoque cum corpore intereat necesse est. Quin & crescit in pueris, viget in juvenibus, in senibus deficit & minuitur: suis moribus ut corpus laborat, in ebrietate turbatur, in phrenesi omnino aberrat, in deliquio vis animæ pene extinguitur.

Resp. N. conf. Quod enim anima una cum corpore nascatur, non hinc sequitur eam cum corpore interire. Quod autem subinde asserunt id omne finem habere, & interitum, quod initium habet, ut docet Aristoteles, distinguendum est. Quod ortum habet per generationem, C. per creationem. N. quod enim Deus creat & subsistit, ab eo solo destrui potest: quæ addunt reliqua, jam ex prænotatis soluta sunt: hæc enim sunt vitia organi, non animi.

Sed *Instant*, animus nascitur in corpore: Ergo est pars corporis, nec magis vivit separatus, quam oculus avulsus.

Resp. N. conf. Nam si corpus ut ipse Lucretius putat, animæ quasi vas quoddam est, id sane quod vase continetur: illius pars dici non debet: nascitur quidem in corpore cujus velut hospitio utitur, uti aves in nidulis excluduntur, quæ ubi sunt adultæ, egredi nidis solent, ac libero cœlo se permittunt. Sic grana tritici inspicias, nuges in arbore nascuntur, & formantur, sed ubi maturuerint, in horreis asservantur.

Argens. Illa forma est corruptibilis cujus vires sunt

sunt interitui obnoxia, sed intellectus est corruptibilis, ut ipse Aristoteles docet: Ergo & animus.

Resp. Dist. maj. illa forma est corruptibilis, cujus vires corrumpi possunt ratione sui, & per se, C. ratione alterius quod exigitur ad operationes, N. Iam vero si quid minuitur intelligendi vis, hoc utiq; fit propter organum phantasie. Nec magis mirandum est si functiones mentis male affecto cerebro impediuntur, quàm quod peritus scriba, aut pictor sine calamo rite apparato, aut penicillo idoneo pingere eleganter non possit. Sic ubi phantasmata organi vitio, aut morbi vehementia, aut ebrietate confunduntur, vel delentur, mens quæ saltem ex phantasmatis occasionem intelligendi accipit, & ab iis excitatur, tum ea phantasmata in suum usum adhibere non potest, neque adeo quicquam ordinate, & concinne intelligit.

Instant. Mens ipsa non intelligit nisi per phantasmata, ergo est facultas organica, & corporea.

Resp. Dist. ant. nihil mens intelligit nisi cum phantasmate, transeat, nihil intelligit, quod phantasmata non exhibeant, N. exempla ex Mathematicis adhiberi plura possunt. Diagonalem quadrati quæ scilicet ab uno angulo ad oppositum ducitur, demonstrant Geometre esse lateri incommensurabilem; ita ut si infinite dividatur, nulla unquam particula utriusq; communis futura sit: hoc tamen nulla imaginatio, nulla vis corporea potest percipere: sic ubi nos in speculo intuemur, quæ dextra sunt, videntur sinistra, idque mens percipit quod imaginatio non capit. Sic antipodas non pronos, sed erectos ad terram insistere sola ratio, non imaginatio percipit; imo quantum ea potest,

relictatur. Quandiu tamen animus corpori insidet, nihil fere percipit, quin vis imaginatrix statim species corporeas effingat; hisq; mens admonetur, aut excitatur. Sic ubi Antipodas libet cogitare, statim prævolat imaginatio, quæ homines prono capite sibi fingit, & quamvis eos incedere erectos judicet ratio, eo tamen, quod fingit, utitur phantasmate.

Quod autem identidem opponit Lucretius de deliquo animi, palam est id vitium esse corporis, non animi; cum scilicet motus cordis aliquantulum cessat, neque adeo spiritus vitales gignuntur.

Opp. 2. Lucretius eos desipere qui æternum cum mortali conjungunt.

Resp. Eum ipsum insanire, qui nihil præter corpora mente complectitur, & putat omnino non esse quod oculis non cernitur: *cum mentis acies, ut ait Lactantius, multo clarior debeat esse quam corporis ad ea percipienda, quorum vis ac ratio sentitur potius, quam videtur.*

Huc etiam pertinet quod Lucretius fingit animam moriendo paulatim, & velut per partes efflari: adeo ut sensim glomeretur in corpore.

Quasi ipsa se possit per artus

Introsum trahere; & partes conducere in unum,

Atque ideo cunctis sensum deducere membris.

Nam ut optime resp. Lactantius, *necesse est membrorum summa quaque frigescere: quoniam vena exiliores in extrema corporis porriguntur, & extremæ ac tenuiores rivi deficiente vena fontis arseunt: hoc est, cum sanguis à corde in arterias non nisi lente admodum emittitur, paulatim extremæ partes frigescunt.*

Illud

Illud porro & Lucretium, & alios Epicureos fallit, quod nihil præter corpus esse putent, & cuncta instar corporum sibi fingant. Rem vero non ita se habere facile intelligerent, si mentis oculos adhibere vellent: corpus quippe hoc nomine nihil agere, nihil efficere statim animadverterent: nam in longum, latum, & profundum porrigitur, & si magno accedas corpori, nihilo major evades. Ac materia ex se sterilis est, atque omni virtute destituta. Quare ut forma artificialis non à subjecto quod expolitur, sed ab ea quæ viget in artifice, dimanat; sic formas, aut qualitates, aut motum ipsum non materia ex se fundit, sed quædam alia forma magis stabilis quæ dispersas materiæ partes in unum cogit ordinem: ordo autem ex ratione proficiscitur. Sunt igitur præter formas materiæ immerfas & diviubiles quædam aliæ spirituales, & divisioni non obnoxie, omnino incorruptæ, quia partes non habent, in quas dissolvantur.

Opp. 3. Magnam inter hominem & cæteras animantes esse similitudinem: nam easdem pene functiones exerunt, similiter spirant, sentiunt imo & quodammodo discunt, ac tanta est in quibusdam animantibus solertia, tanta in certis, hominibus tarditas, ut his potius, quam illis intellectus, & cogitatio deesse videantur.

Resp. Quam inane sit hoc argumentum, fuisse à nobis in Morali Philosophia demonstratū fuisse. Quæ enim vanitas est animantes cum hominibus componere? An fidei, Religionis, & aliarum virtutum sunt compotes? an rationis dictamen, & justitiæ leges intelligunt? quid illa mentis celeritas, qua homo uno temporis puncto coelum omne collustrat, terram, maria, urbes peragrat, & omnia demum quæ
libue-

libuerit, velut conspectui suo subicit, an muris inest animantibus?

Sed, inquiunt, *unus & hominis, & iumentorum est interitus*, ut ait Ecclesiastes, *exiguum & cum radio est visa nostra tempus, & non est refrigerium in fine hominis*, ut idem testatur Rex sapientissimus.

Resp. Sapientem non ex propria sed ex impiorum mente loqui, ut ex ipso contextu liquet.

Venite, inquiunt, *fruemur bonis qua sunt, nemo sis exors luxuria nostra, &c.* Deinde unus est hominis & iumentorum interitus, si vitæ præsentis, non futuræ; si humanæ & temporalis, non æternæ foelicitatis ratio habeatur.

At solus, inquiunt, Deus est immortalis, ut docet Apostolus.

Resp. Solum Deum habere immortalitatem, quod vitæ habeat plenitudinem, ac nullam subeat mutationem: mentes vero cum Angelicæ tui humanæ naturæ viribus destrui non possunt, tum sint simplices, & uniusmodi: sed Dei nutu, & voluntate conservantur, ut Plato ipse in Timæo docet. Naturæ tamen conditione sunt incorruptæ, cū à nulla re creata interimi possint, neque in se corruptionis gerant semina. Sed tamen Dei munere subsistunt: nam creatoris voluntas naturam cuiusque rei efficit. Mentis itaque nostræ ex naturæ suæ institutione, & opificis sui nutu sunt indissolubiles, & immortales.

Qui nulla ratione demonstrari posse animæ immortalitatem putant, sed sola fide certam haberi, alia obijciunt de statu animæ separatæ, quæ proxima quæstione commodius dissolvemus.

QVÆSTIO IV.

Verum anima separata intelligat, & quomodo.

ET si forte nos fugit quomodo anima separata vel sentiat, vel intelligat, id tamen certum est eam à corpore sejunctam existere. Moveri sidera, atque eosdem cursus constantissime servare disparibus inter se motibus nemo ambigit: at quibus rotis aut machinis illæ conversiones perficiantur, explicare non possumus: sic animam à corpore sejunctam subsistere, sentire, intelligere non dubitamus, tametsi explicatu est difficile, quomodo sentiat, intelligat, & moveatur. Neque enim cogitatione complectimur qualis sit animus in ipso corpore, *Mihi*, inquit, *Cicero*, *naturam animi intuenti multo difficilior occurrit cogitatio, multoque obscurior, qualis animus in corpore sit, tanquam aliena domi, quam qualis cum exieris, & in liberum cœlum, quasi in domum suam veneris.* Nemo non videt nos sincerius rerum naturas percipere, quam magis à corpore se vocamus animū, & secum esse cogimus. Quid ergo futurum est cum ex hoc tenebroso carcere emissus fuerit? an nihil percipiet, nihil intelliget? sed ut via, & ratione progrediamur, primum ostendamus animam sentire, & moveri, deinde eam intelligere; postremo quomodo intelligat explicare conabimur. Sic igitur

Prima conclusio.

Anima separata, & sentire potest, & locum moveri.

Pro-

Probatur Pars prior conclusionis. Animus in corpore conclusus, & sentit, & dolet, & lætatur. Nam corpus non est sentiendi principium, sed instrumentum duntaxat; dolet aut lætatur animus, non corporis moles: Ergo nihil obstat quominus animus à corpore sejunctus, aut doleat, aut lætetur.

Imo fieri potest ut gaudium, & ægritudo extrema sint, ubi corporis societate non interpellantur. Nam pura sunt, & firmissima animi iudicia, atque illius vigor corporis pondere, aut turbidis passionum motibus non impeditur; tum vim suam omnem in id quod amat, impendit; cumque id quod sibi deest, adipisci nequit, languescit, & incredibili dolore cruciatur.

Quod autem moveri possit animus à corpore sejunctus, hinc liquet, quod omnis pene motus corporis ab animo oriatur. 2. Si intelligentia, ut videtur Aristoteli, corpora cœlestia moveant, & certis partibus cœli vim suam adhibeant: neque enim sunt ubique; quidni & ipsa movebuntur, & loca commutabunt.

Sed opponit Pomponatius ex Aristotele, indivisibile moveri non posse.

Resp. Id forte verum esse de puncto Mathematico, non de substantia spiritali, quæ extensionem, ut loquuntur, habet virtualementem. Quod si lumen aut spiritus vitalis in corpore pene in puncto temporis moveatur, an dubitabimus mentem separatam, qua nihil velocius, incredibili celeritate ferri? Ac mirum est id nobis obijci ab homine qui Aristoteli est juratus, cum Aristoteles omnem motum à natura spiritali deducat, adeo ut cœlo ipsi motrices intelligentias adhibeat.

Secunda Conclusio.

Anima separata & seipsam, & alia multa intelligit.

Probatur Conclusio. Anima separata non magis est intelligibilis, quam intelligens, & utraque perfectio ei convenit, quatenus est à materiæ angustiiis libera: sed anima separata est intelligibilis, & spiritalis: Ergo & intelligens: præsertim cum vita naturæ intellectualis in cognitione consistat.

Confirm. Quanto objectum est menti conjunctius, tanto acrius percipitur; sed anima est sibi, ut ita dicam, proxima, neque adeo ulla imagine indiget ut seipsam percipiat. Non enim imago exigitur, nisi ut objectum quod longius distitum est, aut minus attemperatum, facultati admoveat, aut ipsi accommodatū efficiat: quamvis enim dum mens corpore includitur, nō se se clara, & distincta cognitione inrueatur, cum tamen sit sibi ipsi intime præsens, sine ullo phantasmate se utcumq; intelligit, & est suæ cogitationis sibi conscia: tamethi corporum consuetudine abrepta vix in se se aciem dirigat. Sed ubi soluta est à corpore, nec tot functionibus in diversa nitentibus distrahitur, tum sibi ipsi est notissima.

Quod si anima separata seipsā intelligit, necesse est ut alia permulta, cum quibus cognitionem habet aut relationem, intelligat. Cum enim mens nostra, aut ratio sit velut quidam ordo, aut mensura uniuersalis: ut per applicationem mensuræ alicujus, puta ulnæ, panni longitudinem; bilancis ope rerum pondera cognoscimus, per sensus itidem corporum affectiones quodammodo dimetimur: sic mentem
velut

velut rationem quandam aut mensuram universalem adhibemus, ut mutuas rerum habitudines, & in quibus conveniant aut discrepent, perspectas habeamus. Sensus quidem sunt in suo quique genere limitati, visus colores, auditus sonos dimetitur: mens nostra ad ens omne pertinet, & quidquid cognoscitur, ejus est ditionis.

Cum autem veritates plurimę, fereut ejusdē catenę annuli sint inter se connexę, ubi mens unam percipit, alię velut in eadem serie constitutę quasi ultro sese offerunt; adeo ut mens separata proprietates omnes quę essentiā consequuntur, velut in ictu oculi intueatur. Quod si enim qui perspicaci & celeri sunt ingenio conclusiones in principiis conspiciant, quique de rebus geometricis cum ordine interrogatur, ut puer ille apud Platonem, rite respondeat, dubitare non possumus quin mens soluta à corpore contextum demonstrationum per seipsam multo acrius perspiciat; sive in communi, & volut publico lumine, vel in ideis divinis, eo quo diximus alibi modo; sive ea species olim acceptas conservet, ut phantasia species corporum per sensus acceptas retinet; sive in Angelorum sortem translata novas ab Authore naturę hauriat imagines: quocumque id modo fiat, nobis certum est mentem corporis vinculis solutam, & seipsam, & multa intelligere.

Dilantur objectiones.

Ex iis solvi possunt quę Pomponatius magno studio conquirit argumenta, ut evinceret nulla ratione probari posse animam existere separatam, idq; sola fide certum haberi. Quod utcumque ferendum esset, nisi & argumenta undique comparasset adversus animorum immortalitatem, & impios armasset, qui sublato

omni metu totos se voluptatibus dedunt, atque ab illo sempiterno terrore se liberatos volunt; cum humanam vitam, ut loquitur Lucretius, *turbes ab imo*.

Nos vero animam esse incorruptam tot argumentis confirmatum arbitramur, ut minus mirandum sit, si præstantissimi quique Philosophi, Platonici imprimis & Stoici id persuasum habuerint: quantumvis minores alii, ut Epicurei reclamarint. Tamen si forte omnes circumstantias quæ ad statum animæ separatæ spectant, non satis compertas habemus: id enim minime est necessarium; ac satis est nobis quod animam à corpore sejunctam existere, ut certū & inconcussū teneamus: adeo ut omnes Pomponatii, & aliorum molestæ interrogationes & argutiæ satis inutiles esse videantur. De re enim constat: quo autem modo se habeat anima separata, non nostrum est tam curiose inquirere. Sed tamen ne difficultates subterfugere videamur, eas breviter summarimque decurramus.

Ac primū Pomponatius Aristotelem in suas partes trahere nititur, jure an merito, expendere non vacat; cum sane valde ancipitē ac dubium in hac dubitatione eū fuisse satis constet. Intellectum quandoque à materia secretū esse tradit, quod universa intelligat; idque ex eo probat, quod objectum juxta appositum impediatur ne aliud videatur. Quare si intellectus vel corpus foret, vel corpori admixtus, non posset quicquam percipere. Sed alibi intellectū agentem esse æternum, patientem, seu possibilem, eundem corruptibilem esse decernit. Quid per intellectum agentem sibi velit; an partem animæ, vel facultatem; an communem omnibus, & assistricem intelligentiam, non sa-

tis liquet. Hunc sane intellectum advenire extrinsecus, ac divinum esse apertissime definit: quanquam satis apte respondeant Aristotelis Interpretes, facultates animæ esse corruptibiles non per se & ratione sui, sed per accidens propter phantasiam quam connotant, & qua mens indiget in hoc statu. Cum autem in Ethicis doceat mortuos amicorum fortunis quodammodo affici, in eam videtur sententiam fuisse propensior, animam una cum corpore non interire.

Opponit 2. idem Author animam separatam diu non posse consistere, quod sit in statu violento.

Resp. Etsi anima quandam habeat ad corpus propensionem, non continuo tamen eam vim pati; & si quid ei ad summam perfectionem deest, aliis dotibus abunde id pensatur: tū enim cuncta multo puriora cernit, & cupiditatum expers non amplius in diversa trahitur. De anima vero loquimur ut Philosophi, quatenus videlicet in statu naturæ spectatur.

Opp. 3. Animam separatam manere otiosam, cum nihil sine phantasmate possit intelligere: non corpora percipiet, quorum imagines non excipit: neque enim spiritus à corpore pati quicquam potest; nec mentes separatas, vel Angelos cognoscet: quas enim sui imagines Angelus immitteret, aut quæ species rem invisibilem exhibeat?

Resp. Tum demum iis Philosophis querendum fore, quomodo anima separata alia à se intelligat, cum ab iis expositum fuerit quomodo in hoc statu & seipsam, & alia cognoscat: quæ nobis hac de re, in qua pene Philosophiæ summa consistit, visa sunt probabiliora ut se dedit occasio, attulimus; nonnulla etiam in

pro.

proxima Quæstione dicturi.

Interim id mouendum ratî, vix quicquam commodius afferri posse, quam res saltem incorporeas & abstractas in prima veritate, quæ mentibus nostris est intima, nos intueri: neque enim res quas mente percipimus, per seipsas cû mentibus nostris conjunguntur: neque spirituales species immittunt sed rudes admodum imagines. Vnde ergo vis illa animæ, ut tam expressam rei formam aut ideam depingat, nisi exemplar aliquod intueatur?

Animus vero seipsum & suas actiones per quandam, ut ita loquar, conscientiam, ac velut per sensum intimû, non per ideas percipit. Hinc illius cognitio admodum angusta est, sed certa; saltem quoad sui & suarum cogitationû existentiam. Nec quæ in seipso cernit, definire potest, aut aliis explicare. Sic color viridis solo sensu, non definitione percipitur.

Deum ipsum nō in quadam imagine creatâ; sed eum quatenus menti nostræ adest, & ipsam illuminat, utcumque cernimus. Ac licet imperfecta admodum sit Dei cognitio, est tamen clara & distincta: reliqua vero, quorum nec ideas nec sensum habemus, aut conscientiam, ut Angelos; conjecturis tantum & per similitudines cognoscimus.

Sed molestius inquirir Pomponatius, quâ fieri possit ut anima separata à corpore intelligat, aut alterius cogitationes perspectas habeat: quibus enim signis sua sibi mutuo cogitata possunt communicare?

Resp. 1. Eam difficultatem in utroque statu animæ, siue sit cum corpore conjuncta, siue sit ab eo seprata, esse communem: Nam vicissim ab eo qui hæc objicit, possum requirere quid id modo fiat, ut verboratus aer è pulmōnibus

nibus cum impetu protrusus, & certa ratione in oris cavitate formatus, dum aures ferit, cerebrum aut spiritus afficit, statim alterius mentem sic excitet, ut mentis mee cogitationem assequatur. Ac si quid ei moram objicit, non aliud est quam aut vox incognita, aut confusa, ut iis accidit qui linguam ipsam non intelligunt: sed ubi vocis significatio fit apertior, tum qui audit, loquentis mentem iis velut involucris expeditâ consequitur. Tolle ergo illa signa quæ utilia esse non possunt, nisi animo corpore concluso, nihil aliud requiritur ad cogitationis alterius perceptionem quam voluntas illius quæ cogitationem suam vult aperire. Hæc enim voluntas tam occasio percipiendi esse potest, quam verberatus aer, aut aliud signum quo utimur, ut animi sensa promamus.

Resp. 2. Fieri etiam posse ut idem accidat cū Angelus vult alterum suæ cogitationis participem fieri, quod juxta recentiores quosdam in corporum collisione contingit. Nam ut iis quidem videtur, motus ab uno corpore in aliud non transfertur: sed ex illa collisione, velut ex occasione quadam motus à prima causa in corpore immoto producitur: existimant enim corpus ex seipso iners, motum procreare non posse. Non dissimili ratione (quidquid sit de exempli veritate) cum anima separata vult alteri suas cogitationes aperire, illius voluntatis occasione Deus efficit ut anima eam cogitationem percipiat. Quare Angelus alium illustrat, aut in eum agit, cum occasio quædam est, ut huic novæ perceptiones accedant. Quod ita verum est, ut in hoc statu idem, ut multis videtur, nobis contingat: *non enim sumus sufficientes ex nobis, tanquam ex nobis aliquid cogitare, ut ait Apostolus; ac nullæ in nobis esse possint per-*

perceptiones citra Dei operationem : quamquam, ut sæpe diximus, determinatio aut usus voluntatis in nostra omnino potestate relinquatur. Verum utcumque ea sint, id unum constat, quod si in communi luce, quæ illuminat omnem hominem, liquidam veritatem contuemur, multo id magis in separata anima statuendum videatur.

Atque hæc de immortalitate, natura & statu animæ separatæ sufficiant, quæque contrà afferri solent, non tanti esse putem, ut tot demonstrationes, intimum ipsius naturæ sensum, & animæ testimonium possint ulla ex parte cōvellere. Profecto quidquid illud est in nobis quod sapit, quod eligit, & se se determinat ad agendum, vis quædam est cœlestis, soluta ab omni corpore, & sejuncta ab usitatis notisque naturis. Qui vero nos ad mutorum animalium sortem deprimunt, eos sane validis & invictis demonstrationibus armatos prodire in aciem oporteret, non quæstiones alias ex aliis necere, ut rem tot rationibus munitam, & Scripturarum authoritate quæ omnem rationem vincit, confirmatam, aliqua ex parte labefactare possent.

QVÆSTIO V.

*De facultatibus & præcipuis functionibus
animæ rationalis.*

DE præcipuis animæ functionibus & facultatibus multa tum in Logica, tum in Morali Philosophia diximus: cum enim Logica circa mentis operationes, ut Ethica circa voluntatis actiones versetur, non potuimus ea quæ ad animæ intellectualis vires, & functiones pertinent iis in locis prætermittere. Ac nescio an illa nō esset

esset optima Philosophiæ tradendæ ratio, ut à nostri cognitione duceretur exordiū. Sic enim pars Philosophiæ melior non tam ex occasione, ut fieri solet, quàm ex instituto traderetur. Sed utcumque ea res sit, quæ fuscè alibi, & sparsim de cognitione animi & illius viribus sunt explicata, in pauca nunc conferemus, ut quæ ad nos maxime spectant, saltem aliqua ex parte perspecta habeamus.

Ac primum quidem omnis actio animæ quæ intellectualis est, cogitatione aut perceptione continetur, quæ nobis tam est nota quoad existentiam, arque, ut aiunt, in actu exercito, ut nihil notius esse possit. Cogitare autem vel cognoscere, est rem cognitam sibi exhibere aut repræsentare. Quod vero format, & certa velut figura cogitationem nostram circumscribit & determinat, hoc ideam vel speciem nominamus; neque ea minus nobis nota est quam ipsa cogitatio. Nam si rem cogito, huius ideam vel imaginem, quæcumque ea sit, mihi videor animo cernere.

Itaque idea vel species non alia fere ratione ab ipsa cogitatione secernitur, quam determinatio motus, quæ sursum potius quam deorsum corpus inflectit, ab ipso motu distinguitur. Nā ut eodem manente motu, determinatio illius mutari solet, ut cum pila occurssu parietis resistit: sic eadem forte, & jugis est actio mentis, sed illius determinatio continenter variatur.

Quare in idea seu perceptione rei duo sunt observanda: unum, quod sit accidens, aut qualitas, aut modus quidam menti adhærens, aut ab ea profluens, tumquæ à mente, ut ab effectrice causa pendet: alterum, quod rem unam potius, quàm aliam exhibeat; hoc utique vocant esse objectivum, seu intentionale; estque, ut diximus,

diximus, velut determinatio motus: non enim idæ mentis sunt inter se diversæ, quatenus ab ea pendent, sed ab ipsis habent objectis, quod aliæ sint sublimes, aliæ humiles & abjectæ. Nō enim una est altera præstancior, nisi aut nobilius objectum repræsentet, aut melius exprimat.

Ideam esse duplicem alibi diximus, Archetypam, qualis est in artifice, quæque opus quod molitur artifex, omnino definit & determinat: altera dicitur Extypa, quæ ab objecto cuius est velut figura aut character proficiſcitur.

Nec forte necesse est alias in mente nostra species aut impressas aut expressas, de quibus tam multa disputant, cōminisci. Vulgata enim in Scholis sententia est, rerum imagines per sensus, velut per animi fenestras subeuntes in vi imaginatrice depingi, intellectum vero dum percipit, ad ea phantasmata se convertere, & ex iis simulacris alias imagines, quæ species intelligibiles dicuntur, exprimere: hoc autē opus esse intellectus agentis, qui rerum sensibilibus species instar Solis cuiusdam illuminat, easque spiritales efficit: his vero intellectus patiens, aut possibilis foetus, alias rerum imagines parit, quæ species expressæ vocitantur. Impressæ quidem res efficiunt intelligibiles, & diutius durant: nam in mente perstant, etiam cum non percipimus, sed expressæ res actu intellectas efficiunt; illæ similes sunt figuris ceræ impressis, & in mente insunt ut quidam habitus quibus utimur cum volumus: species vero expressæ comparari possunt cum iis imaginibus, quas in speculo vel in aqua, cum nos intuemur, depingimus: non enim diutius durant quam aspectus noster: suntque instar operationum, & quasi intellectus proles. Vtrum vero hæc ita se habeant,

beant, an species impressæ ab intellectu agente delineentur, discutiendū nobis est : hinc enim quæstiones aliæ ex aliis nectuntur. Sit itaque

Prima Conclusio ?

Species menti impressæ videntur omnino inutiles, & explicari vix possunt.

Hæc conclusio multis rationibus probata fuit, cum de natura habituum in Philosophia Morali ageremus: vix enim cogitatione assequi possumus, quæ sit istarum specierum origo, natura, usus, aut unde suam cum objectis similitudinem ducant: non à phantasmatis quæ nihil sunt quam rerum umbræ, aut simulacra velut rudi penicillo adumbrata: nō ab objectis ipsis quæ species duntaxat sensibiles ex se fundunt, quæque intimas rerum naturas non exhibent; non ab intellectu qui ea vi polleat, quæ ex phantasmate speciem intelligibilem cudat: id enim ipsum est quod quæritur, quam formam aspiciat aut imitetur, ut imaginem illam tam apte delineet? Deinde si id potest, cur nō simul & eadem facilitate verbum ipsum, seu speciem expressam, ve intellectionem (hæc enim unum & idem sunt) citra speciem impressam non procreat?

Iam quæ natura est illarū specierum? Suntne formales, ut loquuntur, & exquisitæ objectorum similitudines? Quod si ita sit, quid menti deest, quominus actu intelligat; quid ei moram objicit, cum rei similitudine imbuatur? Quod si species illæ objecta tantum effective, ut aiunt, & virtualiter representent, nō formaliter, non video cui usui esse possint: nam tota imaginis natura in hoc posita est, ut rem cuius est imago imitetur, eamque formaliter exhibeat.

Res.

Respondent, has species è phantasmatis vi intellectus agentis exsculpi, & quodammodo illustrari ac perfici: adeo ut quæ tantum erant obscuræ velut umbræ, in novas, & exquisitas abeant rerum imagines, quas possibilis intellectus excipit, iisque prægnans concipit, & expressas rerum imagines parturit.

Hec sane in Scholis magna subtilitate dicuntur: sed vereor, ut eadē facilitate intelligi possint, aut satis sibi content. Itaq; expendamus an necesse sit intellectum agentem à possibili distinctura agnoscere. Sit igitur

Secunda Conclusio.

Nullus est intellectus agens à possibili distinctus.

Probatur conclusio 1. Nec natura, nec usus intellectus agentis explicari potest: nam si est cognitionis particeps, cum intellectu possibili omnino confunditur; nec diversa est ab eo facultas. Quod si nihil percipit, nihil intelligit, non video cui usui esse possit, aut cur intellectus nomine donetur.

2. Ne illud quidem cogitatione assequimur, qui fieri possit ut intellectus agens è speciebus corporeis alias omnino spiritales & intelligibiles, velut per distillationē quandā extrahat. Quantumvis enim eas collustret, spiritales efficiet nunquam, nec demum formare species ullomodo potest, nisi eas cognoscat: cum omnis cognitionis natura in hoc posita sit, ut mens objecti quod percipit, depingat imaginem.

Confirm. Iam ostendimus alibi facultates animæ ab illius essentia non distingui: ergo nihil necesse est duplicem in nobis intellectum

comminisci : cum una , & eadem facultas , & phantasmata illustret , & cognitionis actum exerat. Nam actiones vitales in principio unde exeunt , recipiuntur ; ac nemo sensum agentē à patiente discriminat: vitalis enim facultas ad agendū seipsā promovet, simul agit, & patitur.

Confirm. Iterū : quod si intellectus agens nihil percipit , quid eum admonet in ipso velut limine adesse phantasmata , quo illa omnibus exuat materiæ conditionibus , & abstractas rerum imagines intellectui possibili nescio quomodo imprimat , ut is velut seminibus foetus notiones suas exprimat : & quo magis mirere , non formas originales , sed umbratiles tantum rerum species conspicit , imo ne eas quidem cernit , cum nihil percipiat . Sic intellectus agens est quodammodo actu omnia , & tamen nihil est actu : non enim est actu intelligens ; neque est res ipsa intelligibilis, cujus rationem nō complectitur; sed mīro quodam modo phantasmata irradiat , cum ipse sit cæcus. Hæc sane non solum sunt intellectu difficilia, sed male sibi constant .

Solvuntur objectiones .

Opp. 1. Non potest intellectus rei cognitæ similitudinem exprimere , nisi formam habeat objecti quod percipit : sed forma illa non aliud esse potest , nisi species impressa , quæ cum per sensus subierit, & à vi imaginatrice perfectius fuerit elaborata , supremam huic manum intellectus agens imponit . Nam ipsum adesse objectum non potest : ergo per speciem sui vicariam sisti debet ut intellectum moveat , & ad cognitionem determinet.

Resp. Nos minime rerum imagines, quocumque vocentur nomine , aut speciei , aut ideæ rejicere , sed negamus eas intellectui ipsi in-

fidere,

fidere, priusquam intelligat, aut ab intellectu agente eo quo fingunt modo illustrari. Non enim potest objectorum imagines depingere, si nihil ipse intelligat. Quare earum rerum quas in seipsa mens intuetur, ut gaudii, amoris, desiderii, nihil necesse est ut habeat vel phantasmata, vel impressas imagines. Harum enim est conscia: Deum, & rationes rerum universales, aut spirituales eo modo cognoscit, quo alibi diximus: quæ vero sunt per sensus accepta, intuetur in phantasmatis.

Duplex itaque, ut identidem monuimus, est animi perceptio, una quæ proprie imaginatio dici solet, cū mens se se ad phantasma quoddā, seu impressum in cerebro vestigiū applicat, ut cum de circulo cogitat; altera est intellectio, & menti propria, cū ex occasione phantasmatis re percipit, quæ nullo potest phantasmate comprehendī. Sic ubi solem terra centies maiorem demonstrat, vel antipodas nō prono, sed erecto capite incedere, vel solē ipsum ex variis illius locis moveri colligit, tamen si motū ipsius oculis percipere nō possit; aut terram non planam esse, sed convexam intelligit, tum formis quidem utitur corporeis, quæcumque illæ sint. Sed nulla sunt in cerebro vestigia, vel in ipsa mente species insculptæ, quæ res ab omni sensu remotas exhibeant: Atq; adeo semper huc est redeundū, ea lege animum cum corpore esse conjunctum, ut certa cerebri vestigia, aut spirituum morus certæ itidem perceptiones, aut voluntates animi consequantur, ac vicissim. Sic vox cum perceptione soni, atque cum rei ipsius quæ vox significat idea, seu perceptione conjuncta est, nec possumus rei imaginem animo depingere, quin soni aut vocis impressio statim recurrat: nam res quæque nunquam solitaria, sed

cum signis quibus involuta per sensus subiere, occurrunt animo. Non quod magna sit similitudo inter voces, aut characteres, quibus sensa animi exprimimus, & cogitationes nostras: sed ex lege ab Authore naturæ constituta impressionem cerebro factam animus percipit, & vicissim animi nutus, & spiritus, & nervi, & muscoli, statim exequuntur. Hæc variis in locis sparsimus, quod per magni sint momenti.

Illud quoque S. Aug. l. 6. de musica in memoriam est redigendum, tria esse rerum genera: primū eorum quæ sensus cernit, & tangit; alterū simile corporalibus, sicut sunt ea quæ spiritu cogitata imaginamur, sive recordata, vel oblata quasi corpora contuemur. Hæc scilicet ad vim imaginatricem pertinent, qua res etiā absentes nobis exhibemus. Tertium est, inquit, *ab utroque discretum, quod neque sit corpus, neque habeat similitudinem corporis, sicut & sapientia qua mente intellecta conspicitur, & in cujus luce de his omnibus veraciter judicatur.*

Hanc certe sapientiā non per species à phantasmatis abstractas, & ab intellectu agente eliquatas cernimus, sed in ea luce, quæ ut sæpe Aug. *Ubique lucet, ubique præsto est, neque se dividit per hominum corda, aliam sui partem huic tribuens, illi aliam, sicut lux ista per aditus, & per fenestras domorum; atque eam quisque pro suo modulo percipit. Nam & quemlibet sonum surdus non capit, surdaster non totum capit, atque in iis qui audiunt, tanto magis alius alio capit, quanto est accuratioris, tanto autem minus, quanto est obtusioris auditus: ita recte dicuntur oculi mentis tanto esse ab hac luce longius, quanto fuerint caciores.*

Infinita prope in hanc sententiā affert Aug. quæ si forte non placeant, quamquam non video

deò quid in iis nos possit offédere, illuc redeun-
dum est, eam vim habere animam, qua ex oc-
casione sensuum, aut perceptionum distinctas
rerum ideas exprimat. Tamen si fateor explica-
tu esse difficillimum, qui possit mens tam docte
rerum imagines exprimere, si nihil intueatur
præter umbratiles rerum imagines in cerebro im-
pressas. Hæ quippe imperfectam, atque ut ita
loquar, materialem rerum similitudinem ge-
runt, ex qua rudis & obscura cognitio emer-
git: sed ultima perfectio, aut absolutâ similitu-
do ab æterno exemplari vel idea divina omni-
no videtur repetenda: sic æterna veritas exte-
rius nos admonet per imagines à rebus desum-
ptas, sed forte interius docet per illâ similitu-
dinē, qua rem ipsam produxit: ut *dispositio*, in-
quit Henricus Gandavensis, *cujusque rei in esse*
sit sua dispositio in veritate & cognitione.

Sed, inquires, nec lucem divinam, nec ideas
cernimus.

Resp. Nos in luce corporea omnia intueri;
quæ sub visum cadunt, licet lux ipsa nō videat-
ur. Sic lux divina mentibus nostris affulget:
quamquam in eam mentis acies defigi non pos-
sit: non enim est objectum, sed ratio in qua
cuncta cernuntur. Non dissimili ratione idea
Divina non in se ipsa, sed in verbo, aut imagi-
ne quam menti nostræ imprimit, conspicitur.
Tamen fatendum est mentem citra ullam divi-
nâ irradiationē, saltē circa res corporeas ver-
sari. Nam paucis id contingit, ut rerum naturas
in ideis ipsis contemplantur. Dabo id quidem,
mentem nostram luce incorporea & divina
tum aspergi, *cum ea qua incorruptibiliter vi-
vunt, in ipsa veritate sapientiaque communi*
conspicis. Nam ut ait Aug. *sine lumine non po-
test videri lumen:* sed forte non necesse est ut

ad hanc lucem confugiamus, cum solem ipsum, aut lunam, aut terram, aut res corporeas intellectu percipimus; quod alibi fusius explicatum, leviter perstringimus.

Opp. 2. Res corporea spiritalem facultatem movere non potest, aut informare; ergo necesse est ut species à rebus acceptæ, quæque phantasmata dici solent, intellectus agentis luce purgentur, & in meliorem sortem commigrent, quo intellectum possibilem afficere, & quasi fortare valeant: non enim simulachra corporea, sed res spirituales, & universales jam abstractæ, & quasi penicillo intellectus agentis formatae menti imprimuntur.

Resp. Phantasmata quidem corporea in ipso intellectu non excipi: sed id non obitare quominus mens ea percipiat, iisque excitetur ut alias imagines longe perfectiores concipiendo exprimat. Quæ autem dicimus phantasmata, nihil sunt præter affectiones, seu impressiones quasdã ab objectis profectas, & in cerebro superstitas, quæ vix ullam habent cum objectis, aut ipsis imaginibus quas mens cogitando depingit, similitudinem. Quæ enim est similitudo inter characteres quos nunc exaro; & cogitationes ipsas cognatio? Sed ut sæpe diximus, ea lege mens cum corpore juncta fuit, ut certos cerebri, aut spirituum motus certæ itidem perceptiones subsequantur, & vicissim.

Accedit etiam quod, ut superius diximus, mens sit velut mensura quædã universalis, aut ratio quædã qua mutuas rerum habitudines, aut respectus cognoscimus. Nam ut visus colores, auditus sonos dimetitur, sic mens nostra ad ens omne pertinet; cumque veritates ipsæ sint inter se connexæ; ubi mens unam percipit, plures aliæ velut in eadem serie constitutæ quasi ultro se se offerunt,

Instant. Est in nobis memoria rerum intellectualium, imo & affectionum, & cogitationum nostrarum, quæ per phantasmata exprimi non possunt. Nam meminimus nos cogitasse, aut amasse, aut doluisse; ergo manent in ipsa intellectu species impressæ quas intellectus agens ex ipsis phantasmatis exsculpsit.

Resp. Iam alibi fuit cum S. Aug. res intellectuales, ut rationes numerorum animis nostris semper esse præsentis: sed eas non esse in memoria nisi postquam eas didicimus. Nos itaq; earum rerum meminimus, cum nostrarum cogitationum, quæ semper sunt cum aliqua cerebri impressione, aut spirituum motu conjunctæ, & modi, quo res ipsas intelleximus, recordamur. Semper enim res intellectuales cum signis, quibus involutæ animum subiere, se se offerunt: nec forte rerum spiritualium species in memoria sunt reconditæ: quæ enim potest esse aut veritatis, aut dilectionis, aut sapientiæ imago? sed vestigium quoddam manet, quod præterita cogitatio cerebro impressit; quo quid vestigio ad rem ipsam ante perceptam ducimur ob eam connexionem quam sæpe attulimus. Itaque non imagines, sed res ipsæ intellectuales animo sunt præsentis. Vnde cū Aug. lib. 10. Conf. quæsisset in qua parte memoriæ nostræ Deus maneat, primum negat eum inveniri inter imagines rerum corporaliū quas habent & bestię. Deinde ne in illa quidem parte memoriæ Deum invenit, cui commendantur affectiones animi nostri, quod eę sint mutabiles: sed in ea parte animi Dei speciem esse discernit, ubi sunt numerorum dimensionumque rationes innumerabiles, *quarum, inquit, nullam corporis sensus impressit: quia nos ipsa colorata sunt, aut sonans, aut olens, aut gustata, aut con-*

tractata sunt. Atque ubi earum rerum meminit, eas invenit ubi primum invenerat, in illa scilicet incorporea veritate, unde rursus quasi descriptæ memoriæ insiguntur.

Urgebis. In homine est memoria quædam, quæ nobis cum bestiis non est communis: ergo manent in mente ipsa impressæ rerum imagines.

Resp. Memoriam rerum etiam sensibilibum, quæque homini propria est, & reminiscencia vocari solet, in eo maxime esse positâ, quod ex multis phantasmatis, quæ cerebro sunt impressa mens ea seligat quibus indiget, reliqua quæ turmatim erumpunt, abigat. Meminerunt vero bestię cū phantasmata eo fere ordine quo subierunt connexa solent recurrere; nec se meminisse percipiunt; nec quæ sibi opus sunt reiectis aliis eligunt; nec quærunt abdita in cerebri cellulis, aut inventa recognoscunt. Cum autem quæ sunt in cerebro vel ingravescente ætate, vel morbi alicujus vi delentur, tunc omnis memoria excidit: magno sane argumento species rerum intellectui impressas nō remanere. Atque in *Ethica* ubi de natura habituum agebamus, & in *Logica* paulo uberius ea sunt explicata, quæ operæpretium fuit hoc in loco velut in compendium redigere, ne quid operi nostro deesse videretur. Nunc de anima sentiente, & illius organis fusiore stylo dicendū.

TRACTATUS II.

De animali facultate & præcipuis illius organis.

Sequitur copiosa de anima sentiente, & præcipuis illius tum facultatibus, tum organis tractatio. Cum autem sensus, vel interior sit,
vel

PARS SECVNDA: 59

Vel exterior, & cum utroque motus aliquis sit conjunctus, primum nobis de sensu interiore, atq; de illius organo, nempe de cerebro dicendum est, tum exteriores sensus, & eorum organa, imo & objecta explicare conabimur. Quāobrem hujus tractatus duplex disputatio futura est: prior erit de natura, facultatibus, & functionibus animę sentientis, quę in cerebro vigent; posterior sensuum exteriorum organa, actiones, & objecta complectetur.

DISPVATIO PRIMA

De natura animæ sentientis, & præcipuis illius actionibus.

Primum quæ sit natura, quæ partes animæ sentientis. 2. De sensu in universum. 3. De interioris sensus organo, postremo de motu animalium dicemus.

QVÆSTIO PRIMA:

Quæ sit natura, quæ partes, & functiones animæ sentientis.

Animam sentientē ut in brutis inest & formę habet rationē, hoc loco potissimū contemplari volumus: nō quod ea nobis perscrutaretur, & cognita; nihil enim obscurius in rerum natura esse putem, cum eam nobis sensu, nec experientia, sed conjecturis tantum, & ex analogia quadam assequi liceat: sed quia cum sola est, nec cum intellectu conjuncta, quæ sint illius vires facilius colligimus. 1. Igitur quæ sit illius natura, quæ origo, videamus, tum illius vires, & actiones summatim attingemus.

Circa animę sentientis naturam vulgo quæri solet, an ea sit divisibilis, nec ne: nam Thomiste in ea sunt sententia, ut putent animam brutorum omnino esse infectilem, & partium expertem: contra quos sit

Prima Conclusio.

Brutorum animæ sunt divisibiles, & extensæ.

Probat. Bruti anima multas simul, & eodẽ momẽto vitæ functiones exerit per diversa organa: ergo principium illud sentiendi divisum est, & extensum. Nam si id totum est in unaquaque parte, non video in quo à re spiritali & incorporea discrepet: cū sit in loco definitive, ut Angelus, non circumscriptive.

Confirm. Quæ dicuntur infecta, ut vermes, lacerti, viperæ, in partes divisa adhuc vivunt, & moventur; ergo principium illud vitæ sensus, & motus, quod in partibus separatis viget, est quid divisibile, & extensum.

Opp. 1. Si anima sentiens esset divisibilis, animal perfectum in partes sectum adhuc viveret, ut infectis cernimus.

Resp. Partes esse quasdam in perfecto animali, ut in cane, quæ ad vitā sunt omnino necessariae, ut cor, cerebellum, & alia forsitan; non ita res se habet in infectis, seu annulosis: nam in iis quilibet annulus est velut quoddam animalculum, ut suo loco forte dicetur; sed tamen in iis quoque magna est organorum varietas.

Opp. 2. Anima quæ est in cane, dolorem sentit, in quacumque sit corporis parte: ergo ea est divisibilis, & tota in qualibet parte.

Resp. Hinc sequi unam, & indivisam esse ani-

animam, ad quam ea spectant omnia quæ geruntur in corpore; sed propterea non est indivisibilis, aut inextensa.

Nunc major nos manet quæstio, cuius naturæ sit anima brutorum. Quod fatemur omnino nobis esse incognitum, & tamen quid in re adeo obscura probabilius nobis videatur, timide, & hæsitanter asseremus, sed paulatim, & velut pederentim nobis est progrediendum. Quare sit.

Secunda Conclusio.

Probabile videtur animam bruti esse substantiam subtilem, actuosam, ab ignis natura non multum alienam, homogeneam, spirituum vitalium velut fontem, aut promptuarium.

Probatur conclusio, & ejus partes seorsum explicantur. Ac 1. quidem jam in prima Physices parte Disp. 1. id ostendimus formæ nomine substantiam quandam vegetam, & actuosam, quæ in corpore potissimum animato dominatur, nos omnino intelligere. Quod enim crassum est, & iners, id materiæ nomen obtinet. Inter corpora quæ sub sensus veniunt, nullum magis actuosum est quam ignis: quare non temere non veteres modo, sed etiam plerique recentioribus, ut Gassendus, Fabri, Vvillilius, & alii bruti animam aut ignem esse vitalem, aut igni non ab similem multis argumentis suadent. Nam si igni quæ ad intimam naturam non pertinent, cogitatione detraxeris; ea vero quæ ab eo divelli non possunt, in unum collegeris, non ægre fortassi huic sententiæ accedes: quod videlicet ex particulis constet subtilissimis, jugi, & perenni motu agitatis; quod partes illius aliis decedentibus continenter renoveantur, dum pabulum oleosum depascuntur, & aliud ab aere ambiente velut

Velut nitrosum indefinenter accedit. Sic vita animantis in jugi motu versatur, qui ubi desierit, statim anima sentiens instar flammæ extinguitur. Quamdiu huic sulphureum è cibus pabulum, & nitrosum à circumfuso aere suppeditatur alimentum, tandiu vita in animali perseverat. Vnde nullum pene est animal, quod machinæ pneumaticæ impositum exhausto aere non moriatur.

Quod autem bruti anima sit homogenea & simplex, id nobis videtur probabilius: sic enim minus à recepta Philosophorū opinione recedimus, & facilius explicamus quomodo anima ut divinæ sapientiæ instrumentum ipsa conformet organa, aut quomodo in viventium procreatione vis seminaria, vel in una, & exigua parte tota, & integra conservetur: quod vix intelligitur, si anima ipsa ex dissimilibus, & diversis velut organis sit compacta. Sio proprii temperamenti cōservatio, & restauratio huic simplici, & uniusmodi naturæ facilius tribui potest, quam si ea ex innumeris constet partibus: cur idem quoq; sit illius, & cōstans agendi modus? cur unūquodq; vivens sui simile procreet, nec fere unquā aberraret vis prolifica? Hujus generis alia plurima vix concipi possunt, si vis illa plastica, quam animam dicimus, ex innumeris constet partibus, quarum consensus, & ordo facile perturbari potest; imo & partes ipsius animæ cito distraherentur.

Quare anima bruti nō tam est spirituum vitalium, & animalium systasis, & textura, quam commune eorum promptuarium. Atque eadem anima diversis munita instrumentis tam multiplices actiones fundit, non secus fere atq; in organis pneumaticis plures tibix eodē spiritu inflatæ magnam sonorum varietatem reddunt.

Opp. 1. Animæ sentientis originem ea ratione explicari non posse, nisi forte in Epicurâ aut Democriti eamus sententiam, qua bruti animam aut ignem vitalem esse, aut omnino flammæ analogam putant: & tamen hanc opinionem ut minus rerum viventium explicationi idoneam passim rejecimus.

Resp. Nos Epicuro in hoc accedere, quod bruti animam ut florem corporis, & subtilem atomorum contextum intellectu concipiamus: sed in explicanda illius natura & origine ab eo dissentimus, quod bruti anima vim sui ipsius motricem, organorum conformatricem, functionum animalium opificem, non ex tumultuario atomorum congressu, sed à summo rerum Principe acceperit, atque hypostasim habeat, seu texturam ad præscriptum formæ archetypæ, cuius est velut instrumentū, concinnatam. Cum enim ex lege ab Authore naturæ constituta, quam ne suspicione quidem attingit Epicurus, materies aliqua ad vitam & sensum est disposita, simul partes magis spirituosæ & crassioribus evolutæ, & eodem velut charactere signatæ erumpunt; sic anima velut cochlea suâ testam molitur. Nam ubi micare incipit, statim se se explicat latius; partes organicas juxta seminarias rationes effingit, & una cum corpore paulatim adolescit. Sic crassioribus materiæ partibus in organa conformatis, simul subtiliores ab iis expeditæ, in substantiâ animæ sentientis faceßunt; idq; non fortuito atomorum concursu, non vi animæ congenita, non illius arte quadam, aut scientia, ut Chymici nonnulli pertendunt; sed arte omnipotentis artificis perficitur.

Instans. Lex ipsa archetypa, vel idea divina est.

est materiæ ipsi extraria : nos autem quærimus principia rerum intima, non foris accersita, ac semper id manet inconcussum, non aliam esse animæ sentientis naturam, neque alia esse ejus principia intrinseca, præter Democriti atomos.

Resp. Naturam propriè & pulchrè definiunt Platonici, *arcem Dei in materia* : quare ut ideæ divinæ sint rebus extrinsecæ, rationes tamen earum quasi sigilla rebus impressa ad intimam cujusq; rei naturam pertinent: est enim forma cujusque rei, quædam ideæ divinæ participatio aut character.

Opp. 2. Si anima bruti est quid homogeneū, quomodo tam variam & multiplicem habet virtutem?

Resp. Diversitatem actionum, tum ex organorum, tum forte etiam ex spirituum qui animæ sentientis prima sunt instrumenta, varietate duci : fieri enim potest ut spiritus animales in variis sensoriis seu organis sensuū constituti non sint uniusmodi, sed figura aut partium sextura, aut mobilitate sint dispares. Sic puriores erunt, & quasi ætherei in oculis, simpliciores & nudiores in tactus vel gustus organis, mobiliiores in auribus.

Opp. 3. Hinc explicari non posse cujus naturæ sit anima sentiens in brutis, quæ illius prigo, unde illi vis sentiendi accedat, an sit modus quidam substantialis, ut figura est modus quantitatis? An hujusmodi accessione res animata ab insensibili sejungatur? Sed unde tanta vis huic modo accedit, qui ne entitas quidem est à materia distincta, ut impressionem ab objecto excipias cum aliqua cognitione: id enim propriè est sentire: an forte spirituum animalium contextus ea vi donatur ab Authore naturæ? Sed eadem redit difficultas, qui fieri possit

possit ut materia quantumvis subtilis sentiat aut cognoscat: nullus enim est sensus citra cognitionem?

An denique cum Platonis & Chymicis nonnullis ad vim quandam materiæ ipsi coævam per cuncta diffusam con fugiemus, quæ sit actiuosa, energetica, ut aiunt, quæque à materia divelli nequeat; quam materia ipsa varie modificet, eaque sit à prima causa procreata, in jugi actione posita, & sensus omnis principii? Hinc, inquiunt, rebus omnibus innatus est appetitus, qui citra perceptionem naturalem concipi non potest. Hæc perceptio in animalibus fit sensitiva, cū duplici organo sensus interioris & exterioris instruitur: adeo ut perceptio illa naturalis quodammodo geminetur. Hæc utiq; fuse admodū explicare conatur Glissonius: sed adeo non rem expediunt, ut eam magis impediant. Nemo enim bona fide in lapidibus aut plantis naturalem illam perceptionem aut appetitum innatum agnoscet.

Resp. I. His & aliis non aliud effici, quam obscuram admodum esse animæ brutorum naturam vel originem: quod in iis omnibus accidit, quorum ideas non habemus; vel quia sub sensus non veniunt, vel quia eorum non conscii sumus, ut affectionum aut cogitationum nostrarum, vel quia non sunt cum iis quæ à nobis percipiuntur conjuncta. Sed illud semper tenendum est, nos ab iis quæ certa sunt & explorata recedere non oportere, quod cum aliqua insigni difficultate, quæ evolvi facile non potest, sint conjuncta. Nam prima rerum initia ubique nos fugiunt; eaque conjecturis tantum vel analogia quadam assequimur. Neque ii sumus qui omnia clare à nobis percipi cum dogmaticis affirmemus.

Resp. 2. Nihil absurdi esse si ex Conditore lege corpori suis organis instructo, & ad certos usus destinato vis illa sentiendi tribuatur; quæ nec soli corpori seorsû spectato, nec animæ materiali, sed composito ipsi convenit: maxime cum motus non magis ad materiam pertineat, quàm sensus. Nec tamen video quid repugnet, quominus materia seu actiuosa substantia vim à Deo acceperit sui ipsius motricæ, quam vitæ & sensus nomine donamus. Itaque sensus animali convenire potest, non tam vi partium ex quibus componitur, quàm vi ipsius compositionis.

Instant. Quod est sensitivum, non magis potest constare ex non sensitivis, quam corpus ex non corporibus, calidum ex non calidis, actiuosum ex non actiuosis.

Resp. 1. Id tam facile fieri posse quam mixtum ex simplicibus. Nam ut in machina novæ rotæ additione novæ vires succrescunt, sic in rerum natura, quo res est magis composita, hoc plures & nobiliores actiones exercentur. Natura quippe ab iis quæ sunt valde imperfecta ad perfectiora per gradus quosdam progreditur. Quamobrem sentiens ex non sentiente, ut res lucida, actiuosa, calida, ex opaca, frigida & otiosa efficitur juxta leges ab Authore naturæ cuique speciei præscriptas, & vires ex idearum divinarum, ut cum Platonice loquar, sigillatione impressas.

Resp. 2. nonnulli, in rebus etiam vitæ & sensus expertibus prima sensus cujusdam aut vitæ obscurioris inesse rudimenta. Hinc naturales instinctus aut appetitus, cum ex alterius rei impressione ad motum se determinant: ut plerique existimant de gravium motu, & ferri ad magnetem motu. Sed utcumque ea res sit, probabile

babile videtur eisdem spiritus qui plantis incantant, & vegetatricis animæ functiones exercebant, in animantibus fieri sensus opifices, aut præcipua instrumenta; adeo ut animantes ex plantis non ea solum quæ ad vegetationem, sed etiam quæ ad sensum pertinent, omnino depromant: atque adeo in vegetantibus inesse videntur spiritus, qui vegetationi & sensui famulantur. Vnde ut crassioris succi nutritii partes corpori alendo destinantur, ita subtiliores restaurandis spiritibus, imo & bruti animæ fovendæ famulantur; ac portio illius purior flammam sanguinis fovet. Sic humor vitalis in ovo primum quidem manet immobilis & torpidus, donec caloris accessu vita & sensus se prodant. Quare illud forte non est omni ex parte verum, animam sentientem ex non sentientibus conflare, cum in unaquaque re partes sint quædam spirituosæ, omnium actionum fontes, quibus initium quoddam sensus, & quasi rudimentum esse videatur. Vtcumque ea res sit, nihil necesse est probationes sumere ex iis quæ sunt incerta, ad evertendum id quod certum est & inconcussum. Constat enim vitam & sensum in animantibus vigere, tametsi cogitatione assequi non possimus primum illud sentiendi principium. Verum id ubique contingit cum primos rerum fontes & principia inquirimus.

*Quæ sint partes, & vires animæ
sentientis.*

Iam ut ad partes animæ sentientis veniamus, cum duæ sint præcipuæ illius functiones, animalis, & vitalis, duæ itidem sunt illius partes, aut, si malis, facultates. In cerebro vis animalis potissimum regnat; eaque duplex est, sentiens, & motrix: sensus itidem duplex, interior,

rior, & exterior: motus quoque corporis vel est spontaneus, qui per nervos è cerebro oriundos, & masculos perficitur: vel naturalis, qui nobis inconsultis per nervos è cerebello prodeuntes efficitur, ut idoneo loco exponemus.

Vitalis facultas cordi & sanguini potissimum infidet, ut animalis in cerebro, & nervis viget: hinc vitalis in circuitu sanguinis, & blando calore videtur constituta. Huic subjecta est vis nutritiva, quæ in preparando, & expurgando sanguine tota versatur.

Inter eas vires magna est consensio: nõ enim animalis facultas sine vitali, neque hæc citra altricem aut naturalem esse potest. Nam ex alimento chylus, ex eo sanguis efficitur; cuius motu & calore corpus perfunditur: hinc sanguine in cerebrum sublato spiritus functionum animalium opifices extillantur, iique per nervos in universum corpus diffusi sensum & motum procreant: Horum impulsu cor movetur, & partes quæque sua munera obeunt. Hinc nulli fere corporis parti quæ sensu prædita sit, defunt nervi; omnibus quæ vivunt, arteriæ adsunt, quæ jugi sanguinis appulsu vitam & calorem tuentur: venæ ubique sunt arteriarum comites, quæ refluxum sanguinem ad cor revehunt.

De singulis facultatibus nobis agendum est, ac primo de animali, tñ de vitali, & altrice facultate. Sed prius de sensu in universum disseramus.

Q V A E S T I O II.

De sensu universum.

Circa sensum universum spectatum multa queri solent. 1. Quid sit, aut in quo natura illius posita sit. 2. Vtrum perceptio sensus fiat

fiat per speciem sensibilem . 3. Quomodo sensus perficiatur .

Porro ne homonymia, ut plerumque fit, nos fallat, tria possunt in rei sensibilis perceptione distinguui . 1. Impressio quæ fit ab objecto, quæque in sensus organo excipitur, & typum, seu characterem rei sensibilis gerit . 2. Illa impressio, vel affectio, vel species, aut si quod est aliud illius nomen, ad primum sensorium, quodcumque illud sit, permanat . 3. In communi sensorio exceptam impressionem percipimus, seu ad eam attendimus: est enim proprie sensus perceptio illius affectionis aut passionis, quæ ab objecto proficiscitur . Hæc impressio animal excitat ad agendum in seipso: atq; illa actio est cognitio rei sensibilis, aut potius perceptio actionis quæ à re sensibili profecta in organo excipitur. Neq; enim actio illa rei sensibilis sensum efficit, nisi cum cognoscitur; nec sentire aliud est nisi cognoscere passionem suam, aut actionem quam in se recipit .

Quamobrem sic fere rem objectam sensu percipimus: textura animæ sentientis, aut spirituum compages objecti impulsu commovetur; deinde undulatione quadam motus ille ab objecto profectus in momento fere ad cerebrum usque, & commune sensorium traducitur. Nā spiritus in sensus exterioris organo velut in statione positi characterem ab objecto impressum excipiunt, eumque ad commune sensorium irradiatione quadam transmittunt, fere ut radii luminis in tubo optico vitra pervadunt, & certa ratione modificati rerum simulacra in tabella opposita apte depingunt .

Hinc Stoici animam sentientem instar Polyphi cujusdam, quod est piscis genus prælongis cruribus instructum, exhibebant; cujus caput
esset

esset in cerebro, brachia vero per organa sensuum, aut potius per nervos exorrecta objectorum impressiones exciperent, & ad commune sensorium, seu ad caput ipsum traducerent. Atque, ut identidem monuimus, ea quidem arte est disposita corporis nostri machina, ut vel mediocris impressio magnos plerumque in corpore motus efficiat. Nam fibræ nervorū ab Authore naturæ ita sunt colligatæ, & sibi mutuo consertæ, ac per longos ductus extensæ, ut vel levi ictu commotæ sensum vegetū in communi sensorio, quod in ipsa nervorum origine positum esse arbitramur, excitent: dum spiritus in eos velut tubulos cum impetu impelluntur: ac sensus fit, ubi anima sentiens quæ tota in actu & energia quadā consistit, vicissim huic impulsioni obstitit, eamque percipit. Nam sensus nihil est præter actionem animæ circa impressionem ab objecto factam: affectio vero illa, aut impressio est species sensibilis: neque alias hujus generis species fingere necesse est. Quod cum multum sit in scholis agitatum, paulo fufius nobis probandum est. Sit itaque

Prima Conclusio.

Nullæ species intentionales ab objectis in sensus nostros profluunt.

Probatur Conclusio. 1. Quæ sit earum species natura intelligi nō potest; neque enim sunt corporeæ aut divisibiles, cum in minima subjecti, aut interjecti medii parte totæ, & integræ reperiantur. Quod si, ut plerique volunt, sint indivisibiles, aut inter corpus, & spiritum ambigant, quomodo sensum movent, eumque persæpe lædunt? quomodo res extensas representant, cum sint indivisibiles?

2. Neque origo, & causa earum imaginum satis idonea afferri potest, cū corpora plerumque inertia, & otiosa tā excellentes formas ex se fundere non possint: an forte è potentia subiecti eruantur, aut corpora, ut vulgo responderi solet, sunt earum imaginum causæ æquivocæ. Id sane adhuc mirabilius videtur, è crassis & terrenis corporibus formas adeo spirituales indefinenter procreari, aut educi. Iam quibus vehiculis ad nos usque perveniunt? an solitariae prorumpunt, an propagatione quadam diffunduntur, idque in puncto temporis? Hec nescio an vera sint, mihi sane videntur adeo esse obscura, & intellectu ardua, ut cognitioni rerum explicandæ minus sint idonea.

Confirm. Ut demus coloris speciem in oculo depingi, an color forte per quiddam aliud percipitur? quæ figura, aut imago colorem exprimet? Sic ubi verberatus aer auris tympanum pulsatur, aut suavis exhalatio olfactus ferit organum, nihil necesse est fuitiles illas & evanidas, aut soni, aut odoris, adde & saporis species comminisci, quas nemo cogitando, aut disputando assequi potest.

Diluantur objectiones.

Opp. 1. Objectum percipi non potest nisi sic cum sensu conjunctum. Sed illud per seipsum vim sensitivam non afficit, neque eam attingit contactu, ut aiunt suppositi, sed virtutis tantū: ergo objectum per speciem impressam, tanquā sui vicariam cum sensu jungatur necesse est. Quæ utique ratio probat species non sensibiles modo, sed etiam intelligibiles existere. Hinc Aristoteles identidem docet animum his speciebus informatum quodammodo fieri omnia.

Resp. Non tam objectum quam actionem seu impressionem ipsius objecti sensu percipi.

Quæ

Quæ quidem actio non est species, aut imago objecti, qualis vulgo describitur.

Opp. 2. Cum sensu aliquid percipimus, illius imago à nobis exprimitur, quæ species expressa nominatur, eaque in memoria conservatur: nam omnis actionis est aliquis terminus; neque is in perceptione alius esse potest quam species rei expressa; sed species rei exprimi non potest, nisi ad similitudinem speciei impressæ, ad cuius similitudinem aliam, cum percipimus, imaginem formamus: ergo dantur species rei, cum impressæ.

Resp. Nos objecti actionem, aut impressionem sensu attingere, aut percipere; neq; aliam esse speciem expressam, quam ipsam sensus actionem, aut perceptionem: sentire enim, quod sæpe dicendum est, nihil est quam agere circa affectionem, seu impressionem factam in organo: hæc actionem sensus determinat; nam omnis actionis est aliquis terminus qui vel producit ut in actionibus quæ transeunt dicuntur: sic calor est terminus calefactionis; vel certe si actio sit immanens, eâ omnino determinat. Itaq; illa affectio, seu impressio est species ipsa sensibilis, seu forma quædam sine materia, de qua tam sæpe Aristoteles. Ac frustra alias inquirimus, de quibus inutiles, & abstrusæ quæstiones excitari solent; utrû sint effectrices aliarum specierû, an sint entitative divisibiles, repræsentative autem indivisibiles; an effective quasi quædã semina ad perceptionem concurrant; an formaliter tantum; utrum post cognitionem sint superstites; an statim pereant, atq; aliz hujus generis moventur quæstiones, quæ res satis obscuras magis involvunt.

Opp. 3. Visionem explicari non posse citra species intentionales, cur v. g. objecta à tergo posita

posita in speculis conspiciantur, & tantum ultra speculum quantum citra sunt, appareant, cur baculus in aqua fractus videatur, & alia hujus generis plurima.

& Idem hic Physicis accidisse quod alibi passim: cum enim causæ iis præsto non fuerunt quibus varia naturæ phænomena explicarent, statim ad rationes rebus ipsis, de quibus erat quæstio, obscuriores confugerunt. Hinc occultæ qualitates, & formæ substantiales in rebus vitæ expertibus; ac vulgo aeris mutationes ad lunâ, aut siderum influxus referuntur. Non dissimili ratione cum ea quæ ad visum pertinent, Optica destituti, explicare non possent, ad species nescio quas partim corporeas, partim spirituales se receperunt. Quæ autem ab iis species vocitantur, nihil esse præter radios luminis reflexos infra demonstrabimus, cum de visu & visione agemus.

Sed, inquiunt, sensus omnis per species intentionales perficitur, aut per effluxus substantiales, quæ est Democriti opinio jam diu explosa: illud enim fidem omnem superat, tenuissima quædam ramenta, & velut exiles membranulas à corpore visibili in omnes partes diffundi citra ullam corporis imminutionem: adeo ut idem corpus singulis momentis deteratur & per tot annorum volumina integrum permaneat: jam quæ vis tot imagines in rectas lineas quoquoersam effundit, aut quomodo inconcussæ per idem angustissimū foramen pertranseunt? Quantumvis Epicurei jactent naturæ subtilitatem, ejusmodi effluvia imaginum persuadebunt nunquam.

Resp. Nō imagines, aut profluvia corporum, sed motus duntaxat ipsis organis imprimi: adeo ut ex motuum varietate anima rerum sen-

sibilibus differentias percipiat ; neq; enim sensus citra motum localem fieri potest, aut concipi. Hinc cæcus baculi motu, aut resistentia lapidem à luto, terram ab aqua discernit. Sonus nihil est quam verberatus aer; lumen forte est substantiæ æthereæ motus, aut impulsio, quæ retinæ nervuli feriuntur. Hinc oculo vel in tebris percussio, lucis scintillas, aut varios colores conspiciamus : nec dolor, titillatio, caloris ipsius perceptio sine motu explicari possunt : motu vero diversitas, cum ex objectorum varietate, tum ex diversa organorum conformatione repetitur. Nam fibrillæ ex quibus visus organum compingitur, longe sunt subtiliores, quam quæ auditus sensorium efficiunt.

Rursus instant. Nequaquam credibile est omnem sensum certo motu contineri : adeo ut nervorū fibræ, velut clavecymbali fides tensæ, & in aliqua sui parte percussæ totæ tremant, & vim sentientem excitent : non enim adeo intenduntur nervi.

Resp. Nos Cartesio hac in re non assentiri, sed nobis videtur longe probabilius, spiritus in nervorum tubulis contentos rerum externarū impressiones excipere eo quo diximus modo, & fusius postea exponetur. Sit itaque

Secunda Conclusio.

Objecti sensibilis perceptio in sensuum exteriorum organis inchoatur, sed in cerebro, seu in sensus interioris organo perficitur.

Probatur Conclusio, ex iis quæ jam sunt explicata. res enim sensibilis in sensuum exteriorum organa vim suam exerit ; spiritus nervorum filis contentos percellit ; eaq; commotio spirituum ad præcipuam animæ sedem trans-

mittitur, ubi vis sentiens actionem suam exercit, hoc est, percipit illam ab objecto factam impressionem; atque eam actionem percipit, non ut in cerebro ipso, aut in nervorum origine existentem, sed in ea parte corporis, unde coepit illa spirituum commotio, ubi nimirum actio objecti imprimitur.

Itaque inchoata rei perceptio fit in exterioris sensus organo, quatenus ibi jam commoventur spiritus: verum si usque ad cerebri intima, & velut animæ penetralia perferri nō possit, ut accidit in somno, tum sane perfectā dici non potest, neque ad animal ipsum, sed ad partem illius proprie pertinet; rem vero ita esse multis probari potest argumentis.

1. Si forte mens alio intenditur, res quæ sunt in conspectu, non cernimus: cumque ut diximus, cerebrum somnis occupat, sensus exteriores feriantur. Sic Apoplexia, seu morbo attonito percussi, ne compuncti quidem, aut corpore dissecti sentiunt, quod princeps facultas quæ cerebro inest, omnino cesset.

Præterea videmus eos quibus manus, aut tibia dracisa est, de acerrimo quandoque dolore in manu, aut pede queri solitos: quasi integræ adhuc manerent eæ partes: quod in cerebror, nō in partibus affectis fiat perceptio. Sic interdū evenit ut diutius cubito innixi stuporem in digito auriculari sentiamus: quod nervus qui in eum digitum desinit, nimium compressus, eodem modo sensorium commune, seu sensus communis organum afficiat, ac si in digito ipso premeretur: nam solemus doloris sensum ad eam partem referre, quæ ab objectis solet commoveri, & in quam tensæ nervorum fibræ desinunt.

Sed, *inquies*, illud negari non potest quin

oculis videamus, aut pedibus doleamus: ergo sensus ipse non in cerebro, sed in exterioribus organis perficitur.

Resp. Sensum inchoari in sensuum exteriorum organis, non perfici. Cernimus quidem oculis, quod in iis colorum & luminis impressiones fiant; quod interiorē facultatē determinant, quod in iis fiat prima spirituum commotio. Sed actio ipsa animæ qua impressio percipitur, in ipsius animæ præcipua sede, quæcumque illa sit, exercetur. Adde illud quoque, eandem esse animam quæ in cerebro, tanquam in tribunali sedet, quæque per spiritus & nervos in oculos, aures, & alia sensuum organa diffunditur: adeo ut sensus organis, & functionibus, non re ipsa aut natura inter se distinguantur.

Contra urgebis. Non potest una & eadem, aut simplex anima, vel facultas tantam rerum varietatem distinguere.

Resp. Animam quidem sentientem forte esse uniusmodi, & homogeneam. Sed fieri potest ut in ea parte cerebri, quæ est primum & commune sensorium, distincti sint tractus & diversa spirituum promptuaria: neque enim eandem viam insistant spiritus qui ab oculis, cum iis qui ab auribus in cerebrum appellant, uti forte non sunt ejusdem naturæ ac texturæ; atque incredibile est in eorum contextu varietas: vix enim fieri posse putem ut spiritus sui ubique similes tam diversas affectiones, aut objectorum impressiones tam apte exprimant. Quamobrem quidam moventur & fluctuant, dum alii persistent immobiles; nec se se mutuo impediunt: nec temere & sine discrimine à corporibus extra positis percelluntur; nec demum per osdem tramites à cerebro dimanant, aut in primum sen-

sensorium typos ab objectis impressos transmittunt. Illudq; est veri proximum, juxta rerum quæ distingui ab anima debent, diversitatem, in sensuum organis, tum in ipsa spiritum qui in propriis sensoriis, imo in communi sensorio vigent, textura magnam quoque varietatem reperiri; quo noxia ab utilibus discernantur.

Sunt enim sensus animali ad ejus conservationē concessi à natura. Hinc fit ut propter rerum quæ prodesse aut obesse possunt varietatem, unumquodque animal variis sensibus instruitur. Hinc cujusque sensus organum ita est conformatum, ut certa corporum effluvia, nō aliena possit excipere. Sic oculi meatus ita sunt aptati, ut lucis radios; non sonos admittant: unde & spiritus animales in diversis sensoriis seu organis, tanquā in excubiis collocati; non sunt unius, sed diversæ forsitan naturæ. Sunt enim, ut diximus, pene ætherei in oculis, mobiles in auribus, humore viscoso irretiti in lingua & palato. Sed hæc fient clariora, cum de interiorum & exteriorum sensuum tum functionibus, tum organis dixerimus.

QVÆSTIO III.

De sensuum interiorum functionibus

& organis.

IAm ad sensus interiores & eorum organa veniendum, quorum numerum quisque, ut libitum est, augēt vel minuit. Illud nobis satis verisimile videtur, unum & eundē esse sensum principem, qui & sensus communis, & vis imaginat rix solet appellari; functionibus tantum, officiis, & forte organis differunt hæ facultates.

Sensus communis dicitur, ut impressiones ob-
jectorum per nervorum fibras, & quemdam
spirituum resultum excipit: quatenus autem ea
motio spirituum quodam sui vestigium cere-
bri substantiæ impressum relinquit, memoria
solet appellari. Vestigium illud quodcumque
sit, phantasma dicitur: unde si qua ex cau-
sa cerebri fibris agitata, ea phantasmata ex-
cutiantur, sensum primum & communem
velut admonent, qui ejusdem rei quam per sen-
sum exteriorē hausit, & imaginē eud: quam-
vis ea plerumque sit magis confusa. Nam quæ
per sensus exteriores ad commune sensorium
impressiones manant, ex sunt magis simplices
& distinctæ: color v. g. aut figura tantum ho-
minis per oculos subit: at cum absentis phanta-
sma recurrit, tum id mihi hunc hominem cum
variis circumstantiis, quæ ad alios sensus perti-
nent, exhibet.

Hinc orta est vulgaris divisio objecti sensi-
bilis; in proprium, cujusmodi est color qui ad
visum solum pertinet; commune, ut figuram,
motum, & quietem, quæque plures sensus affi-
ciunt, & per accidens. Sic homo, aut substan-
tia quævis sensu percipitur, non per se, sed per
accidens, quod illius idea sit conjuncta cum
ideis eorum quæ per se sensu percipiuntur. Ac
subinde docet Aristoteles sensum circa propriū
sensibile non falli, quamvis sensibilia com-
munia, & per accidens per sæpe nobis impo-
nant.

Nos vero in ea sumus opinione, ut neque
sensum exteriorē, neque interiorē circa id
quod per se est sensibile, falli arbitremur. Est
quippe sensatio motus quidam, qui ab objecto
ut à vi motrice proficiscitur: objectū vero est
agens naturale, quod in agendo omnes vires
suas

suas exerit, & movet eo quo debet movere modo: ergo sensus impressio semper talis est, qualis esse debet, & similis objecto suo formali: neque unquam decipitur sensus: ac ne interior quidem, quem externus ut agens naturale & non aberrans impellit.

Ipsa vero aut ratio aut imaginatio tum decipitur, cum speciem recens per sensus acceptam cum alia prius percepta comparat: tum enim fit sensibile per accidens, quod imaginationi fucum facit. Sed ubi inferior sensus solum exteriorem subsequitur, falli non potest. Nam ista propositio, Baculus partim in aqua, partim in aere positus apparet fractus, vera est: sed falsa futura est, si baculum fractum judicem. Quare in perceptione rei sensibilis non fallimur, sed in iudicio; nec sensus saltem exterior unquam aberrat; ne tum quidem cum illius organum male est affectum: objecto enim suo semper concinit: objectum vero dicimus rem quæ percipitur, quatenus per tale medium sensum afficit. Sic morbo regio laboranti omnia flavo colore tincta videri debent. Sensus autem interior tum falli dicitur, cum imagines per exteriores sensus acceptas cum aliis jam olim exceptis connectit: tum enim res male coherentes conjungit.

Illud vero est discriminis inter proprium, commune, & per accidens sensibile, quod proprium velut per speciem suam, & formam sensum afficiat; commune modum quemdam & certam determinationem, non speciem novam adjiciat: nam res mota aliter sensum afficit, quam si quiescat; sensibile demum per accidens nullomodo ad sensum pertineat. Sic nivem frigidam videre dicimur, cum tamen frigus omnino non videatur. Sed ne figura quidem,

motus, quies, numerus, & aliæ affectiones communes propriæ ad sensus exteriores attinent: non enim rem moveri animadvertimus, nisi partes præsentres quæ solè sensum movent, cum præteritis & futuris quodammodo comparentur. Nec quies, figura, magnum & parvum, multum & parum citra aliquam comparationem, quæ rationis, aut saltem imaginationis est optis, percipiunt.

Iam vero quæ sint sensus communis, vis imaginatricis & memoriæ organa, quæ functiones, quæque inter eas vires sit connexio, definire nemo potest. Quid autem in re adeo obscura probabilius afferri queat, dicendum nobis est. Sed prius perpauca de communi eorum sensuum organo, seu de structura cerebri sunt ante præmunienda.

De structura cerebri.

Cerebrū ut princeps animalis regiminis civitas cranio, tanquam lapideo muro undique cingitur. Os frontis priorem illius partem, os occipitis posteriorem occupat; inter utrumque interjecta sunt duo sincipitis, & totidem temporum ossa, quæ variis inter se commissuris aut suturis committuntur. Interior cranii superficies multis velut sulcis aspera cernitur, quæ ab arteriis per subjectam membranam, quæ vulgo dura mater, aut meninx appellatur, sparsis & pulsantibus excavantur: cum enim mollior est cranii substantia, has utique arteriarum impressiones facilius excipit.

Hujus membranæ præcipui sunt usus, ut interiores cranii partes succingat; cerebrū à cerebello, quod scilicet occipitis osse cōcluditur, discriminet; utrumque ex omni parte involvat, quo ab externis tutum sit injuriis; ne loco suo moveri aut concuti facile possit; nervis à cerebro

bro exeuntibus membranam impertit; omnes cranii recessus adit: illius foramina & sinus implet. Quatuor etiam hæc membrana nata est sinus reducendo sanguini destinatos, qui nihil sunt quàm dura meninx sui duplicatura in vasa, aut canales amplos involuta. Horum maximus secundum cerebri longitudinem usque ad cerebri & cerebelli confinium porrectus, falcis nomen obtinuit: duo sunt laterales, qui sanguinem à falce in venas jugulares dictas transmissuri excipiunt. Quartus à communi aliorum concursu ad glandulam pinealem recta intra cerebrum delabitur, & sanguinem a cervicalibus arteriis exceptum in venas itidem quæ jugulares dicuntur, extra cranium ipsum revehit.

Nam jugulares venæ sanguinem omnem è cerebro ad cor referunt; nec cerebrum ipsum pervadunt: neque enim tam densam cerebri compagem tuto subirent. Quare ex dura meninge in se se convoluta sinus tanquam oblongiores sacculos & venulas ex iis prodeuntes compendiosiore via, & tutiore effinxit naturæ Opifex. Cum autem periculum esset ne sanguis redux è capite uberius in jugulares venas exundaret, utrimque in externa cranii parte ampla, tortuosa, & ossea specus dura meninge obducta, velut quoddam sanguinis diverticulū, fuit excavata, ut in hac velut spelunca tanquam in promptuario quodam, aut vase amplo sanguis sisteretur: fere ut aquæ in castellis, vul. *regards*, solent: ne sanguis confertim irruens cordi diluvium aut suffocationem minaretur. Quin forte ob eam causam omnes duræ meningis sinus tot distinguunt cellulæ, tot fibræ transversim collocatæ dirimunt: ut sanguinis motum regant, & velut habenæ quædam moderentur.

Sanguinem à corde in cerebrum advehunt

arteriæ carotides & vertebrales, longiore quidem ductu quam in mutis animalibus. Arteriæ carotides postquam cranii basim subiere, circumaguntur, ut sanguis pleno fluens alveo, non confertim, & torrentis instar, sed placidior motu in cerebrum illabatur. Sed tamen cavendum erat ne sanguis à recto itinere intra cranium, seu calvariam deflectens, in seipsum contortus, & quasi actus in vorticem vasa disrumperet? Itaque huic à natura discrimini provisum etiam fuit, dum utrique arteriæ ita inflexæ ossium canalem intra cranium apravit; ac præterea novâ illi è dura matre tunica majoris securitatis causa adjunxit. Sed ubi fursû est eluctata, jâ asciticia tunica, ut inutili deposita, tenui meningi & cerebro surculos distribuit.

Iam arteriæ omnes mutua societate ita inter se conjunguntur, ut si una ex iis casu quodam occlusa fuerit, sanguinis motus nihil inhibeatur. Quod tibi manifestum fiet, si liquorem atramento infectum syringis ope injeceris. Nā liquor tum alteram carotidem, tum etiam vertebrales arterias injiciet. Minutiores quoque arteriæ in substantiam cerebri penetrant: tamen adeo sunt exiles, ut visus aciem pene effugiant: nisi tenuis cerebri membrana, quæ pia mater vulgo dicitur, solerter detrahatur. Et quidem ubicumq; secetur cerebri substantia, puncta apparent sanguinea, quæ cum latius se diffundant, palâ est eum è sectis vasis defluere.

Venæ cerebri è duræ matris sinibus in tenuē huic subjectam membranam diffunduntur: hæc vero membrana adeo tenuis est, ut vix à cerebro sano & recenti divelli possit. Et tamen arteriis & venis ita est conspersa, tot vasorū plexibus contexta, ut sanguini universo in cerebri corticem, & partes interiores præbeant com-

meatum; omnes cerebri anfractus & convolutiones. subit, summas & extantes partes connectit; interiores ventriculos cerebri obducit; sanguinem denique velut in vase circulatorio gignendis spiritibus præparat. Postremo cerebri & cerebelli molem arctissime completitur, ne mollis & male coherens substantia facile concuti, aut suo possit loco dimoveri.

Tenui meninge, seu membrana detracta, cerebri substantia se se videndam exhibet. Quatuor in lobos tanquam in quatuor propugnacula dividitur, cortex ejus in mille anfractus & gyros qui intestinorum convolutiones imitantur, majore quam in ullo animali varietate distinctus apparet: hos utique recessus tenuis membrana succingit, eosque alunt vasa innumera, quæ miris modis intexta ubique sparguntur: hæc utique sunt copiosiora in ventriculis cerebri.

Omnes illi cerebri gyri & anfractus non ex cinerea tantum, sed ex candida etiam constant substantia, iique omnes in corpus callosum, ut vocant, & medullare desinunt. Quod quidem ex infinitis fibrillis aut nervorum tabulis compingi non abhorret à verisimili. Ac forte earum fibrarum origo à spinali medulla est repetenda, fere ut in brassica capitata, ubi fibræ in trunco globatæ in folia explicantur. Sic enim fibræ in medullari spina collectæ, in cerebelli & cerebri substantiâ evolvuntur, & interiores cerebri cavitates, seu ventriculos flexuoso ductu efficiunt. Sed de his satis: reliqua enim ad Anatomicos pertinent. Nunc qui sint præcipui earum partium usus, quæ sensuum interiorum organa, conjecturis persequamur. Sed prius cerebri vasa, tû illius partes ex figuris ab Vvillio eximio Anatomico delineatis subjiciamus,

Prima figura basim cerebri y qua medulla oblongata vocatur A, BB, cū nervorū conjugationibus qua hinc in te oriūtur, facis apte exprimit. Nervi suis numeris insigniuntur. Nam 1, & 1, par primum; 2, & 2, par secundum designat, & ita de reliquis.

Sub infundibulo O dua sunt carotidum trunci abscissi. Hi ramos emittunt anteriores, cum limitaneos D, & D dextrorsum, & sinistrorsum; tum ad priorem cerebri partem, circa punctum E uniuntur, mox à se invicem discessuri.

Postiores iidem rami carotidum circa punctum F, tum inter se, tum etiam cum arteriis vertebralibus conjunguntur: vertebrales autem arteria per cervicem ascendunt, & in unum quoque truncum coeunt.



Fig 84.
partis. 2.
Phys.



Vol. 4.





F B

Prima Conclusio.

Illud verisimile videtur, spiritus animales præcipua interiorum sensuum instrumenta in cortice cerebri præparari, & in illius interiore medulla perfici.

Probatur prior conclusionis pars 1. ex cerebri exterioris fabrica, & vasorum tam nana nervosa propagine: nihil enim probabilius asserri potest quam spiritus animales omnium functionum opifices, è sanguine arterioso in ea parte procreari. Nam tot vasorum plexus mirabiles eo loci conspicui satis innuunt, non privato, sed publico muneri hanc vasorum intra cerebri sulcos multitudinem famulari, neque unius cerebri alimēto, sed universo corpori tot vasa destinari. Non enim pars alia corporis in sui superficie tantam arteriarum sylvam complectitur; præsertim cū materiam huic muneri idoneam natura selegerit, eamque velut leni balnei vaporosi calore per tot alembici rostra mille modis in se reflexa, ad summum puritatis gradum evexerit. Accedit illud etiam, quod spiritus ita exaltati utraq; meninge cohibeantur, ne forte ob ingenitam mobilitatem avolent. Nec multum eos à spiritu vini abhorre hinc suspicari possumus, quod non vini modo spiritus, sed liquores fere omnes generosi exhaustos spiritus ob nimios labores, vigilas aut inedia in momento pene reficiant. Præterea non sola distillatione aut percolatione spiritus è sanguine arterioso per cerebri poros in eum puritatis gradū attolluntur; sed etiā fermento quodam salino in cortice cerebri copioso sanguis perfunditur, ac separatio tum spirituum, tum liquoris vegeti, & actuosi vi illius fermenti per-

perficitur . Hinc quidam falis armoniaci odor in ea parte deprehenditur .

Pars altera conclusionis ex ipsius tum corticis, tum partis interioris cerebri structura colligitur. Nam ut pars cerebri extrema & cinerea spirituum procreationi, sic interior, & candidior eorundem motui & distributioni idonea videtur : id enim est rationi consentaneum, ut in ea parte cerebri quæ tot irrigatur vasis, spiritus è sanguine secreti in corporis callosi fibris, seu in candida cerebri substantia, quasi in vasis Chymicorum circulatoriis puriores fiant & subtiliores . Quocirca videmus omnes cerebri anfractus & convolutiones in id corpus firmum & candidum desinere. Hoc utiq; est velut animæ sentientis domicilium; in eo spiritus libere expatiantur ; qui per fibrillas callosi corporis expurgati varia circulatione ad eam puritatem vehuntur, quâ functiones animales exigunt .

Confirm. Extimam cerebri portionem nihil esse præter glandularum congeriem, quæque in cerebro distinctiores apparent, cum exquisitum adhibetur microscopium, docet Malpighius . Vasa sanguinea extimam glandularum partem pervadunt: sed fibræ aut tubuli tanquã vasa secretioni purioris liquoris destinata, ex intimis cujusque glandulæ partibus oriuntur : ex illis fibrillis cerebri medulla componitur . Quocirca cerebri cortex cum granis mali punici, v. *une grenade*, quæ per fibras cum membrana cohærent, satis apte cõferuntur : omnes fibræ iis glandulis tenaciter adhærescunt, & in cortice tanquã in solo, unde succum trahunt, radices habent . Nec prorsus videtur incredibile has cerebri fibras instar tubulorum esse excavatas : cum in plantis ipsis caxæ sint ex fibrillæ quæ succum vehunt .

Secunda Conclusio.

Pars cerebri cinerea videtur esse imaginum locus: ut callosa præcipua est imaginationis & appetitus sedes; maxime prope nervorum exordia.

Probatnr Conclusio. Quamvis res tota sit in conjecturis posita: sed quid nobis probabilius videatur, hoc loco tantum afferimus. Rerum itaq; notas, aut vestigia quæ per sensus subiere, in cortice cerebri, & in cinerea illius parte, ubicumq; sit, conservari multa suadent. 1. Varii, & multiplices anfractus tenui meninge ubique obducti locum his vestigiis præbere, ut mollior eo loco cerebri substantia his impressionibus accommodata satis videtur.

2. Cerebri convolutiones in cerebro humano sunt magis multiplices & variæ, quam in ullo genere animalium; plures adeo sunt in cerebri cortice velut distinctæ imaginum cellulae: in animalibus quæ uno fere & consimili modo agunt, aut nullæ sunt, aut pauciores, ut in cuniculis, avibus, & piscibus.

3. Cum reminisci volumus, aut imaginatione aliquid effingere, tum fronti manum admoveamus, & partem cerebri anteriorem sollicitamus, tacito quodam naturæ iudicio in ea parte vigere memoriam, atque huic proximam esse imaginationis sedem.

4. Non alia fere sedes his excipiendis aut formandis imaginibus magis idonea assignari potest. Neque enim nobis, veterum, & pene communis opinio probatur, qua credidere in vetriculis cerebri spiritus animales procreari, & rerum imagines asseruari; neq; enim spiritus adeo subtiles, & fugaces in tam amplis spatiis,

aut in ordinem digeri, aut diutius possint consistere: intra angustos meatus, & in certas velut orbitas moveantur necesse est. Non enim in iis formantur cavitatibus quæ excremento seroso excipiēdo, & quo persæpe scatent, destinantur. Atque illud videtur explicatu difficile ex qua materia in iis ventriculis spiritus procreentur, & quo itinere in nervos, ac totū cerebrum ex iis antris deduci queant. Longe itaque probabilius est spiritus ex arterio o sanguine in ipsius cerebri cortice, aut parte cinerea, quæ fere ubique est in cerebro, percolari; atque hinc per quasdam orbitas in certū ordinē componi; hos denique tractus sæpius eos relegere ut varii memoriæ aut imaginationis actus exigunt. Non enim vis formatrix imaginum quæ phantasia dicitur, longe remota est ab eo loco in quo ipsæ asservantur imagines.

Quis vero sit locus sensus communis, aut in qua cerebri parte fiat sensus interioris perceptio, vix divinare possumus. Existimat Cartesius præcipuam animæ sedem in quadam glandula, quæ vulgo conarion, aut pinealis dicitur, esse constitutam. Hæc enim cum una sit, & in medio cerebri, omnes sensuum impressiones excipit; spiritus ex omni parte cerebri in eam incurrunt, pensilis est, & ad omnem motum expedita; adeo ut ad nutum animæ quoquo-versum inflectatur; passionum æstus, phantasmatum incurtus illam in omnes partes versant ac determinant. Si quid reminisci volumus, mens illam huc illuc cōtorquet, donec spiritus per eam subeantes, in eum cerebri locum incurrant, in quo rei vestigium delitescit: huc accedit eam glandulam unicam esse, ut species per geminos sensus acceptæ, in ea conjungantur.

Verum hoc ingeniosum Cartesii commentū multis rationibus refellitur, & ea maxime quod nulla sit in ea glandula mobilitas. Non enim ut sibi persuasit Cartesius, ea est in medio pensilis, sed arteriis & venis, imo & plexui membranoso, qui choroides dicitur, est affixa, nullis nervis, aut fibris suspensa. Deinde jam ostendimus ventriculos cerebri non esse velut promptuaria quædam spirituum animalium, qui hanc glandulam jugi motu, vel flatu quodam impellant: sed seorsus humor per eam cerebri cavitatem, quæ una est, licet in varias partes divisa, defluit per infundibulum quoddam in subjectā glandulam, quæ in basi cerebri sita est, & pituitaria dici solet.

Quod autem sensus communis sedes sit pars interior cerebri, ubicumq; posita sit, hinc con-
jicere possumus, quod pars illa candide nihil sit præter fibras nervorum evolutas; nec dubiū est quin præcipuæ animæ sentientis functiones ibi exerceantur, ubi spiritus sunt puriores, & magis elaborati, ubi in certum ordinem digerī possunt, non temere vagantur, aut fluctuant; ubi denique sunt nervorum origines.

QVÆSTIO IV.

*De somno, & vigilia, ac de præcipuis anima-
lium functionibus.*

Circa somnū & vigiliam quæri merito potest, 1. in quo maxime somnas consistat, & ex quibus causis oriatur, quam cerebri partem potissimum occupet: atque ut certo ordine progrediamur.

Dicendum est 1. in somno spiritus animales contrahi, in vigilia sic dilatari, & expandi,
ut

ut cerebri fibras, & nervos distendant. Hinc ea somnum, & torporem afferunt, quæ spiritus figunt, aut deprimunt, ut opium, seu papaveris succus, quæque dicuntur narcotica, aut soporifera, ut seorsus humor qui cerebri meatus occludit; ac satis verisimile est succo nutritio, aut nervoso liquore qui in cortice cerebri à sanguine per glandulas excernitur, spirituum dispendia reparari, aut nimiam eorum agitationem sedari.

2. Obstructionem illam quæ somnum conciliat, in cortice cerebri potissimum fieri, hinc constat, quod in soporosis affectibus ut in lethargo, seu veterno pars cerebri cinerea uberiore sero plerumque obruitur. Vnde veteris oblivio ipsa subsequitur: æger in morbi ipsius declinatione si forte excitetur, rerum omnium oblitus videtur; adeo ut eadem sit somni & memoriæ sedes; unde opii usus immodicus memoriam lædit. Neque ad ventriculos cerebri hi affectus pertinent. Nam in multis ex hydrope cerebri mortuis cavitates cerebri aqua distentæ reperiuntur: cū ab omni affectu soporoso fuerint immunes. Nec tamen negaverim in somno cerebri fibrillas exhaustis spiritibus concidere, ac somnum nervos ipsos occupare; cessant enim inter dormiendum exteriores sensus, oculi gravantur, & ultro collabuntur. Hinc non aquarum modo murmur, aut musicæ modulatio, sed ingens catarractarum strepitus somnum conciliat, dum intentis auribus cessant reliqua sensuum organa. Cū autem eadē facultas diutius in objectum defigit, citra defatigationem non possit, auditus ipse cito succumbit: hinc somnus oritur cum reliqui sensus feriantur.

Quæ autem causæ soporem, aut somnum præ-

præter naturalem procreent, hoc loco non possumus accurate, ut par esset explicare. Sæpe aquosior sanguis cerebro affusus, aut nutritio humore, nec dum bene subacto turgidus in cerebrū exundat, & spiritus animales obruit, aut fugat. Interdū spiritus animales hebetiores facti, quasi sponte sua confidunt, nec cerebri fibras distendere, nec vigiliam, aut motum, aut objectorum impressiones sustinere possunt; ut in hydropicis sæpe contingit. Illud quoq; plerumq; evenit, ut debilior cerebri constitutio serosam colluviem nō arceat: ut iis accidit qui largius compotare solent. Nam cerebri meatus laxiores facti sanguinis recrementa facile admittunt. Sic diu suppressa per alias vias serosi humoris evacuatio, aquæ acidulæ largius potæ, & per vrinas non redditæ, opiatorū usus aut nimius, aut præposteræ veternum, aut saltem alios affectus mitiores, ut somnolentiam inferre solent. Ex iis autē elicitor spiritus cerebri incolas in somno cellare, nō item eos qui à cerebello in præcordia indefinenter fluunt: ex iis quippe vitales & naturales functiones sic pendent, ut diutius feriari vita superstite non possint.

Quæritur 2. in quo ratio vigiliæ posita sit, & quæ sint illius causæ.

Resp. Tum somnum excuti, cum spiritus idoneo pabulo refectioni meatus ante oculos penetrant, soluti à serosi humoris compedibus: hinc libertatē nacti, & in orbē diffusum sensum implent organa. Itaque sæpe evigilamus, cum sonitu maiore, aut punctione, aut acri humore, aut alia ex causâ sensus exterior fortius percellitur, tumq; motus ille ad sensus communis sedem delatus statim velut dato signo sensus omnes excitat; spiritus qui velut itationarii milites

lites ad principis facultatis iussa sunt parati, in nervos omnes & fibras excurrunt. Cum tamen nondum sunt abunde reſecti, habetiores aliquando fiunt, & minus bene ad ſolita munia comparati. Hinc crebræ oſcillationes, & pandiculationes, cum humorem aquoſum, ac nervoſis partibus inſidentem, nec dum ſatis diſſatutum partium contractione, & diſtentione conamur excutere.

Contra, ubi ſpiritus vel ex morbo, vel ex aliqua animi perturbatione aciores facti ſunt, & nimirum inquieti, tum inſomnia, & pervigilia oriuntur. Cum enim ſpiritus nimio cerebri calore agitati, & ſycco nerveo qui illis eſt vehiculo, eoſque temperat, citius ſoluti, intra cerebri medullam huc illuc ſine rectore errant, aut tritas velut ſemitas repetunt, tum cogitationes inconditas, & plerumque abſurdas fingunt, quæ inſomnia dicuntur.

Interdum accidit ut ſpiritus commoti in ſpiralem medullam & nervos inde proſectos cum impetu prorumpant: hinc membrorum jaſtationes & motus inquieti. Cum autem ſpiritus non adeo ſunt exagitati, & nervorum exordia oſtendunt apertiora, tū nervos aliquando ſubeunt, atque alios ſpiritus in muſculorum fibris quieſcentes ad motum impellunt: adeo ut quidam interdum veſtimenta induant, fores aperiant, & noctu divagentur: tametiſi alte dormiunt, nec quicquam eorum quæ tum egere, recordantur. Contra iis evenit atque in ſomniantibus, qui cum ſint in lecto compoſiti, & immobiles, ſua ſibi agere negotia, huc illuc diſcurrere videntur. Nam ſpiritus tantum memoriæ, & imaginationis organa commovent. Unde ſomniorum ſæpe reminiſcimur. Sed in ſomnambulis memoria, & imaginatione intactis,

Etis, omnis spirituum impetus fertur in nervos & motus organa, quæ tanquam automata consuetos motus ex ordine peragunt. Atque iis idè fere accidit, quod in nobis quotidie experimur, qui alio intenti, aut testudinis fides numero pulsamus, aut cantilenas occinimus, quod spiritus certis motibus assueti, quasi ultro & ex ordine eosdem peragant.

Quæritur 3. Vnde vertigines, scotomix, deliria, & insani affectus oriuntur.

Resp Ex iisdem fere causis eas cerebri affectiones duci, ex perturbato nimirum spirituum motu. Neque aliunde magis quæ spirituum, aut sanguinis, aut cerebri ipsius constitutio hos affectus procreet, dignoscere possumus, quam ex evidentibus causis, quæ plerumque iis ortum præbent. Hinc leves aliquando, & momentaneæ vertigines, & scotomix, seu tenebrarum offusiones ex inedia, hæmorrhagia seu sanguinis fluxu & studiis immodicis nascuntur. Nam ubi sanguis in corde deficit, simul & spiritus animales una deficiunt; quique in cerebro sunt residui, fonte ipso occluso, neque in nervos effundi, neque in certum ordinem cogi possunt. simili quidem ratione qui per angustiorē pontem minus assueti ingrediuntur, aut ex editiore intuentur loco, sæpe in vertiginem incidunt. Imaginationi quippe terror ex periculo incussus spiritus animales à solita nervorum irradiatione intus revocat, & præ nimia sollicitudine cōfundit. Hinc etiā plerique aut navis, aut currus agitationem citra vertiginem fere nō possunt. Nam spiritus in cerebro, ut aqua in vase fluctuant, & in se se cōvoluti vertiginē creant: uti iis accidit qui diutius circum se acti, ubi consistunt, omnia in gyrū torqueri existimant. Nam commoti spiritus & in vorticem acti non

statim quiescunt. Hinc nutant vestigia, oculi caligant, & rotari omnia circumposita videntur. Nam spiritus commoti, & instar turbinis contorti nō amplius in nervos, ut par est, diriguntur, & quam habent agitationem, rebus ipsis affingunt.

In vertigine & scotomia functiones imaginationis, aut sensus cōmunis illæso iudicio pervertuntur. Verum sunt alii affectus, qui phantasiæ & memoriæ actus ita conturbant, ut mens non sibi constet: sed in transversum agi videatur. Cum morbus lævior est, & non admodū diuturnus, delirium appellatur: cum enim spiritus intra suos ductus, aut orbitas in ordinem digesti moventur, tum mens ex certis cerebri vestigiis distinctas quoque rerum imagines effingit. At si forte ordo ille à natura cōstitutus perturbetur, ac spiritus huc illuc temere agantur, tum ex illa spirituum conturbatione absurdas cogitationes, & inconcinnos motus oriri necesse est. Nam, ut sæpe diximus, ea lege animus videtur esse cum corpore conjunctus, ut certas spirituum, aut cerebri impressiones, certę icidem perceptiones, aut voluntates, ac vicissim quosdam animi nutus, aut iudicia, spirituum determinati motus consequantur: seu in facultate animali, aut sensuum interiorum sede, seu in parte aliqua cerebri velut in regali solio anima insideat, atque hinc totum corpus regat, & moderetur.

Quamobrem ex ipsa vertigine, aut scotomia manifeste colligitur iudicium mentis esse quiddam à sola imaginatione secretum: cum huic omnia circumagī videantur, illæso mentis iudicio. Ex delirio vero, & insanis affectibus arctissimum esse corporis, & animi nexum, & vitiato organo functiones animi vix integras, & sanas
existere

existere omnino conficitur.

Illud quoque nō abhorret à vero in phrenitide quæ semper est cū feбри conjuncta, spiritus inflammari; in melancholia liquorem illum vitalem & nervosum, qui spiritus continet, ne à se invicem distracti sentientis animæ continuitatem abrumpant, aciditatem quandam, qualis est in aceto, contraxisse; in mania acrem fieri; in morosi quæ habetes & stolidos efficit, vapescere. Sæpe fermenta quædam venenata sanguinē primū, tum nervosum succum inficiunt, & insaniam procreant: ut rabidi canis morsus; prava interdum victus ratio, ut in magna annoz caritate, cū cibis pravis pauperes vesci coguntur; maligni aliquando ulceris suppressio, acre, & calidum temperamentum, mores indomiti ad insaniam disponunt.

Contra sanguis effœtus spiritus itidē vapidus & inertes gignit: hinc stoliditas in cerebro præsertim male conformato. In hoc vero stulti à fatuis videtur differre, quod illi, satis bene & celeriter concipiant, sed male judicent, & pessime ratiocinetur: fatui vero neq; res percipiunt neque ideas apte conjungunt. In illis spiritus aliquādo satis agiles sunt; sed minus sibi coherent; nec constanti motu per cerebrū deferuntur: desultorie tantum & perturbate breviores cerebri tractus percurrunt. In fatuis spiritus adeo sunt hebetes, & tardi, ut nullam pene functionem rite exerant. Arque hæc stoliditas solertes quandoque & ingeniosos afficit: quod sanguis ex nimia fermentatione aquosus & vapidus evadat. Hoc ipsum quandoq; ebrietas efficit, dum cerebri poros vini corpuscula animali regimini infesta occludunt. Tristitia vehemens, aut violentæ passionēs idem malum quandoque afferunt, dum spiritus, aut à se in-

vicem distracti, aut in confusionem acti species male cohærentes exhibent.

Ex iis colligimus ingeniorum discrimina nō satis apte ex sola primarum qualitatū temperie duci. Nam cerebri conformatio, figura, magnitudo, partium textura, spirituum animalium substantia, & motus magnum ad ingenii vim aut tarditatem momentum affrunt. Itaque si minor quàm par sit, aut major fuerit cerebri moles, ingenium erit præceps aut tardum; vel quod spiritus ipsi spatium non habeant satis liberū & patens; vel quod æquabilis eorum motus figuræ vitio inhibeatur: vel interdum in ampliore mole vilior est minutarum partium contextus: aut alia quævis causa subest occultior, quæ rerum imagines distortas & male delineatas exhibeat. In præcocibus ingenii partes spirituosæ & vegetiores statim sese efferunt: quod reliquum est, vappidum, iners, & aquosum remanet: ut vinum post longam fermentationem vappescit. Hinc præmatura in pueris ingenia citius occidunt. Sed de his jam sæpe nunc quæ adversus ea quæ tota hac disputatione diximus, opponi possunt, dissolvamus.

Solvuntur objectiones.

Opp. 1. aduersus ea quæ diximus, sensum cum exteriorem, tum interiorem in certa spirituum animalium commotione esse positum, hos spiritus nulla vel ratione, vel experientia demonstrari; sed fingi ad libidinem, fere ut occultas qualitates; quæque iis tribuuntur, ab ipso sanguine, aut tenui liquore qui nervos impleat, proficisci posse; nullius eos usus esse, cum non sint magis animati quàm sanguis ipse, in quo ex Scripture sanctæ autoritate brutorū anima posita est. Atque ut sint partes sanguinis tenuiores & mobiliiores non idcirco eos vi motrice

trice donari: uti nec aerē qui admodum rarus est & tenuis. Quare cum ad spiritus animales ubique recurrimus, res plerumque obscuras per obscuriores explicamus.

Resp. Functiones animales his spiritibus sub-
latis explicari nullomodo posse; ut ex iis quæ in hac disputatione diximus sit manifestum, & ex iis quæ postea de motu animalium dicemus, planius fiet. Nec video cur intellectu adeo sit difficilis substantia tenuis & actiuosa, quæ ex innumeris pene effectibus demonstratur. Et quidem in naturæ & artis operibus maxima quæque non tam ab ingenti corporum mole quam à tenui & subtili materia perficiuntur; ut in pyrio pulvere, aëro fulminante, vitreis lacrymis, & aliis innumeris cernere est. In iis quippe spiritus conclusus tantum edit aut stragis aut fragoris, quantum nemo nisi expertus crederet. Quare illud est vero proximum, spiritus animales instar lucis vel ætheris potius nervorum fibras & totum corpus irradiare; iisque tubulis inclusos eam vim habere quam in sclopetis & fulmine cernimus. Nec video quid in musca, papilione & aliis animalculis motum tam pernitem, aut in elephante adeo validum efficiat: si nihil in iis sit præter humorem quemdam unctuosum & inertem. Nec multum refert an spiritus sint animati necne; an anima sentiens sit in sanguine, ut Scriptura testari videtur: cum spiritus sint præcipua illius instrumenta, atque ex ipso sanguine exstillentur. Ac licet forte quæ sit eorum substantia, explicare non valeamus, eos tamen existere, dubitare non possumus.

Opp. 2. Sensus interiores in substantia cerebri perfici non posse, cum ea sit omni sensu destituta; neque ulla pars cerebri assignari pos-

fit, in qua præcipuâ animæ sedem collocemus. Quare cum sensus omnis organum sit membrana quædam, aut fibrarum & nervorum contextus, multo id propius vero videtur, commune sensorium vel in tenui meninge, quæ exquisiti est sensus; vel in plexu choroide ex fibris, arteriis & venis mirabili arte contexto; vel in ipsis demum ventriculis insidere, ut Veteres credidere, quâ in substantia ipsius cerebri callosa & candida; vel in medullæ oblongatæ apicibus, vel in striatis corporibus quæ in piscibus & avibus desiderantur; vel in septo quodam lucido quod ventriculos determinat, vel in alia cerebri parte, quæcumque illa sit, constituere.

Resp. Nihil à nobis de præcipua animi sede, ut certum & inconcussum decerni posse; sed illud tanquam verisimile afferri, objectorum impressiones in parte cerebri cinerea & molli asservari; sensum communem in ea cerebri parte quæ nervorum origini sit proxima, quæcumque illa sit, quæque inter cerebrum, cerebellum, & medullam oblongatam fovet commercia, potissimum insidere. Nec necesse est ut organum animæ præcipuum sit exquisiti sensus: imo id sincero iudicio obesset maxime; atque ut visus organum omnis coloris est expertus, & gustus organum nullo sapore imbuti debet; sic commune sensorium exquisito sensu destitutum oportet.

Nec cerebri ventriculi sunt spirituum officinæ, sed cerebri potius excipiendis excrementis destinantur; aut certe subtili quodam aere distenduntur, qui vi sua elastica spirituum motum adjuvat, aut cum iis admiscetur, aut in alios usus nobis incognitos eo loci colligitur. Hinc animalia in machina pneumatica exhausto aere convulsiones patiuntur, quod interioris forte
aeris

aetis spiræ dilatatz, nervos admodum intendant. Itaque satis verisimile est purissimum aërem in iis cerebri ventriculis contineri, qualē in aqua, dum congelatur, inesse alio loco diximus; qui scilicet vi sua elastica glaciem confringit. Eo quidem nullum animal carere potest, isq; est sanguinis & spirituum vehiculum, cum iis intime commiscetur, & vi sua elastica motus animalium non mediocriter promovet.

Vt cumque ea res sit, illud non abhorret à verisimili, sensus interiores in callosa potissimum & medullosa cerebri substantia vigere: hæc enim eo major est, quo sensus interiores sunt acriores, ut in homine, simia, & aliis. In avibus exigua admodum est illa cerebri substantia candida. Sic Gallina capite acu transfixo diu viget, quod illæsa medullari substantia, pauciores quidem spiritus gignantur: sed tamen non intercepto eorum comœatu, vita non extinguatur. Aves porro aut pisces, aut minusculæ animantes copiosos ad motum efficiendum procreant spiritus, qui in functiones sensuum interiorum non absumuntur. Hinc major in iis corticis cerebri, seu partis cinereæ copia.

Iam vero id molestius non inquirimus cuiusmodi sint illæ species quæ cerebro imprimuntur, an spiritus fibrillas cerebri certa ratione soleant intexere & fingere; an quas accipere impressiones in anfractibus & cellulis cerebri custodiant, & easdem, cum opus est, exhibeant? An spiritus ipsi nō sint uniusmodi, sed alii volatiles, & ad motum succincti, alii fixiores, & magis unctuosi; qui in cerebri anfractibus continentur: An forte spiritus huc illuc per easdem semitas comœantes, altius in cerebro rerum notas insigunt, quarum oc-

caſione mens novas cudit imagines : iſta enim nos omnino fugiunt. Quo autē facilius cum ea quæ diximus, tum quæ mox dicturi ſumus, percipiantur ; in figuram cerebri appoſitam diligenter intueamur .

H *Æc figura cerebrum ovilum in duas partes ſectum & evolutum repræſentat ; ut ſuperior figura medullam oblongatam, quæque cerebri velut eſt baſis, exhibet, cuius varia ſunt tabernacula .*

Prima & anteriora ſunt B, B, quæ ab Vvilliſio ſtriata corpora dicuntur ; quod ſtriis, ut ipſi videtur, ſint incifa . Verum, ut publice oſtendit D. du Vernay, hæc ſtria ſunt ſcapelli ipſius effectus ; neque inſunt in iis corporibus, ſed ab ipſo Diſſectore ſunt .

L, L, ſunt alia ejuſdem medulla tubercula, quæ thalami nervorum opticorum dici ſolent .

Sic P, P, ſunt protuberantia orbiculares, quæ ſuas habent appendices, ſeu epiphyſes .


Iam vero varii ſunt tractus candidi, & quaſi funes medullares, C C, E E, I I, per quos ea tubercula inter ſe communicant .

G G glandula eſt pinealis in duas partes ſecta .

R R cerebelli truncus medullaris in ramos inſtar arboris diviſus .

S calamus ſcriptorius, aut quartus ventriculus .

oex oex





QVÆSTIO V.

De motu animalium, & illius organis.

PRæcipua motuum animalium organa sunt nervi, & musculi. De utrisq; breviter dicendum. Nervorū radices in cerebri, & cerebelli cortice esse diffusas, easque in medullā oblongatam velut in truncū colligi, & in nervos ipsos tanquam in ramos spargi, ex iis quæ superiore quæstione attigimus, facile colligitur. Neque id adeo certum arbitramur omnes nervorum fibras in cerebrum & cerebellum definire: cum in piscibus cerebri moles ita sit angusta, ut minime sit verisimile omnium funiculorum, ex quibus nervi contextuntur, extrema in cerebro & cerebello terminari. Adde illud quoque in piscibus spinalem medullam, ex qua tot oriuntur nervi, in progressu fere non minui. Quod si itaque spinalis medulla nihil esset quam cerebri appendix, eam versus caudam animalium hoc magis extenuari oporteret, quo pluribus nervis in descensu præbuit originem.

2. Nervi ex innumeris pene fibris constant, quæ ab origine sua diuisæ ad partes corporis vel multum distitas integræ ducuntur. Quin & singulas nervorū fibrillas pia mater involvit, quo sint solidiores, & magis exquisiti sensus: non secus atque in massa argentea cum deauratur, fila ejus arctius contracta, & longius producta auro itidem obducuntur. Sic spiritus per certas quique fibrillas ad partes quibus eæ inseruntur, impulsæ, animæ jussu facilius exequuntur, quam si nervulis aptarentur valvulæ, ut in venis: quæ à Cartesio ingeniose fingun-

tur. Nervorum tubuli vel sunt excavati, vel in-
 numeros meatus forte ut cannæ indicæ admit-
 tunt. Hos utique implent non spiritus modo
 qui instar lucis sese latius explicant; sed etiam
 liquor nervæus, qui spiritus continet, & ad par-
 tes omnes corporis vehit, ac forte viscositate
 sua impedit ne ii diffentur. Itaq; succus ille in
 cerebri cortice exstillatus, in medullam oblon-
 gatam primum, & in spinalem ut in arcam
 organi pneumatici, tum in nervos, & eorum
 fibras, tanquam in tubulos, non præcipiti, sed
 placido motu defertur.

3. Ut omnes animalium motus non sunt
 uniusmodi, sic nervi qui horum motuum sunt
 opifices, non eandem habent originem. Qui
 motus spontaneos exerunt, ii magis pendent à
 cerebro, iiq; à medulla oblongata & spinali
 oriuntur. Qui vero vitales & naturales motus
 efficiunt, nobis insciis & invitis tanquam in
 automate, iidē à cerebello dimanant: spiritus
 quippe in cerebelli, ut in cerebri cortice gignū-
 tur. Nam copiose eo loco sparguntur arteriæ,
 & venæ sanguinem refluxum accipiunt; glan-
 dulæ serum à sanguine separant. Sed effluxus
 spirituum è cerebello est perennis, & minime
 interruptus; non item in cerebro, quod forte
 inter dormiendum majorem gignit spirituum
 proventum. Vnde eadem pene est in omni ani-
 malium genere cerebelli forma, & ubique in
 laminas alte incisas dirimitur: cum enim in
 omni animalium genere præcordiorum motus
 & actiones eodem pene modo peragantur, non
 mirum est si eorum cerebella eandem ubique
 formam, eosdem circellos vel lamellas, eosdē
 processus, eosdem quasi pedunculos habeant,
 quibus medullæ oblongatæ attinguntur. Cum
 autem nec sensus, nec motus spontanei, nec

imaginatricis, & appetitus actiones sint in omnibus animantibus conformes, ut sunt respiratio aut cordis motus, magna quoque in iis reperitur cerebri & medullæ oblongatæ varietas. Vbiq; in cerebello plicæ & anfractus conspiciuntur, qui in cerebriis multorum animalium desunt. Accedit etiam quod secto in animali cerebro, cordis motus & respiratio maneant; sed ubi cerebello cultum adhibueris, statim vitales motus omnino cessabunt. Vnde nervi vitalibus addiæti functionibus, à cerebello suam ducunt originem.

4. Nullum est inter cerebrum cum cerebello immediatum commercium: etsi enim parte summa colligari inter se videntur; amen non nisi superficie tenus se tangunt: sunt enim distinctæ omnino hæc duæ animalis regiminis provinciæ; nec inter eas spirituum commeatus ultero citroq; peragitur, nisi medullæ oblongatæ interventu. Quique in cerebro elaborantur spiritus, per medullam oblongatam in nervos qui motus spontanei sunt organa, continenter profluunt: ut spiritus in cerebello præparati ad eas partes tendunt, quæ naturæ instinctu, aut cæco passionum impetu actiones suas exerunt. At sæpe permagni interest ut ambæ partes, ad quas summa rerum pertinet, vires suas confocient ut naturæ instinctus cerebrum non lateat, aut vicissim idea in cerebro formata, vel appetitus ad præcordia usq; per interjectum cerebellum transmittatur. Quare huius commeatus gratia protuberantiæ quædam medullæ oblongatæ, velut spirituum diverticula, aut castella sunt à natura destinata. Sic forte protuberantiæ cerebri orbiculares passionum ideas in cerebro conceptas in cerebellum per spiritus transmittunt, atq; hinc in præcordia deducuntur; ut vicissim

naturæ instinctus, aut viscerū affectiones primū ad cerebellum, tūm si paulo sint vehementiores, in ea cerebri tubercula, tandem in striata corpora, aut in aliud, si quod sit communis sensus organum, deferuntur. Quod si v. gr. magnus sit æstus in præcordiis, sensus hic molestior per nervum qui vagus dicitur, quique in viscera interiora diffunditur, cerebellum afficit: hinc spiritus per prædicta tubercula, & eorum epiphyfes ad cerebri tribunal perveniunt: ubi aquæ excitatur appetitus; tum motus imperatur, quo ea molestia tolli possit.

Nervorum origines perstringuntur.

Septem nervorū conjugationes quæ è cerebro, & cerebello prodeunt, Veteres recēsuere. Sed Thomas Vvillis Anglus, qui anatomiam cerebri diligētius est persequutus, decē numerat; eorumq; origines cerebro inverso facileprehenduntur. Primi sunt olfactorii, qui ex medullæ oblongatæ radicibus, ad eas partes cerebri anteriores mammillarū papillis nō absimiles delati in plures abeunt fibrillas, quæ nariū cavitates ut jam vulgo creditur, obducunt: quanquam valde incertum est an ii nervi dicēdi sint, qui forte nihil sunt præter utrumque cerebri ventriculū eo usque continuatum, ac nihil videntur habere de nervorum natura. Hi nervi in prima figura sunt 1, 1.

2. Olfactorios, si tamen illi sint nervi, excipiunt optici, qui ex utroque latere medullæ oblongatæ, ex iis nempe tuberculis quæ nervorum opticorum Thalami à Galeno vocitantur, suam ducunt originem: in progressu prope infundibulum conjunguntur, mox à se invicem discedunt. In ortu ipso nihil sunt nisi filamenta quædam sibi parallela, quæ producta in striata

corpora desinunt : in eadem figura duo nervi optici sunt 2, & 2, qui prope infundibulum O, conjunguntur.

3. Occurrunt nervi oculorum motores è basi oblongatæ medullæ prope infundibilî oriundi, quique in oculorû musculos sparguntur ; adeo ut motus spontaneus ab iis nervis proficisci videatur. Qui autem à cerebello, aut ejus vicinia prodeuntes in oculi musculos sparguntur, hi motus efficiunt patheticos, atque, ut sunt affecta præcordia, ita oculos varie inflectunt. Nervi motores oculorum sunt 3, & 3, ut pathetici sunt 4, 4.

4. Hi quippe nervuli qui prope orbiculares processus oriuntur, in ipsius cerebri vestibulo, oculos juxta instinctum, aut passionum impetus varie contorquent. Vnde par illud quartum nervos patheticos complectitur, idque recens fuit observatum.

Quintum sequitur, quod vulgo tertium nominatur : quod è citeriore cerebelli parte, ex utroq; videlicet latere illius protuberantiæ, quæ medullam oblongatam cingit, profectum in varias fibras, jam in ipsa origine dividitur. Ex iis aliæ sunt duriores quæ motui servant, aliæ molliores, quæ ad sensum, gustatum imprimis, & olfactû pertinent; omnes pene ii rami naturales exerunt functiones, aut quas passionum impetus exigunt. Tametsi satis est probabile quosdam ramulos ex caudice medullari ortos motui spontaneo etiam famulari. Hujus nervi interventu tanta est consensio inter oculos, nares, linguam, faciei musculos, & præcordia, ut in consimiles actiones una conspirent. Hinc præcordiorum affectus statim in facie se produnt : nam hujus nervi ramus una cum ramo sexti paris, quod ex ima parte ejusdem protuber-

rantia annularis oritur, radices sunt nervi insignis, qui intercostalis dicitur, quiq; in cor & viscera pene omnia diffunditur. Ex quibus palam fit cur inter oculos, nares & gustatus organum tanta sit cognatio; cur cibus aut olfactu, aut visu perceptus salivam moveat; cur in summo languore vini libamen tam cito præcordia recreet, cur inter manducandum tot muscoli nobis insciis, & citra defatigationem moveantur. Actiones enim illas solus naturæ instinctus exigit: atq; ille spiritus qui à cerebello continenter manant, eas exerunt. Hinc etiam omni perturbatione animi, ut in risu, fletu, gaudio, mœrore, oculi, facies, os ipsum, cordis motibus tam apte respondent, ut eodem velut plectrò agitari videantur. Atque hi nervi suis numeris, & designati in margine annularis processus sunt conspicui.

Sextum, ut diximus, par ramum pro radice nervi intercostalis suppeditat, dum alter, & major in quosdam oculi musculos absumitur, ubi non alios motus quam patheticos, ac merum imprimis efficit. Hinc subito timore percussi, statim oculos ad latera deducimus: par sextum 6, 6.

Septimum ex imo margine annularis protuberantia oritur, atque illius duo sunt utrimque trunci, quorum alter est mollior, & præcipuum auditus organum; alter est durior, qui ad fauces, laryngem, linguæ musculos, labia, & alias oris partes mittit furculos. Hinc vox tam apte auditui responderet. Hinc etiam nonnulli aures musicas habent, alii non item, ut forte eorum cerebellum molle est, aut durum, & sonorum ideas facile, aut ægre excipit. Nam ut in cerebro manent impressiones ab aliis sensibus factæ, ita forte in cerebello, aut in processu annu-

annulari qui medullam oblongatam cingit, sonorum asservantur vestigia. Tot enim notiones, aut species quæ insunt cerebro, sonorum numeros facile cõfunderent. Sed in cerebelli cellulis rite dispositi tutius collocantur, unde sponte quadã & citra attentionẽ continuata serie, non perturbata profluunt. Hinc musica perturbationes animi sedat, tristitiam lenit, immodicos sanguinis estus, aut fluctuationes temperat, dũ spiritus à cerebello in præcordia jugi fluxu manantes quasi ad numeros movet. Verum ista ut conjecturæ sunt accipienda: quod minus sit verisimile sonorum impressiones in cerebro aut sensus communis organo infigi.

Par octavum, seu vagum inferius oritur, idq; magna fibrarum varietate in ipsa origine est conspicuum. Hoc utique cum pari intercostali in præcordia delabitur; sed ultra ventriculum non excurrit: cum nervus intercostalis, cujus primam originem supra diximus ex quinti & sexti paris furculis repeti oportere, in partes infimi ventris longe lateque spargatur. Vterq; nervus, vagus scilicet, & intercostalis in plexus quosdam quasi in nodos, aut tumores identidem dilatatur: cũ scilicet ramos aut admittit, aut emittit. In his velut castellis spiritus collecti in suas quiq; provincias amandantur. Vagus in suo fonte insignem è spinali medulla nervũ accipit, cum quo conjungitur, & ambo eodem involucro tecti, è cranio prodeunt, tum spinalis nervus statim discedit. Nonum, & decimum par, ut vertebrarum nervi in varios musculos abeunt: sunt enim motus spontanei instrumenta: de quo quidem motu dicendum restat.

De motu animalium.

Sensum omnem cum appetitu quodam, &

vimotrice conjunctū esse jam in Philosophia Morali diximus. Ac frustra sensus nobis esset à natura concessus, nisi vim motricem sibi haberet adjunctam, qua posset quæ sibi apta sunt, adipisci, & noxia refugere. Motus autem animalium duplex est, spontaneus nimirum, & mere naturalis: de utroque dicendum.

Præcipuum & proximum motus spontanei organum est musculus, qui summa celeritate contractus, partem cui inseritur, adducit, aut flectit, aut torquet. Quo autem id modo fiat, explicatu, si quid aliud, arduum est. Sed priusquam id ingrediamur, musculi fabrica ante est explicanda.

Musculum ex tribus partibus esse compositū vulgo docent Anatomici; ex capite nimirum, cauda, & ventre. Caput principium est & velut centrum motus: nam musculus ad originis suæ locum adducitur; caudam vocant tendinem quā in os, aut partem movendam inseritur; fibræ autem multiplices à capite musculi prodeuntes in tendinem desinunt: venter mediā & latiorē musculi partem occupat; robur & firmitas musculi à fibris tendinosi potissimum repetitur: sunt tamen flexibiles, non rigidi.

Verum artificiosi & mechanica musculorū compositio diligentius à Stenone nuper fuit exposita. Ac primū cum alii sint simplices, alii compositi, simplices non uno tantum sed duplici tendine muniuntur; hique non in directam, ut vulgo supponitur, sed uti videre licet in figura quæ secundæ tabellæ est apposta.

Nam A C, A C sunt duo tendines in quos fibræ carnes desinunt; fibræ autem carnes

in medio laxiores, sibi mutuo parallelæ, & cum utroque tendine pares angulos efficiunt; sive ex spectentur fibræ, quæ juxta se positæ musculi latitudinem efficiunt; seu illas intueamur quæ musculi crassitiem & profunditatem componunt. Citra sectionem musculi, fibras quæ illius latitudinem efficiunt, & earum situm intueri licet.

Quod si autem tendinem alterum secueris medium, & totum pene muscolum divideris, tum fibras carneas una serie dispositas, & parallelas, ab uno tendine in alterum productas conspicias; quæ ut placet Stenoni, utrimque acutos, & pares angulos cum oppositis tendinibus efficiunt.

Quare ubi musculus contrahitur, & intumescit, tum iidem manent tendines, neque ii fiunt contractiores; fibræ autem carneæ a se invicem magis diductæ fiunt apertiores, aut laxiores, ac minus acutos angulos cum utroque tendine efficiunt. Hinc brevior ut musculus: nam fibræ carneæ parallelogrammum, seu quadrangulum exhibent, cujus oppositi anguli non ita sunt acuti, sed rectis angulis sunt propiores. Ac forte id fieri potest citra novæ materiæ accessionem; adeo ut contrahatur musculus ex sola angulorum mutatione. Is fibrarum parallelissimus, & cum utroque tendine connexio intelligi utcumq; potest exemplo illius instrumenti jam vulgaris quo solent Geometræ lineas parallelas ducere, aut scalæ portatilis. In iis quippe latera semper eadem manent, licet anguli modo sint apertiores, modo acutiores.

Musculus tamen ex solis fibris carneis non constat: sunt enim aliæ pene innumerabiles, & membranosæ, quæ carneas transversim secant, sibi

sibi itidem mutuo parallellæ, quæque parës angulos cum utroque tendine efficiunt. Sed & fibræ omnes membrana quadam ut communi involucre reguntur. Arteria quoque, vena, & nervus medio musculi ventri ita inferuntur, ut arteriarum propagines per carniū interstitia ubique spargantur, nervus autem minuciores tantum surculos circa medium musculi ventrem emittat.

Musculus compositus ad validiores motus à natura comparatus, multiplici ventre instruitur: tendines quoque habet tum externos, tum intermedios, ut in apposita mox figura cernere est. Sic uterque tendo similis est funi crassiori qui ponderi attollendo illigatus, in plures funes mox divisus à multis hominibus trahitur. Tum enim funis cum appenso pondere tendinem cum parte movenda exprimit. Sed carneæ fibræ dum à se invicem recedunt, & angulos mutant, uti homines funē divisum trahentes, fiunt breviores, & pondus attollunt: adeo ut fibrarum contractio musculi motum efficiat.

Sed gravis adhuc, & nescio an aliquando dijudicanda manet quæstio, an fibræ carneæ quæ breviores evadunt, cujusdam substantiæ accessu fiant crassiores: ita ut contractus musculus turgcat, & plenior sit quam ubi relaxatur. An potius fibræ carneæ sola angulorū ampliatiōe à se invicem recedentes crassiorem musculum, & breviorē efficiant. Hac de re nihil audemus decernere. Thomas Vvillis priorem tuetur sententiam, quam variis exprimentis confirmat.

1. Id constat ex dissectione vivorum animalium, fibras carneas cujusque musculi, aut ab aliis separatas, aut conjunctas, tum contrahi,

& du-

& duriores effici, cum musculus ipse contrahitur. Sic fibris diaphragmatis, quod scilicet corporis truncum bifariam secat, cum ab aliis essent divisæ, & in medio ligatæ, contractio facta est more solito. Sed ubi ligatura uni extremo propior facta est, ultra ligaturam versus medium nulla est facta contractio. Quod motus, aut contractionis principium ab utroque tendine versus medium musculi ducatur, & in ventrem propagari soleat, per spiritus scilicet ab utroque tendine diffusos. Hinc fibris resectis versus alterum tendinem, ex ea parte statim flaccescunt, dum contractio in parte altera, ubi tendini adhæret, diu continuatur. Atq; hinc liquet contractionem musculi non fieri, cum finis illius ad caput adducitur, ut vulgaris opinio hætenus obtinuit: sed cum fibræ carnes circa ventrem intumescunt, tendinibus quoad longitudinem & crassitiem nihil immutatis. Quod quidem in diaphragmate clarius patet. Nam eo contracto, fibræ carnes fiunt breviores & crassiores.

2. Fibræ carnes cum solæ fiant crassiores, non aliunde possunt intumescere quam ex novorum spirituum accessione: spiritus vero qui è cerebro aut cerebello profluunt, videntur esse pauciores quam ut tot motus, & tam diu procreent. Hinc illud satis est probabile spiritus quosdam insitos in utroque musculi tendine coarctari, qui ubi expanduntur, & in fibras carneas commeant, eas contrahunt, & duriores efficiunt. Siquidem eos vi elastica donari, ut aerem ipsum, non abhorret à verisimili. Nam vis musculorum non solum ex cerebro, & nervis rite dispositis; aut ex mechanica musculorum dispositione; quod fibræ carnes sint velut totidem

eidem vectes tendinibus affixi, qui pondus appensum attollunt, aut adducunt; sed forte etiam ex vi elastica spirituum oritur: quæ in iis non minor est quam in ipso aere: & tamen novimus quantum pondus vesica dum inflatur in machina pneumatica, attollat. Et quidem nervis tantis motibus obeundis sunt impares, nec citra disruptionis periculum, cum impetum sustinere possunt. In ipso igitur musculo tam valida vis quærenda est, quam tot fibræ simul contractæ ut totidem funiculi habere possunt.

Rem vero ita esse ex ipsis ligaturis licet colligere: cum vim omnem motricem à tendinibus ad fibras carneas, seu ad ventrè musculi profluere experiamur. In cordis, diaphragmatis, thoracis, & aliis qui certa lege fiunt, motibus, juxta instinctum à cerebello per nervos transmissum alternis extenduntur, & relaxantur. Sic cordis mucro resectus, & digito impositus identidem se contrahit, & durior percipitur. Quod utique omni musculo commune est. Nā si longioris musculi longiores fibras carneas, ter quaterve transversim secueris, partes sectæ contractionem suam adhuc continuabunt, & duriores fient in ipsa contractione. Instinctus vero ille ad motum naturalem à cerebello per nervos transmittitur. Nam spiritus, ut dictum est, alternis expanduntur, & contrahuntur. In musculis vero qui motus exerunt spontaneos, instinctus ille & imperium à cerebro dimanat. Quo autem id modo fiat, explicatu, si quid aliud, est difficillimum.

Ea tamen ut probabilia statui possunt. 1. Spiritus influos à cerebro per nervū transmitti atq; hinc spiritus qui in tendinibus ut in promptuariis insident, velut ad motum impelli: hi

vero fibras tendineas nec dilatant, nec contrahunt. Sed ubi ad carneas pervenere, eas statim contrahunt: fere ut caloris atomi intra metalli meatus conclusæ placidius fluunt: sed molliori excepto corpore, ut in corio, illius partes huc illuc agitant, & exasperant.

2. Id certum quoque videtur sanguinem ad motum animale esse necessarium: cum spiritus magnis exhaustis laboribus aliunde refarci nō possint: nec qui per nervulos affluunt, tot motibus sufficiant. Vnde membra sanguine destituta statim aut debilia fiunt, aut paralytica. Idq; à Stenone fuit observatum: quod cum aortam descendente in cane vivo ligasset, adstricto vinculo statim partes omnes motu privarentur, qui laxato vinculo reddebatur. Quod nō spiritus tantū animales, vel insiti, & in cellulis tendinum reconditi, vel influi, & nervorū interventu transmissi, sed arteriosus quoq; sanguis, vel succus ex eo secretus ad motum conspiret: quocumq; id modo fiat, sive succus sanguineus cum succo nervoso aut spiritibus non nihil tumultuetur, & fermentescat; sive citra effervescentiam, aut elisionem hic motus perficiatur: id enim omnino nos fugit.

Illud quidem certum videtur, primo nervos qui à cerebro manant, quique in mille abeunt fibrillas, instinctum tantummodo vel impetū afferre. 2. Musculos uberiore sanguine perfundi, quod in motus spontaneos plurimi spiritus absumentur, qui è latice sanguineo subinde reparantur. 3. Longe majores, & magis continuas futuras musculorum contractiones, nisi se se mutuo impedirent. Vnde cum alter musculus paralyti resolvitur, illius oppositus, seu ut loquuntur, Antagonista plerumque jugi contractione aut convulsione afficitur.

Atque

Atq; ista de musculorum motu ex Stenone, & Vvillifio magna ex parte desumpta jam dictata & explicata fuerant, cū pereruditus Vernaxus regiæ Academicæ Anatomicus musculorum structuram & usum ita fere exposuit. Ac primo quidē fibras cujusque musculi motrices exhibuit, quarum unaquæque triplici parte necessario constat, duplici nimirum tendinosa, ut in appositæ tabellæ prima figura B B & media quæ carnosæ est, & crassior A. hæc q; ex multis constat fibrillis, quas filamenta membranosa connectunt: pars tendinea dura est, firma, compacta cum carne cohærens: pars autem carnosæ est mollior & minus firma.


2. Fibra carnosæ est instar elaterii cujus motus est manifestus, tendinea est velut funiculus quidam omnino immobilis.

3. Eiusdem musculi fibræ carneæ sibi mutuo sunt æquales: sunt enim fibræ singulæ quasi totidem elateria, quæ ad certam usque longitudinem extenduntur; idque eo magis, quo sunt longiores: adeo ut si fibra uno digito longa ad unius lineæ, seu partis duodecimæ longitudinem contrahi possit, fibra tres pollices aut digitos longa usq; ad tres lineas contrahatur. Cū itaque æquales sint omnes eiusdē musculi fibræ ut in figura secunda videre est, ubi contrahuntur & vim suam exerunt, ad eandē omnes quantitatem simul corripuntur; sicque mutuo se se adjuvant, & vim suam majori conatu edunt, quam si inæquales essent fibræ: tum enim una ad trium, altera ad unius lineæ quantitatem contracta, magna oriretur in musculi motu inæqualitas & confusio; ac debiliores fibræ non modo inutiles forent, sed vegetiores quoq; impedirent. Vnde si fibra carnea altius in tendinem descendat, minus in alterū tendinē ascendit:


pag. 114.
 2.^a part.
 phys.
 1.^a Fig.





2.^a Fig.



3.^a Fig.



4.^a Fig.



Vcl. 4.^e



nenter à cerebro in musculos profluere. Itaque non dubium est quin tendines sint quasi spirituum promptuaria, quos novi è cerebro advenientes spiritus excitant: iique una cum succo quem arteriæ fibris carnosis suppeditant, fibras carnosas inflant: ut fides testudinis vel humido aere intumescunt: adeo ut nihil forte opus sit fermentatione ut muscoli cōtrahantur: sed satis fuerit si fibræ utroque liquore imbutæ intumescant.

Solvuntur objectiones.

Multa opponi possunt adversus eam motus spontanei explicandi rationem, quæ leviter attingimus. Primo illud videri intellectu arduum, qui fieri possit, ut constans & æquabilis musculorum motus à causa tam violenta qualis est elisio, aut spirituum fermentatio, dimanet. Id quidem satis probabile videri motus convulsivos à spirituum elisione, & velut quadam excandescencia oriri: sed non tantum est spirituum inter se, aut eorum cum sanguine dissidium, ut citra explosionem una conjungi non possint. Illud probari nunquam posse, animam in corpore velut sclopetum perpetuo explodere; sed verisimilius videri eam musculo ut ense uti; eum quocumque voluerit vibrare, adigere, retrahere. Deinde si primus impetus ab anima profluit, quod autem reliquum est, & quasi præcipuum, ignis cujusdam velut incendio permittitur, vix poterit anima quos excitavit tumultus compescere. Postremo, quomodo feriari possunt muscoli, aut animæ iussis parere; cum sanguis in eos desinenter illabatur, nec spiritus desint in nervis?

Resp. Ex his plane confici non violentam, sed lenem omnino & placidam in musculis fieri fer-

fermentationem ; si tamen ulla fiat in his motibus fermentatio ; quæcumque illius sit causa , aut dilatatio spirituum , aut vis quædam aeris elastica ; seu ex mechanicis principiis , uti jam exposuimus ; seu per excavatas fibrillas spiritus illapsi vim musculi adeo augeant : ut si tubulo per foramen folliculi aerem immittas, tum folliculus ingens pondus attollet .

Rem vero ita esse ut exposuimus, & spiritus animales , aut succum nerveum in tendinibus, ut in promptuariis quibusdam recondi , hinc licet conjicere , quod irritato tendine statim dolor & quandoque tumor , & contractio in ventre musculi exoritur . Unde quo majores sunt motus , hoc in musculo plures sunt tendines, & altius intra musculum demersi, ac fibræ carneæ sunt breviores. Sic in ultima figura quoque musculum A B compositum exhibet , plures sunt tendines , & unus est intermedius. Arteriæ vero sanguinem fibris carneis affundunt , non tendinosas . Nam si ligata vena spiritum vini atramento infectum per arteriam musculi injeceris, statim fibras carneas, inmo & membranas atro colore tinctas conspicias . Sed liquor ille ad tendines usque non perveniet .

Sed , inquit , omnis fermentatio cum humoris alicujus secretionem conjuncta est : ut in vino post fermentationem feces subsidunt. Sed nulla est in musculis ejusmodi secretio , nec verisimile est infinitas prope effervescentias tam subito effici .

Resp. Fermentationem illam, si quæ sit, admodum lenem & placidam existere ; neque id verum est in omni fermentatione feces subside : cum enim oleo vitrioli aqua affunditur , calor emergit citra ullam partium secretionem : quæ etiam si aliqua esset , per transpirationem

insensibilem , aut vasa limphatica , de quibus postea , aut venas ipsas fieri posset .

Opp. 2. Non solum mucronem cordis abscessum , sed etiam musculos aut fibras eorum resectas plerumque contrahi ; quamvis nec sanguis per arteriam , nec novi spiritus per nervos affluant .

Resp. In musculis particulas motrices & elasticas contineri , quæ perturbata animalis œconomia motus suos continuant : tamen si cum res bene se habet , actiones suas aut motus non exerunt , nisi accepto à cerebro per nervos imperio . Nec deest in fibris carnis , aut sanguis , aut succus ex eo secretus qui hos motus promoveat . Itaque spiritus insiti sublato cum influis commercio , per aliquod tempus solitos motus exerunt . Verum id rarius accidit in musculis qui appetitui parent .

De incessu animalium .

Circa motum progressivum id recte observat Aristoteles , eum non fieri citra flexionem aliquam . In omni autem flexione est punctum quoddam immotum circa quod ut centrum pars quæ flectitur , transit à recto situ in curvum . Sic femur cum trunco in coxendice , & crus cum femore in poplite , cum crure talus , qui cum calce , hæc cum tarso , tarsus cum digitis ita committuntur , ut singulæ partes interpretandi arcus suos describant . Hinc femur circa coxendicem vertitur , & ita de cæteris . Hinc tot musculorum qui flectunt & extendunt apparatus , tot ossium articulationes , in quibus rotundum unius caput superioris sinum plerumque subit . Iam illæ commissuræ ligamentis aut vinculis firmanur . Ossium capita ævi & lubrica obducta cartilagine à mutuo attritu

attrictu sunt tutiora, & facilius moventur.

2. Hinc liquet gressum hominis ut omnium animalium esse motum compositum ex variis circulorum portionibus super diversa centra. Quod si nulla esset in genu articulatio, majore velut circino arcus circuli describeretur, & grillatorio more, vulgo *avec des échasses*, incederemus.

3. Illud quoque manifestum est corporis truncum terræ semper ad perpendicularum insistere. cum stamus inter duos pedes cadit perpendicularum.

3. Gressus ita fit alternis pedibus, ut uno stante alter transferatur, ac neuter totus quiescat. Uterque ab extremo calcaneo ad extremos digitos successive movetur. Cumque posterior terram summis digitis attingit, & acutum cum ea angulum, ut femur obtusum cū trunco corporis efficit, tum pes anterior calce terram ferit: interim quædam efficitur compulsio, dum pes terram non modo deorsum, sed magis retrorsum urget. Quidquid enim antrorsum, aut gradiendo, aut natando, aut volando promovetur; id corpus cui innititur, retrorsum premit, atque ab eo velut repulsi quodam antrorsum rejicitur. Vnde inter currendum fallente vestigio facile cadimus, quod tanta celeritate fiat illa terræ compulsio, ut si vel leve impedimentum offendamus, pes anterior non possit tam cito terram attingere quam requiritur ut pondus corporis excipiat.

5. Continua est, & minime interrupta translatio, quique terræ pes innititur, solus sustinet, & desert corpus: qui vero transfertur, potius movetur à corporis trunco quam vicissim. Hinc trunci ipsius motus undulosus quodammodo est, dextrorsum scilicet & sinistorsum,

sum, dum pes elatus in pedem alterum terræ innitentem eum reclinat.

De natatu alio loco diximus. Quæ natant animalia, caput erigunt, quo aer pectus impleat & sua levitate corporis pondus emēdet. Pedes, fere deorsum, quasi per acclive scanderent, crebro motu aquam repellunt: cauda in piscibus non gubernaculi solum, ut in avibus, sed vectis quodammodo habet rationem, dum aquæ innixa corpus antrorsum pellit.

Eadem fere est volatus ratio: aves enim percussione aeris, & resultu quodam, ut complanati capilli, dum aquam oblique perstringunt, in aere sustentur: atque ut in remigiis cernimus quæ scapham promovent, dum aquam retro pellunt, sic alæ avium parte sui anteriore devexæ, posteriore convexæ, retrorsum aerem repellunt, ut antrorsum promoveantur. Verum ista longiorē exigent tractationem, quæ nostri non est instituti.

De motu animalium naturali.

Motus naturales in ipsis organis terminantur, eosque efficiunt partes membranosæ; harum fibræ motrices texturam habent multiplicem, ut diversis serviunt motibus. Neque spiritus in iis tanta vi eliduntur, quāta in musculorum fibris: sed placidius effusi motus efficiunt vermiculares; quales in ipsis intestinis, & vasis maioribus cernimus. Hinc fibræ intestinorum & ventriculi in spiræ modum sunt contortæ, ut motus successive fiat, & paulatim, non simul & subito, ut in musculis. Fibræ quippe sensim contractæ intestinā cava velut manicam colatoriam, quam Hipocratis vocant, intorquendo constringunt; sicque eorum contenta ab una parte in aliam lente promovent: sed de hoc motu universim ista sufficiant. Nam de iis sigil-

latim

latim differere non possumus, nisi forte velut in transitu, cum se se dabit occasio. Nunc igitur de sensibus externis agendum est.

DISPV TATIO II.

De sensibus externis, & eorum objectis.

Sensuum exteriorum organa & functiones primum leviter perstringemus, tum eorum objecta diligentius explicare conabimur; quod organorum accurata contemplatio magis ad Medicos quam ad Philosophos pertinere videatur: sed nostrum est in qualitates ipsas quæ sensus feriunt, paulo accuratius quam fieri solet, inquirere.

QVÆSTIO PRIMA.

De sensuum exteriorum organis & functionibus.

Qvinque vulgo numerantur sensus exteriores omnibus notissimi; neq; ulla est ratio quæ nos à receptissima opinione cogat recedere. Horum primus est tactus, qui ad tutelam animalis maxime est necessarius, & per corpus universum diffunditur: quanquam in extima cute is viget maxime ut corporum quæ circumjecta sunt, impressiones excipiat. Modificationes corporum, ut calorem, frigus, duritiem, fluiditatem, & alias affectiones, de quibus in Physica generali diximus, tactu iudice habemus exploratas; ac certius ex eo fit iudicium, quam ex aliis sensibus, de quorum fide cum dubitamus, tactum ut fidissimum exploratorem solemus adhibere. Cum autem præcipuum ta-

Cutis organum sit cutis extrema, de illius structura perpauca dicamus, & ea maxime quæ recentiorum industria sunt explorata.

De præcipuo in Cutis organo.

Illud vel in cute ipsa positum est, cum ea sit tota fere nervosa; vel in certis corporibus cutem inter & cuticulâ interjectis, quas papillas nervosas Malpighius appellat, potissimum collocatur: quod utique oculorum testimonio, cum microscopio adjuvantur, demonstrari potest. Verum ut res ipsa fiat apertior.

1. Illud est observandum, cutim ex nervorum, arteriarum & venarum ramulis magna ex parte esse contextam; in eam vasa excretoria, seu lymphatica ex infinitis pene glandulis oriunda desinere, per quæ sudor & halitus erumpunt. Nam illud vero proximum videtur, sudorem & crassiores halitus, qui continenter è cute exhalant, per arterias in eas cutis glandulas deferri: quæ cum sint granis mihi similes, à Stenone miliares dicuntur; atque inde per vasa quædam his glandulis propria expelluntur. Sic in piscibus, ut in Anguilla, cavitas quædam in cute prope initium spinalis medullæ cernitur, quæ utrimque in meatus usque ad caudam porrectos, variis tubulis, & papillis distinctos desinit. Nec dubium est humorem per eos tubulos exprimi, qui piscium motum faciliorem efficit: ut solent naves axungia aut pice obduci; ut reluctantis aquæ vim facilius frangant. Sic in Raia innumerabiles maculæ subnigræ apparent, quæ vasorum ex quibus humor limpidus & unctuosus exprimitur, sunt ostiola.

2. Cutis animalium ex multis quoque musculorum & tendinum fibris contextitur, quæ in Raia cute crassiore cernuntur. Sic in Hystrice vulgo *Porc-épic*; cutanens musculus cuti continuus

tinuus est, & unaquæque spinarum theca suas habet fibras motrices. Quin & in homine ipso musculorum abdominis tendines in cutim manifeste desinunt, in ea scilicet parte lineæ albæ quæ est super umbilicum. Hinc cutis ut tendines, in substantiam glutinosam coctione ipsa facessit.

3. Ex cutis involuero instar retis formato, quodque mucoso humore perfunditur, nerveæ fibrillæ in fasciculos collectæ prodeunt. Sic in vola manus aut digitorum apicibus rugæ extant in certum ordinem digestæ, quæ detracta cuticula nihil esseprehenduntur præter earum papillarum capita; quæ in cute ipsa altas habent radices, & supra corpus quoddam reticulare assurgunt. Atque ut nobis quidem videtur, hoc est præcipuum tactus organum, ut linguæ papillæ, de quibus postea, sunt præcipua gustus instrumenta. Ac nescio an tenues illæ fibrillæ cuticulam ipsam magna ex parte non efficiant. Ea quippe est crassior quo papillæ sunt majores & crebriores: ut in vola manus, & in pedibus avium cernere est. Quo etiâ reticulare corpus, unde papillarum pedunculi assurgunt, crassius est, hoc papillæ longius præferuntur: ut in rostris & unguibus avium; ubi sunt tenuiores, in cuticulam abeunt; qua sublata cutis subjecta exquisitioris est sensus. Hinc crassior in pedibus animalium est cuticula, ne corporum asperitate lædantur.

Nec dubium est quin ex papillæ sint nervorum aut tendinum quædam propagines: cum sensus omnis ut & motus à nervis & fibris tendinum oriatur; ac nervis contusis aut obstructis sensus omnis in subjectis partibus tollatur. Nec mirum si nervi in fibrillas pene innumerabiles abeant, cum idem fere in plantis contingat.

Nam fibræ è trunco in ramos, folia, & fructus tam numerosæ sparguntur, ut pene incredibile videatur tantam fibrarum copiâ à trunco ipso prodire potuisse. Id etiam ex eo utcumq; con-
 jicere possumus, quod cutis vel corii diuturni-
 tate temporis consumpti pars extrema nō modo
 glutinosa, sed etiâ in fibras innumeras dissecta
 & sæpe reticularis appareat; fere ut arborum
 folia, ubi pars carnosa fuit ab animalculis exe-
 fa, ac nihil præter fibras sibi mutuo intextas
 relinquitur.

4. Sub cute infinitæ, ut diximus, apparent
 glandulæ miliares, quarum unaquæque sua ve-
 nula, arteriola, nervulo, & vase excretorio in-
 struitur. Horum vasorum ostiola inter pilos
 certo ordine digesta cernuntur. Sudorem per
 eas glandulas, & vasa secretoria excerni jâ di-
 ximus: immo perspiratio insensibilis per ea fo-
 ramina omnino perficitur. Vnde si manū ea-
 lentem vitro cristallino admoveris, statim id
 nebula quadam inficiet; nec vapores illi qui
 continenter è corpore exspirant, aliunde quam
 è glandulis subjectis oriuntur, dum serosus hu-
 mor quem arteriolæ una cum sanguine adve-
 hunt, per vasa excretoria ut inutilis amanda-
 tur.

5. Nigredo papillarum quæ in pedibus, la-
 bro superiore bovis aut suis cernitur, nō aliun-
 de oritur quam ex mucoso humore, quo reti-
 formis plexus in summa cute imbuitur: hinc
 enim certis in locis nigrescit, ut in lingua; in
 aliis albicat, ut in palato: atque ex eo forsitan
 humore nigredo Æthiopum ducenda est: nam
 in iis nec cuticula, nec cutis ipsa atro colore
 inficitur; sed à mucoso humore, & plexu re-
 ticulari nigredo illa omnino videtur repeten-
 da.

Gustatus ut tactus organum in papillis nerveis quæ summam linguæ superficiem exasperant, esse constitutum, ut verisimillimum arbitramur. Nam gustus, ut ab Aristotele fuit observatum, est quædam tactus species, & utriusque objecti sensorio admoveri debet: tamen si res sapida altius linguam subit, quam res tactilis manū: illa quippe meatus linguæ penetrat. Hinc subita spirituum refectio à vini libamine, & post longam inedia, non prius lingua vini spiritum, aut generosum liquorem attingit, quam novas in nobis vires experiamur. Quod utiq; fit quia liquor penetrans nerveas papillas subit, hincque ad nervos ipsos pene in momento pervadit. Id vero fiet apertius cum pauca de linguæ structura dixerimus.

Ac primum lingua musculus est fibris innumeris instructus quæ summa varietate disponuntur, ut flecti in omnes partes possit. Præter extimam illius membranulam, quæ epidermidis aut cuticulæ loco haberi potest, cuique subiecta est glutinosa quædam substantia variis foraminulis, instar reticuli pervia, est alia membrana, aut corpus nervosum & papillare, præcipuum videlicet gustatus organum. Nihil enim sunt hæ papillæ, nisi funiculi ex intima linguæ membrana quæ mucosæ & reticulari subjicitur, prodeuntes. Hæ quidem mucosam substantiam penerrant, & in linguæ extimam superficiem oblongo capitello proferuntur.

2. In mucoso, & reticulari involucri radices habent cornua quædam, quæ in lingua bubula, & quorundam quadrupedum tanquam dentes aprini assurgunt, atque hi linguæ velut aculei, ut ungues & cornua animalium ex reticulari corpore jam solidiore facti, & extima

cuticula concreſcunt. Nam ſi unguē detraxeris extimam cuticulam, externum ſimul eorum cornuum involucrum auferes; nec evelli poſſunt quin portio reticularis corporis circumjecta laceretur: atque avulſa in nervoſo, aut mucoſo corpore foveas relinquant; adeo ut eorū origo obſcura eſſe non poſſit. In eum autē videntur uſum formata, ut ex palati glandulis humorem ſalivalem ſcalpendo exprimant: preſertim in ruminantibus. Deinde per interjecta illa cornua cautum eſt mollioribus papillis, ne continuo attritu, & aſterioris cibi contactu indureſcant, aut lacerentur: non alia pene ratione quam manuum digiti unguibus muniuntur, quo tutior fiat, & fortior apprehenſio.

3. Papillæ, obſervante Malpighio, ſunt in triplici differentia conſtitutæ. Primi generis ſunt maximæ circa linguæ baſim, & apicis latera; atque in ſuperiore area crebriores; in medio ubi albefeſcit lingua, rariores. In radice ipſius linguæ nerveis fibrillis appenduntur: quominus de earum origine dubitemus. Papillæ ſecundi generis ſub cuiuſque cornu radice interiore cernuntur; atque earum capitella mediocriter aſſurgunt, & nerveas emittunt ptopagines, quæ cum radicibus cornuum committuntur. Haſ utique papillas aliæ minutiffimæ; & conicam figuram imitantes circumdare ſolent.

4. Nervosæ illæ papillæ cum glandulis in radice linguæ, aut palato poſitis confundi non debent. Nam hæ glandulæ compreſſæ mukum aut humorem præbent, & ſuo quæque donantur vaſe excretorio, quod ſcilicet humorem aquoſum excernit; in papillis nulli occurrunt meatus, nulla foraminula. In iis, ut diximus ſenſorium guſtaus inſidet: cū ſoluti alimenti ſalinæ particulæ eas penetrant: palati vero glandulæ,

dulæ , quasi menstruum solvendis cibis idoneū suppeditant . Vnde exerta lingua cito arefcit , cuique aperto ore dormiunt , his lingua ſemper eſt aridior : cum etiam nos ad edendum comparamus , apicem linguæ palato identidem admove-
mus , ut ſalivam moveat , eamque diluendis cibis neceſſariam exprimat : atque in hunc uſū videntur tot oris glandulæ à natura compara-
tæ .

5. Salivā arteriæ ſuppeditant : cum ſanguis uberior per arterias deferitur , quam per venas reſſuat , in glandularum præſertim anguſtiis : tū enim ſeroſus humor per vaſa lymphatica quæ ſeroſum humorem deferunt , excernitur . Arctatis per nervulos venis , major ſalivæ copia in oris cavitatem effunditur : cum autem ſanguis uberior in venas ex arteriis com meat , tum ſaliva parcior exprimitur . Nervuli porro in iis glandulis ſunt copioſi , iique in eum uſum videntur comparati , ut venulas ſtringant , aut laxent . Quæ aciditatem habent cum aliqua acerbitate conjunctam , eadem ſalivam movent maxime : cum enim ſanguinem figunt , & coagulant , aut nervos ſtringunt , ſimul impediunt ne ſerum cum ſanguine miſceatur , & per venas reſſuat , illud adeo per ductus ſalivales uberius profluit .

6. Varii ante aliquot annos ductus ſalivales fuerunt deprehenſi , qui ſalivam in oris cavitatem profundunt . Sunt qui è maxillæ glandulis ortæ ad dentes inciforios in conſpicias papillas deſinunt : ſic omnis fere palati caro nihil fere eſt niſi conglomerata quædam glandula : atque hinc infiniti prope , & admodum exiles ductus oriuntur , qui palati membranam ut cribrum perforant , Verum his
quæ

quæ ad anatomicam pertinent omiſſis reliquæ proſequamur.

De olfactu & illius organo.

Tanta eſt inter olfactû, & guſtatum cognatio, ut huius gratia ille à natura tributus nobis videatur; iſque rerum quæ guſtari debent ſit velut explorator, ne temere noxia deguſtemus. Hinc olfactu ex diſtillatione male affecto, ſtatim guſtatus ipſæ imminuitur; ac generoſi liquoris odor, aut medicaminis fatiſcentem ſtomachum, & vires proſtratas non nihil reficit, aut nauſeam interdum excitat. Ratio forſitan hinc petitur quod paris quinti ramus ad olfactum pertineat: cum par illud guſtatu quoque famuletur.

Quod autem ſit olfactus organum, inter medicos non mediocriter controvertitur. Pleriq; Avicennam ſecuti proceſſus mamillares qui intra cranium & radices nariû utrimque patent, genuinum ſtatuunt olfactus ſenſorium. Ariſtoteles idipſum in tenui membrana quæ interiores anfractus narium ſuccingit, poſitum exiſtimat: cui magis accedimus.

Primum enim ſenſoria non in cerebro, ſed in externis ſunt partibus conſtituta: ea quippe non in cerebro quod eſt ſenſus communis ſedes, ſed in membranis extra cranium velut in excubiis natura collocavit. Vnde qui compreſſas à natura vel ab ictu nares habent, hi plerumq; aut nullo aut debili ſunt odoratu: quod fibræ olfactoriæ nimium arctentur. Canes ſagaciores intimos nariû anfractus numeroſiores, habent, & tenuem membranulam quæ cartilagini anfractuofæ obducitur, magis complicatam & multiplicem: nec tamen tubercula mammarum papillis ſimilia habent ampliora.

2. Odores tum maxime nares feriunt, cum aerem ducimus: tum enim validius narium membranam percellunt. Hinc occlusis naribus res odorifera ipso ore conclusa nō percipitur: cum tamen nec aeris inspiratio, nec ipsa narium apertio essent ad odorum perceptionem necessariae, si sensus ipse in cerebro esset collocatus. Nam odores per apertum palati meatū, qui in nares patet, equa facilitate ad eos processus, qui vulgo nervi olfactorii vocitantur, recta contenderent. Idq; maxime si os cribriforme ad radices narium positum, cuique processus illi incumbunt, multis foraminibus, ut vulgo creditur, sit ita pertusum ut aeri & odoribus aditus, & excrementis cerebri pateat exitus. Cū tamen rē ipsam acrius intuentibus sit manifestum os illud fibris ab utraq; meninge oriundis, & nervulis à quinto pari prognatis sic occludi, ut nullum vel subtili admodum & penetranti liquori transitum præbeat. Ex autem fibræ duræ matris tanquam funiculi, uti & nervorum rami in tenuem narium membranam desinunt. Vnde hanc tunicam non vulgari tantum, sed peculiari quodam sensu instructam fuisse, qui alius ab olfactu esse non potest, hinc colligitur, quod eā tot fibris ex utroque cerebri involucri manantibus, per flexuosa oris cribri formis foraminula delatis natura consperserit; ac tam sollicitè vel è postica cerebri parte alias nervorum propagines per anfractus devios in eandem tunicam deduxerit.

Hanc porro membranā narium interiorem esse proprium olfactus organum ex mirabili illius textura publice nobis ostendit insignis Anatomicus & Philosophus Vernæus. 1. Narium cava innumeris prope lamellis cartilagineis, quæ in plures alias, tanquam in totidem
folia

folia diducuntur distincta, apparent, atque ex lamellæ ad radices narium posite sunt numero-fiores, sed angustiores, & ossi cribroso omnes adherescunt: adeo ut satis sit verisimile os cri-brosum ex earû lamellarum extremis coaluisse, & foraminula quibus pertusum cernitur, nihil esse præter lamellarum intervalla.

2. Interior membrana omnes lamellarum anfractus, & recessus obducit, sicque mirabili naturæ artificio tenuissimæ illius telæ, quod ge-nuinum est olfactus organum, superficies intra angustam spatium adeo extenditur: eaque luci exposita infinitis pene velut radiis, nervulis ni-mirum, venulis, & arteriis distincta apparet: ita ut præcipuo cuidam usui destinata videatur. Neq; ob aliam causam sic est explicata & am-pla nisi ut halitus odoriferus qui satis est debi-lis, plures illius membranæ partes afficiat; in his hæreat, & nervorum fibras percutiat. Hinc lamellæ cartilaginosa sunt numerosiores in a-nimantibus quæ exquisito sunt olfactu: ut in cane venatico; in homine vero cujus olfactus est obtusior, paucæ admodum sunt.

Quorsum autem tam exquisitus in ea parte sen-sus; aut membranæ textura tam peculiaris, nisi huic usus quoque sit peculiaris à natura tribu-tus. Hinc in distillatione aut coryza, cum hæc tunica nimio humore madet, olfactus pe-nitus obtunditur.

Iam vero id dubium minime videtur, distil-lationes capitis non tam à cerebro, quam à glandulis male affectis proficisci: atq; id opti-me cautum est à natura, ne colluvies serosa in cerebrum usque penetret. Nam in oculis, & naribus ipsis infinitæ sunt glandulæ, quæ sero-sum humorem secernunt. Postquam enim hic aurium cavitates, oculos, nares, fauces irriga-

vit, ex auribus per aquæ ductum, ex oculis per puncta lacrymalia in nares: hinc partim per ingentem hiatum in fauces, partim per angustum fretum in oris cavitatem, tum per œsophagum in ventriculum & intestina, tum forte in vasa sanguinea per chyli & lymphæ ductus suum circuitum absolvit. Cum autem quantitate aut qualitate is humor peccaverit, tum morbi & catharri imprimis oriuntur. Sunt autem glandulæ velut cribra quibus serum à sanguine secernitur. Sed de his sæpe dicendū est.

De auditu, & illius organo.

Auditus organum in tres partes distinctum videtur. Prima auriculam ipsam cum antro exteriori, & tympano complectitur. In secunda est antrum quoddā interius cum duplici ostiolo. Tertia denique ex duplici velut cochlea, cū duobus nervi auditorii ramis compingitur.

Auricula ex lato in arctius spatium sensim contracta est, quo plus aeris percussī & velut undulantis excipiat. Substantia illius est cartilaginea, ne si mollior esset, sonos frangeret potius quā admitteret. Per varios flexus & anfractus in specum anteriorem desinit: cujus foramen firma membrana, quam tympanum vocant, obducitur. Anfractuosæ illæ spiræ tympanum ab externis injuriis tutū præbent: cui rei quoque alia ratione à natura provisum est, dū illas angustias bilioso excremento, quod exsudat ab arteriolis, munivit. Hujus enim velut amurcæ glutinosa substantia, si quæ forte, ut interdum evenit, irrepan animalcula, omni arcet ingressu. Est in hoc meatu auditorio caro quædā glandulosa, quæ inter cutem & cartilaginem delitescit, ex qua sorte flavum illud excrementum secernitur. Nam ex oris, imo & oculorum glandulis non dissimilis quandoque succus

succus ceræ proximus concrefcit. Hinc etiam aquosæ interdum excretiones citra ullam auditus læsionem per aures erumpunt : quæ vix aliunde oriuntur quam ex iis glandulis : cum tympani illæso auditu penetrare non possint : nec raro evenit ut ductu lymphatico , qui ab auribus ad nares contendit , obstructo, humor in auris interiora exundet .

Vbi sonus per tot anfractus varie reflexus, & quæ si in tuba auctus est, tympanum ipsius percussit : idque nihil est nisi membrana osseo circulo annexa ; eaque forte instar pupillæ tenditur aut relaxatur , ut sonus debiliior est aut vehementior . In hunc quoque usum tria ossicula miro artificio sunt ab Authore naturæ fabricata, malleolus nimirum, incus & stapes, quorum structuram non possumus hoc loco, ut par esset describere. Hæc ita inter se liberis articulationibus sunt connexa , ut tympanum tensius aut laxius, ut ex usu fuerit, efficiant. Quare omnis tympani structura in hoc videtur comparata , ut objectum sensorio præparet; non aliter atq; exteriores oculi membranæ radios lucis sic frangunt, ut retinæ , seu visus organo aptentur. In nonnullis experimur surdastris , quod in campanili, aut magno strepitu interrogati apte respondeant ; nihil vero auditu percipiant, ubi strepitus desierit. Nempe in iis laxior est tympani membranula , quæ validiore aeris motu concussa , & tensa suo munere defungitur .

2. Tympani membranam aliud antrum excipit, quod ingenito aere, ut Veteres credidere, plenum est . Hinc duplici ostiolo , aut meatu instruitur. Vnus ex iis meatibus in palatum ipsum patet, ut novum ex ea parte aerem , cum opus est , excipiat . Hinc surdos videmus , qui dentibus testudinis summum stringentes , so-

num ipsum percipiunt. In iis quippè vitiato auris tympano sonus per hunc meatum subit. Huic porro meatui aptata est valvula fere ut in antlia quā ingressus aer occludit. In extremo hujus specus pariete aliud foramen est ovale tenui membrana obductum, quod fenestram vocant: per hanc motus aeris in antro percussus ad sensorium ipsum penetrat, atq; ex duplici membrana, & antro fit quasi vulgare tympanum.

3. Pars organi præcipua post fenestram posita labyrinthus vulgo nominatur. Is quidem in quodam ossis petrosi recessu miro artificio in spiras contortus, cochleæ aut limacis formam exprimit. Ramus parvis septimi mollior quique extra cranium non egreditur, nec dura meningē involvitur, in duos iterum ramos divisus ibi cernitur, quorum alter cochleæ quæ cerebro vicinior est, inseritur; alter juxta utriusque cochleæ commissuram, in tenues fibrillas desinit: ex quibus velut membranula quædam texitur. Hoc enim artificio in cujusque sensus organo natura utitur, dum illud quantum potest explicat & evolvit, ut sensatio sit vegetior: quemadmodum in olfactus organo jam fuit observatum. Sic plures fibræ nervosæ & tendinæ tum in cutem ad tactus organum, tum in exteriorē lingue superficiem in papillas mammillares, saporibus dijudicandis desinunt. Sic nervus opticus in retinam, ut vulgo creditur; sic denique nervus auditorius ubi ad basim cochleæ aut limacis pervenit, in fibras innumeras spargitur, & omnes hujus cochleæ recessus penetrat.

Iam vero quid causæ sit cur ad insolitum strepitum palpebras attollamus; cur exceptum sonum statim voce imitemur, ex iis quæ de

Cerebri & cerebelli structura, necnon de nervorum origine diximus, conjicere utcumque possumus. Nam cerebri & cerebelli sic distincta sunt munera, ut in cerebro sit communis sensus, memoriæ item, & imaginationis sedes; contra cerebellum cum præcordiis & visceribus arctiori necessitudine compingitur, & ex eo suam ducunt originem nervi qui certos, & à natura destinatos motus exequuntur. Hujus generis, ut nonnullis videtur, est nervus ille auditorius, quem duriores esse diximus: qui cum in varios tribuatur ramos, ex iis unus in auris musculos tum exteriores, tum interiores sparguntur. Hinc fit ut animantes ad insolitum sonum aures erigant palpebras attollant, & vocem quandoq; inconditam emittant. In nobis vero typus soni in cerebello primum, tum in communi sensorio exceptus, per nervi auditorii ramum in linguæ & oris musculos sparsum reflexione quadam ita diffunditur, ut voce redditus idem aut simillimus videatur.

Circa auditus organum hæc quoque à Verro sunt observata; 1. Tympani interiorē velut concamerationē tenui membrana innumeris vasis conspersa obduci. In homine admodum est angusta; in plerisque animalibus capax & ampla; pars illius interior in cane, vulpe, & plerisque animantibus terfa est, lævis, & tenui osse comprehensa; in ove & vitulo magis est spongiosa, & fere instar pumicis, foraminulis & rimis aspera.

2. Funiculus ille qui membranā tympani decurrit, ramus est nervi auditorii durioris; quisque hanc tympani membranā nequit distendere aut relaxare; cū illi non adhæreat, uti nec malleolo, cujus adeo motum vix potest regere; sed in musculum malleoli & in canalē qui

qui ex aure in os pater, spargitur.

3. Labyrinthus solido ossi variis circulis distincto continetur: in avibus hi circuli spongioso osse circundantur; in piscibus iidem circuli sunt cartilaginei, & intra rotundam cartilaginem concluduntur.

De visus organo.

Multa circa visus organum speculatione digna occurrunt. Ac primo oculus palpebris tanquam velis obducitur; quarum superior sepe niçtitat, ut humore suo globum oculi identidem perfundat: eaque sola est mobilis, duplici musculo instruitur: horum unus palpebram attollit, alter deprimit. In hos musculos tum quinti, tum septimi paris nervuli sparguntur. Illi juxta varios animi motus palpebras movent: hi vero palpebrarum & aurium consensum tuentur.

2. Variis glandulis, & vasis excretoriis muniuntur palpebræ; quas Steno non ita pridem detexit. Vna ex iis ab exterioris anguli parte superiore orta palpebras cingit, & in varios velut lobulos discerpta, vasis lymphaticis, seu excretoriis viam præbet: quæ tunicam internam palpebræ variis foraminulis non longe a ciliis pertundunt. Altera est glandula, in majore seu interiore oculi angulo conspicua, quæ lacrymalis dicitur. Nec dubium est quin humor ex iis glandulis & vasis irrigando oculo continenter profluat. Cum parcius est, non is facile apprehenditur: sed ubi cum impetu prorumpit, tum lacrymæ dicuntur; cum venæ quæ sanguinem revehant, nimium patent, tum minor serosi humoris copia in glandulis fecernitur. Quo autem sanguinis in venas refluxus magis impeditur, eo copiosius serum intra glandulas exprimitur.

3. Occurrunt sex oculi muscoli, quorum primus in oculi ipsius vertice constitutus eum attollit. Secundus huic oppositus eum deprimat; unde ille superbi, hic humilis nomen adeptus est. Tertius qui est bibitorius, oculum ad interiorem adducit angulum: huic oppositus qui est indignatorius, in contrariam partem eum abducit. Duo reliqui oblique eum circumducunt: unde & amatorii vocitantur. Cū sublato inter hos musculos æquilibrium, unus ex iis fortior evadit, tum male contorquetur oculus, uti accidit in strabismo. Quod tamen ne facile accideret, cautum à natura fuit, dum trochleam ad nasi radices velut ansulam quandam apposuit, quæ circumducentis musculi motum sisteret. Id etiam satis verisimile videtur, oculum nonnihil complanari, cum quatuor recti musculi simul contrahuntur, ut sit oblongior & ex parte sua anteriore globosior, ubi obliqui musculi contracti simul oculi globum premunt. In mutis animantibus septimus adest musculus, qui pendulum oculum suspendit. In plerisque etiam ex interiore angulo alius oritur membranofus, qui totum pene oculum tegit, dum inter gramina caput demergitur; ne forte tunicæ & humores oculi à durioribus plantis quid detrimenti capiant.

Nunc ad ipsius oculi fabricam veniendū: is tribus constat membranis, & totidem humoribus. Membrana omnium durissima, quæque est duræ matris propago, densa est admodum & firma, parte posteriori sclerotica, seu dura nominatur, ut pars illius anterior cornea vocatur. Ex musculorum tendinibus contexta oculum suæ orbitæ alligat.

Secunda oculi membrana ex nervi optici pia matre, seu tenui tunica producta suam ducit

originem; parte sui posteriore choroides, anteriore uvea nominatur, eaque cum sit perforata, foramen illud pupillæ nomen accepit. Quæ nigrior in homine ex atro choroidis colore apparet, non item in fele, & aliis animantibus in quibus choroidis superficies concava, fulvo aut alio colore niter.

Tertia oculi tunica cæteris minor è medullari nervi substantia prodit: hæc mucosa in oculi interioris conclavi instar chartæ candidæ lumen, aut species per pupillâ trajectas excipit; eamque esse proprium visus organum jam vulgo creditur. Hæc circa humoris crystallini limbum desinit, eaque cum inferioris iridis ora connectitur. Iriin vocant fibrarum contextum in orbem apte dispositum, qui exterius circa pupillæ foramen variis distinctus apparet coloribus: quæ vero crystallinum cingit, & cū retinæ cohæret, nigris velut ciliis compingitur; unde & processum ciliarem vocant.

Tres itidem sunt oculi humores. Primus est aqueus, qui tunica cornea & uvea inclusus, globosam oculi figurâ efficit; secunda cornea hic diffluit; eamque admodum esse spirituosum, hinc licet colligere quod acerrimo frigori expositus, vix congeletur.

Humorem aqueum excipit crystallinus in lentis formam, ut tibi optici, aut microscopii vitrum, ab omnipotenti artifice sic elaboratus, ut radii per pupillam, velut conclavis obscuri foramen, cui vitrum convexum aptari solet, subeunte, eo modo infringantur, qui ad distinctam objecti imaginem in fundo oculi tanquam in opposito pariete delineandâ requiruntur. Substantia hujus humoris clara & pellucida, mollis est, ut comprimi aut dilatari facile possit; ac ne diffuat, tenui membranula, quam araneam

neam vocant, involvitur. In piscibus & avibus est globosior. In homine & quadrupedum genere pars illius anterior est magis complanata, sed cornea magis protuberat. In illis radii per crystallinum globosum trajecti citius coeunt: unde & vitreus humor in iis est parcior. Contra in homine cum inflexi radii per crystallini anteriorem superficiem minus convexam trajecti tardius concurrant, magna humoris pellucidi & vitro fuso similis copia inter crystallinum, & fundum oculi interjacet.

Qui humor ne diffluat, tenui quoque membrana obducitur. Quanquam eadem forte membranula, quæ vitreum humorem involvit, crystallini quoque partem superiorem tegit. Quod in charcaria pisce primus observavit Steno: adeo ut crystallinus humor non propria tunica, sed communi cum vitreo muniatur: nec diversa sit ab ea, quæ idcirco hyaloides, seu vitrea dicitur. Hinc crystallinus in vitrei humoris excavato sinu, tanquam gemma in annulo continetur.

Hoc loco querendum esset, quod sit præcipuum visus organum, an retina, ut vulgo creditur; an potius ut multis argumentis pene demonstrat D. Mariotte, tunica choroides, quæ retinæ substernitur, sit proprium visus organum: quod ea tunica sit piæ matris quædam productio, ex infinitis pene fibrillis composita: cū id retina nullæ sint ejusmodi fibrillæ; immo ne membrana quidē illa dici potest, sed humor potius ex intima nervi optici substantia concretus. Sic non opaca est, ut choroides, sed nonnihil tralucet. Hinc facis accensæ lumen à choroide ita reflectitur, ut canis oculus de nocte lucidus quodammodo appareat: hæc enim cū sit candida, lumen fortius regerit. In felium oculis lux quoque

quoque vegeta, sed caruleo colore tincta cernitur quod in iis choroides sit eo colore infecta. In homine cuius choroides est nigra, is fulgor non apparet: neque enim lux ex nigris corporibus tanta vi reflectitur.

Hoc etiam luculento exemplo confirmatur. Charta in orbē secta & parieti ad oculi altitudinem affixa, ex certa distantia sub obtutū non cadit, cum partes vicinæ hinc inde videantur: cum scilicet locus imaginis in ea parte choroidis quæ deficit, seu in basi nervi optici d, d, existit: lumen enim basim illius nervi non afficit. Vnde objectum coram positum non cernitur.

Verum his omissis quæ longiorē disquisitionem postulant, quædam potius à Doctiss. Medico Vernæo circa oculū observata summatim perstringamus. 1. Motus illius mēbranz quæ efficit ut oculus in animalibus niēctiter, incredibili celeritate, & duplici musculo perficitur. Qui membranā attollit & oculi partem anteriore tegit: quique pyriformis dicitur, huic motui plane sufficeret: sed illius tendo distendi non potest, nisi nervum opticum circa quem inflectitur, comprimat. Quare ne quid incommodi patiatur nervus opticus, alter musculus priori oppositus à natura sic aptatus & perforatus fuit, ut tendinosum funem prioris musculi admittat, eumque ad latus deflectat, ne quid noceat nervo optico.


2. In avibus postquam nervus opticus globum oculi subiit, circa se effundit rotundum velut calicē, ex cuius margine fila plurima exeunt ciliari processui congenere, eaq; in apicē desinunt pone vitreum humorem, cui adherescunt; ac forte hæc membrana sua dilatatione & contractione vitreū humore crystallino ad-

movet, aut ab eo removet, ut distincta visio postulat. 3. Cum tunica oculi versicolor, quæ iris vocatur, dilatetur & contrahatur: licet nullæ in ea fibræ carnosæ appareant: id quoque non abhorret à vero processum ciliarem, qui ejusdem est naturæ cum iridis tunica, non omni motu destitui, quo crystallinus sit aut globosior, aut planior.

Atque hæc de oculi fabrica, in qua opificis nostri providenciam mirari satis non possumus; vel quod in exigua mole tanta partiū varietas, ordo, usus denique tam multiplices conspiciantur, vel quod tam puri humores cū suis membranulis & involucris mira arte contextis, ex turbido sanguine, & crasso elaborati appareant. Verum ista longe fient illustriora, ubi quæ ad visionem pertinent, fuerint explicata. Sed oculi figuram subjiciamus.







Primus occurrit cornea tunica *E I E*, nihil protuberans. Quamquam non tantum promineat, quantum hac figura exprimit.

Hac tunica radios ab objecti punctis *A B C* prodeuntes infringit ad perpendicularum, & nimium divergentes colligit, ut per foramen uveae, seu pupillam *o o*, quam paulo ampliorem fecimus, subeant.

E o, E o, tunica est uvea. Spatium inter corneam & uveam comprehensum aqueo humore completur, qui ad crystallinum usque diffunditur.

Crystallinus *F P F*, radius in cornea fractus, in aqueo humore paulo rariore jam divergentes sic frangit, ut qui ab eodem puncto *B*, exeunt, in fundo oculi *b*, colligantur. Sic sunt quidam velut penicilli: dum *B o, B o*, radii jam à se invicem distrahi coguntur in *o b, o b*, & punctum *B*, objecti imprimitur in fundo oculi *b* per plures radios coeuntes. Idem dicendum de punctis *A & C* radii *B I b*, qui irrefractus oculum penetrat, dum ad perpendicularum incidit, est Axis visionis.

Spatium *L L*, est vitreus humor, *d G d*, nervus opticus, ad latus versus interiorem oculi angulum deflectit, *d E, d E* scleroticam tunicam; huic proxima est choroides; intima qua fibrillis solet distinguui, tamen si nulla apparent, *E c b a F*, retina dicitur. *E F, E F*, processus ciliares designant.

QVÆSTIO II.

De visione.

NVnc itaque quo visio fiat modo, & qua ratione objecti visibilis distincta species in fundo oculi delineetur, paulo uberius quam solent Philosophi, explicare conabimur, simul & partem Optices præcipuam trademus; idque quam maximo poterimus compendio. Ac primum quidem cum vulgaris sit opinio species rerum intentionales ab objectis in oculum manare, eaque superius depulsa fuerit, id nobis exponendum est, qua ratione rerum imagines in oculo depingantur. Sit itaque

Unica Conclusio.

Distinctæ rerum imagines tum pinguntur in oculo, cum plures radii ab eodem objecti puncto prodeuntes ita in tunicis, & humoribus oculi inflectuntur, aut frangantur, ut cum ad fundum oculi pervenere, in idem punctum confluant.

Probatur Conclusio. 1. enim oculi globus est instar tubi optici, qui obscuri cubiculi foramini sic aptatus est, ut rerum extra cubiculū positarū figuras in chartam, aut parietem oppositum trajiciat. Apertum tubi orificium corneam tunicam exprimit; circellus chartaceus in medio pertusus; qui vitrum tegit, uveam in sui medio perforatam, lens convexa tubi optici humorē cristallinum; obscuritas cubiculi concamerationem oculi qua lux omnis excluditur, præter eam quæ per uveæ foramen admittitur.

2. Id quoque explicatur & probatur ex ocu-

lo artificiali. Vitrum est amplum, & convexum orbe chartaceo inclusum, idque corneam tunicā repræsentat. ChrySTALLINI loco est lens itidem convexa, seu vitrum pellucidum in medio densius, quam in extremis; charta retro posita organum ipsius visus, sive sit retina, sive sit choroides, nobis exhibet; eaq; adducitur, aut retrahitur uti libuerit, dū distincta objecti imago in ea depingatur. Quare ea machina sic in fenestra collocatur ut radii ex objectis illustratis in vitrum antèius illapsi, tum lentem crySTALLINAM subeuntes, distinctam in charta quæ fundum oculi exhibet, rei picturam delineent.

3. Idipsum ex structura oculi sit manifestum. Sit enim objectum $A B C$, tum illius pictura erit distincta, cum puncta A, B, C , in fundo oculi a, b, c , sic pingentur, ut plures radii ab unoquoque puncto ut A profecti, in uno itidem puncto a , coeant. Nam tunica cornea E, I, E , radios ab eodem objecti puncto A prodeuntes infringit, & nimium divergentes colligit, ut per foramen uveæ seu pupillam, O, O , subire possint. Vide superiorem figuram.

2. CrySTALLINUS $F P T$, radios qui ab eodem puncto A , prodeunt sic infringit, ut in eodem puncto, A , colligantur, & fiat velut quidam penicillus, ut loquuntur, $o p a$; sicque punctum A , distincte pingatur in fundo oculi a : confusa autem visio futura est, si radii ab eodem objecti puncto prodeuntes, diversas in oculi fundo partes occupent: ut cum solis radii per fenestræ rimam obscuri cubiculi excipiuntur; si rima paulo est aperta, hoc splendidior quidem, sed magis perturbata solis vel objecti imago futura est. Nam singula objecti puncta radiosas pyramides vibrant; atque ejusdem

puncti plures radii in diversis tabellæ oppositæ punctis imprimuntur. Quo autem foramen per quod lumen admittitur, est angustius, hoc pauciores radii subeunt, & facilius coguntur in ordinem; tumque distincta, est objecti imago, sed languidior: unius quippe aut alter duntaxat radius, ex uno objecti puncto per rimulam subit.

Est itaque, ut diximus, pupilla instar foraminis, quod aptatum est in obscuri cubiculi fenestra aut pariete. Cum remotius est objectum, aut nimis exigua luce perfusum, pupillæ foramen subinde dilatatur: contra ubi vicinius est objectum, aut admodum illustre, pupilla contrahitur, ne confusa imago appareat: cum scilicet plures quàm par sit, admittuntur radii, qui cogi in ordinem, aut in eadem tabella ordinari nequeunt.

Solvuntur objectiones.

Opp. 1. Foramen uerè in nobis est apertius, quam oculi concameratio exigit; atque huic propior est retina, seu tabella opposita, quam ut in ea radii possint apte disponi, aut penicillo delineari. Nec demum ut in ocluso cubiculo tabella, sic membrana in fundo oculi affixa potest propius accedere ad crystallinum, uti cernimus in oculo artificiali. Nam quo longius objectum distat, hoc charta propius lenti, seu interiori vitro est adhibenda, & contractior imago futura est. Ergo visio non eo modo quo diximus, perficitur; sola nimirum radiorum refractione in fundo oculi. Neque exempla quæ attulimus huic explicandæ satis sunt idonea, atque omnino ad species intentionales configiendum videtur.

Rsp. Species illas quæcumq; sint, ipsa visione esse obscuriores, & omnino supervacaneas,

ut suo loco ostendimus. Quod vero negant radios posse in fundo oculi concurrere, id forte verum esset; nisi crystallinus globosior radios frangeret & inflecteret. Deinde uveæ foramen cum objectum est vicinius, varie contrahitur. Quinetiam crystallinus humor processuum ciliarum ope forte fit planior, aut globosior: immo satis illud videtur, probabile idipsū obliquos oculi musculos præstare: adeo ut crystallinum propius aliquādo forāmini uveæ admoveant, ut rei visibilis huius, aut distantia exegerit. Atq; ut in oculo artificiali ubi charta rite collocatur, ut objectum procul a fissū exhibeat, nihil necesse est eam à lente magis removere, quo alterius objecti aliquāto magis diffusi reddat imaginem: Sic ubi objectum longius removetur, nulla fere in oculo fit mutatio; cum multum augetur illius distantia.

Opp. 2. Ea membrana quæ rerum imagines in fundo oculi excipit, non plana est ut charta in oculo artificiali, vel in obscuro cubiculo apte collocata, sed concava, in qua distortas, ut in speculo concavo rerum imagines reddi necesse est.

Resp. Rerum species & majores, & distinctiores in cavo imprimi, quam in plano; dummodo charta quæ excipit, fere sit homocentrica cum lente ipsa. Quod ab Archiduce Maximiliano observatum fuit, dum ingentem globum extruxit, in quem, ut ait Scheinerus, introgressi admittebamus rerum externarum per lentem convexam in parietem concavum species, quæ ob idipsum longe ordinatius, & ampliore videbantur, & distinctius compositæ, quam si in superficiem aliquam planam allapsæ essent.

Opp. 3. Rerum simulacra per radiorum

penicillos in fundo oculi, ut in cubiculo clauso depingi possunt, sed ea non expriment res ipsas quæ videntur. 1. enim inversa pinguntur: deinde non ejusdem sunt figuræ cum rebus ipsis quas exhibent. Nam corpus solidum per superficiem in oculo delineata, circulus per ellipsim, quadratum per figuram oblongiorē exhibetur. Ergo perceptio rei vultibilis ducit illius imaginis quæ in fundo oculi imprimitur, non continetur: sed species admitti debet quæ sit res ipsa in repræsentando, ut loquantur, unde & intentionalis vocitatur.

Resp. Aliam esse rei impressionem in visus organo, aliam perceptionem; illa iudiciū nostrum non determinat, ut oculum afficit, vel ad cerebri interiora perducitur, sed quatenus ad objectum ipsum dirigitur: quasi oculus radios vibraret, non exciperet. Secus res eversa ut in retina depinguntur, non in propriis locis apparebunt. In eum quippe usum sensus à natura sunt concessi, ut res in propriis locis perceptas aut fugiamus si noxiæ, aut prosequamur si utiles iudicentur: hinc cæcus qui baculis decussatis objecta tangit, dextro baculo quæ ad sinistram sunt posita, percipit; quod vis, & quasi intentio animæ ad res ipsas quas percipit, progrediatur, radiorum velut impulsu in sequens. Res igitur quæque in eo situ cernitur ad quem pupillæ acies convertitur. Hinc in speculo deorsum jacente, ut in aqua, objecta quæque depressa apparent.

Instabis, Vnde ergo muscæ & alia animalcula tot oculis prædita, non multiplex, sed unum tantum objectum percipiunt.

Resp. Idem de homine & reliquis animantibus quæri posse, cur ab iis simplex non geminata res videatur. Neque id accidit, quod species in

nervorum opticorum concursu in trā cerebrum uniantur, ut vulgus Medicorum putat, Cum enim alterum oculum digito paululum attollimus, tum res ex adverso posita duplex conspici-
tur: nec tamen nervi optici tum divelluntur: quod imago objecti in eadem regione, seu retinæ parte, in utroque oculo non depingatur.

Itaque illud est probabilius, rem unam, & in eodem situ ab utroque oculo conspici, cum uterque, quique irrefractus oculum penetrat, axis visualis, quo res distincte cernitur, in idem objecti punctum dirigatur. Quomodo autem oculi nunc sint dispositi, nō satis liquet.

Opp. 4. Gassendus, utriusque oculi pupillam in contrarias partes dirigi, & quantum una ad interiorem angulum accedit, tantum alteram in exteriorem, seu sylvestrem deflecti; adeo ut axes utriusque oculi semper sibi mutuo sint paralleli, neque in unum punctum coeant.

Resp. 1. Rem eandem à visu percipi, cum uterque oculus radius velut conjugatis, & in eandem perceptionem destinatis attingit. Sic ubi globulū duobus digitis decussatis contrectamus, quasi duplicem tangere videmur. Nam facultas quæ cerebro inest, ex diversa nervorū impressione, non unum, sed duplicem percipit globulum. Non dissimili ratione cum oculorum alterum digito attollimus, & radiis velut disparatis rem aspiciamus, tum eam geminam percipimus: superiores quippe unius oculi radii cum alterius itidem superioribus, medii cum mediis, inferiores cum inferioribus simul agere aut conspirare ad unius rei perceptionē solent, quo rem unam & eandem renuntient. At si forte ita detorqueantur oculi, ut dextri unius

radii cum sinistris, aut disparatis alterius concurrant, tū res plane diversæ judicantur. Vnde hujusmodi hominem se vidisse Gallendus commemorat, cujus alter oculus gravi concussus plaga, & in diversum à naturali sitū deflectens efficiebat, ut res omnes geminatæ ei apparent.

Resp. 2. Vtriusque oculi pupillas videri parallelas, cum objectum eminens spectatur: tū enim utriusque intervallū pene insensibile est, cum distantia comparatum. Sed res aliter se habet ubi res cominus cernitur: ut cū legimus: tum enim ita ambæ pupillæ diriguntur, ut earum axes in idem punctum objecti convertantur. His explicatis non erit alienum varia visus phænomena explicare.

*Quadam visus phænomena, aut problemata
explicantur.*

Quæritur 1. Quomodo rerum distantia percipiantur.

Resp. Distantias rerum non tam à viso ipso, quā à vi imaginatrice definiri. Primo ex corporum quæ visu percurramus interjectu; tum enim res sibi proximæ judicantur, cum inter eas nullum corpus visibile jacet. Hinc sol exoriens horizonti contiguus, ac nubes in eadem cum stellis superhæc videntur.

2. Ex magnitudinis præjudicio rei distantiam auguramur: ut vicissim ex cognita rei distantia magnitudinem illius dimetimur. Siquidē vel dicere natura, vel ipsa assuetudine eruditi objecta quæque hoc maiora censemus, quo sunt remotiora. Sic languidus, aut obscurus color rem à nobis distitam exhibet. Neque id pictores fugit qui corpora alioqui magna obscuris & confusis coloribus, ac mole imminuta, quasi eminens spectarentur, depingunt. Notum quip-

pe est objectum illustrius, ac distinctius videri quo propius. Hinc appetente nocte, aut aere nebuloso involuti, quæ proxima sunt quasi procul posita judicamus.

3. Aliam quoque figuram oculus induit, cum remota, aliam cum proxima intuetur: in remotiorum aspectu, utæ foramen ampliatur; idque fit certa naturæ lege, licet non advertamus. Oculus etiam planior fit, aut oblongior, ut objectum longius à nobis fuerit, aut propius.

4. Res oculis subjectæ quo longius distant, hoc sublimiores apparent, quod res propiores radios emittant, qui superiores oculi, aut retinæ partes feriunt. Remotæ radios mittunt quæ ad inferiorem oculi plagam perveniunt: quare illæ depressiores, hæ sublimiores cernuntur. Contra evenit dum oculorū aciem in res sublimes convertimus: tum enim quæ longius distitæ sunt, humiliores apparent: adeo ut extremus cœli limbus horizonti cohærere videatur.

Quæritur 2. Quomodo rei magnitudinem percipiamus.

Resp. Nos rei cuiusque molem ex imaginis, quæ retinæ imprimitur, magnitudine æstimare: idque tacita quadam ratiocinatione ex magnitudine imaginis in fundo oculi depictæ cum distantia comparata nos colligere. Nam licet objecti oculo proximi imago forsitan ceteris major, quam si idem objectum res circiter passus recederet, in fundo oculi delineetur, non continuo rei ipsa centies major visus iudicio æstimatur, quod totum visus negotium intra oculum non perficiatur: verum id quoque necesse est ut vis imaginatricis iudicium intercedat.

Sed inquires, sol in horizonte major videtur, cum

cum tamen sit remotior. Neque id circumfusus vaporibus tribuendum est, cum imago solis tubo optico in obscuro conclavi excepta, æqualis semper, & sui similis totius diei decursu videatur; nisi quod diameter altitudinis, quæ scilicet horizonti ad perpendiculari inlittit, prærefractione non nihil immutata appareat; & sol non omni ex parte rotundus, sed ellipticus fere cōspiciatur: unde & umbræ quas projicit, tum sunt latiores, quam ubi est sublimior; neque adeo vapores illius augment imaginem, sed aliquantulum imminuunt; quia plures ejus radios intercipiunt.

Resp. Solem in ortu vel in occasu majorem nobis apparere i. quod illius magnitudo ex distantia, hæc vero ex longa corporum interjectorum serie æstimetur.

Præterea sub ortu solis pupilla est apertior. Vnde solis ut cujusq; corporis lucidi imago latius in fundo oculi spargitur. Hinc luna de die minor quam de nocte cernitur: nam interdum angustius est uveæ foramen: & radii subeuntes cum axi sint viciniore, non adeo diffunduntur.

3. Pupillæ angustias major crystallini rotunditas comitatur: quo vero humor ille est globosior, hoc quoq; contractior imago retine imprimitur. Sic autem sumus à natura comparati, ut dum pupillæ foramen contrahimus, simul & crystallinum globosiores efficiamus. Hinc dum objecta oculis proxima sistuntur, statim uveæ rugas aut plicas suas deponit, pupillæ foramen fit angustius, & crystallini facies anterior fit globosior. Cum res tenui & languida lucē perfusas contuemur, pupillam diducimus, tumq; crystallini figura planior efficitur, quo lux uberior accedat, ac radiorum concursus,

sus, seu penicilli non intra vitreum humorem sed in fundo oculi perficiantur.

Quæritur 3. quid in causa sit cur stellæ, & accensa quæque lumina eminus spectata, speciem sui longe ampliorem noctu quam interdiu spargant.

Resp. Id utrique evenire vel quod apertiore pupilla radii luminis excepti majorē in fundo oculi imaginem creent, aut retinæ nervulos fortius percellant; vel quod crystallinus humor tum sit magis complanatus; vel quod radii intra vitreum humorem coeuntes post concursum in ampliorem & magis confusam spargantur imaginem.

Sed, inquires, Sol tam procul diffitus, & libero aspectu visus, nihilo major apparet.

Resp. Id forte fieri quod per angustissimum foramen lux illius admissa partes duntaxat retinæ medias, & axi proximas afficiat. Noctu vero cum pupilla dilatatur, tum radii stellarum lucidi laterales quoque retinæ aut choroidis nervulos feriunt. Est etiam foramen pupillæ fere instar infundibuli nonnihil depressum: cumque illud ampliatur, tum uvea versus pupillam crispatur, & tenuibus velut plicis asperatur. Hinc non solum radii per apertum foramen recta subeunt, sed plures etiam ex rugoso uveæ margine reflexi, ad interiora oculi perveniunt: cumque ex omni parte reflexio fiat, corona quædā luminis corpori lucido aspingitur: Sol verò nullam ejusmodi comam spargit, quod diducta uvea, ac nullis plicis corrugata, sed contracta admodum pupilla cernatur. Tubus opticus hanc stellis lecem adventitiam detrahit: plures enim radios antrorsum regerit; cumque pars tantum media vitri detecta maneat, qui subeunt radii, sunt debiliores, quam

ut reflexione sua retinam possint afficere. Hinc stellæ longe minores tubo, quam libero aspectu cernuntur: falsa enim luce per tubum exiuntur: ac stellæ viciniore lunc non mediocriter minuuntur; retinam quippe fortiori luce occupatam lux illa stellis ex reflexione afficta movere non potest. Sic alba & illustria quæque corpora eminus visa majora apparent: vel quia plures radii citius intra oculum concurrunt, neque ad fundum oculi nisi confusi, & latius dispersi appellant; vel quia fortius afficiunt retinam, & vicinas partes in consensum trahunt.

Quæritur 4. quomodo figura cujusque objecti percipiat.

Resp. De rei visibilis figura ex illius imagine in oculi fundo delineata nos judicare, eo quo dictum est modo de rebus quæ foris sunt positæ, quarum imagines per obscuri conclavis exiguum foramen vitro convexo admissæ in opposita tabella exprimuntur. Vnde & figura variatur penes situs aut distantie diversitatem. Hinc quæ spectantur eminus, licet forte quadrata sint & angulosa, ut rotunda tamen videntur, quod angulorum excursions vel asperitates distantia elidat. Sic convexa, aut cava ut complanata percipimus: quod omnis partium inæqualitas ex tanto intervallo penitus evanescat. Hinc Sol & reliqua sydera, non convexa, sed plana judicantur.

Quæritur 5. cur nonnulli objecta nisi propius oculis admota distincte intueri non possint: cum alii, ut senes procul ea ab oculis removere cogantur: illi myopes, hi presbytae dicuntur.

Resp. Id utique non aliunde quam à crystallini figura oriri: nam myopes crystallinum habent globosorem, & oculum saepe prominulum;

lum : unde objecta non vident longius distita : quod radii nimium refracti citius coeant , neque ordinatam picturam in fundo oculi , sed citra , in vitreo nimirum humore exhibeant . His adeo cōspicilia cava usui sunt : nam radios distrahunt , quō tardius concurrant . Senes ē diverso quibus crystallini superficies magis complanata est & flaccida , nō continentur objecta , nisi eadem sint aliquanto remotiora : conspici-
 liis adeo convexis indigent , quibus radii nimis distiti in angustius spatium cogantur , & citius coeant . Sic in obscuro cubiculo quo lens convexa globosior est , seu minoris globi portio , hoc propius charta est admovēda : citius quippe radii refracti coeunt . Sed de his postea cum de lumine agemus .

Quæritur 6. quomodo motus percipiatur .
Resp. Motum percipi vel ex ipsius oculi motu , dum rem visam ex loco in locū translatam subsequitur , vel ex motione imaginis in retina , vel denique ex comparatione quadā objecti mobilis ad alia circumposita : quandiu enim idem situs visi corporis cum vicinis , atque idem ordo percipitur , tamdiu id immotum judicamus : tamen si persæpe loco movetur . Sic nua cum navi abrepti arbores & reliqua corpora cieri , nos interim stare arbitramur . Cum autem in aliquod corpus longe à nobis distitum acie intendimus , ut in lunam , tunc id corpus stare nobis videtur : quod motus oculi percipi non possit , nec præ nimia distantia partes peragratæ animadverti . Interim tamen nubes agitari videntur , quod suam mutant a Luna distantiam .

QVÆSTIO III.

De saporibus & odoribus.

Explicatis sensuum organis & functionibus, proximum est ut qualitates sensibiles, seu objecta sensuum percurramus: cumque de iis quæ ad tactum pertinent, in Physica generali fuisse à nobis tractatum fuerit, nunc à saporibus & odoribus ducemus initium: tum de sono, deinde de lumine, tandem de coloribus agemus.

Ac primum quidem cum gustus sit, velut explorator quidam in ea corporis parte collocatus qua iter cibus patet, ut quæ salubria sunt aut perniciofa discernat; facultates aut vires corporum ex saporibus potissimum internoscimus: neque ulla est regula ad rerum vires & temperationes dijudicandas magis idonea, quàm ea quæ ex variis saporum differentiis depromitur. Vnde autem illæ oriuntur, paulo accuratius intuendum.

Solent quidem Medici novem saporum species distinguere; acrem videlicet, acidum, pinguem, salsum, austerum, dulcem, amarum, acerbum, insipidum; quorum tres primi è tenui materia prodeunt; medii è mediocri; postremi è crassa atque terrena. Sic eos sapores varie è elementorū qualitacibus ducunt: quæ sane multis rationibus retelli possunt: nam ut nihil dicam de aciditate, quæ calidis juxta & frigidis insidet, sapor amarus in tenui corpore, ut in crasso reperitur: ut in spiritu absynthii distillato cernere est.

Ac ne plura disseram, cum elementa omnis omnino saporis sint expertia, aliæ nobis causæ

sapo-

saporum, ex quo propiores quærendæ sunt.

Ne illud quidem probabile videtur, sapores omnes ex salibus proficisci; neque spiritus aut olea sunt omnino insipida: tamen si negare non possumus quin sales in rebus sapidis maxime dominantur. Sit itaque

Prima Conclusio.

Sapor non est qualitas quædam à re ipsa distincta, sed actio quæ motu locali continetur, quæque à partium configuratione potissimum pendet.

Probatæ conclusio. Res sapida gustu, ut tactu quodam percipitur: sed impressio tantum, aut actio corporis, non entitas ab eo distincta sensum movet, ut fuisse probatum est superiore disputatione. Sic actione aut motu corporis sapidi lingua vel astringitur, ut in acerbis vel austero sapore; vel leniter laxatur, ut in dulci. Hinc falsus & acidus corrodit; acer pungit & vellicat: quod amarum est, linguam abstergit, & quodammodo everrit. Atque ut diversæ corporis partes eodem motu titillationis non similiter agitantur, nec eundem sensum procreant; sic motus corporis sapidi aliter linguam, aliter reliquum corpus afficit, & quasi tactu quodam ubique percipitur. Nam carnem excoctam aliter sal, aliter acetum, aliter spiritus vini juxta saporum varietatem afficiunt: ad eo ut sapores omnes ex partium motu & configuratione ducantur, & gustus ipse tactu quodam contineatur. Sed forte causas saporum adhuc propiores merito aliquis exquiret. Sit igitur

Secunda Conclusio.

Proximæ & continentes saporum causæ satis com-

commode ad principia Chymicorum in vario statu considerata referuntur, dummodo in iis quoque Mechanicæ affectiones spectentur.

Pars conclusionis prior variis rationibus & experimentis illustrari potest. Atque ut ab eo sapore qui insipidus vocari solet, ordiamur, is maxime in iis reperitur corporibus, quæ principiis activis spiritu, sulphure & sale pene destituuntur, ut in aqua simplici. Insipida quoque solent dici corpora, in quibus spiritus terra & aqua pene obruuntur, in statu, ut aiunt, fixationis. Sed ubi spiritus se se aut calore, aut fermentatione explicant, tum varios fundunt sapes. Cum spiritus salini deprimuntur, insipiditas quædam cum adstrictione vel asperitate conjuncta percipitur, quæ postea in aciditatem adolescit. Sæpe evenit ut spiritus non simul ad maturitatem evehantur, sed aliis adhuc crudis reliqui maturescere & dulcescere incipiant. Hinc sapor ex dulcedine & aciditate temperatus exoritur, qui vinosus dici potest.

Hinc duplex est aciditas: una quæ dulcedinem prævertit, altera quæ subsequitur: illa videtur in spiritu salino, atque, ut aiunt, famelico posita: qualis in limonibus, & aureis pomis percipitur: cum enim ea spiritibus exhaustis omni aciditate sua exuuntur, tum dulcedinem suam non tuentur, hinc breui cum tabe & nauseabundo sapore corrumpuntur. Contra in vino aciditas dulcedinem consequitur, eaque non à spiritu, sed à sale fluido dimanat. Hinc acetosus hic liquor tertio ignis gradu distillatur, ac partes habet asperas, & penetrabiles: unde muricæ vices, obit, & corpora à putredine diu vindicat, quod illius liquoris aciditas non in spiritu volatili, sed in crassiore sale sit collocata. Hinc succi limonum, & omphacii, v. du. verjus, putredinem non inhibent;

hibent: aciditatem enim habent dulcedinis præviam à spiritu, nō à sale profectam: & quia tenuioris sunt substantiæ, cito evanescunt.

Sunt alii sapes qui cruditatem & fixationem tum spirituum, tum salium, aut lenem fusionem comitantur: ut adstringens, acerbus, austereus: spiritus autem sulphurei dum fixi & crudi sunt, obscurum admodum saporē efficiunt. Sic farina tritici, ovorum abbumina, quæque sulphureis abundant spiritibus vel parum exaltatis, hæc insipida pene videntur: quæ vero spiritus jam vigentes, & ad motum paratos habent, ut lac, & caro, facilius eadem dulcescunt. Nam dulcedo è spiritibus ad maturitatem provectis potissimum dimanat.

Dulcedo porro est tripartita, macra videlicet aut salina, quæ in fructibus mitescentibus, in vino tenui, & defæcato, atque in iis omnibus quæ præ spiritu salino turgent, percipitur. Pinguis, quæ à spiritibus sulphureis originem ducit: qualis est in carne, medulla & aliis corporibus juxta diversam spiritus oleosi cum aliis elementis temperationem; mixta denique, & palato suavis, ut in melle, saccharo, passulis, seu uvis exsiccatis, quæque ex utriusque spiritus salini, & oleosi apta mixtione consurgit. Exhaustis spiritibus cum sal dominatur, ut in aceto, tum aciditas emergit.

Cū sulphur nimio calore luxuriat, tum rancidus, aut amarus sapor & plerumque ingratus emergit. Sic oleosa quæque, & dulcia, absumptis spiritibus longa coctione amarescunt; ut caro adusta: Sic fructus, in quibus sulphureus spiritus, & dulcis copiosior inerat, in putredine amarescunt. Fructus vero acidi cum salis, & sulphuris perparum habeant, exhaustis spiritibus; nec sal dominio potitus acetosū saporē
nec

nec sulphur fusione sua amarum ingenerat; sed omnino inertes & insipidi vappescunt.

Est alia tamen amaritudo, quæ nō ex adusto sulphure, sed magis ex spiritu sulphureo suam ducit originem, eaq; statim se prodit, nec dulcedinem subsequitur; nec vetustate minuitur, sed potius increfcit; hæc in absynthio, lupulis, *V. du Houblon*, & aliis plantis conspicua est. Quod autem spiritui infideat, non sulphuri fuso aut evecto, hinc conjicimus, quod ejusmodi spiritus exstillati sint valde amari; quod autem in vase, seu cucurbita superest, omni amaritudine careat.

Pars altera conclusionis iis rationibus persuaderi potest, quibus ostendimus affectiones, aut qualitates corporū ad principia mechanica potius referri oportere, quam ad chymica; de quorum existentia merito dubitari potest. Neque enim acetum in vino actu fuit; quæque spiritus aut sales, aut olea dicimus, sola partium figura, contextu, & motu inter se differunt. Sic acidi spiritus acutis constant partibus: hinc facile sunt mobiles, & fermentationem motu suo promovent. Fructus vero quibus spiritus inest amarus, nunquam dulcescunt ob partium asperitatem, & rigiditatem. Cumque amara pleraque vi purgatrice, & abstersiva donentur, satis verisimile est ea constare partibus solidiusculis, mutuo implexis, & fere scopis similibus.

Confirmari id potest variis exemplis, quæ in nuperrimo opere circa qualitates affert clariss. Boylius, quæque jam magna ex parte attigimus. Primo, cum spiritus acidus nitri adeo penetrans acerrimo itidem nitro jam fixato sensim affunditur; ex utriusque conjugio nitrum ipsum exsurgit, quod nisi solem communem

haberet admixtum, vix ullo sapore se proderet: quod nitri anguli sint obtusiores, quam ut lingua spongiosa mentus alte penetrarent. 2. Saccharum Saturni, seu calx plumbi aceti spiritu exsoluta, & exsiccata, si idoneo vehiculo solvatur, tum spiritus Armoniaci additione sensim præcipitetur, mixtura fiet ex calce plumbi impense dulci, & sale armoniaco admodum salso, pene insipida. Sic è minio seu calce plumbi aqua forti, aut spiritu nitri dissoluta, hoc est è re prorsus insipida, & altera multum corrosiva ob mutatam partium configurationem, quiddam emergit admodum dulce. Sic varii saporès plurimum diversi prodeunt, ubi varia corpora etiã insipida in eodem menstruo, seu dissolvente exsolvuntur. Argento in aqua forti dissoluto, & in crystallos coagulato nihil est amarius; plumbo nihil fere dulcius; Stanni sapor plane est diversus, non ingratus tamen; cupri sapor vix ferri potest. 3. Spiritus vini spiritui nitri, aut aquæ fortis paulatim adusus, non intensum modo calorem procreat, sed vinosum, & gratum saporem.

De odoribus.

In hoc maxime à saporibus odores discrepant, quod hi sint tenuiores, illi crassiores; sed utrique ex iisdem principiis activis, aut ex simili fere partium configuratione oriuntur. De odoribus itaque perpauca dicemus, cum eadem iis sit origo quæ saporibus.

Ac primum illud certum videtur odorem cum substantiali effluxu esse conjunctum: nam contrario vento diffatur, vento secundo advehitur. Quæque odora sunt, nisi arctiori custodia serventur, suum odorem magna ex parte amittunt: cum humore frigido perfunduntur, vix odorem suum spargunt. Nec tamen necesse est novum
hali-

halitū jugi & continenti fluxu ex aromatibus ; aut lignis odoriferis continenter diffundi : sed fieri potest ut ex sulphureis, & oleosis corporibus viscosi halitus erumpant, qui tamen à suis fontibus non facile divellantur : cujus generis effluvia è corporibus electricis erumpere ostendimus.

2. Odores, ut sapes spiritū, sulphure, & sale cōtineri verisimile videtur: illa enim plus odoris fundunt, in quibus aut spiritus aut sulphur est uberius ; tumque gratus est, & sensū demulcet odor, cum pars sulphuris purior cum spiritu exhalatur. Sed crassum sulphur sale aculeatum insigniter foetet.

3. Pleraque corpora cum propius admoventur minus gratum odorem fundunt, quam ubi sunt remotiora. Nam tenues spiritus olfactum juvant, crassiores offendunt : motus etiam & fermentatio odores plurimum intendunt. Sic uvæ ante omnis odoris expertes, ubi contusæ fuerint, fermentescunt ; panis ipse, calx cum aqua diluitur, & alia id genus plurima ex fermentatione odorem suum longe lateque spargunt. Neque id eos fugit qui unguenta temperant : ambræ ignavi est odoris : Zibetum, quo purius est, hoc minus grate olet. Ex utriusque tamen mistura odor gratissimus exoritur, ut si decem grana ambræ cum tribus granis Zibeti mista contuderis, atque unam aut alteram guttam succi limonii, quo augeatur aciditas aut fermentatio, instilles, suavissimum unguentum obtinebis. Sic Moschus ubi purus est, non olet suaviter, misce cum aliquot guttis spiritus rosacei ardentis, fragrantissime olebit.

4. Multa cum putrescunt, magis fragrant, ut quædam brutorum stercorea, Moschus, Zibetum, & alia hujus generis ; nam ex fermenta-

tione & attritu partium sæpe odor fit gravior. Nihil fere est urina diu servata foetidius : qui tamen Moschum ex Indi sadvehunt, cum odor magna ex parte exhalavit, pelle ejusdem animalis involutum, aut vesicis inclusum in foetidis locis per dies aliquot solent appendere, & vesicas variis foraminulis pertunder. Quo quidem modo, ut testatur Boylius, pristinam Moscho fragrantiam restitunt. Plura in hanc rem afferri possunt : verum ista sufficiunt odorum origini, & naturæ utcumque dijudicandæ.

QVÆSTIO IV.

De sono.

DE sono paulo fusiùs agendum nobis videtur : ac primū in quo natura illius posita sit, tum quæ illius sint causæ, intuendum : postremo varia illius phænomena explicare conabimur. Sit itaque

Prima Conclusio.

Sonus in motu quodam aeris tremulo & reciproco positus est.

Hæc conclusio est Aristotelis tum lib. 2. de anima, tum libro de sensu & sensibili, eaque experientia ipsa facile demonstratur. Nam motus ille aeris tremulus manifeste se prodit in fidibus instrumenti musici, in plectrō quod pice aut colophonia obductum asperitate sua, & quasi denticulis chordas motu illo reciproco exagitat. Nam si id oleo aut sebo illinias, tū nullum edet sonū. Itaque crebri illi subsultus, & repetitæ vibrationes sonum efficiunt.

Cum vitrei scyphi, cui aqua infusa est,

H

mar-

margines digito celerius moto premuntur, tum quidem tremulus aquæ motus, & subsultatio; quæ sit aeris agitatio pulchre satis explicat. Si pulsatae itidem campanæ proximus pileum manu extuleris, hunc tremulum pilei motum vel manu senties. Sic incide vel leviter percussa milii grana huic imposita subsultant. Quare cum posito motu illo tremulo fiat sonus, sublato tollatur, planum sit naturam soni in eo motu aut quasi fremitu aeris esse constitutam.

Solvuntur objectiones.

Opp. 1 Non omnem aeris motum sonum procreare: ergo sonus non est tantum aeris motus.

Resp. Sonum non esse quemlibet aeris motum, sed celerem & reciprocum, & vibrationi sine penduli non dissimilem: adeo ut non aliter auris tympanum verberatus aer feriat, quam ipse à collisione corporum fuit agitato.

Instant. Illa agitatio non aliter diffundi posset, quam undulatione quadam: ut cum lapidis injectu aqua stagnans varios circulos delineat: sic enim vulgo explicari solet. Verum hæc aeris undulatio ejusdem soni perceptionem confunderet; cum ejusdem soni infiniti velut ictus auris organum percellerent: ut lapidis injectu varii circuli ad litus appellant. Deinde id in aqua accidit, quod aqua circa lapidem assurgat, tum proprio pondere recidat. Quod utique in aere qui omni ex parte premit corpora, intelligi non potest.

Resp. Propagationem soni per ejusmodi undulationes non fieri, sed quia pressus aer magno impetu resilit: non enim omnis agitatio sonum procreat. Cumque non subita est impulsio, tum aer vim ipsam corporis moti eludit; & retro, aut ad latera corporis impellentis recedit. Sed

ubi satis vehemens & subita est impulsio tum aer anteriorem magna vi propellit, dum pressus vi sua elastica restituitur. Vnde soni omnes licet admodum inæquales, æquali tamen celeritate diffunduntur, nec major sonus à minore differt, nisi quod plures partes aeris eadem celeritate moveantur; partes quidem aeris non eadem vi flectantur; sed eadem penitus restituantur: ut in Vitruvio gallice edito demonstrat Vir. clariss.

Opp. 2. Incredibile prorsus videri tantam aeris molem in omnes partes tam longe impelli.

Resp. Aerem corpus esse liquidum, quod magna facilitate huc illuc impellitur. Deinde illud incredibilius videtur, & tamen verum est partes campanæ eodem motu reciproce agitari, quem aeri circumfuso communicant. Nam hæc est motus aeris aut soni causa, ut mox ostendemus. Sit igitur

Secunda Conclusio.

Motus aeris tremulus ex consimili motu partium insensibilium sonori corporis plerumque oritur.

Probatúr conclusio ex iis quæ de fidibus testudinis, & plectro, de fremitu aquæ scypho vitreo conclusæ, de motu partium insensibilium campanæ & incudis diximus: ista enim manifeste evincunt motum duri & solidi corporis in aerem transmitti: unde quæ corpora sunt molliora, & vi elastica destituuntur, eadem minus sonora sunt. Sic campanæ agitatæ manus imposita hunc fremitum percipit, immo & campanulæ chalybeæ quæ horologiis adhibentur, percussæ diu tremunt. Verum ubi ma-

nu eas contrectamus, statim murmur illud cum fremitu partium cessat. Quamobrem fides testudinis eodem pene modo vibrantur, ac plumbum funi appensum, atque ex vibrationum varietate sonorum differentiarum ducuntur; idque verisimillimum videtur in ipso excursus & recursus confinio, cum scilicet pressus aer dilatatur, sonum effici, ut cum funda laxata subito retrahitur, in ipso excursus fine, & recursus principio crepat.

Confirmari id potest variis experimentis. 1. Admotis terræ auribus equorum sonitus vel procul existentium excipitur, immo si tympani bellici terram contingentis superiori membranæ aurem admoveas, strepitum equorum distinctius percipies: tremor enim terræ vel illius aeris qui ejus poris includitur, tympani membranam simili motu concutit; atque in tympani cavitate volutatus fit vegetior.

2. Tormentorum vel tonitruum bombus vitra fenestrarum plerumque confringit, vinum, & alios liquores perturbat: quod utique ex motu aeris reciproco proficiscitur: quemadmodum prætervecti, & celerius agitati, currus, ædes vicinas motu tremulo succutiunt.

3. Cum aurium interiora vel sola titillatione immissio digito agitamur, ingens plerumque sonus nos percellit.

4. Admotis trabi prælongæ auribus, vel levissimum motum aut pulsus in altero extremo percipimus: quod forte aer meatuum serie conclusus impelli non possit, quin alium sibi finitimum itidem pellat. Nam in aperto aere impetus in omnes partes effusus languescit; sed intra costubulos manet integer, & usque ad aliud extremum diffunditur. Id etiam forte ex motu fibrarum citra aerem inclusum explicari potest.

potest. Sed ista ad soni phœnomena magis pertinent, quæ brevi decurremus.

*Quadam sonorum phœnomena
explicantur.*

Quæritur 1. quid in tormentis bellicis vel in auro fulminante tantum efficiat sonitum.

Resp. An quod duo contrarii fiant motus, unus subtilis materie quæ flammam efficit, alter crassioris aeris qui expulsi, & densatus vi sua elastica proximum aerem cum impetu repellit. Idem fit in pulvere fulminante, non auri tantum aqua regia dissoluti, sed etiam in vulgari, qui ex tribus partibus nitri, duabus sulph. & una salis tartari cõficitur. Hic utiq; aut tegule, aut ferro candenti impositus magno cum strepitu simul inflammatur. Nā subita aeris irruptio sonū creat, ut cernere est in foliis rosarū quæ pueri cum strepitu disrumpunt. Itaque in pulvere fulminante sulphur inflammatur, nitru instar venti ignē accendit, & suis aciculis omnia perfringit: sonū quoque auget sal tartari, & obstat quominus paulatim sulphur accendatur. Atque idem fere præstat, quod salicis carbones in pulvere pyrio. Multum quoque ad soni generationē confert subita aeris irruptio: sic vitrea vasa ad lampadem fusa licet tenuissima, ubi franguntur, magnum edunt sonum; atque in machina pneumatica phialę vitreę ex quibus aer eductus est, ab incumbētis aeris pondere magno cum strepitu franguntur.

Quæritur 2. quid concentus musicos, aut gratos aut ingratos efficiat.

Resp. Gratam esse inter sonos proportionem, dum alii sunt aliis certa ratione aut graviores aut acutiores: ii scilicet maiorem vel minorem aeris partem elidunt, aut vibrationes suas, seu itus & reditus tardius aut citius perficiunt: sic

tamen ut non valde intento animo opus sit, ut ea differentia percipiatur: quæ enim animus aut confuse nimis percipit, aut operosius distinguit, eadem non placent: unde quæ inter tonos proportio observatur, ea potius est arithmetica quam geometrica, quæ operosius discernitur. Sic igitur grata est modulatio, cum aeris tremuli morus in spiritibus nervi auditorii excepti non se se mutuo impediunt, atque inter duo tonos alii ita sunt interjecti, ut triusque extremi sint participes.

Quod si lineam in duas partes æquales divides, aut fidem testudinis ponticulo in medio fistas, cum fides longior unâ vibrationem, seu diadromum confecerit, pars ejus dimidia duas vibrationes perficiet; adeo ut alternis diadromis concurrant. Vnde orietur utriusque soni proportio dupla, quæ est omnium simplicissima, quæque diapason, seu octava vocatur: ut diapente dicitur, cum est proportio sesquialtera: adeo ut duo soni tertia quaque vibratione concurrant, eaq; est gratissima. Nam medio loco inter diapason & ditonum consistit: non ita mollis est ac diapason, sed minus acriter ferit aures, quam ditonus: cum scilicet major tonus minorem superat quarta sui parte, ut in diatesaron est proportio sesquitertia, ut inter quatuor, & tria: in octava, seu diapason vox utraq; instar unius ad aures appellit. Sic in testudine fides crassiores interdum sibi adjunctas habent tenuiores, quæ sonum duplo acutiorem edunt. Sed unus ex utroque compositus ad aures deducitur: non idem accidit in diapente, cujus soni magis inter se distant, & seorsum auditus organum subeunt.

Cum autem concentus gratissimos alii deteriores excipiunt, tū omnis languescit attentio.

Quare

Quare in cōcentibus id cavent ne diapēte duplex, aut duæ octavæ sibi proxime succedant: nam quæ sequetur harmonia fragidior videbitur cum præcedenti comparata: cum autē quæ sunt minus grati iterantur, tum suspenditur animus expectatione melioris. Multa ex iis principiis colligi possunt, quæ brevitatis studio omittimus.

Quæritur 3. Vnde in nobis tot vocis inflexiones.

Resp. An forte id tribuendum est structuræ gutturis, & asperæ arteriæ, quæ in nobis levior est dum extenditur; deinde nervi recurrentis circuli annulos trachææ asperæ, vel deorsum movent, ut vox sit gravior; vel sursum adducunt, ut sit acutior. Id etiam ex ipsius laryngis apertura magna ex parte pendet, ut in organis pneumaticis evenit, dum aer per angustias lingule fractus sonum edit ubi subsultum eliditur. Nam Epiglottis vicem obit lingulæ: cumq; ad libitū ocludat laryngis angustias, aer subsultim elisus sonum edit, ut in ipsis organis; cum autem inter expirandum pateat, aer citra sonitum expiratur, nisi cum volumus. Quo igitur longior est trachæa, seu aspera arteria, aut latius patet, aut exitum habet ampliorem, hoc tardiores efficit vibrationes, & vocem gravio-rem. Sic in Leonis trachæa annuli omnes præter unum, aut alterum sunt integri. Hincque tam valide vocis ratio aliqua ex parte duci potest. Huc adde laryngis rimulā, nervos recurrentes, quibus trachææ annuli adducti sunt, asperiores. Nam si ductus ille trachææ esset æquabilis, & lævis, tum sonus irrefractus vix percipi posset. Vnde animalia rescissis nervis recurrentibus statim obmutescunt.

Atque ut spiritus è larynge in cavitatē oris

emissus varie comprimitur, aut illiditur, diversæ itidem formantur litteræ, quarum aliæ sunt vocales, aliæ consonantes. Ex vocalibus prima A simplici emissionē spiritus in gutture ita formatur, ut majore oris apertione indigeat. E & I in palato concavo utcumque compresso, sed I cum minori oris apertura, & majore linguæ promotione, O, & V, labiis in rotundā pene formam adductis pronuntiantur. Consonantibus vocales sunt fulcimini, seu præmittantur, seu iis subjungantur. Sed ea nimis vulgata sunt.

Queritur 4. Vnde tanta vis tubæ Anglicanæ, ut vocem loquentis ad unum vel alterum miliare perferat.

R^{es}p. Eandem esse rationem hujus tubæ, quæ humanæ vocis, ea quippe hoc major est, quo majorē habet exitū, ut in tubis pneumatici organi usu venit. Nam aer qui per rimulam subiens intra tubū conicum propellitur, hoc validiorē sonum edit, quo basis est latior, & tubus productior: neque hujus effectus alia est ratio, quam ea quæ suo loco allata est, de aqua per tubum immissa, cujus pressio ex tubi altitudine, & basi ipsius tubi amplitudine æstimatur. Accedit etiam vocem intra tubum integram manere, & prorsum duntaxat propelli, non in omnes partes divagari, & quaqua versū dissipari. Denique vibrationes percussī aeris versus axem conī per varias reflexiones colliguntur: nam repetitæ aeris vibrationes sonum plurimum augent.

Queritur 5. Cur una testudinis chorda pulsata, reliquæ pene omnes tremant, sed ex solū resonent, quæ aut unisonum, aut diapason aut alium concentum efficiunt. Hinc testatur Kircherus se in Ecclesia Moguntina pulsatis organis,

nis, testudinis fides resonantes audisse: & sane chartula chordæ imposita, ubi alia stringitur; velut sua sponte subsultat.

Resp. An forte eadē est ratio quæ funependuli, aut campanæ: hæc enim cum recurrere incipit, si levissimo ictu propellitur, æquo semper impetu agitata æquabilem edit sonum. Sic vibrata testudinis chorda reliquas quidem leniter commovet, quæ iteratis ictibus cum jam recursus suos occipiunt, instar campanæ magis ac magis agitantur: ita ut crescente impetu tandem sonet chorda, aut saltem tremat, & impositam chartulam simili motu exagitet.

Idem fere accidit cum duobus scyphis aqua infunditur: tum enim digito in orbem acto aqua in utroque contenta crispatur, ac plus minusve aquæ uni adjicitur, donec ad unisonum ambo reducantur; quod ubi fit, si aciculam inflexam unius scyphi margini aptaveris, cum alterius vitri margines digito celerius moto presseris, tum intueri licebit aciculam priori vitro impositam, velut ad numeros saltitantem.

Hinc etiā illius ante aliquot annos facti experimenti ratio duci potest, in quo quidē scyphus ex rudi, & crasso vitro sola voce confringitur. Primū enim ad quem velut tonum partes vitri sint compositæ ex levi talitro, aut digiti percussione exploratur; tum vox ipsa huic tono aecommodata, & paulatim aucta dum ultra octavam perveniat, ita partes vitri iteratis ictibus percellit, & tremulo motu exagitat, ut opportunis plagis, quemadmodum de funependulo, aut campana diximus, percussæ tandem dissiliant. Sed scyphus æquabiliter sit tersus, non lineis aut striis excavatus, aut incisus; ac digito percussus sonum edat non ita acutum,

ut eum vos canentis assequi, aut superare vix queat.

Postremo quæritur, quid Echo efficiat, & quid causæ sit cur interdum toties vocem reddat.

An forte ut lumen, sic sonus objectu duri corporis reflectitur: cumque corpus reflectens aliquantulum à nobis distet, tum una aut plures syllabæ iteratæ percipiuntur. Refert Verulamius se in Sacello Carentonii prope Lutetiam vocem ter decies repetita excepisse. Idem Bruxellis in ludo palmarum nunc quoq; licet experiri; nec dubium est quin arte sic disponi possint corpora quæ emissas voces sæpius reddant.

Neq; hoc loco quærendum est, quod sit soni vehiculum. Id enim est extra omnem dubitationem positum, vix sonum percipi posse, aut in aqua, aut in machina pneumatica sublato aere: quamquam partes solidioris corporis motum suum, aut tremorē vicino aeri communicant. Nā aqua in tubo vitreo sigillato, & ex quo aer exhaustus est, ubi extremum tubi ferit, sonum edit adeo acutum, ut solidum corpus non aquā tubo contineri crederes.

Q V Æ S T I O V.

De lumine.

Primum nobis de natura luminis, tum de illius reflexione, postremo de illius refractione agendum est.

Tres sunt præcipuæ de natura luminis sententiæ: sunt enim qui illud nihil præter qualitatem esse putent; alii id effluvium quoddam substantiale, quod à corpore lucido jugiter manat, denuntiant. Postremo recentiores pleriq; lumen

motione quam, aut impulsione cuiusdam
 ætheris substantiæ contineri putant: atq; ut
 ego arbitror, possit inter eos convenire, si de suo
 quique jure nonnihil concederent. Sit itaque

Prima Conclusio.

Lumen accidens quoddam est, aut qualitas,
 simul & motione quadam continetur.

Probatnr Conclusio. pars prior: illud ac-
 cidens dici solet, aut qualitas, quod alteri cor-
 pori advenitum est, nec solitariū esse potest,
 neque ad corporis naturam pertinet, verum il-
 lius meatus duntaxat permeat. Sed hæc omnia
 lumen ut calori conveniunt. Ergo lumen eodē
 jure ac calor & aliæ qualitates superius expli-
 catæ, in accidentium censum adscribi potest.
 Est enim lux vix quædam activa subjecto alicui
 innixa, quæ aliunde fluit, & jugiter à suo fon-
 te dimanat.

Pars altera conclusionis est Aristotelis, qui
 passim docet lumen & perspicuitatē ipsam ab
 ætherea substantia proficisci. Quando, inquit,
 lib. de sensu, & sensibili, inest aliquid igneū in
 perspicuo, præsentia quidem illius lumen est,
 privatio vero tenebræ. Hinc definit lumen ac-
 tum, seu motum perspicui, & lib. 2. de anima,
 corpus inquit, non est perspicuum, quatenus
 est aqua, nec quatenus est aer, sed ut natura
 quædam in his utrisque eadem inest, in æterno
 illo supero corpore; ubi manifeste perspicuita-
 tē & lumen ab æthere ipso deducit. Quod in-
 telligi nō potest citra aliquem motum. Nullum
 enim corpus lucet, nisi idem moveatur; ut in
 igne notissimum est. Sic lapis Bononiensis cum
 calcinatus fuit, & radiis solaribus expositus,
 noctu lucet. Sic mare tempestate agitatum;

saccharum ipsum, dū nocte celerī motu comminuitur, feliū pili vehementius mori radiant: idem de lignis putridis, & quibusdam piscibus cum putrescere incipiunt, sentiendum est. Tum enim partes habent celeri, & intestino motu agitatae.

Confirm. Id ipsum palā fit ex adamante rudi, nō terso, qui nunc est penes magnæ Britanniae Regem, de quo tractatum scripsit D. Boyle. Is enim affrictus non electrica modo, ut cæteri fere adamantes, sed quod paucis contingit, radios luminis instar lampadis vibrat, immo vel digito pressus scintillas emittit. Sed longe maiorem lucem spargit, cum duro corpori affrictus fuit, eamque paulo diutius retinet etiam aquæ immersus.

Confirm. etiam potest insigni experimento barometri, quod est in Observatorio Regio. Nam succussus hydrargyrus in tenebris s̄ intillas emittit, quod ætheream substantiam eo motu qui ad lumen requiritur, impellat. Quare id satis experientiae consentaneum videtur, iumen in substantiae æthereæ motu positum esse. Quod ut fiat illustrius, sit

Secunda Conclusio.

Lux sine subiecto, aut materia quadam tenuissima vix esse, aut concipi potest.

Probatur Conclusio. Quod enim sua mole donatur, quod cum dispendio, atque imminutione corporis lucidi fuit; quodq; omnes corporum affectiones subit, & iisdem legibus, ac cætera corpora movet, cum materia aliqua conjunctum est.

Confirm. Lux in sua origine, ut in sole ignis est; radii luminis in unū collecti ignem accendunt.

dunt. Sic speculum illud ustorium quod est in Academia Regia, quodque metalla, & lateres ipsos fundit, vel in media hyeme, omnino evincit lumen nihil esse quam ignem purissimum, qui fortius vim suam exerit, quò confertior est, aut motu celeriori actus; ut accidit in flamma lampadis per tubulum perflata; quæque non vitrum modo, sed & metalla fundit: & sane nihil tam perniciousè movetur, atque ignis, ut in pyrio pulvere cernere est. Quid igitur, cum purus est ignis, atque ab omni terreno corpore solutus, an quicquà eo celerius concipi potest? mitto lumen reflecti & refringi, ut alia quæque corpora: quod sane vix de nuda & simplicior qualitate dici potest.

Solvuntur objectiones.

Opp. 1. Lumen non esse corpus, aut substantiam: cum per angustissimum foramen rotundum pertranseat; cum nullum sit in aere punctum in quo imago v. gr. solis tota & integra non formetur; cum denique vitrum, crystallum, & solidissima quæque corpora, dum perspicua sint, pervadat: cum nulli loco sit addictum, sed in angustissimum colligi, & in amplum diffundi soleat.

Resp. Lumen non esse tantum corporis lucidi profluvium, ut videtur Epicureis, sed substantiæ æthereæ aut motum, aut pressionem, quæ à corpore lucido, ut à centro ad circumferentiam radiis imperturbatis, fere ut de sono diximus, diffunditur. Quare non mirum est si radius quisque in sui fontis originem pressione sua aut impulsione nos ducat; fere ut in aqua profluente virga radios in amplum spatium protensos sola pressione exhibet. Vnde cum nullum sit in aere punctum, quod à sole pervarias lineas non prematur, non mirum est si oculus

in

in quocumque aeris loco positus solis imaginē percipiat. Nam lumen radiat in orbem: adeo ut unumquodque solis punctum in omnes partes radios emittat: ut vicissim in idem punctum mediū interjecti radii à toto corpore lucido missi concurrunt. Quod sane vix concipi posset, si lumen nihil esset quam qualitas, aut effluuium substantiale. Id vero facilius explicatur per æthereę substantiæ pressionem, seu actū corporis perspicui, ut passim docet Aristoteles.

Quod autem luminis radii vitrum penetrent, id utique fit, quod vitri, aut alterius corporis diaphani, cum solidum est, aut densum, pori sint in rectas lineas dispositi. Vnde nullum est vitrum, quod partem radiorum non reflectat: quia radii luminis in solidas partes impacti resiliunt. Itaq; perspicuitas, & opacitas ex meatuum dispositione oriuntur.

Opp. 2. Lumen in momento diffundi, quod explicari non potest, si sit effluxus substantialis.

Resp. 1. Nulla ratione demonstrari luminis in instanti propagationem, immo contrarium nuper à pereruditō viro pene demonstratum est, ex satellitum Iovis Eclipsibus, ut forte alio loco dicemus. Cum autem celerrima sit illa propagatio; ac nullus sit sensus visu acutior, hinc illam in momento temporis perfici arbitramur.

Resp. 2. Momentaneam pene luminis diffusionem facilius intelligi, si sit cum æthereę substantiæ pressione conjuncta; quam si non aliud sit præter substantialem effluxum, aut qualitatem, cujus tam præceps effusio nulla mentis agitatione concipitur. Vnde qui lucem qualitatem duntaxat esse volunt, vix sibi satisfaciunt, cum illius propagationem explicare conantur.

nec desunt qui extensionem illi & quantitatem tribuant, cum occurſu opaci corporis reflectatur, aut frangatur: unde si lucem velut comam corpori lucido annexam nobis exhibent: fatentur enim tam subito eam diffundi nō posse, aut è subiecto educi: cum lux à principio suo pendeat, non à subiecto, nec ea moro aere moveatur. Quæ quidē incommoda facilius effugiunt, qui lumen in motu, aut impulsione, vel secundi elementi Cartesiani, vel æthereæ substantiæ, quam perspicui nomine designat Aristoteles, constituunt. Hinc Scriptura docet lucem i. die creatam fuisse: quod recte intelligitur, si lumen sit æthereæ substantia certa ratione agitata.

Opp. 3. Vix explicari posse qualis sit illa ætheris motio, quæ lucem efficit. Nam ut sol, aut corpus lucidum circa se volvatur, non idcirco motum suum in vicinia corpora transferet.

Resp. Nullum corpus lucere, nisi illius partes insensibiles moveantur celerrimo, & reciproco vibrationis motu. Hinc ignis micat dum partes pabuli sulphureas aer depascitur; ac multa ex his quæ putrescunt, ut pisces, caro, ligna putrida, interdū radiant, dum partes eorū minutius conciduntur. Quare motus partium insensibilium varius, & inæqualis fluorem procreat; motus vehemens, & validus calorem; sed celer, & brevis videtur lumen efficere. Talem motū in eo adamante affricto, aut presso, cujus supra meminimus, inesse verissimillimum videtur: neque enim partes tam duri, & inflexibilis: lapidis in orbem agi possunt, nec facile tendi aut laxari; adeo ut brevem esse & concitatam illam vibrationem omnino fatendum sit.

Instant. Quod si lux nihil sit nisi partium
in.

Insensibilium motus, ergo sol erit velut ingens flamma: jam quod erit illius ignis pabulum; & qui fieri possit ut eandem semper tueatur figuram? Deinde Philosophi pene omnes fatentur solem non formaliter calidum esse, sed virtualiter tantum, ne corruptionem in cœlum ipsum inducamus.

Resp. Minime id absurdum videri si sol ut ingens flamma à nobis concipiatur: cum illuminet, calefaciat, & adurat corpora: neque aliud quiddā efficeret flamma ejusdem cum sole molis, centies nimirum, & amplius telluris globo major: idque confirmari posset ex sacra Scriptura. Vnde Ecclesiasticus duorum sensuum testimonio tactus nimirum, & visus igneam solis naturam comprobatur: *sol, inquit, exurens montes, radios igneos exsufflans.* Nec metuentum est ne huic flammæ desit alimentum, cum in hac universitate nihil perire possit.


De lumine reflexo.

Nihil à nobis visu percipitur, nisi ex lumine ad oculos nostros ab opacis corporibus reflexo: horum vero corporum duo sunt genera. Quædam enim sunt teresa, & polita; alia sunt aspera & inæqualia: illa radios luminis in certâ partem, hæc quoque versus regerunt: unde ex omni parte cernuntur; in illis adeo vegetior: in his dilutior, & magis perturbata est reflexio, hæc quippe radios multum debilitatos, non ut polita corpora, cujusmodi sunt specula, illibatos reperiunt.

2. Præcipuum, & pene unicū, cui Catoptrica, seu speculorum scientia innititur, hoc est fundamentū, quod anguli incidentiæ, ut aiunt, & reflexionis sint æquales: idq; saltē ut principium sensu & experientia compertum sumi potest: tametsi hujus ratio non adeo est manifesta,

fecta, quam suo loco attulimus; eaque fere huc redit, luminis radios opaci corporis occursum eodem impetu resilire, quo inciderunt, atque adeo eos cum speculo eandem inclinationem tueri.

Rem vero ita se habere in speculis planis perspicuum est: cum in iis res quæque ejusdem molis ac figuræ cernantur, ac viderentur acie directa, etsi omne abesset speculum. Ex quo quidem intelligimus radios eodem ordine & situ reflecti, qui inciderant: adeo ut reflexio ipsa luminis motum non frangat, sed illius duntaxat determinationem mutet: ut cum pila oblique in parietem impacta, in partem quidem oppositam, verum ad æqualem angulum reflectitur.




Sit speculum planum CDF, radius ID, qui in speculum incidit ad perpendicularum, is in seipsum reflectitur.

Radius AD ab objecto A profectus resilit in oculum E ex puncto D, atque eandem à spe-

speculo distantiam, & eandem cum speculo inclinationem tuebitur.

3. Id utique in omni speculorum genere seu convexa, seu concava fuerint, ut lex naturæ constans, & immutabilis observatur; neque enim aliter radius in speculum aut convexum, aut concavum incurrens reflectitur, quàm si in rectam lineam caderet, quæ in eo puncto speculum contingeret, ut radius C D sic reflectitur à puncto D in E, ac si resiliret ex speculo plano E D B. Nam pars illa inquâ incidit radius, vel nullam,



vel penitus insensibilem habet curvitatē. Hæ quidem rectæ linæ in speculo concavo multum ad se invicem accedunt: in convexo contra: hinc plures radii à concavo, pauciores à convexo in oculum illabuntur; illud enim radios reflexos colligit, hoc distrahit.

4. Ex his efficitur imaginem in speculo plano, ut C B (vide priorem figuram) æqualem esse objecto A C, & tantum ultra speculum, quantum est citra, apparere: reflexio enim tam est æquabilis, quam esset sublato omni speculo recta luminis ad oculos propagatio; nihil ea partium situm interpellat: cumque æqualis appareat objecti in speculo magnitudo, distantia quoque intervallum æquale judicatur. Cum igitur imago per lineam à speculo reflexam D E ad oculum E perveniat, neque punctum
refle-

reflexionis Di visu percipi possit, objecti species quasi ultra speculū cernitur: oculus enim in ipsum speculum convertitur; huc aciem, & velut intentionem suam dirigit.

5. In speculis convexis cum radii CD , DE extrinsecus dissipentur, intra speculum magis arctantur, ac citius coeunt. Hinc rei imago angustior, nec longe ab extrema superficie removeretur. Quare perpauci, quique è speculi partibus oculo obversis resiliunt, ad pupillam deducuntur, plurimi ex obliquis aut devexis speculi partibus repercussi, alio distracti pupillam non subeunt.

6. Contra in speculo concavo evenit: neque enim tantum partes extimæ, sed declives etiam oculo subjacent, & radios ex omni parte sic inflectunt, ut in eundem pene locum contendant. Sicque plures radii objecti imaginem magis explicant: nec summa tantum illius fastigia ut in speculis convexis, sed partes quoque illius laterales & devexas exhibent. Hinc rei species major apparet.

De lumine refracto.

Id tanquam verisimile supra innuimus, lumen propagari, cum partes corporis lucidi celerime vibratæ interjectum æthera in orbem propellant. Quæ quidem impulsio æquabilis, & sui similis est, donec corpus aliud ab æthere, quodcumque sit illud, vel aer, vel aqua occurrat: tum enim non eadem manet quæ prius luminis celeritas, & radii à recto itinere decedunt, seu quodammodo inflectuntur. Quod utique refractionem vocitamus; eaq; maxima est cum sol & astra horizontem itringunt; quod aer circa terrâ fulus fumus & vaporibus sit refertus; nam aer radios siderum aliter infringit,

frangit, cum densior est & terræ vicinior, aliter cum rarior & à vaporibus est liberior.

2. Radii luminis, qui ex aere in aquam aut vitrum commeant, occurſu corporis densioris ſic franguntur aut inſeſtuntur, ut ad perpendiculararem lineam magis accedant. Nam repetita oculi figura, punctum B pyramidem radioſam vibrat, cujus radii occurſu densioris medii, nempe corneæ tunicæ, vel cryſtallini humoris ſic franguntur, ut ad perpendicularum B I P magis accedant, ac ſubinde in pyramidem abeant inverſum o b o. Quæ autem ſit huius effectus cauſa nō ita explicatu facile eſt.

Quæ enim à Carteſio aſſertur, rem ſupponit omnino difficilem, lumen videlicet in denſiore medio, ut in aqua celerius moveri, quam in rariore, puta in aere: quod vix concedi poteſt.

Itaque alia huic effectui cauſa querenda eſt, vel quod lux ex aere in aquam, aut vitrum progreſſa fiat contractior quā in aere, ac proinde collecta minus ſpatiū occupet; vel potius quod radius luminis ex. gr. B o ex raro corpore in denſius incidens, aut omnino reſiliat, ubi in arctioris alicujus meatus latera impingit, aut ulterius progreſſus, verſus eum locum ex quo profluxit, nempe in o b inſeſtatur: idē enim lumini accidit, quod pilæ molliorem ſubſtantiam ferreis cancellis interruptam oblique permeanti. Nam cancellorum occurſu vel omnino reſilit, vel ſi penetrat, motum ſuum inſeſtit, & verſus perpendiculararem infringitur.

3. Linea perpendiculararis B I, occurſu densioris aut rarioris medii non refringitur: neq; enim ulla eſt ratio cur in unā partem potius quam in aliam inſeſtatur. Quo autē radii luminis ſunt perpendicularari propiores, hoc minor eſt eorum refractio; unde ſidera vertici noſtro

pro-

proxima nullam subeunt refractionem : sed maxima est prope horizontem .

4. Quo vitrum convexum est minoris sphaeræ portio , hoc radii cadunt obliquius , magis adeo infringuntur , & citius coeunt . Hinc rerum imagines sunt angustiores ; concursum enim radiorum id vitrum magis accelerat . Hinc quibus crystallinus est magis globosior , ii remotiora objecta distincte non contuentur , quod eversæ pyramides sint breviores , nec ad fundum usque oculi perveniant .

5. Vitrum ex utraque parte convexum , cuiusmodi est crystallinus humor , duplo citius radios colligit , quam si esset ex una parte convexum , planum ex altera : illud enim radios cum in ipso ingressu , tum in egressu colligit , non item vitrum cuius superficies altera est complanata .

6. Si radiis per vitrum convexum , ut per corneam fractis , & jam annuentibus , priusquam concurrant , aliud vitrum itidem convexum adhibeas , ut crystallinum humorem ; hoc utique vitrum concursum radiorum , seu picturam accelerabit , neo situm radiorum commutabit . Hinc senes , ut diximus , qui res vicinas ægre discernunt , perspicilia adhibent convexa , quæ radios ultra retinam coituros in interiora revocant . Quo autem vitrum est rotundius aut minoris sphaeræ portio , hoc vicinius objecto sistitur : tum enim radii minus oblique effusi non tam cito refracti concurrunt . Specilla autem convexa raro objectis quæ eminus posita sunt , contuendis adhibentur : quod eorum imagines aut luminosi radii sat cito colligantur , neque ultra retinam excurrant , nec demum ii sint antrosum retrahendi .

7. Specilli convexi ope rerum simulacra augen-

augentur, & fiunt illustriora: quod plures radii, qui pupillæ angustias eluderent, in oculum deducti majorem rei imaginem exhibent, dū plures objecti partes distinguimus. Hinc plerique artifices, ut qui gemmas incidunt, aut figi la, specillis utuntur convexis, quo res minores contueantur. Contra quæ cava sunt, magnam radiorum partem, qui pupillam subirent, in iridem oculi, vel alio disjiciunt: hinc pauciores objecti partes depingunt. Sic radii luminis per ampullam vitream transmissi, in arctum colliguntur: ut per lentem cavam trajecti, in majus spatium dilatantur: & tamen per ampullam vitream intuenti objectum multo majus apparet. Quare species angustior rei visæ magnitudinem exagerat, dum plures radii pupillæ foramen subeunt. Contra è vitro cavo refracti, & dilatati minuunt rei magnitudinem: quod pauciores radii intra oculum admittantur. Idem contingere in convexis & cavis speculis supra diximus. Nam illa rei speciem imminuunt, dum radios dissipant: hæc augent, dum luminis radios versus speculi diametrum reflectunt.

8. Hinc etiam liquet cur in tubo optico lens objecto obversa sit convexa, ut radios nimirū dissipatos colligat. Sed antequam concurrant, lens plerumque cava adhibetur, quæ radios nimium convergentes & citius coituros paululū distrahit. Hinc pictura non modo fit amplior ex radiorum per vitrum cavum dispersione, sed etiā magis distincta efficitur. Nam qui intempestivis intersectionibus radii turbassent picturæ nitorem, ocurso lentis cavæ ad suam revocantur stationem, seu ad basim ordinatam.

Quod si lentem convexam cavæ iterum adhibeas,


hibeas, pyramides radiosæ citius coibunt. Cum autē crystallinus humor convexę lentis vices obeat; (nam rerum minutarum species auget, & literę per eum visę majores apparent) ubi globosior est, qualē habent myopes, tubus est corripendus, quo lens cava longius à basi ordinata, seu picturę loco remota, radios magis dispergat. Illud etiam palam est, radios citius concurrere, quo objectum magis distat. Vnde & tubus opticus corripitur, ubi res eminus posita conspiciuntur.

9. Quamobrem ubi nam duntaxat lentem convexam adhibemus, ut $F P F$ in oculi figura, hæc radios ab objecto $A B C$ exeuntes omnino perturbatos excipit: sed ita eos inflectit, ut qui ab uno puncto A prodire, in unum itidem punctum tabellę a , concurrant. Hinc distincta sit in tabella rei imago: sed tamen everso litu apparet. At si lens altera itidem convexa in eodem loco, seu in basi ordinata collocetur: hæc utiq; sincerā rei speciem & distinctam excipiet, sed postea radiorum explicatione ita eam confundet, ut ex unoquoque punctu, ut a , nova radiorum pyramis exurgat; nec quicquam aliud præter meram lucem in tabellam oppositam spargat.

At si in hoc confusionis loco rursus tertiam lentem constituas, quę perturbatos radios excipiat, eos utique sic inflectet, ut eosdem cogat in ordinem. Itaq; si duas lentes convexas sic tubo aptes, ut imago per lentem priorem transmissa, & refractione ordinata in posteriorem incurrat, hæc radios iterū perturbatos in crystallinum humorē effundet. Verum his humor lentis convexę fungens munere, rursus eos colliget, atque in retinam velut totidem penicillos ordinatim dispositos trāsmittet. Sic lens
prima

prima confusos radios excipit, qui in tabella ordinantur; eaque evertit rei imaginem, quam lens secunda erigit, ob radiorum intersectionē. Tertia lens evertit, cryſtallinus vero lenti ultimæ propior concursū radiorum accelerat. Sic in fundo oculi species inversa objectū erectum repræsentat. Atq; hinc totius pene dioptrices fundamenta depromuntur.

Hæc quippe omnia ex eo principio manant, quod radii luminis ex aere in aquam aut vitrū incidentes ita infringantur, ut ad perpendiculum magis accedant. Contra recedunt à perpendiculo, ubi ex aqua in aerem subeunt: utrumque constanti experientia demonstratur. Hinc fit ut nūmus in fundo vasis sic positus ut ab oculo oblique spectantis videri amplius nō possit, affusa aqua jam sub oculos veniat. Sit enim, ut perspicue ab aliis fuit explicatum,




oculus A qui sic recesserit à vase, ut nummum in fundo vasis D existentem intueri amplius non possit: affusa aqua jam eum cernet. Nam radius D E non recta perget in F; sed ita frangetur, ut magis recedat à perpendiculo

BC, adeo ut radius refractus appareat in I, & degeneret in radium EA.

Contra si corpus lucidum sit in A, radius AE, oblique exaere in vas aqua plenum per foramen E incidens non recta perget in I: sed ita frangetur, ut magis accedat ad perpendicularum BC, adeo ut radius refractus appareat in D.

Hinc etiam liquet cur in lente convexa CC radii refracti convergant. Nam illius lētis duæ sunt superficies, & ambæ convexæ CC, cujus centrum sit E, adeo ut omnes lineæ quæ ad centrum tēdunt sint perpendiculares ad superficiem CC. Sic centrum superficiē PP, erit A. Itaque radius EP oblique incidens, non recta perget; sed inflectetur versus perpendicularē Po, nimirum in C, & in ipso egres su è vitro in aerē recedet à perpendiculari, quæ scilicet tendit ad centrū E, & accedet ad CA,



unde radii per lentem convexam trajecti, tum in ipso ingressu, tum in exitu ad se se invicem accedunt, & convergunt. Contra fit in lente cava ob oppositas rationes. Hæc quidem leviter perstringimus, ne quid omittere videamur:

reliqua quæ sunt difficiliora, Mathematicis relinquimus.

Neq; nos morari debent specilla quæ in varias species complanata idem objectum multiplicant: nam unaquæque facies sic radios oblique incidentes frangit, quasi ex loco recta opposito prodirent. Hinc varia loca & situs in retina occupant.

Sic oculis in certum objectum ut in turris fastigium intentis, digitus interpositus duplex apparet; quod confusa digiti simulacra in diversis utriusque retinæ partibus depingantur. Sic nobis in obscuro loco constitutis, & præter foramen faces aliquot intuentibus, globulus in medio foraminis suspensus, & negligenter conspectus, juxta luminum numerum multiplicatus apparet, quod lucida corpora totidem pyramides in distinctas retinæ partes vibrent, atq; interceptus globulus in quem acies non intenditur, quandam velut umbram singulis apponatur: hinc totuplex videtur, quot lucida radiant corpora. Sic accensa in loco obscuro candela, per vitrum convexum membranula variis foraminulis pertusa obductum, plures quoque imagines in chartam oppositam trajicit. Nam pyramides radiosas per singula emittit foramina; atq; illæ pyramides in meatuum angustis cruciatim decussatæ totidē facis imagines inversas in diversas partes projiciunt. Nec dissimile quiddā oculo per plura foramina intuenti accidit. Nam crystallinus humor instar vitri convexi radios infrangit: cumq; bases illarum pyramidum diversas retinæ partes occupant, tum multiplex objectum appareat necesse est. Sed finis non erit si omnia quæ ad luminis & visus phenomena pertinet, explicare velimus.

QVÆSTIO VLTIMA.

De coloribus.

DE colorum natura & distinctione dicturi primū quæ certiora nobis videntur, licet nondum ab omnibus recepta, a iis quæ sunt magis dubia & incerta secernemus. Ac primū una videtur nobis & eadem colorum natura, sive ii sint fixi & permanentes, sive fugaciores, & pene momentanei: cum utrique visum eodem modo afficiant, ac prorsus inutilis sit vulgata illa colorum distinctio in reales, & apparentes: nam coloris natura in eo posita est, ut videatur, aut saltem videri possit; neque ullum visus objectum figmentum esse poterit. Huc adde colores iridis, aut trigoni vitrei, qui apparentes vocitantur, ab omnibus sine discrimine cerni; eos a speculo ut reales reflecti: ac simul temperatos, aut cum realibus permistos easdem colorum differentias procreare, quas cernimus in coloribus fixis, dum una miscentur.

2. Id nobis certum quoque videtur colores ab ipso lumine, sive id internum sit, sive externum, non differre; cum unius facultatis unum sit objectum; cumque iridis colores, aut qui per prisma seu trigonum vitreum conspiciuntur, nihil sint præter lucem multiplici refractione debilitatam. Nunc in quo posita sit colorum natura videamus. Sit igitur

Prima Conclusio.

Colorum natura in varia luminis reflexione aut refractione posita est.

Probatæ Conclusio. Iam enim ostensum fuit

à nobis colores omnes ejusdem esse generis & naturæ cum lumine : ergo nihil aliud esse possunt quam lumen ipsum varie modificatū aut determinatum : neque enim objectum ipsum quod plerumque est immobile, per seipsum visum afficit; nec video quid aliud efficere possit, quàm certa ratione lumen reflectere aut modificare; adeo ut color nihil sit præter lumen ipsum certa ratione modificatum.

Confirm. Cum lucidi corporis radii imper turbati ad oculos perveniunt, tum sui principii claram depingunt imaginem: radius enim quilibet suæ originis locum designat. Idque fit, sive directa acie corpus lucidū spectetur, sive àposito corpore illius lumen reflectatur: quamdiu enim radii manent integri, fulgorem suum non exiunt, licet figuram sui principii interdum non exhibeant. Sed ubi tanta est & tam multiplex radiorum aut reflexio aut refraction, ut partes etiam ex quibus radii constant, ac velut atomi perturbatæ & distortæ non amplius motu recto, sed vario & composito agantur, tum aliter retinam afficiunt quam si recta pervenissent; diversas adeo colorum impressiones creant. Nam radii velut suæ originis obliti nō amplius suum fontem, sed corpus ex quo reflectuntur exhibent: nec radii luminosi, sed species visibiles appellantur. Idq; maxime evenit cum lumen reflectitur ab opaco & aspero corpore. Illud enim constat infinitis corpusculis varie dispositis; adeo ut lux ex omni parte incurrens singula illustret corpuscula; atque ex iis magna radiorum confusione resiliat. Alio quippe reflectitur radius è summa cujusque puncti, seu corpusculi superficie, alio ex dextera reflexus. Quo magis politum est corpus, & pauciores habet superficies, hoc puriorem lucē

regerit. Quo vero major est asperitas, hoc magis radii confunduntur, qui quaquaversum resiliunt: adeo ut illud corpus opacum jam velut quidam fons luminis appareat. Vnumquodque enim illius punctum in orbem radiat. Ista fient illustriora ex proxima conclusione, in qua ostendemus album colorem ex corporis asperitate duci. Sit igitur

Secunda Conclusio.

Albedo ex forti luminis reflexione, ob solam corporis reflectentis asperitatem pronascitur.

Probari potest conclusio multis experimentis, & rationibus. Primo enim dubitari non potest quin res candidæ lumen fortius reflectant, ut nigre radios luminis quasi captivos servant, nec sinunt eos emergere. Hinc duo corpora penitus homogenea, quorum unum sit candidum, alterum nigrum, si æque diu radiis solaribus exponantur, non simili modo incalescent. Nam atrum citius flammam concipiet & diutius calorem retinebit, quam album, quod radios omnes emittit, paucissimos servat; nigrum vero pauciores radios regerit, plures velut disruptos intra suos meatus abscondit; neque rectos, ut inciderunt, sed variis anfractibus multatos reddit.

2. Albedo ex sola corporis asperitate ducitur, cum radii qui velut paralleli incidunt, in omnes partes reflectuntur; hinc pauciores quidem subeunt oculum, quam lux viva eum percelleret; sed tamen quam minimū illi debilitantur & colorem exhibent luci ipsi proximum. Sic minutissima arena album colorem præ se fert, quod instar corporis asperi lumen in omnes partes

regerat ; sed illius arenæ granula microscopio cōspecta, velut totidē adamantes, aut crysalli pellucēt . Sic argentum album cernitur cum est asperius : cum scilicet aurifices illud igni ante impositū omni sorde purgarunt , tum in aqua servi la sale communi , & tartari foeta aliquandiu retinent , ut aqua illa corrosiva exsum fiat asperius & candidius : cum vero lapide perpolitur , candorem suum exiit .

3. Albedo sæpe oritur ex cōtinuitate corporis diaphani interrupta . Sic aqua in spumam agitatur, & plerumque alba corpora innumeris constant particulis, quæ cum sint pellucidæ, ob exiguitatem tamen , aut figuram, seu quædam specula lucem regerunt , nec refractione , nec umbrarum permissione dilutam . Accedit illud etiam quod lux pene tota, quæ in corpus album incidit , reflectatur , nulla intus subeat . Hinc alba corpora confusam velut lucis imaginem & candorē exhibent . Hinc candor visum disgregare dicitur, quod ejus aciem radiorū multitudinem defatiget, ac nō vis candorem vix oculi ferre possint .

Contra nigra corpora lucis radios pene extinguunt ; vim eorum & motum pene integrum recipiunt . Hinc fortius incalescunt , sed pauciores radios regerunt : cum corpus album vix à luce commoveatur : unde & pene integram eam remittit . In nigris vero corporibus aut partes insensibiles facilius concutiuntur , aut intra cæcos meatus diutius volvitur tenuis illa substantia quæ calorem procreat . Illud certum est regulam ex una parte nigram, ex altera candidam diutius ea parte quæ nigra est calorem tueri, quam ex ea quæ est candida . Iam ad alios colores pergamus . Sit itaque

Tertia Conclusio.

Reliqui colores primitivi ex quibus cæteri prodeunt, sunt flavus, ruber, & cæruleus, quos verisimile est non ex sola luminis reflexione, sed etiam ex refractione quadam proficisci.

Probatur & explicatur conclusio, ac primum quidem non vacat diutius inquirere an ruber color suam ex flavo ducat originem: adeo ut duo tantum sint colores primigenii, flavus & cæruleus, qui cum lumine & umbra, aut cum albo, & nigro omnes colores procreent. Vnde & ii præcipue è pictoribus in concha teruntur colores. An potius ruber sit color primitivus, qui ex flavo non prodit. Hinc cinnabaris quæ sulphure fit, & Mercurio sublimatis, impenso rubet, quantumvis temperetur cerusa, seu calce plumbi alba nunquam flavescit; neque ochra nigro temperata minii colorem rubrum unquam assequitur. Sic pigmentum illud quod cochenilium vocant, ita rubrum est ut in flavum colorem abeat nunquam.

Vt cumque ea res se habeat, seu color ruber nihil sit quàm flavus qui ad cæruleum magis deflectit, seu is primarius sit & simplex, id sane constat ex his tribus flavo, rubro, & cæruleo infinitos pene colores nasci, idque luculenter cernitur in vitris coloratis. Nam si vitrum flavum cum cæruleo jungas, lux per utrumq; transmissa viridem colorem in charta opposita depinget; rubrum cum flavo croceum, vel aurantii colorem dabit; viride cū cæruleo pavonaceum, rubrum cum cæruleo purpurea lucē trajiciet. Cum lux solis duo ejusmodi vitra pe-

netrare nequit, hæc speculo ultioris colligi potest.

Eadem colorum compositio in prisma, seu in trigono vitreo manifeste cernitur: cū enim prisma radios luminis sic infringit, ut in oppositum parietem, vel pavementum velut irim quandam projiciat, si panno rubro eam partem iridis quæ est cærulea excipias, ex utroq; colore, & panni & iridis, quorum ille realis, hic apparens in Scholis vocitatur, purpureus emerget. Si pannus cæruleus fuerit, circulum iridis flavum in viridem converteret: quin & duo prismata duas irides projicient, quarum colores permisti in compositos colores abeunt. Sic in iride viridis color ex flavi & cærulei vicinia nascitur.

Pars altera conclusionis, hos nimirum colores non ex sola radiorum reflexione, sed etiam ex eorum refractione & perturbata motione procreari, ut quiddam probabilius suaderi potest.

1. Album & nigrum ex varia luminis reflexione oriuntur; sed flavum, rubrum & cæruleum varia lucis & umbræ temperatio, aut candidi, & atrii mixtura non efficit.

2. Lumen dum refringitur, in varios abire colores, ut videre est in guttis aquæ, quas subeuntes luminis radii variis tingunt coloribus: sed & viscosi liquores ad magnam tenuitatem perducti eandem præbent colorum varietatem, ut in ampullis quas pueri ex aqua, quæ sapone fuit imprægnata, ad solis lumen effingunt, & in glutinosa limacis liquore cernimus. Sic avium plumæ si inter oculū & solem horizonti proximum certo situ, & distantia cōstituantur, varias irides vivis coloribus distinctas exhibent, tametsi

tamen si ea sunt expertes eorum colorum quos cernimus.

3. Tersi chalybis superficies varios subinde colores exhibet, quod tenui lamella metalli in vitrum conversi superficies chalybis obducatur. Nam metalli cujusque partes præter aurum & argentum, facile in icorias, aut vitrum abeunt, & ex flexilibus duræ ac rigidæ fiunt. Hoc cernere est in plumbo fuso, quod igne per gradus aucto variis coloribus tinctum videtur. Quod si eam partem coloratam extraxeris, hæc nihil erit quam lythargyrus, seu pars plumbi calcinata & in vitrum conversa.

4. Ut lux in varios colores degeneret, necesse est ut altius subeat; adeo ut corpus his coloribus imbutum, & aqua extinctum, aut in rimas fissum, fiat opacius, & de colore suo multum deperdat. Ac pleraque corpora quæ quandam præ se opacitatem ferunt, per microscopium visa non nihil pellucunt.

5. Idipsum ex subita colorum mutatione colligi potest. Nam syrupus ex violis paratus, immo succi è floribus cæruleis expressi, purpureum, aut cæruleum colorem, in rubrum itatim mutant, cum spiritus acidi aliquot guttulæ iis infunduntur: sed sales alcali viridi, aut alio colore eos imbuunt. Sic rosæ rubræ & siccatæ, acidi liquoris, & spiritus vitrioli additione intensius rubent; spiritus urinæ affusione in cæruleum colorem migrant. Nam acidi liquores particulas tingentes, in quibus forte lux infringitur, minutius concidunt, aut certe magis dissipant. Hinc color dilutior apparet, ut accidit in syrupo violarum, aut in succo heliotropii. Nam in his cæruleus, aut purpureus color acidi liquoris affusione in rubrum convertitur. Contra sulphurei sales particulas tingentes, aut præ-

cupitant, aut colligunt. Hinc colorem pleniorrem præbent: & quidem sales in purpureum colorem fortius agunt; hic enim ex rubro & cæruleo componitur, & in medio fere loco constitutus facile de suo statu dimovetur. Vnde sales acidum cæruleum colorem diluunt, rubrum exaltant. Contra sulphurei dum rubrum destruunt, cæruleum uno gradu promonent.

Id vero permagni est usus dignoscendis salium generibus. Sic ubi aquæ minerales syrupum violarum colore rubro tingunt, indicio est eas acido sale esse præcitas, sulphureo si viridè colorem induxerint. Immo sal volatilis à fixo hac ratione facile discernitur: nam mercurii sublimati solutionem claram, & limpidam sal fixus, ut tartari subflavo colore tingit; sal urinae, aut volatilis colorem lacteum inducit. Cum eam solutionem turbat sal tartari, si aliquot olei vitrioli guttæ affundantur, tum liquor fit perspicuus, quod liquor acidus particulas salium quibus abundat ea solutio, sic concidat ut liberum luminis transitum præbeat: sed si liquor tartari iterum adjicias, color flavus redibit. Quare colorum mutationes salinis liquoribus magna ex parte sunt tribuendæ, dum partium texturam, & ordinem perturbant, & luminis refractionem mutant. Sic cupri limatura spiritu urinae soluta, & cæruleo colore tincta olei vitrioli affusione omnem colorem exuit. Contra liquores salini & sulphurei dum partes ante disjectas in unum cogunt, novos colores præbent: quod & præcipitationes omnes & mille experimenta demonstrant.

5. Idipsum manifeste ostendi potest ex ligni nephritici in aqua pura solutione. Nam phiala oculum inter & fenestram constituta, aqua au-

reus colorē tincta apparet; cærulea vero, ubi oculus inter fenestram & phialam extiterit: cum enim radii luminis liquorem subeunt, flavo colore tinguntur; cæruleum vero colorem induunt, cum radii à phiala resiliunt. Quod si liquorem acidum infuderis, tum cæruleus color evanescet, & liquor aureus ex omni parte videbitur. Iam si oleū tartari, aut volatilis salis solutionem affuderis, statim color cæruleus restituetur, aureo colore penitus extincto. Quod si per obscuri cubiculi foramen radios solares admittas, & phialam ligni infusione plenam, partim intra conum luminosum, partim extra constituas, & modo totam luci immerfam, modo obscuriori loco positam aspicias, magnam colorum varietatem penes varios refracti luminis gradus licebit intueri.

Solvuntur objectiones.

Contra primam conclusionē tum Chymici, tum Peripatetici multa opponunt, ut persuadeant colores vel ad primas qualitates, vel ad Chymicorum principia, non ad solam partium texturam, aut variam luminis reflexionem referri oportere: idq; liquet 1. in colorum mutationibus, quas fructus subeunt cum maturescunt. 2. in temperato chalybe qui aut durior est, aut mollior, ut rubrum, vel cæruleum colorem exhibet, antequam aquæ immergatur. 3. Ex certis principiis quidā colores nascuntur. Sic sulphurea quæque, & oleosa in rubrum colorē facile abeunt. Quidquid fere longa digestionē præparatur, ac tincturæ pene omnes spiritu vini extractæ, omnia quoque olea chymica rubent. Nec aliunde bilis flavæ flammeus color quā ex illius sulphure ducitur. Sic lactescit omnis liquor aut sulphure, aut sale volatili prægnans; cum hunc acetosus liquor infunditur. Sic spiri-

nis fuliginis liquori acido affusus lacteū inducit colorem. Quæ omnia persuadent colores non tam ex luminis reflexione aut partium asperitate, quàm ex elementis ipsis, quæ suum habent ingenitum colorē, aut ex principiis Chymicorum, aut certe ex rei natura & temperie duci. Hinc Chymici ex colorum mutatione maxima quæque sua opera regunt, & moderantur.

Resp. Ex iis non aliud effici quam id ipsum quod ultro concedimus, primas qualitates aut elementa, aut Chymicorum principia non omnino excludi oportere, cū origo & differentia colorū inquiruntur: quod elementa aut miscibilia varie inter se permista certam partiū figuram, superficierum asperitatem quibusdam coloribus accommodatam procreent. Nam insensibilium partium figura, temperatio, ordo lævitas, vel asperitas, sunt velut prima colorū rudimenta, atque, ut loquuntur, actus primi. Lumen vero foris adveniēns, atque ex iis partibus varie reflexum, aut refractum est ultima coloris perfectio & quasi actus secundus.

Quare nimium sibi indulgent Chymici, cū colores omnes sulphuri referunt acceptos, ac nigrum colorem ex adusto sulphure oriri statuunt. Nam licet in animalibus, & vegetabilibus quæ adusta sunt, ut carbones & fuligo nigro colore maxima ex parte inaccendantur: quod forte in iis crebriores sint pori, quos per microscopium in carbonibus cernimus: adeo ut major pars luminis his foraminulis interclusa non resiliat: nescio tamen an eadem ratio in fossilibus valere possit. Quantumvis enim gypsū, aut alabastrum aduras, hæc candorem suum non amittunt; calcinatum plumbum in ceru-

sam abit, & minium vitriolum calcinatum fuscum rubrum. Antimonium in calcem albam convertitur; eaque in vitrum rubrum funditur. Cū cultri acies citri, aut limonis, quem secuit, nigrescit succo, nullū ibi occurrit sulphur adustum. Sic vitrioli solutio cum plerisque succis adstringentibus permista nigrum colorem inducit, & tamen nullus est sulphuri adustu locus. Ne ipsum quidem sulphur vulgare, aut fusum, aut in flores sublimatum nigrescit. Cum nigrum & politum cornu in minutiora ramenta conciditur, & cum vitro contuso permiscetur, quid iam ex utriusque mistura candidum exurgit; quod non ad principia Chymicorum, sed ad partium ordinem, figuram & multiplices superficies referendum arbitror. Quod enim lux uberior ob varias, & forsitan politas superficies reflectatur, hoc major & acrius perstringens oculos candor emergit. Vnde albedo alios colores exstinguit. Sic pars una stanni cum duabus partibus cupri fusa album corpus efficit.

Sed inques, negare id non possumus quin aer ipse plurimum possit in procreandis coloribus. Sic in spuma album colorem efficit, dum radios luminis regeat; idem dicendum de nive quæ infinitis constat globulis. Vnde arena & charta ubi oleo, vel aqua perfunduntur, nonnihil pellucet: quod hi liquores magis radios admittant, quam aer ipse interclusus, qui partes illas arenæ vel chartæ pellucidas dividit. Sic forte marmor candidum ex corpusculis diaphanis constat, quæ innumera- biles velut rimulæ, aut fissuræ separant. Hinc marmoris frustulū igni admotum & oleo the- rebynthinæ immersum, perspicuitatem quan- dam adipiscitur, & ab oleo altius penetratur.

Hinc lapis ille candidus quem oculum mundi vocitant, aquæ aliquandiu immerfus pellucet, quod ex corpusculis pellucidis constet, & aqua subeunte aer poris interceptus expellatur. Immo ligna putrescentia & pisces qui in tenebris radiant, in machina pneumatica extracto aere non lucent; quod forte aer non solum vi sua elastica motum luminis celerem, & vibrationi similem plurimum adjuvet: sed etiam candore suo hanc velut flammulam intendat. Sic adamantis, & gemmarum vegeta reflexio ex aeris subjecta superficie magna ex parte pendet: neque enim radii luminis, qui à prima & extrema superficie resiliunt, tam vivi sunt & fortes, quam qui intus subeunt, & refractione licet debilitati, occursum subjecti aeris regeruntur. Vnde si gemmæ aquam tetigerint, languidiorem lucem vibrant; quod plures radii subjectam aquam trajiciant. Verum si hydrargyrû gemmæ subjeceris, tum acrius scintillabit; quod opaci illius corporis occursum radii fortius resiliant.

Resp. 1. Sic lumen ab aere transmitti, ut magna ex parte ab eo regeratur. Vnde & aer albedinem plerumque corporibus impertit; dum eorum continuitatem interpellat; ut cum albumen ovi crebra commotione ex perspicuo sit album; aut vitrum pellucidum igni admotum, & aqua restinctum tot fissuris solvitur, ut candidum appareat. Immo aer ipse dum vel subita rarefactione continuitatem amittit, interdum candorem præ se fert. Sic aliquando evenit ut aere è machina pneumatica aliqua ex parte exhausto, quod reliquum est ex subita partium interruptione instar fulgetri candore suo oculorum aciem perstringat.

Resp. 2. Aerem solidiusculis corpusculis

con-

confertum esse, ut ex fluitantibus in luce atomis, & ex illuminato de nocte aere colligimus. Sæpe etiam cum ignes in urbe accenduntur, circumfusus aer, vel extra urbis pomœria, quo ignis flamma non pervenit, accensus videtur. Ex hac aeris reflexione oriuntur crepuscula. Immo ne id quidem dubium est quin aer salinis abundet corpusculis, quæ multû, ut diximus, ad colorum mutationem momenti afferunt. Id videre est in plumbo fuso: nam si in alius vas id transferas, & spumam innatantem statim extrahas, tû superficiem plumbi variis micantem coloribus conspicias: dummodo intensiori igne fusum fuerit: quod aer, ut ignis salinis abundet corpusculis, quæ in plumbi superficiem vim suam exerunt.

Et quidem jam ostensum à nobis fuit, colorum mutationes plerumq; ex salinis liquoribus oriri: nam sales in se invicem & in alia corpora fortius agunt, & partium texturam magis perturbant. Quare non illud inficiamur quin magna sit vis aeris, ut aliorum elementorum in coloribus procreandis: sed tamen ii ex partium figura & contextu, necnon ex luminis reflexione, ut candor & nigredo; aut refractione, ut reliqui fere colores maxima ex parte pendent. Quod si Mercurius vase conclusus longa digestionem in rubrum abit pulverem, eam coloris mutationem non aliud efficit nisi partium ordo, figura, magnitudo, quæ ignis calore commutantur. Sic ubi solutio æruginis spiritus salis affusione viridem colorem amittit, quem aliquot guttæ salis tartari restitunt, aut cupri limatura spiritu urinæ soluta, & cæruleo colore imbuta, olei vitrioli affusione omnem colorem exuit, non aliud hic occurrit quam figuræ & contextus partium mutatio.

Hinc lapis ille candidus quem oculum mundi vocitant, aquæ aliquandiu immerfus pellucet, quod ex corpusculis pellucidis constet, & aqua subeunte aer poris interceptus expellatur. Immo ligna putrescentia & pisces qui in tenebris radiant, in machina pneumatica extracto aere non lucent; quod forte aer non solum vi sua elastica motum luminis celerem, & vibrationi similem plurimum adjuvet: sed etiam candore suo hanc velut flammulam intendat. Sic adamantis, & gemmarum vegeta reflexio ex aeris subjecta superficie magna ex parte pender: neque enim radii luminis, qui à prima & extrema superficie resiliunt, tam vivi sunt & fortes, quam qui intus subeunt, & refractione licet debilitati, occurſu subjecti aeris regeruntur. Vnde si gemmæ aquam tetigerint, languidiorē lucem vibrant; quod plures radii subjectam aquam trajiciant. Verum si hydrargyrū gemmæ subjeceris, tum acrius scintillabit; quod opaci illius corporis occurſu radii fortius resiliant.

Resp. 1. Sic lumen ab aere transmitti, ut magna ex parte ab eo regeratur. Vnde & aer albedinem plerumque corporibus impertit; dum eorum continuitatem interpellat; ut cum albumen ovi crebra commotione ex perspicuo fit album; aut vitrum pellucidum igni admotum, & aqua restinctum tot fissuris solvitur, ut candidum appareat. Immo aer ipse dum vel subita rarefactione continuitatem amittit, interdum candorem præ se fert. Sic aliquando evenit ut aere è machina pneumatica aliqua ex parte exhausto, quod reliquum est ex subita partium interruptione instar fulgetri candore suo oculorum aciem perstringat.

Resp. 2. Aerem solidiusculis corpusculis

confertum esse, ut ex fluitantibus in luce atomis, & ex illuminato de nocte aere colligimus. Sæpe etiam cum ignes in urbe accenduntur, circumfusus aer, vel extra urbis pomeria, quo ignis flamma non pervenit, accensus videtur. Ex hac aeris reflexione oriuntur crepuscula. Immo ne id quidem dubium est quin aer salinis abundet corpusculis, quæ multū, ut diximus, ad colorum mutationem momenti afferunt. Id videre est in plumbo fusio: nam si in alius vas id transferas, & spumam innatantem statim extrahas, tū superficiem plumbi variis micantem coloribus conspicias: dummodo intensiori igne fusum fuerit: quod aer, ut ignis salinis abundet corpusculis, quæ in plumbi superficiem vim suam exerunt.

Et quidem jam ostensum à nobis fuit, colorum mutationes plerumq; ex salinis liquoribus oriri: nam sales in se invicem & in alia corpora fortius agunt, & partium texturam magis perturbant. Quare non illud inficiamur quin magna sit vis aeris, ut aliorum elementorum in coloribus procreandis: sed tamen ii ex partium figura & contextu, necnon ex luminis reflexione, ut candor & nigredo; aut refractione, ut reliqui fere colores maxima ex parte pendent. Quod si Mercurius vase conclusus longa digestionem in rubrum abit pulverem, eam coloris mutationem non aliud efficit nisi partiū ordo, figura, magnitudo, quæ ignis calore commutantur. Sic ubi solutio æruginis spiritus salis affusione viridem colorem amittit, quem aliquot guttæ salis tartari restitunt, aut cupri limatura spiritu urinæ soluta, & cæruleo colore imbuta, olei vitrioli affusione omnem colorem exuit, non aliud hic occurrit quam figuræ & contextus partium mutatio.

Opp. 2. Id minime probabile videri, flavū, rubrum; & cæruleum colorem ex luminis aliqua refractione duci; cum refractioni fieri non possit nisi lumen paulo altius subeat, & corpora quæ id frangunt, sint aliqua saltem ex parte perspicua: quod de metallis dici non potest.

Resp. Metalla & lapides non pellucere, si cū vitro conferantur: sed non idcirco ea omni perspicuitate carent. Hinc è metallis cum vitro Venero fisis fiunt gemmæ factitiæ, & nonnihil perspicuæ. Nigro lapide ur̃i. Vitrarios, quem Magnesiā vocant, jam alibi diximus. Hic vitrum adeo non inficit, ut apta proportionē admistus vitrum magis perspicuum, & a nativo colore subviridi expurgatum ediciat: unde ex metallis fiunt velut crystalli quædam, aut vitriola, quæ omni perspicuitate non carent. Argentum rite expurgatum vix ullo colore aquam fortem tingit. Nec Mercurius in aqua forti exsolutus, illius perspicuitatē interpellat. Quid opacius calce plumbi, vel minio videtur, cujus granula microscopio visa, quasi laterum fragmenta apparent. Ettamen ex calce plumbi cum vitro fusa gemmæ factitiæ & tralucen-tes fiunt; ut ex calce ferri crocæ conficiuntur, & ex antimonio vitrum pellucidum, ut ex metallis pene omnibus paratur: magno quidem indicio suam habere mineralia quæque perspicuitatem. Neque in hoc oculorum tantum testimonio standum est: non enim satis sunt acuti, ut de perspicuitate possint aut opacitate corporum decernere. Sic radii Solis per fenestram subeuntes, non solum eboris aut ligni abietini, sed & marmoris aut silicis frustula quodammodo efficiunt diaphana; & manus ipsa vegetæ luci opposita nonnihil tralucet: adeo ut lux uberior multorum corporum opacitatem minuat.

Cum

Cum autē metalla ignis vi comminuuntur, rum colores induunt : tamen non omni perspicuitate spoliantur, ut de calce plumbi, seu minio diximus. Hinc calcinarum plumbum cum arenula fusum amethystum mentitur, & alios colores præbet, ut variae sunt mixturæ aut fusionis gradus. Sed de coloribus satis proinstituto.



TRACTATUS III.

*De vitalis facultatis functionibus
& organis.*

CUm duæ sint animæ sentientis præcipuæ vires, animalis, & vitalis; illa in cerebro potissimū vigeat, hæc in corde & pulmonibus; illa tenui succo quo nervi implentur & spiritibus, hæc sanguini insideat; postquam de parte animali & illius functionibus, sensu nimirum, & motu diximus, reliquum est ut quæ ad vitalis facultatis organa & functiones pertinent, quam brevissime poterimus, pertractemus. Vitalis porro facultas motu sanguinis, & illius præparatione potissimum continetur. Quare primum nobis agendum est de vitali facultate proprie dicta, quæ cordis motu & respiratione constat, tum de vi altrice quæ vitali famulatur, & in sanguine præparando versatur. Tertio de partium conformatione dicemus.

DISPUTATIO PRIMA.

De vitali facultate proprie dicta.

VIta motu sanguinis, & respiratione cōstat: cum autem hæ functiones intelligi non possint, nisi earum organa velut oculis subjiciantur; primum de respirationis organis agemus: tam de respirationis ipsa, & illius usu: tertio de structura cordis, & illius motu: postremo

stremo de sanguinis circuitu . Quæ omnia sic explicare conabimur , ut pauca ex iis quæ sunt aut scitu digniora , aut recens inventa omittamus .

QVÆSTIO PRIMA.

De iis organis quæ respirationi serviunt .

PRæcipua respirationis instrumenta sunt, trachæa, seu aspera arteria, pulmones cū suis vasis , & diaphragma , quod partes vitalibus functionibus destinatas, ab iis qui nutritioni & naturalibus sunt addictæ, discriminat . De singulis ex ordine agendum .

De aspera arteria fabrica & usu .

Aspera arteria per quam aerem ducimus & reddimus , in tres partes dividitur . Pars illius suprema dicitur larynx, eaq; multiplici constat cartilagine. Quæ ex iis prima est, & præcipuum vocis organum , ac velut plectrum quoddam , Epiglottis vocitatur. Quod reliquum est hujus asperæ arteriæ , ex multis cartilaginibus compingitur , quæ suos circulos non absolvunt. Nā qua parte oesophagum tangit trachæa , ne deglutionem ciborum impediat, in membranam carneam abit , quæ parte sui intima unctuosum humorem madet ; ne illam aut acriores halitus , aut aer asperior offēdat. Pars secunda ac velut truncus asperæ arteriæ ex multis velut annulis conflatur , quos membranæ aliquot simul devinciunt . Atq; has membranas omnis generis vasa, venæ, arteriæ, lymphæ ductus, immo & nervi irrigāt. Hinc sensus illius adeo est exquisitus, immo & ejus motus ex nervis proficiscitur & fibris tū rectis , quæ contractæ cartilaginem adducunt : tum circularibus, quæq; rectis subjiciuntur, & contractæ cavitatē trachææ angustiores

ftiorem efficiunt, & expirationi inferviunt; idque potiffimum cum quid incommodi vel tuffi, vel expuendo rejicimus.

Huic tunice alia adjungitur glandulofa, & vasis lymphaticis conferta: arteriæ enim sanguinem advehunt: quod autem venæ referre non possunt, per glandulas cribratum in lymphæ ductus commeat: atque ubi ferofus ille humor eft uberior, isque in cavitatem asperæ arteriæ exundat, tum catharri oriuntur.

Tertia pars asperæ arteriæ, illius velut calamos in pulmonum substantiam diffufos, qui bronchia dici solent, complectitur: iique in plures furculos diducuntur, qui rursus in lobulos pene innumeros abeunt, racemis uvarum non diffimiles. Ac cujusque calami structura ab ipsius trunci fabrica non multum diffidet, nisi quod annulos habeat sic aptatos, ut annulus inferior superiorem subeat in expiratione: contra dum aerem inspiramus, producantur in longum: fere ut cernimus in cruribus locustæ: vel certe ex variis partibus ita sunt compositi, ut in ipsa inspiratione per carneas fibras dilatentur, & integros efficiant circulos; in expiratione vero sic contrahantur, ut interdum etiam pituitam pulmonibus hærentem ejiciant: quod sola thoracis depressione effici non potest. Itaque hæ fistulæ pulmonum non sunt inflexibiles, ut asperæ arteriæ majores annuli; sed vel sunt loricatæ, ut in gammaris, vul. *ecrevisses*, cernimus: vel ex multis partibus ita sunt coagmentatæ, ut in ipsa inspiratione circulos integros absolvant, quo aere impleantur: in expiratione vero contrahantur, ut pulmonum compressioni & aeris expirationi præbeant locum.

Asperam arteriam non respirationi modo, sed

sed etiam voci servire jam alias diximus : neq;
id abhorret à verisimili, nervos recurrentes à
pari vago prodeuntes ; sursum miro naturæ
artificio reflexos, multum ad vocem conferre,
dum asperæ arteriæ annulos aut adducunt aut
diducunt, ut sonus in iis asperitatibus franga-
tur. Vnde animalia rescissis his nervis, statim
obmutescunt.

Illud vero omitti nō debet, ex nervis recur-
rentibus sinistrum circa aortam, velut circa
trochleā sursum reflecti, & in laryngem desi-
nere, ut dexter axillarem arteriam stringit. Vel
quod axillaris arteria in sinistro latere sit infe-
rior & declivior, unde nervus circa eam revo-
lutus non satis fixum reflexionis nodum habe-
ret : vel potius hi nervi tanquam fræna vasis
injecta sanguinis motum regunt. Hinc truncū
aortæ descendentem nervus recurrens stringit,
& sanguinem versus caput uberiorem propel-
lit, qui suo pondere ad inferiores partes descē-
deret. Sic etiam in expiratione cum pulmones
sursū pelluntur ; simul arteria axillari succūssa
& aorta contracta sanguis sursum truditur.
Idem accidit in vehementi aliqua passione, ut
in ira & in omni vocis contentione : tum enim
aorta fortius convulsa sanguis sursum urgetur.
Hinc micant oculi, & facies rubet. Cum autem
uterque nervus recurrens à reflexionis nodo
plures furculos in cor emittat, hinc tanta est
inter motum cordis & eos affectus, quorum
soni sunt indices, consensio. Verum ista,
quæq; postea dicemus utcumque intelligi pos-
sunt ex figura apposita.


HÆC figura duos principes nervos qui ad præcordia feruntur, exprimit. Unus est interior, qui & vagus dicitur: illius origo est B; D D est spinalis nervus, qui circa quartam cervicis vertebram ortus versus 6, in cerebellum ascendit, ut cum vago consocietur, mox ab eo discessurus, cum uterque è cransio exit; tum in musculos cervicis spargitur.

Hic nervus in ipso progressu in plexus quosdam 1, 3, ut in nodos aut tumores identidem dilatatur: cum scilicet ramos aut emittit, aut aliunde excipit. Sic à plexu 1 surculum mittit I F, in laryngis cartilagine.

Ex plexu 3. plures ad cor, pulmones, & eorum vasa fibra permanent.

Paulo infra hunc plexum prodit nervus recurvens. In sinistro quidem latere versus C aortam, seu arteriam magnam circumligat; tum sursum reflexus in laryngem versus F ascendit, & voci famulatur. In dextro latere axillarem arteriam stringit, prope R.

Vagus usque ad infimam ventriculi partem porrigitur: sed qui intercostalis dicitur, longius excurrit usque ad infimum ventrem. Illius origo est duplex ex quinti & sexti paris utroque ramo: is est a a, & vagum semper comitatur; uterque multis surculis inter se communicant. Varios quoque habet plexus, ut a. 2. Ex primo surculos emittit, cum in primum vagi plexum, tum in gula musculum, quem Sphincterem vocant. Ex secundo plexu in asperam arteriam, pulmones & cor varios iidem mittit surculos, tum axillarem stringit arteriam in P. Mox novis copiis, seu ramis vertebrali-bus alius plexum efficit 4, qui varios ramos mittit in præcordia: tum integer manens à singulis vertebris ramum insignem accipit, usque ad os sacrum: omnibus visceribus nervos suppeditat.





Quæ sit pulmonum substantia jam dubitari non potest, ex quo Marcellus Malpighius in ranis primum, tum in reliquis animalibus pulmones totos esse membranosos, non carneos, demonstravit. Itaque si nervos, arterias, venas, & trachææ ramos sustuleris, pulmones nihil sunt præter vesicularum congeriem, quales ferre in ranis, nudis oculis intueri licet. Atque hæ vesiculæ ita sunt inter se connexæ, ut aer ex aspera arteria in eas conneet; deinde ex aliis in alias pateat aditus, donec in eam quæ pulmones involvit membranam, omnes desinant: quin & microscopii ope, venarum & arteriarum rete quoddam mirabile cernitur, quod has vesiculas connectit & irrigat.

Præter eas vesiculas, asperæ arteriæ ramulis infiniti prope lobuli adnascuntur, tanquam uvarum racemi, quorum interstitia membranæ ab iis lobulis exortæ implent, quæ vasis itidem plurimis conspersæ apparent.

Quod si in pulmonem tum exemptum, cum adhuc calet, aquam syphonis ope per arteriam pulmonarem toties injeceris, donec sanguine omni expulso pulmonis substantia albicans appareat, & expressa aqua, tum aer per trachæam insufflatus, & conclusus pulmones impleat, vesiculas ipsas intueri licebit, maxime ubi pulmones secueris. Quare pulmonum substantia omni ex parte est fistulosa; neque aliud esse videtur præter contextum tubulorum omnis generis, qui sunt inter se continui, quique aerem per trachææ surculos, sanguinem per venas & arterias, spiritus animales per nervulos ex quibus motus omnis initium ducitur, lympham per ductus lymphaticos, ibi etiam conspicuos certa ratione deferunt ad usus vitæ necessarios.

Venæ & arteriæ sic trachææ furculos, seu bronchia comitantur, ut trachææ fistulæ mediū semper locum occupent. His subjiciuntur arteriæ, venæ sunt superiores. Quod si ceram liquefactā & oleo therebynthinæ dilutam per truncos trachææ, arteriæ & venæ pulmonaris in pulmones syphone injicias, vasorum ramulos & structuram facilius intueberis. Ac de trachea quidem, cujus vesiculæ pulmonum & lobuli sunt propagines, jam diximus.

Arteria pneumonica, ex cujus ramis in omnem partem diffusis pulmonum quoque substantia constat, è dextro cordis sinu sic in duos primum ramos, tum in minores diducitur, ut una cum trachææ furculis velut æquo passu incedat, eaque in lobulos & pulmonum cellulas diffundatur. Atque ibi cum ramulis venæ pulmonaris quæ in sinistrum cordis ventriculum desinit, consociata, variè commisceatur: adeo ut præcipuus pulmonum usus ex hac vasorum dispositione colligi possit: quo scilicet aer vitalis ac nitrosus cū sanguine permisceatur, uti postea dicturi sumus. Et quidem hæc arteria tunica musculari fibris nimirū rectis & circularibus instructa, uti de trachea diximus, prædita est, quo sanguis urgeatur, & expellatur. Nam ut pars arteriæ contrahitur, simul anteriorem sanguinem pellit. Eadem fibræ in aortâ sunt conspicuæ.

Venæ pneumonicæ, quæ in sinistrum cordis sinum sese exonerat, eadem sunt propagines quæ arteriæ. Laxiores quidem sunt ejus fibræ motrices in tunica illius intima: nam lenius contrahitur. Sanguis enim per hujus ramulos velut per declivem in cor refluit, tanquam à rivulis in alveum: cum in arteria à trunco in ramos, ab alveo in rivulos, cum impetu propellatur.

Sanguis itaque ab arteriæ ramulis in venæ furculos permeat; sed in spatiis interjectis cū aere inspirato miscetur. Hoc aere velut animatus in venis pulmonum fit coccineus; cum in arteria pulmonum, & dextro cordis sinu esset atropurpureus: contra atque in reliquo corpore contingit. Nam sanguis in venis est nigrior, in arteriis magis rubet: quem colorem ab aere ducit in pulmonum transitu. Unde sanguinis emissæ pars summa rubet; infima atque præ se fert colorem. Verum ater ille sanguis aeri expositus, dum adhuc calet, in momento pene rubrum aut coccineū induit colorem: magno quidem argumento hunc colorem non aliunde quam ab aere proficisci.

Illud quoque venæ pulmonari proprium est, quod valvulis careat, sive ut in passionum moribus sāguis intra pulmones huc illuc liberius moveatur; sive ut sanguis facilius retrofluere interdum possit, ne cum impetu in cor irruat; adeo ut ne cor obruatur; valvulis quæ in hujus venæ exitu insunt occlusis, sanguis aut sisti, aut facilius possit refluere.

Præter venas & arterias sunt lymphæ ductus plurimi cū suis valvulis. Hæque in thoracicum ductū ut reliqua hujus generis vasa desinunt. Atque hæc vasa sui copiam faciunt, si in vivo animali pars summa ductus thoracici digito prematur: adeo ut lymphæ, aut succus nutritivus in venā quæ subclavia dicitur, se se exonerare non possit. Tum enim ea vasa lymphatica in superficie potissimū pulmonū subjiciuntur oculis: quod ea non mediocriter in tumescant. Hæc utique vasa pulmonibus admodum sunt necessaria, quod sanguis in iis magno cum impetu moveatur, nec per insensibilem transpirationē distillari possit; adeo ut humorem superfluum per

lymphæ ductus omnino expelli necesse sit. Quod si hos obstrui, aut dirumpi contigerit, tum aut hydrops pulmonū, aut tussis continua, ut alii effectus phtyfici per sæpe oriuntur.

Postremo plures nervorū furculi in pulmones sparguntur, qui tum in trachæa, tū vasorū tunicas stringunt, & spiritus animales suppedant. Ac demum pulmones communis membrana involvit.

De diaphragmate.

Præcipuum respirationis organum est diaphragma, quod deorsum, cum inspiramus, indefinenter motu agitur. Duplici constat musculo, inferior à vertebrae lumborū, superior à costis oritur: uterque in tendinem latum definit, qui instar membranæ pellucidæ, & firmæ medium diaphragmatis occupat. Oesophagus, seu gula diaphragma penetrat: adeo ut foramen illius sit in parte carnea, seu in musculo inferiori, ut vena cava partem membranofam penetrat.

In avibus pulmones nō libere moventur, sed variis sacculis conclusi dorso quasi illigantur: adeo ut aer à trachæa in pulmones, & inde in sacculos commeet. Itaque in iis membranæ quædam diaphragmatis munere funguntur. Nam fibræ carneis instructæ sunt, quæ à costis in eam membranā producantur; muscoli quoque ventris has membranas movent. Verum hæc fient apertiora ubi varios partium motus & usus respirationis persequemur: quod utique nunc faciendum.



QVÆSTIO II.

*Quomodo fiat respiratio, & qui sint ejus
usus præcipui.*

NVnc quibus velut machinis fiat respiratio & qui sint illius usus, paulo diligentius inquiremur: simul quæ sint pulmonum, quæ costarum & musculorum, quæ denique diaphragmatis partes, & functiones, breviter explicemus; omissis innumeris hac de re controversiis. Cum enim res ipsa velut oculis subjicitur, frustra in quæstionibus movendis tempus conteritur.

Ac primû pulmones quod attinet, ex vivorum animalium dissectione, & eorum structura patet eos inflari cum inspiramus; utrû autê sponte sua moveantur, ut putat Averroes, an thoracis dilatationem consequantur, magna olim fuit controversia. Sit itaque

Prima Conclusio.

Respiratio non à pulmonibus, sed à musculis pectoris & diaphragmate proficiscitur.

Probatur prima pars conclusionis. 1. enim cû musculis & fibris motus omnis perficiatur, palam est motus hujus principium potius à thoracis musculis, quam à pulmonibus duci oportere.

Quod autê magna nervorum copia pulmones donentur, id non demonstrat, aut motum, aut primos ad motum instinctus à pulmonibus proficisci: sed nervulorum ope bronchia, seu asperæ arteriæ calamos contrahi, ut inter expirandum expulsio aeris promoveatur. Ne-

quæ enim adeo pectoris cavitas coarctatur, ut pulmones satis expellendo aeri comprimi possint. Deinde magna pars aeris inspirati in cellulis & vesiculis superstes manere potest, quæ per nervulos cum opus est, ejicitur. Hinc resectis nervis, pulmonum motus & respiratio omnis cessat.

Quare pulmonum motus magna ex parte à thorace pendet. Hoc enim vulnerato simul læditur, aut omnino tollitur respiratio. Aer quippe per asperam arteriam illapsus fit quasi in æquilibrio cū externo aere qui pectus comprimit. Hinc muscoli intercostales facile costas ipsas erigunt: tumque aer uberior ingreditur. Fit enim major pectoris capacitas, ubi costæ quæ cum sterno, & vertebriis dorsi ita committuntur, ut parallelogrammum efficiant, jam eriguntur, & ad quadratam figuram magis accedunt: cum enim aerem ducimus, tum pectus attollitur, costæ eriguntur, eoque dorso & sternum ad perpendiculum magis insistant. Hinc major fit pectoris dilatatio. Iam ubi costæ, sua sponte, & quasi proprio pondere decidunt, tū pectus fit angustius, & pulmo sic contrahitur, ut aliqua tamen aeris portio in ejus vesiculis remaneat. Cumq. conclusus aer minus exterioris pressioni resistat, facile externus iterū irruit. Cum tamen in magnam molem thorax ampliatur, nec multum is comprimatur, illud est verisimillimum magnum esse in huius carneis quæ trachæam, & illius furculos stringunt ad expirat. onem momentum.

Probaturs pars altera concussionis. Cum enim in ipsa inspiratione diaphragma deprimatur, major etiam fit pectoris pulmonibus dilatandis capacitas: quæ minuitur cum diaphragma sursum tollitur. Ac lenē quidem & usitatam res-
pira-

pirationē pene unum diaphragma moderatur : cum paulo intensior est, non muscoli modo intercostales, qui fere non cessant, sed etiam qui è scapulis, & vertebriis lumborū oriuntur, operam suam eo conferunt. Vnde in vivi animalis dissectione, aperto abdomine perseverat respiratio ; sed cessat omnino, aut ægre continuatur secto diaphragmate.

Opp. vero nonnulli, diaphragma nihil ad respirationem conferre; sed non alium esse huius septi transversusum, quam ut cor, & pulmones ab ipsius abdominis visceribus separet : quod avibus id desit; quod vulnerato diaphragmate, non idcirco cesset respiratio; quod appensum diaphragmati jecur motū ejus sursum inhibeat : ut mediastinum, seu membrana quæ thoracem in duas partes hinc inde determinat, motum ejus deorsum impedit.

Resp. doctiss. Thruston deesse in avibus partem diaphragmatis carneam, non tendineam aut fibrosam quæ interiores costas, & viscera succingit, & musculis abdominis adjuvantibus diaphragmatis munus obit; eam esse in avibus texturam costarum, qua facile attolli possint, aut deprimi; pulmones quoque ita esse perforatos, ut aerem in abdominis cavitatem transmittant; thoracis denique musculos in iis esse longe validiores, quam in reliquis animantibus. In piscibus vero branchias pulmonum loco esse, quas aqua vice aeris subit. Vulnerato autē diaphragmate respirationem non tolli; quod subjecta viscera apertum vulnus impleant. Vnde restat aliqua, licet molesta respiratio. Hinc etiam rescissis in cane nervis diaphragmatis, is statim fit anhelosus. Quo quidem morbo laborant equi cum abdomine à potu distento ad cursum vehementius incitantur. Tum enim à

diaphragmate magis pressa viscera, illud vicissim fortius repellunt : nam præ validiore motu illius fibræ relaxantur , ac vitiato tono munus suum rite non obit. Nervus ille diaphragmatis in superiore figura est T , is oritur ex nervis brachiorum prope H , multo altius quam in brutis .

Est vero diaphragma tum jecori , tum mediastino illigatum (mediastinum vocant membranam quæ pulmones bifariam dirimit) ne plus æquo deprimatur , aut occlusus quam par sit , resiliat , ac pulmones , & cor ipsum lædat . Vnde in suspiriis magna est diaphragmatis contractio , eaque vim quandam infert subjectis visceribus .

Sed, inquirant, quandonam fit diaphragmatis contractio ? An cum deprimitur , an cum sursum attollitur ? neque enim depressum tenditur , neque cum sursum redit .

Resp. Id satis esse probabile initium omnis respirationis à diaphragmate oriri, cum deprimitur : tum enim huius motum sequuntur pulmones , ac dilatantur eorum bronchia , & aer externus subit . Nec tamen tenditur diaphragma, licet ex convexo fiat planius . In expiratione primum cum impetu tenditur , & præensione illa costas secum attollit ; sed cum costæ ejus motui facile obsequantur , statim relaxatur. Exemplo utuntur funis quo campana pulsatur : nam primo impetu funis tenditur : sed ubi agitata campana eum sequitur impetum, statim relaxatur, donec in reditu non dissimili ratione funis iterum tendatur. Itaque diaphragma velut in medio sui motus spatio , cum inspirationem & expirationem incipit , tenditur .

Quocirca dum deprimitur diaphragma , permittit thoracis dilatationem ; ubi sursum redit ,

pectus

pectus angustius efficit, tumque id premit inclusum aerem, qui à vesiculis pulmonum in trachææ ramos propellitur; ac fibrarum muscularium ope aer expellitur; simul sanguis vasa pulmonum liberiora subit. Sed ubi in ipsa inspiratione dilatantur bronchia, tum sanguis subire facile non potest: tum vero compressus à vesiculis pulmonum & bronchiis dilatatis in sinistrum cordis sinum facilius delabitur. Sit itaque

Secunda Conclusio.

Præcipuus respirationis effectus est sanguinis motus.

Probatur & explicatur conclusio. Hic est primus respirationis usus, ut sanguinis per pulmones circuitum promoveat: adeo ut pulmones sint velut sanguinis torcularia: cum in ipsa inspiratione è vasis sanguineis compressis sanguis velut exprimatur. Contra in expiratione, in eadem vasa sanguis è corde impellitur. Sic vasis sanguineis identidem pressis & dilatatis, motus sanguinis jugis est & celerior: ut in corporis habitu, ex levi musculorum contractione sanguinis circulatio promouetur. Hinc ubi secatur vena, sanguis liberior fluit, quâdo brachium extenditur, aut baculus manu contrecatur, & volvitur, quo motus musculorum adjuvetur.

2. Ex levi illa pulmonum dilatatione & pressione sanguis etiam percolatur, & comminuitur, isq; fit fluidior, & à coagulatione vindicatur. Nec dū enim satis exquisita est sanguinis, chyli, & lymphæ in dextro cordis sinu permixtio, ac subinde opus est ut tot liquorum partes minutius concidantur; aquosi & effœti vapores,

vel in ipsa expiratione protrudantur, vel per lymphæ ductus amendantur: ut in ipso corporis habitu per insensibilem transpirationem sanguis continenter expurgatur.

3. Illud satis videtur probabile puriorem, & vitalem auram partim in pulmonū vesiculis retineri, partim in capillaria vasa adigi, partim tenuē, & porosam pulmonū tunicam penetrare, & thoracis implere cavitatem. Et quidem in avibus, si asperam inflaveris arteriam, non pulmones modo dilatantur, sed subjectæ etiam abdominis membranæ intumescunt. Hinc aer fluiditatem sanguini & colorem coccineū conciliat. Nam ad fluorem duo requiruntur, i. ut partes illius sint exiguæ, attritæ & divisæ, tum in perpetuo motu versentur: hunc motū in liquoribus subtilis aer efficit. Cum itaque sanguis ex partibus cōstet heterogeneis, ut qui ex variis alimentis prodierit, ac diversis partibus alendis serviat, non dubium est quin aerē suis poris conclusū habeat: ut cæteri liquores, qui in machina pneumatica ob eam rationē solent ebullire. Hic fluorem sanguinis tuetur, & obstat ne dissimiles adeo partes inter se cohæreant. Hinc vario & jugi motu cientur, ut partes quædam ex crudis, & fixis fiant volatiles. Accedit etiam in aere quasdam esse partes nitrosas, solidas, & penetrantes, quæ vasa capillaria subeunt, & sanguinis motum concitationem efficiunt.

Solvuntur objectiones.

Opp. 1. Aerem per asperam arteriam insufflatum, per vasa sanguinea exitum non habere, neque cordis sinistram ventriculum subire posse.

Resp. Non facile aerem per inflatos mortui, aut moribundi animalis pulmones, in cordis

ventriculos commeare, præsertim cum vi quadam intrudatur. Sed sensim cum interdum subire viri doctissimi expertos se testantur, cum in pulmones adhuc calentes paulatim immitteretur: partem vero aeris tenuiorem, & magis spirituosam una cum sanguine in pulmonibus consociat, ex rutilo ipsius sanguinis colore, & vesicularum structura jam supra ostendimus: adeo ut sanguis non tam in corde quam in pulmonibus perficiatur: cor quidem eum circumagat, sed in pulmonibus magis exquisite cum chylo ipso & lymphâ permiscetur, quam in cordis ventriculis.

Hinc in foetu cum sanguis sit fluidior, immo & in piscibus ubi est aquosior & ex facili fluit, aut nihil, aut parum aeris sanguinem subit. In testudine, rana, & aliis hujusmodi animalibus, quæ pulmones cū unicordis ventriculo nacta sunt, sanguis è pulmonibus in cor recta nō pergit. Nec dissimilis est in foetu ratio, ubi fluidior est sanguis & dilutior. Vnde ultro fluit ex venis in arterias. Nam foetus in utero velut jugi oppressus somno, nullam pene functionē animalem exerit præ nervorum imbecillitate; sed natus, jam spiritum ducit, & sanguis à corde per pulmones impellitur.

Opp. 2. Sanguinem multo compendiosiori viâ, & minus impedita per usitatos in foetu ductus transire posse: ergo motus sanguinis non est primarius respirationis usus. Huc adde liquorem per pulmonum arteriam injectum in sinistram cordis sinum vel in mortuo animali penetrare: ergo sanguinis motui etiâ per pulmones non est necessaria respiratio. Postremo cur intercluso spiritu mors statim sequatur: inflati enim pulmones satis urgent sanguinem, & premunt venulas: adeo ut sanguinis mo-

tus non prohibeatur.

Resp. 1. Sanguinem dum est fluidior, ut in foetu per ductus breviores quidem, sed magis obliquos transire posse; non item cum sanguis sit crassior, & fibrosior. Sic in ranis ligata cordis auricula sanguis adhuc per venas movetur, & vasa distenduntur: quod aer vesiculis pulmonum conclusus sanguinis circuitum conservet, etiam cordis motu intercepto: neq; enim sanguis in ranis ut in calidioribus animantibus concrevit.

Resp. 2. Injectum liquorem pulmones pervadere: sed majore vi opus est, quam ut à corde proficisci possit. Quod vero intercluso spiritu animal statim moriatur, id utique accidit vel ob impeditum sanguinis motum; vel quod sanguinis fuligines retentæ ignem vitalem extinguant; vel quod vitalis aura sine qua ne plantæ quidem vivunt, ad spirituum animalium generationem, & fluorem sanguinis requiratur.

Hinc sublata omni respiratione, & motu cordis cessante, immissus aer per tracheam canis vitam & cordis motum interdum per aliquot horæ minuta, restituit, ut in Academia Regia ante aliquot annos fuit observatū. Sic strangulato cane, mox aperto abdomine per ductum thoracicū injectus aer vitam reddidit vir Doctiss. Needham. Idem per venam cavam insufflato aere effecit Malpighius: adeo ut non magni referat qua subeat aer per pulmones aut vasa, dum salem suum nitrosum ut flammæ, sic vitæ pabulum sanguini imperiet. Quæ omnia evincunt puriorem aera cum sanguine commisceri, eumque à concretionem tueri. Sed præterea motu pulmonum circuitum sanguinis effici jam supra ostendimus.

Hinc

Hinc præ tristitia, aut acriore cogitatione sanguis interdū restagnat in pulmonibus, respiratione impedita; tumque suspirio vim magnam aeris ducimus. Interim post effusos risus longa trahimus suspiria: quod inter ridendum ipsa respiratio diutius interrupta fuerit. Sic in singultu diaphragma vehementius cōtrahitur, unde & abdomen extrorsū fertur: quod orificiū vētriculi, qua parte œsophagus diaphragma perforat, & cū eo fibris circularibus committitur, ab affecto diaphragmate in ejusdem mali societatem trahatur: hinc singultus plerumque a sternutatione cessat: tum enim si quid nervis aut membranis noxium adhæserit, vehementi musculorum motu excutitur.

Nec dubiū est quin effectus pone omnes qui anhelosam efficiunt respirationē, ex structura organorum, & eorum usu perspecto facile explicari possint. Sic in Asthmate, & orthopnoea, (cum æger respirare non potest, nisi sterectus) sæpe distentis visceribus diaphragmati subjectis, id rursū repellitur: sed stante ægro viscera abdomine conclusa proprio pōdere depressa diaphragmatis motui liberiorē præbent locum. Interdum muscoli intercostales, & diaphragmatis convelluntur, tumque inflantur pulmones, & inspirationem ipsam expiratione, non ut par esset, excipit. Verum ista viderint Medici.

Opp. 3. Respirationem magis refrigerando sanguini, quam ei promovendo famulari.

Resp. Hunc quoque usum respirationis esse posse, sed non præcipuum: neque enim credibile est sanguinem ē dextro cordis sinu in pulmones trajectū fervidiorem esse eo qui ex pulmonibus

monibus in sinistrum cordis thalamum delabitur. Quin etiam post exercitationem corporis paulo vehementiorem non ita æstuat sanguis, atque in ardente febre: cum tamen respiratio sit ut plurimum frequentior. Sic ubi per ardua incedimus, & pulsus fit crebrior, & magis anhelosa respiratio, quod motus musculorum celeriores sanguinis ad cor reditus efficiat: hinc exercitatio adeo est salubris, ac vitæ deses tot morbis ferax.

Cum aer plus æquo rarus est, ut in excelsis montium jugis, aut in machina pneumatica, tum vi sua elastica exutus, nec pulmonum vasa satis comprimit, nec sanguinem promover. Contra ubi est crassior, ut in magna hominum turba, tum capillares asperæ arteriæ tubuli pene obstruuntur; nec purior aer cum sanguine permiscetur: ut iis accidit qui in fondinis diutius morantur; hinc facilius est respiratio aere sereno quam turbido.

Neq; id inficior alios esse respirationis usus, ex quibus ille non est contemnendus, quod diaphragmatis motu & chyli, & sanguinis per abdominis viscera motus plurimū adjuvetur. Quin & in dissitis partibus respiratio ipsa sanguinē promovet. Quod vir pereruditus Suammerdā illustri experimento confirmat. Vidit enim Lugduni Batavorum in Nosocomio puerum qui ex levi in pede vulnere, sanguinē ad libitū sinebat effluere retento anhelitu, eumq; fessebat pro arbitrio. Verum de respiratione satis pro instituto diximus.

QVÆSTIO III.

De structura & motu cordis.

NVnc quæ ad præcipuam corporis nostri rō-
tā, cor videlicet, motus omnis, & vitæ
fontem pertinent, summam perstringamus:
neque enim possumus illius structuram, motum
& usus pro rei dignitate pertractare. Quæ au-
tem à Philosopho ignorari non debent, non
omittemus. Ac primum quæ sit illius fabrica,
& quomodo jugi motu agitetur, explicare co-
nabimur, tum sanguinis ipsius circuitum, quo
vita maxime continetur, paulo diligentius per-
sequemur.



Ac primum quidem cordis & vasorum quæ
huic sunt affixa, fabricā acriori animo intuen-
ti id facile constabit, cor ipsum nihil esse quam
musculum qui vi propria se se contrahit. Nam
in corde bovino, detracta primū illius capsula,
quæ pericardium vocitatur, quæque liquore
quodā perfunditur, tum prima cordis pellicu-
la, intueri licebit illius fibras, maxime si ante
coctum fuerit, instar helices, aut cochleæ cō-
tortas, quæ à læua in dextram partem oblique
descendunt; ac plures ex iis per mucronē cor-
dis revolutæ, sursum reflectuntur, exque in
basim cordis, ut in tendinem desinunt: sic ta-
men ut plures fibræ usque ad cordis mucronē
perveniant. Iam ubi hunc cordis velut corticē
detraxeris, aliud velut fibrarū stratū occurret,
quæ contrario ductu à dextra in lævam oblique
descendunt, & in basis itidē tendines desinunt.
Vtriusq; enim vetriculi cordis ostia tendinoso
margine cinguntur: qui duplex est in unoquo-
que ventriculo, exterior nimirum & interior,
sed

sed pleræque etiam fibræ in columnas carneas desinunt, & in fibras valvularum quæ tricuspidæ dicuntur, de quibus postea. Verum accuratior cordis fabrica ex inspectione ipsa, aut illius usu, & functionibus melius intelligetur, quam ex longa fibrarum descriptione.

2. Ex hac utique mechanica cordis structura quis sit illius motus facile colligimus. Cum enim fibræ pene omnes instar helicis sint contortæ, id verissimillimum videtur iis fibris adductis cor per motus oppositos contrahi, & sanguinem cum impetu è ventriculis propelli, nō aliter fere ac lintea madida solent contorqueri, ut omnis humor exprimatur. Contractionem vero illam adjuvant columnæ carneæ, & musculis similes, quæ in sinistro potissimum ventriculo variis implexæ fibris cernuntur. Sanguis enim maiore impetu è sinistro sinu erumpit in corpus universum. Columnæ etiam illæ, quas lacertulos vocant, hunc habent usum ut obstant quominus sinister ventriculus uberiore sanguinis allapsu nimium distendatur. Deinde ex iis fibræ valvularum tricuspidum, quæ venas cordis occludunt, omnino pendent. Vnde in cordis diastole ubi cor sanguine impletur, per intervalla fibrarum subit. Sed in systole, cum cor evacuatur, & contrahitur, tum hæ fibræ tricuspidum, velut totidem lora laxantur. Hinc sanguis erumpens membranas ipsas valvularum fursum pellit, ac sibi reditum in venas occludit. Membranz quippe valvularum fere ut vela navis vento, sic expresso sanguine implentur. Id quo cernere est in corde vivi animalis. Nam si microne resecto liquorem per venas injeceris, in ipsa systole liquor in arterias ipsas, non in venas prorumper.

Cū autem hi lacertuli desint in dextro cor-
dis





dis ventriculo, horū vicem supplent carunculæ in opposito ventriculi pariete prominulæ, ex quibus ducuntur fibræ valvularum tricuspidiū; eaque tanquam funes navis malo alligati tenduntur in cordis diastole, cum scilicet sanguine impletur, & ejus mucro deprimitur; laxantur vero in systole, tumq; sanguis expressus ita eas inflat, & attollit valvulas, ut in venam cavam redire non possit; neque alius ei quam per arteriam pulmonum pateat exitus. Ista autem ex appositis figuris quas ex peritissimo Anatomico Lœuvero desumpimus, facilius intelligentur.

Figura prima contrarii ordinis fibras in ventriculo cordis ostendit, quæ cum sint longiores ad conum usque perveniunt, & circa ipsum torquentur: sic tamen ut pars media conī sit tenuissima. Sic fibrae tum exteriores C, tum interiores d in duos tendines A, & B ita desinunt, ut quæ exterior fuit in uno latere, fiat interior in altero.

Secunda figura exhibet fibras exteriores cordis, quæ in spiram modum desinunt in conum, velut in commune centrum.

Tertia figura ventriculi sinistri apertum sinum ostendit: ubi vena pulmonaria, A, auricula B, duæ valvulae, tricuspides d d, quæ vena pulmonis ostio apponuntur; carnea columna, e, e quæ ex utroque ventriculi latere prorumpunt, fibra carnea interioris ventriculi F F.

Quarta truncum aortæ B sectum juxta sinistrum cordis ventriculum exhibet, a a a sunt tres valvulae semilunares quæ refluxum sanguinis impediunt: E E sunt duæ mitrales valvulae, seu tricuspides reflexæ ut videantur.

Iam distentæ præter naturâ arteriæ vi propria per fibras transversas, ut cor, & musculi contrahuntur. Hinc non in arteriis modo, sed etiâ in majoribus venis observatur motus quidâ peristalticus, & vermicularis, qualis in ipsis cernitur intestinis. Nunc ad cordis fabricâ redeamus. Ad structuram cordis pertinent duæ illæ auriculæ, quæ in utriusque venæ cordis, cavæ nimirû, & pulmonariæ ostio sic aptantur, ut in eas primû venæ sese exonerent. Auriculæ autem illæ sunt musculi suis fibris instructi, quique in duplicem tendinem desinunt. Horum utique musculorû unus est cum basi cordis communis, alter qua venam cavam aut venam pulmonarem spectat, in circuli modum tornatur. Quin & vena cava qua parte hiat in auriculam, musculosa quoque existit, tum ut venæ truncus aut distendatur, aut contrahatur, atque ad auriculæ demensum sanguinẽ suppeditet; tum ut sanguinem cum opus est, in ipsâ auriculam validius protrudat. Nisi enim vena cava ea parte esset musculosa, ubi auricula contrahitur per fibras, quæ in tendinem inferiore desinunt, & in ventriculum cordis se se exonerat; sanguis è vena cava erumpens, instar vorricis in seipsum acti, in ipso exitu æstuaret: tum itaq; vena cava sese continet, & coerces, donec auricula fibris illis qui ab inferiore tendine incipiunt, tanquam digitis, quos & figura & uin referunt, sanguinẽ à vena cava excipiat, cordi ipsi traditura. Idem est de auricula; quæ venæ pulmonari aptatur, naturæ artificium, nisi quod hæc minor est dextra auricula: ambæ simul clauduntur, & recluduntur, quod iisdem fibris inter se nectantur.

Nec minor in aortæ conformatione divini opificis elucet sapientia. Cum enim è sinistro
cor-

cordis sinu sursum erecto, suam ducat originē ne sanguis à corde prorsus in caput totus ferre nitatur; aorta è corde egressa paulatim inflectitur, quo sanguinis exilientis impetus paulatim infringatur, & facilius in partes inferiores descendat; nec recta, sed flexu quodam in axillares, & cervicales arterias incurrat.

Hinc planū fit cur aliqua ex arteriis occlusa vel exarescente, vel compressa, sanguis maiore impetu in vicinas feratur. Cum enim eadem sanguinis copia à corde in truncum aortæ propellatur, si cursus sanguinis in nonnullis inhibeatur arteriis per alias maiore impetu feratur necesse est. Vnde ligata in cane vivo arteria cervicali, statim major in axillari pulsus percipitur. Sic etiam ubi factò in leva thoracis parte foramine, arteriam descendentem digito compresseris, aut filo ligaveris, statim sanguis in caput propellitur, & in cor ipsū exundat: unde mirum in modum se torquet animal. Hinc etiā accidit ut cōstrictis vel minoribus arteriis sanguis in vicinas partes uberius irruat. Vnde qui renes à natura habent calidiores, vix lumbos præcingi patiuntur, aut vestes ea parte arctius prementes ferunt. Nō dissimili ratione cū venæ plus satis comprimuntur, ut fit in obesior corporibus, sanguis tardius in cor recurrit. Hinc sæpe in corde, & vasis stagnat, & concrefcit, præsertim ubi cor non satis vegetum est, nec sanguinem satis valide impellit. Hinc enim subitæ mortes: verum ista forte ad motum sanguinis pertinent.

Quamquam vasa ipsa quibus cor appenditur, ad illius structurā spectant maxime: duæ autē sunt illius venæ, cava nimirū, & pulmonaris, quæ sanguinē in utrumque cordis ventriculū, aut potius in utramque auriculam advehunt.

Duæ

Duæ itidem sunt arteriæ, una pulmonum, quæ ex dextro cordis sinu, altera quæ è sinistro ventriculo capit exordium; quæque aorta dicitur & in universum corpus sanguinem defert. Utrique cordis venæ quædam valvulæ adhibentur quæ sanguinem admittunt: sed ne idè in cordis systole per easdem vias remeare possit, obstant maxime: hæ tricuspides vocitantur. Sic utrique tum magnæ, tum pulmonum arteriæ aliæ sunt aptatæ valvulæ in lineæ crescentis formam compositæ, quæ exitum præbent sanguini, regressum prohibent. Atque hæc fere ad cordis fabricam spectant.

Nunc quæ sit huius motus effectrix causa, excutendum nobis est. Gravis enim olim fuit inter Harvæum, & Cartesium, quæ adhuc persistat, de vi illa motrice controversia. Id visum est Cartesio sanguinè è vena cava, aut dextra illius auricula in dextrum ventriculū guttatim illabi, tum præ insito igne vitali quem naturæ conditor utriq; cordis cavitati inseruit, statim intumescere; ex illa effervescentia ventriculos cordis simul, & arterias referatis valvulis dilatari; diastolem cordis fieri, tumq; mucrone suo pectus ferre: sed detumescere illa sanguinis gutta arterias deprimi; claudi earum valvulas; cor ipsum relaxari, & mucrone depresso velut quiescere, tumque esse cordis systolem. Sicque cordis motum perfici citra vim pulsificā: adeo ut ignis vitalis, qui calet, sed non lucet, sit huius perennis motus causa.

Contra Harvæus Angliæ Archiater, qui primus circulationem sanguinis aut deprehendit, aut firmis rationibus munivit, sic motum cordis fieri existimat: sanguinem ex utraque vena in auriculas, quæ sunt quasi venarum appendices, & partes omnium primæ in animali effor-

matæ,

mata, copiosum exundare, tumque auriculas dilatari. Deinde ex contracta se se in ventriculos cordis exonerat. Cor vero ut cæteri musculi, ita prorsus movetur: sic tamen ut auricularum, & cordis alternæ sint contractiones, & cor dilatetur, quia impletur sanguine, neq; ex subita guttulæ effervescencia intumescat. Itaque arctatis cordis vetriculis cor mucrone suo pectus ferit, valvulas arteriarum aperit, & dilatantur arteriæ, tumque fit cordis systole; contra atque videtur Cartesio. Sic igitur

Unica Conclusio.

Motus cordis non fit aut ebullitione, aut fermentatione, sed impulsu quo lam, & eo modo quo ex Harveyo exposuimus.

Probatnr 1. Ex ipsa cordis structura: neque enim tam valido opus erat musculo, tot fibris, ac velut lacertis instructo, ut accessu sanguinæ guttæ intumesceret. Quare motus illius ut musculi validissimi est contractio, ex qua sequitur sanguinis impulsio. Hoc enim cordi cū aliis musculis commune est, ut in contractione vires suas exerat. Hinc durius fit, & tensius in ipsa systole, in qua minus rubrum apparet, ut in ranis videre est, quod motus cordis in iis sit tardior. Hinc rescisso cordis mucrone in systole ipsa, aut cordis contractione sanguis cum impetu prorumpit.

2. Idē ex auriculis & valvulis colligi facile potest. Nam prius auriculæ sese contrahunt, & in ventriculos cordis sanguinem effundunt, quam cor ipsum contrahatur: quod manifeste demonstrat cor dilatari quia impletur sanguine non ex subita guttæ alicujus effervescencia. Cur enim utriusq; auriculæ motus cordis mo-

tui præiret, si utraq; cordis cavitas non impletur sanguine, cum auriculæ se se contrahunt, & in ventriculos cordis sanguinem effundunt: & sane motus cordis ab auriculæ motu pendet, non vicissim? Hæc in foetu pulsatur priusquam ullum appareat cordis vestigium, & in moribundo animali pulsatur adhuc auricula, cū omnis cordis motus cessat. Ex quo liquet motum cordis ab auricula pendere, non ab ignis fervore qui neo tactu percipitur, nec ratione ulla satis firma demonstratur.

2. Si cor & arteriæ simul dilatantur, & contrahuntur, cui usui futuræ sunt valvulæ venis, & arteriis appositæ? Nam valvulæ tricuspidæ utrique auriculæ idcirco aptatæ fuerunt, quod contractis auriculis cor dilatetur. Hinc dum inflantur auriculæ, clauduntur valvulæ, ne sanguis intempestive in cor dilabatur. Et sane sanguis adest copiosus, cordis cavitates amplæ; quid est cur una tantum gutta sanguinis cor subeat?

4. Unde ignis ille in corde tam fervidus, qui tamen sensu major non percipitur, quam in aliis cavitatibus viscerum? Nec potest ille ignis occultus universo corpori calefaciendo sufficere: immo sanguis jugi affluxu illū obruet. Quare longe probabilius est calorem cordis, ut aliorum viscerum à sanguine proficisci, quam calorem sanguinis à corde ipso duci. Nec quicquam hic occurrit ebullitioni simile; nec sanguis qui à dextro cordis sinu in pulmones erumpit, ab eo qui è vena cava subiit, diffidet. Si quid novi accidit sanguini, id utiq; ab aere in pulmonibus mutuatur: sed è corde idem egreditur, qui ingressus est.

5. Si tanta fiat in corde ebullitio, cur ligata arteria hæc ebullitio non cernitur; cur tam cito & usque

& usque ad disruptionem arteria distenditur; cur ea secta tam libertim sanguis erumpit, si guttatim tantum e corde in arteriam illabitur? Iam qua ratione cor carneum, & fibrosum tanto igni ferendo par esse potest; cur id tandem non elixatur, aut aduritur? Vnde tanta huius fermenti copia, quæ attollendo sanguini universo instar massæ farinacæ par est? Nec dum etiam liquet quæ tam subito fieri illa fermentatio possit; nec materia huic accensione idonea per nervos satis copiosa affertur; nec demum, ut rem uno verbo conficiam, in ipsa diastole, cū illa sit inflammatio, cor movetur: sed potius cū instar alterius muscoli contrahitur. Et quidem viperæ, aut anguillæ cor extractū, & omni sanguine vacuū per multas horas pulsat. Quod si aquam frigidam per venam jugularem canis vivi injeceris, motus cordis crebrior futurus est; nec tamen sanguis aquæ infusione magis accenditur, aut fortius exploditur.

Itaque sanguis per cor ipsum, velut per machinam hydraulicā expellitur, nec necesse est fermentum quoddam, aut ignem in ventriculis cordis reconditum fingere, huicque motum cordis tribuere. Nam huius fermenti ratio, aut origo explicari nullo modo potest; ac systole est verus cordis motus, quem illa ebullitio impediret. Nam parietes ventriculorum potius diduceret, quam contraheret. Deinde ejusmodi ebullitio in liquoribus salinis, & æerri- mis cernitur; cujusmodi non est sanguis quæ placide fluit in venis, & benignioris est naturæ quam ut tam subito effervescat.

Nec demum instar candentis ferri ipsius cordis fervet substantia. Huius sane fabrica, & fibræ contortæ, quæ in oppositos tendines defluunt; diversa utriusque ventriculi structura,

230 P H Y S I C E S
(nam finister validioribus fibris, & lacertulis eget, quo longius emittat sanguinem) hæc, inquam, omnia persuadent cor moveri ut reliquos musculos, contractis videlicet fibris, quæ basim adducere moliuntur: sed cum illa sit immobilis, mucro vero instabilis, hic sursum non nihil attollitur. Iam contracto corde in systole, id motu quodam restitutionis sese dilatare nititur: quam dilatationem sanguis in utrumque ventriculum illabens plurimum auget. Hinc alternis vicibus cordis contractio, & dilatatio, fere instar sinependuli se se excipiunt, ignis autem in corde nullus est nisi à sanguine perfectus.

Diluuntur objectiones.

Opp. 1. Cartesius se expercum esse in cuniculo, abscisso cordis mucrone sanguinem in diastole exire, ac ventriculos fieri ampliores & duriores.

Resp. Non mirum esse si sanguis è mucrone discusso effluat in diastole; sed id non fit cum impetu, ut in systole. Id vero negamus cor fieri durius in diastole. Cum autem cuniculi cor sit angustius, quam ut in ejus motu, diastole & systole discerni satis accurate possint, nec ventriculi satis sint ampli ut digitus immitti queat, cumq; in moribundo animali jam cor ipsū collabatur, nec pressio digiti sit satis sensibilis, non mirum est si tam incertum experimentum Cartesium fefellerit: cum tamen in rana quæ vivacior est, & exempto corde diu vivit, id experiri potuisset, cor in diastole totum rubere, cū sanguine impletur, & in systole pallefcere cum omnino evacuatur.

Opp. 2. Sanguinem ex variis liquoribus constare, quos in ventriculis cordis fermentescere necesse est; cum chyli videlicet, aut lymphæ,

phæ, seu liquoris aquosi nova, & jugis fiat accessio.

Resp. Fermentationem illam, si quæ sit, lenem esse & placidam: nisi forte cum febris, aut perturbationis alicujus æstu cor agitur. Et quidem si illud in qualibet systole omnem è ventriculis sanguinem expellit, ebullitio illa Cartesii, aut fermentatio ex guttu'æ accessione omnino est commentitia: præsertim cum cor exemptum è vipera interdum per 30. horas pulset, vix illud per sanguinis explosionem explicari potest. Immo si cor animalis mortui aqua repleas, & simili motu ei quem fieri diximus in systole, contorqueas, aquam ventriculi contractione cum impetu protrudes.

Atque huc tendit ipsa cordis formatio. Nam ut pulchre Harvæus observat, in foetu auricula primû sufficit pellendo sanguini: sed crescente corpore cor formatur, quod validius sanguinè impellit. In piscibus pro auricula in basi cordis est ampla vesicula, quæ sese in unicû ventriculum exonerat. In calidioribus animantibus, in quibus fortius impelli sanguinem necesse est, duo sunt ventriculi cordis cû duabus auriculis & pulmonibus. Ex iis quæ sunt debiliores, ut aviculæ ventriculos laeves, & lacertulis destitutos nactæ sunt, nec valvulas habent tricuspidales, aut ex sunt negligentius occlusæ: quod spogiosi pulmones sanguinè è dextro cordis sinu placidius exeuntē excipiât. In robustioribus animantibus sinister ventriculus fibris carnosissimis validioribus instructus est, pariete triplo crassiore & variis scrobiculis usque ad mucronem extenditur, quod sanguinem majore vi comminutum in corpus universum propellat. Quæ omnia persuadent cor ut musculum moveri. Instinctus vero ad motum à nervis paris octavi

in cor, & auriculas copiose dispersis manat. Hinc ligato trunco hujus nervi in cervice, statim commeatu spirituum intercepto cordis motus fit tremulus, & palpitans, tumque per unum aut alterum diem canis vitam miseram agit, donec stagnante in ventriculis cordis sanguine expiret. Quod autem statim non moriatur, id in causa est quod nervi intercostalis surculi aliquot in ipso transitu ad cor perveniant, qui vectigales spiritus illi afferunt.

QVÆSTIO IV.

De motu sanguinis & illius circulatione.

EX his quæ de structura & motu cordis diximus, facile intelligitur sanguinis motus, in quo maxime vita consistit. Nam sanguis ex vena cava in dextram cordis auriculam, tum in subjectum cordis ventriculum delabitur. Corde contracto in systole per arteriam pulmonum ejicitur, tum per venæ pulmonariæ exiles ramos in illius truncum, tandem in sinistram cordis sinum se se exonerat; unde in magnam arteriam, atque in illius capillares ramos cum impetu erumpit, quasi à cetro ad circumferentiam pulsus. Ab his arteriis per interjectos carnis meatus in venulas revertitur, ex quibus in majores ramos, tandem in truncum venæ cavæ, ac rursus in dextrum cordis sinum effunditur. Qui circuitus sanguinis nostra ætate ab Harvæo Anglo est deprehensus, & tot demonstrationibus munitus, ut non aliud sit in tota Physica & Medicina utilius inventum, & uberius probatum. Præcipuas hujus circulationis demonstrationes afferemus, non ut par esset, & restam præclara postularet, dilatatas, sed contractas

tractas admodum, ut qui ad instituti operis finem properemus.

Primum itaque sanguinem ex corde in arterias, ex iis in venas ad cor refluxere, ex ipsius cordis fabrica & motu colligitur. Nam singulis pulsibus aliquid sanguinis è corde in arterias erumpit: cumq; intra unius horæ spatium ter mille & amplius arteriæ pulsus numerentur; etiam si una aut altera tantum gutta sanguinis unoquoque pulsui è corde proflueret, necesse omnino foret ut sanguinis massa cor intra unum aut alterum diem rota pertransiret: ac si non reddidit sanguis, brevi cor sanguine destitueretur. Verum hoc argumentum multo fiet illustrius, si quæ jam diximus, paulo attentius considerentur. Nam in unaquaq; cordis systole ventriculi cordis pene toti exhauriuntur, neq; una aut altera sanguinis gutta, sed uncix fere pondus erumpit; idque multis adhuc liquere potest argumentis.

1. Quod non guttatim sanguis in cor influat, & nisi pateat sanguini exitus, brevi animal præ copia sanguinis suffocatur. 2. Compressa vena cava ubi è jecore ascēdit, brevi versus cor inanitur, ac depletur; compressa itidem aorta, cor statim usq; ad livorem intumescit, & turget præ sanguine. 3. Secta aliqua arteria, intra unius horæ quadrantis spatium, & longe citius totus sanguis effluit: qui tamen è corde manat, nec facile sisti potest, donec animi deliquium accesserit. Tū enim cessante cordis pulsu, salientis cum impetu sanguinis vis infringitur. Hinc Ianiones postquam bovem percusserunt, statim unam ex cervicis arteriis secant, ex qua sanguis brevi omnis profluit: immo vel è secta vena citò totus sanguis effluit; & cessante cordis motu præ timore, nulla est sanguinis eruptio, dis-

cuslo timore sanguinis quoque fluxus redit . 4. Huc etiam accedit quod in vivo animali, secto cordis mucrone, ubi digitus immittitur, is in systole arcte comprimitur; adeo ut cor totum pene exinaniri necesse sit . 5. Vnica pene sanguinis singulis pulsibus è corde erumpit . 6. Qui aquas minerales bibunt, tantâ per urinas feri copiam reddunt, quantum fere est sanguinis in corpore; & tamen aqua illa tota una cum sanguine utrumque cordis sinum pertransit, priusquam per renes à sanguine secreta fuerit .

2. Sanguinis circuitus, & per venas in cor reditus ex ligaturis ipsis non rationi tantum, sed oculis subicitur. Hinc ligato brachio, ut in venæ sectione fit, venæ infra ligaturâ intumescunt. Quod sanguis per arterias quas vulgaris ligatura non stringit protrusus, & per venas remeans, velut objecta mole sistatur. Hinc sectione peracta vena infra ligaturam digito premi solet, ut sanguinis fluxus inhibeatur. 2. Hoc ipsum quivis in manu erecta, dum pateant venæ, experiri poterit. Nam si prope venarum nodos, digito premas majusculam, statim ea versus brachium detumescet, versus extremam manum facta tumidior, quod sanguis ab extremis partibus ad cor fluat; non vicissim . 3. Cû una ex venis brachii secatur, statim omnes detumescunt, quod magna sit inter venas communio: sed à venis in arterias sanguis ad cor non refluit: neque id fieri potest, quod novus indefinenter sanguis à corde in arterias erumpat; ea sane ejaculatio non finit sanguinem è venis per arterias tam levi motu refluere.

Idque confirmatur ex vena cava paulo infra cor ipsum ligata, aut pressa: tum enim, ut diximus,

mus, pars cavæ infra ligaturam, & cor ipsum statim exinanitur, reliqua ultra ligaturam intumescit; cordis motus statim cessat, & auricula dextra una cum subiecto ventriculo sanguine destituitur. Soluta ligatura sanguis suo itinere pene ut aqua fluminis in pistrini rotâ delapsa, motû auriculæ, & cordis promøvet. Sic pressa pulmonû arteria inter cor & pulmones statim ea intumescit; & cordis vëtrculus multum distentus suffocationem minatur. Itaque intercepta vena cava aut pulmonis vena, defectu sanguinis sequitur extinctio; intercepta vero altera ex arteriis, seu pulmonari quæ à dextro cordis sinu oritur; seu aorta, ex sanguine in corde diutius retento fit suffocatio, & summa ventriculorum cordis distentio. Quæ omnia evincunt sanguinis motû è dextro cordis sinu in pulmones; ex iis in sinistrum cordis ventriculû; unde in aortam, ex qua in totum corpus impellitur: hinc rursus per venulas in majores ramos, tum in cavæ truncum; sicque animalis vita, calor, & nutritio perenni sanguinis per cor circuitu perficitur: ut ex aquis vapores, ex iis rursus pluvie, fontes, rivuli, flumina continua circulatione generantur.

Idque jam notissimo experimento illustrari potest. Nam injectus liquor per truncum venæ portæ, is venæ cavæ ramulôs in jecore dispersos subit, & suo se colore prodit: hinc per truncû venæ cavæ in dextrum cordis sinum; unde in pulmonum arteriam, ex qua in venam pulmonariam, atque in sinistrum cordis ventriculû, tum in aortam impellitur: deinde per emulgētes arterias in renes deducitur: adeo ut nō aliud magis quam ineat viam sanguis demonstret, quam hoc ipsum experimentum.

Addam & illud celeberrimum, quo scissa in

femore, aut in jugulo arteria, sanguinem ex parte cordis viciniore, non ex parte ulteriori, quæ est à corde remotior, exilire cernimus. Contra in vena secta contingit. Nam portio venæ cordi propior nihil pene sanguinis emittit, cum pars ulterior large sanguinē effundat. At si arteriam venæ proximam ligaveris, tum sanguis è venâ sectâ non fluit, laxato vinculo statim profluit.

3. Circuitum sanguinis valvulæ in venarum internodiis, & earum divaricationibus conspicuæ omnino demonstrant. Ex quippe nihil sunt nisi membranulæ ex interiori venæ tunica crescentis lunæ formam imitantes, & ita dispositæ, ut sanguini ad cor transitum præbeant. Duæ ut plurimum ita conjunguntur, ut cor versus sint concavæ: hinc sanguini ad cor remeanti obsequuntur. At si sanguis aut proprio pondere, aut alia de causa versus extrema corporis remeare conaretur, obstant eadē valvulæ, quæ sanguinis lapsu distenduntur, nec sinunt eum à trunco ad ramos contendere. Idq; ut diximus, vel in manu ipsa experiri quivis potest, si venam prope internodium, ubi semper est aliqua valvula, digito presseris. Tum enim vena versus cor inanita pars illius altera, & à corde remotior intumescet. Nullæ autem sunt ejusmodi valvulæ in arteriis; nihil enim est periculi ne sanguis magna vi à corde impulsus per arterias regressum tenter.

Neq; illud vere dici potest, eo tantum appositæ esse valvulas, quo descensû sanguinis impediunt. Nam ubicumque eæ fuerint, motum sanguinis à trunco ad ramos impediunt. Hinc stylus à ramulis versus majores facile subire potest, nō item à majoribus versus exiles ramos: ac ne injectum quidem liquorem facile admit-

tunt,

tunt, nisi ubi nullæ sunt valvulæ, ut in pulmōnibus. Infinitas hanc in rē afferri posse rationes non ignoro: hinc enim totius vitæ œconomia pendet; hinc morborū causæ innotescunt; verum ista Medicis relinquimus. Nunc igitur quæ contra opponi solent ab iis qui ratiunculas potius quam experimenta confectantur, videamus.

Solvuntur objectiones.

Multa opponunt magis inquirendo, & alias ex aliis difficultates neccendo, quā ratiocinando. 1. Non posse concipi quī fieri possit ut sanguis tam cito ex arteriis in venas commeet: quandoquidē inter illa vasa nulla est communio; nullæ sunt anastomoses, seu vasorum inosculationes; nec venarum ostiola cum arteriarum itidem ostiolis conjunguntur.

Resp. Nullas quidem esse venarum cum arteriis anastomoses, quales tota credidit antiquitas; eæque sanguine circuitum impedirent, nisi forte ubi desinunt capillares arteriæ, ibi incipiant capillares itidem venulæ, tanquam radices quædam: sicque sanguis ab arteriolis in venulas commeare potest, neque inter eas ullū fere est discrimen: non enim pulsant capillares arteriolæ.

Resp. 2. Ut nullæ essent ejusmodi anastomoses, sanguinem tamen posse per cæcos carnis aut viscerum meatus, venas ingredi: ut aqua pluvialis per terræ poros in venas, quasdā, hinc in fontes confluit; aut succus nutritius in plantis per radices, & fibras filtratur. Hunc autem sanguinis per carnes spongiosas transitū plurimum adjuvat continua sanguinis à tergo urgentis pressio, & musculorum motus tensivus. Ré vērō ita esse & sanguinē per carnes ex arteriis in venas percolari, hinc colligere possumus,

mus, quod ubicumque carnem vel acii pupu-
geris, effluat: cum tamen vix credibile sit ve-
nas aut arterias ita per totum corpus diffundi
ut nulla sit pars adeo minuta, quæ vena, arte-
ria, & nervo non donetur.

Opp. 2. Illud probari nunquam posse, im-
puri sanguinis excrementa ad cor deferri, aut
corruptum, & æstuantem sanguinem in febre
putrida cor & pulmones totum pervadere. De-
inde si sanguis tam celeriter per cor moveatur,
cur una potius quam altera secatur vena; cui
tandem usui est revulsio? ut cum tumor & do-
lor unam partem afficit, ex opposita sanguis
mittitur. Quomodo in venis varicosis, aut di-
stentis fluere sanguis poterit?

Resp. Prius sensum, & experientiam consuli
oportere, quæ ejusmodi incommoda excutian-
tur. Primum itaque non omnia excrementa
sanguinis, nisi quædam utilia: cujusmodi est
lymphæ, & interdum bilis ad cor remeat: nō
crassior pituita, non urina. Neque id credimus
cor adeo esse delicatulum, ut impuri sanguinis
transitum ferre non possit. Nec mirum si in
febre ardente sanguis æstuaus pulmones infe-
stet, & anhelosam efficiat respirationem; nec
forte tanta est in revulsione utilitas, quantam
Veteres credidere. Quamquam fieri potest ut
massa sanguinis non sit sui ubiq; similis; aut ea-
dem celeritate ubique moveatur. In quibusdā
forte visceribus magis percolatur, in aliis cras-
sior manet. Postremo vix illud accidit ut venæ
ita sint varicosæ, ut nullum vel tenui sanguinis
filo transitum præbeant.

Sed, inquiunt, vix explicari potest quæ sit
hujus circuitus causa effectrix, qui finis

Resp. De causa effectrice jam à nobis fuisse ac-
tum fuisse; ac finē hujus motus esse multipli-
cem.

cem. 1. enim hoc perenni motu fluorem suum, & calorem sanguis tuetur. Nam ubi quiescit, statim varii ex quibus constat liquores, in suas quique discedunt partes: fibrosa & potissima sanguinis substantia concresecit; serosa innatat, calor congenitus diffatur.

2. Totius sanguinis motus ex arteriis in venas, ex his rursus per cordis ventriculos in arterias vitam, partium calorem, & sanguinis lenem fermentationem efficit. Non enim, ut diximus, fluor sanguinis diu permaneret, nisi illius massa continenter instar fluminis moveretur: sed neque hic motus jugis esset, & continuus si partes sanguinis insensibiles intestina quadam motione non agerentur. Nam partes in motu & figura dissimiles spatiola corpore aliquo subtili, quodcumq; illud sit, plena admittunt innumera. Sic partium dissimilium facilis adhæsiō vitæ inimica non aliter quam earū indefinēti motione arceri potest. Æquabilis enim illa partium sanguinis mistio fieri nequit, nisi eę tenues sint, & divisæ: quod motu ipso, & attritu partium omnino perficitur. Huc omnis vasorum & viscerū structura tendit, ut sanguis per arctos meatus subeat, in iis tanquam cribris percoletur, & iteratis velut distillationibus, cum leni fermentatione conjunctis partes illius ex crudis maturæ, ex fixis fiant volatiles.

3. Nisi extremę corporis partes novi sanguinis allapsu identidem perfunderentur, externi aeris frigore, & calore, omni & vita facile destitutæ apparerent. Neque enim necesse est aliū calorem vel innatum vel influm, aut vitales spiritus à sanguine discretos comminisci: sanguis in cordis ventriculis ut in officinis publico usui destinatis, in omnes partes propelli-

tur quo eas vitali calore perfūdāt: quin & impulsore eget, ut nutriendis partibus adhæreat: ac jam identidem diximus partes sanguinis heterogeneas crebro circuitu una misceri, excoqui, perfici, & per diversa viscerum cribra percolari: excrementa etiā hoc motu sanguinis disjiciuntur; partes subtiliores in liquore spirituosum exaltantur: adeo ut universa corporis machina hoc potissimum sanguinis motu regatur. Verum instant acrius, & quærent cur sanguis tardius per venas refluat, quam per arterias impellatur.

Resp. Sanguinem cum impetu in arterias propelli: sed impetus ille paulatim marcescit: adeo ut in minimis arteriis jam nullus sit. Quare & fibris transversis venarū, & pulsu arteriarū quæ venarū ubiq; sunt comites, & pressione muscutorum in habitu corporis, & motu diaphragmatis in visceribus, sanguis in venas re-meat. Hinc fit ut in strangulatis arteriæ sanguine prorsus vacuæ appareant: cū venæ adhuc cruore repleantur. Cum enim pulmonū motus primū deficiat, vigente adhuc cordis motu, sanguis è sinistro cordis sinu in arterias cum impetu ejicitur; nec interim novus è pulmonibus in eum cordis ventriculū influit. Hinc breviter arteriæ inanes fiunt: magno tamen argumento sanguinē singulis pulsibus à corde in arterias ubertim manare. Vnde ligata prope cor aorta, statim carotides aut quæ in jugulo sunt arteriæ, inanes videntur, non venæ. Ex quo quidem efficitur sanguinem non è venis in arterias commeare, sed potius ex arteriis in venas profluere.

QVÆSTIO I.

Qui sit sanguinis & spirituum motus in affectibus animi, & unde præcipui eorum characteres ducantur.

HOC argumentū in Philosophia morali ut par erat, tractare nō potuimus, nondum explicatis quæ ad motum sanguinis, cordis fabricam, & nervorum origines pertinent. Quare in hunc locum ea distulimus quorum non inutilis, nec ingrata contemplatio futura est. Ac primum quidem illud meminisse oportet, quod eo loco diximus, affectus nimirum nostros spirituum & sanguinis motu contineri. Vnde quibus est uberior sanguinis, & spirituum copia, iidem majore perturbationum æstu agitantur. Sic juvenes plerumque sunt audaciores, quidvis aggrediuntur, magnas spes foveant. Contra, quibus aut sanguis frigidior est, aut pauciores spiritus, ii quidem sunt timidiores, & omnia scrupulose expendunt. Quanta autem sit vis in spirituum copia, & turbulento eorum motu vel ex ebriis discimus, qui spei & audaciæ pleni nihil sibi arduum putant.

Quid non ebrietas designat, opera recludit,

Spes jubet esse ratas, in prælia crudis inermem

Sollicitis animis onus eximit.

Idē fere de juvenili ætate sentiendum: hæc quippe, ut vir nobilissimus observat, est continua quædā ebrietas & febris quædam rationis, quæ ipse, audacia, & jugi ambitione agitur.

2. Cum affectus sint motus quidam naturales non voluntarii; siquidem nobis insciis, &

in-

invicis plerumque perficiuntur, ii potissimum ab iis pendent nervis, qui ex cerebello orti in cor, pulmones, & viscera sparguntur. Sic par vagum, uti & nervus intercostalis variis in locis cordis & pulmonum vasa complectuntur, & stringunt, ut sanguinem modo promoveant, modo retardent, ut passio quæque exegerit. Multis etiam in locis cū iis nervis qui à cerebro oriuntur, & imaginationis subduntur imperio, ineunt commercia, ut ad diversas imaginationis ideas se se accommodent. Hinc nervus spinalis ad cerebellum usque conscendit, cum pari vago conjungitur, mox ab eo discedit & in cervicis, ac brachiorū musculos spargitur: hinc juxta diversos passionum instinctus cervicem & brachia movemus. Sic intercostalis ex singulis vertebrarum nervis ramū mutuatur. Quare in omni affectu paulo vehementiori sanguis & spiritus nō in cerebrum modo, ubi idea objecti depingitur, sed in alias quoque corporis partes diffunduntur, ut corpus in eo sit & habitu quem affectus exigit, constituent. Hinc non vultus tantū, os, frons, oculi, ubi rami quinti paris, cujus tanta est cum intercostali societas, sparguntur: sed etiā vox ipsa manuum, cervicis, & totius pene corporis motus animi commotionem produunt, & adjuvant.

3. Quo spirituum & sanguinis motus juxta ideam conceptam, & affectum animi certa lege dirigatur, arterias ipsas nervuli variis in locis stringunt; cumque uberiore sanguinis & spirituum copia cerebrū indiget, tum arteriis quæ in reliquas partes corporis sanguinē mittunt, constrictis, uberior sanguis in caput propellitur. Cōtra evenit ubi minus sanguinis aut spirituum in cerebro requiritur: tum enim cō-

strictis arteriis quæ in caput feruntur, reliquæ sunt laxiores: parcior quoque è corde sanguis erumpit, quod vasa cordis, nervorum qui ea circumligant ope, stringantur arctius. Hinc pallet vultus, ac sæpe totum corpus spiritibus destitutum tremit.

4. Cum duo sint affectuum genera, alii in voluptatem, alii in tristitiam desinant, prioris generis affectuum hi sunt fere motus & characteres.

1. Si quid jucundum aut mirabile, & inexpectatū se se imaginatrici offerat, statim cordis sinus, seu ventriculi dilatantur, nervorum scilicet beneficio, qui ibi sunt multiplices, & animi jussa in momento exequuntur. Sanguis celerius per pulmones trajicitur; expiratio fit frequentior: cum scilicet diaphragma seu septū transversum quod indefinenter sursum deorsumve pellitur, & præcipuum est respirationis organum, pulmones velut ictibus repetitis urget, sanguinem è vasis pulmonum protrudit; aerem sæpe cum strepitu elidit: hinc cachinni, in risu maxime, qui exsultantis lætitiæ effectus est. Vnde varii museulorū in facie motus, quod magna sit inter diaphragmatis, & maxillarum nervos consensio.

2. Itaque in risu, cum res non injucunda & inopinata accidit, præ admiratione, & attentione tolluntur supercilia, frons relaxatur; quique genas & labium superius movent muscoli, per consensum attolluntur, diaphragma movetur celerius, plurimum aeris inspiratur, qui totus & simul exire nō potest: unde & subultim excussus sonum illum in ridentibus usitatum efficit.

3. Sic in lætitia cor dilatatur, idq; uberiorē excipit & emittit sanguinem; hinc rubor in facie,

cie, dum arteriæ plus afferunt sanguinis, quam venæ referre queant. Vnde micant oculi, & corpus totum inavi calore perfunditur.

4. Id vero commune est affectibus qui in voluptatem terminantur, ut sanguinem & spiritus vehementius commoveant, atque in partes exteriores propellant: ut in amore, cupiditate, spe, audacia videre est; nec cujusq; affectus characteres nunc vacat describere, cum id jam viri doctissimi præstiterint, per pauca duntaxat ex infinitis prope attingemus.

5. In amore, si quis sit, ab omni alia perturbatione liber, vis imaginatrix circa rei quæ delectationem afferre potest, imaginé tota occupatur; quare altum in cerebro imprimitur vestigium; magna spirituum copia eo confluit, cerebri fibræ vehementius concussæ alias sibi coherentes in ejusdem motus societatem vocant: hinc quæ sunt cum re amata conjuncta, eodem amore complectimur.

6. In cupiditate spiritus, & sanguis à corde in totum corpus, & in artus maximo cum impetu feruntur: nam specie objecti anima permota in illius persecutionem nititur; unde inquietà est cupiditas, atque ex ea motus pene omnes oriuntur.

7. Sic in spe imago aut opinio boni spiritus in cor emittit; quibus anima ad agendū erigitur: hanc plerumq; subsequitur audacia, in qua est magna pectoris contentio, plenior inspiratio, spiritus vehemens & sonorus; caput sese inflato collo obfirmat, ac demū elatis superciliis, corrugata fronte, defixis oculis, vultu truculento & minaci se prodit. Atque hæc magna ex parte pectoris tensionem consequuntur, ob musculorum & nervorum consentum.

8. Quædā audaciæ species est insolentia &

im-

impudentia. Insolens alios reprimat, se se effert
jactantius: impudens excusso omni infamiae
metu, nulla decori habita ratione, quidvis aut
dicit, aut facit. In iis omnibus vitales functio-
nes, cordis, pulmonum, thoracis, & diaphrag-
matis motus, spirituum quoque & sanguinis aestus
intēiores fiunt, aut crebriores. Hinc pulsus aut
concitator, aut major; vox ipsis affectibus ac-
commodata; calor toto diffusus corpore, rubor
in facie ex uberiore sanguine. Atque ut motus
sanguinis ipsis affectibus attemperetur, cordis
& pulmonum vasa surculis nervorum ita strin-
guntur, ut juxta passionum impetus vasorum
ora aut arctentur, aut referentur, ut variae ani-
mi commotiones exegerint.

9. Sic in pudore quem Aristoteles definit do-
lorem & confusionem quandā circa ea quae fa-
cere ad existimationis lēSIONEM videntur, fit
rubor in facie ex perturbata primū phantasia,
tū ex spiritibus cerebri in cor tumultuario ir-
ruentibus. Hinc enim aut sanguis effervesceat,
aut tāto impetu ad extremas quae in vultu sunt,
arteriolas impellitur, ut eum venulae referre
in cor non possint: unde in facie restagnans
ruborem efficit.

10. Audaciam ira plerumque comitatur. In
haec perturbatione cor & sanguis cōtrariis ve-
lut motibus, doloris ex accepta injuria, & vo-
luptatis ex meditata ultione sic agitantur, ut ex
ea lucta feruor quidā sanguinis & igneus calor
oriatur. Hinc saepe vultus rubet, ardent oculi,
pulsus & crebrior & vehementior. Audacia
quoque animum addit, & magna vi ultionem
aggreditur. Hinc tolluntur supercilia, frons
adducitur, Labiorum diductio, dentium com-
pressio, defixus obtutus audaciam, indignatio-
nem, & furorem indicant; fortes minus irasci
solent,

solent, quod se contemni tam facile non credant, quam debiles & propriæ infirmitatis conscii. Nunc ad oppositos affectus veniendum.

1. In tristitia, aversione, metu, desperatione, pusillanimitate, & segnitie sanguis rarior è corde in corpus manat: hinc pulsus in tristitia tardior, & minor; pallent genæ; pauciores spiritus gignuntur, corpet lingua, pectus contrahitur; diaphragma non succussim ut in risu, sed uno renore, & lento deprimitur: sæpe fiunt gemitus & suspiria, cum sanguis nimium in pulmonibus restagnans magna expiratione propellitur. Cum enim rei noxiæ aut præsentis aut imminentis imago animû percellit, hunc sæpe adeo totum occupat, ut ne vitales quidè functiones spirituum inopia rite obeat. Hinc motus cordis intercissus; partes exteriores sanguine & spiritibus fraudatæ labascunt, artus tremunt; vox ipsa tremula, intercissa plerumque, & debilis respiratio.

2. Ut lætitiâ risus, sic tristitiâ lacrymæ plerumq; consequuntur: cum enim humor qui palpebras, & globum oculi proluit, ex tristitia, aut alio affectu est uberior, tum lachrymæ dicuntur. Ea vero feri copia è venis exprimitur, cum per fibras, aut nervulos contrahuntur: tû enim cōstrictis venulis plus feri per glandulas percolatur; in omnibus autem glandulis sunt ductus, seu vasa quæ ferum percolatum excipiunt. Cum lachrymas reprimere in nostra, ut plurimû potestate situm sit, palam est eam venularum constrictionem, quæ fit in glandulis, nervorum, qui sunt in iis partibus copiosi, & spirituum animalium ope effici. In ira quidè & lætitiâ sanguis à corde manat uberior; sed præ tristitia mediî venarû ductus in facie potissimû & oculis stringuntur. Hinc illa musculorum

rum inter flendum contorsio. Sed neque animi æstus, nec vasorum contractio ad lacrymarum profusionē sufficeret, nisi materia in ipso sanguine his procreandis esset idonea: unde & lacrymæ interdum sistuntur, assumpto potu mox redituræ: magna etiā sanguinis copia in cordis sinum dextrū illapsa serum uberius suppeditat. Hinc crebri gemitus, rubent genæ, & facies intumescit: pueri, senes, mulieres facilius lacrymantur, quam mediæ ætatis viri, quod forte in illis sanguis sit serosior. Atq; hi sunt præcipui affectuum characteres, & motus qui ad Physicam pertinent, quique à nobis omnino prætermitti non debuerunt.

DISPV TATIO II.

De altrix facultatis functionibus & organis.

DE motu cordis & sanguinis, quo vitæ continetur fuisse diximus, sequitur ut alias vires animæ sentientis, nutritivam scilicet, & plasticam quam brevissime poterimus, decurramus; cumq; altrix facultas in præparando sanguine ex alimentis maxime consistat, primum dicendū nobis est de chyli in ventriculo præparatione, tum de illius per venas lacteas & ductum thoracicum perfectione, & in sanguinē conversione: deinde de sanguinis per hepæ, lienem, renes, aut alia viscera percolatione; & expurgatione, tum de ipsa nutritione agendum est,

QVÆSTIO PRIMA.

De prima chyli præparatione seu de digestionē.

CUm sanguis inter circulandum partē aliquam sui alendo corpori impertiat, dum pars illius multo maxima, aut per insensibilem perspirationē diffatur, aut in urinam, sudores, & alia facescit excrementa, aut demū in spiritus exaltatur: necesse est ut novo comœatu ex alimentis subinde reparetur: quibus autē gradibus aut organis alimenta in sanguinem commutentur, explicare ingrediamur.

Primum itaq; cibus alendo corpori necessarius dentibus atteritur, saliva quam glandulæ ore contentæ ac potissimū maxillares suppeditant, exsolvitur; per œsophagum, seu gulam demittitur in ventriculum: nec tantum suo pondere. (Nam in plerisq; animantibus cibus, aut potus in ipsa deglutitione ascendit:) sed musculis faucium, laryngis, & œsophagi in unum conspirantibus delabitur. Vnde aperto ore, aut exerta lingua deglutire non possumus. Sublata igitur linguæ radice, laryngis parte summa occlusa, per illius operculum cartilagineum, seu Epiglottidem velut subjectum pontem cibus in gulam, seu in œsophagum demittitur. Oesophagus tanquam saccus, ut Harvæi exemplo utar, ad implendum attollitur, & ad excipiendū dilatatur. Cibus saliva perfusus facilius decedit, nec parietū œsophagi asperitate retinetur. Omnes hi motus cum ex ordine, licet à diversis organis perficiantur, unū tamen motum, & unam actionem, quæ deglutitio dicitur, omnino efficiunt. Non aliter fere atque
in

in cordis motu accidit, qui teste eodē Authore est deglutitio quædam & sanguinis è venis in arterias transfusio. Nam motus cordis & auricularum licet alternis fiat, unus tamen & idem videtur; cumque cor se se erigit, undulatione quædam se contorquet.

Id vero fiet luculentius, explicata ipsius œsophagi, & ventriculi structura. Ille quidem, ut diligenter præter cæteros nuper exposuit Thomas Vvillis, triplici constat tunica, quarum intima tota est nervosa & exquisito sensu instructa, ut quæ grata sunt ab ingratis secernat. Hinc intima sui superficie villosa apparet, & quasi lanugine quædam obducta. Eadem est & continuata cum ea membrana, quæ palatum, fauces, os ipsū, & labia obducit; immo ad ventriculum usque, & intestina ea porrigitur: sed infra orificium ventriculi crassa admodum est, & ab alia interiore facile separatur. Hinc tanta inter illas partes consensio.

Secunda œsophagi membrana omnino carnosæ est, & muscularis, quæ fibris, ut observatum fuit à Stenone, spiralibus sic instructa est, ut duplex ordo fibrarum se se interfecantiū appareat, & duas velut cochleas efficiant: adeo ut sit duplex series interiorum quæ descendunt, duplex itidem ordo exteriorum quæ ascendunt.

Tertia & extima tunica œsophago & vetriculo communis, tota est membranosa, & à diaphragmate ortū suum ducere creditur. Prima itaque & intima tunica ad sensum videtur concessa. Hinc villosa est, ut ciborum velut tincturam diutius retineat. Fibræ nervæ tum ad firmitatem, tum ad faciliorem dilatationē conferuntur. Quin etiā in his fibris spiritus animales varie moveri & expādi possunt, ut humores super-

superflui excutiantur : ut in oscitatione contingit .

Secunda œsophagi tunica est quasi duplex musculus fibræ descendentes degluttoni serviunt , ascendentes forte expuitioni & vomitioni. Primæ tunicæ præcipuus videtur usus in eo positus , ut sit firmum œsophagi involutum .

Non dissimili ratione ventriculus præter extimam membranam à diaphragmate ortâ triplici constat tunica , quarum omnium intima & villosa, & crustata est extimæ linguae membranæ non absimilis ; & iidem pene sunt illius usus : nimirum ut delibati alimenti particulas paulatim detineat ; neve tunica nervea quæ huic est proxima, ab earum contactu immediato aut lædatur, aut induretur. Quin & forte chyli reliquæ in iis velut rugis servatæ fermenti vires obeunt tum ad digestionem , tum ad famem exacuendam ; parte sui convexa, qua nerveam membranam tangit , tota est glandulosa ; nec dubium est quin ex glandulæ succum præbeant digestioni apprime utilem .

2. Media ventriculi tunica tota nervosa est , & fibris ad sensum destinatis instructa . Hæ utiq; aut inanitæ, aut irritatæ famem & sitim excitant . Innumeris quoque vasis , venis nimirum, & arteriis hæc tunica conspersa est. Nam vasa in nervosam tunicam desinunt , interiorē eius partē rubore perfundunt, & quasi reticulo sanguineo obducunt . Nec calorem modo ventriculi fovant : sed arteriæ quoque humorem quemdam afferunt , seu fermentandis, seu dissolvendis alimentis idoneū . Hic cum chyli reliquiis in crusta villosa hærentibus ventriculi fermentum efficit. Neq; illud abhorret à vetustumili, venas subtiliorē chyli portionem for-
bere

here, & ad cor deferre. Hinc interdum citissima fit refectio, antequam chylus per innumeros anfractus primum ad venas lacteas, tum ad cor perferatur.

Tertia tunica, & carnosâ fibris carneis constat, quæ ventriculû contrahunt; sive eû comprimant, adeo ut pars illius infima ad supremâ adducatur: quod per fibras descendentes perficitur; sive unum orificiû alteri accedat, quod fit per fibras transversas. Duo quippe sunt ventriculi orificia; unam ad lævam positum, & cû œsophago continuatû, per quod alimenta demittuntur: tunica œsophagi nervosa ad hoc usque orificiû protenditur, & varii nervorum plexus in eam partem sparguntur. Hinc sensus illius adeo exquisitus, & magnus cum cerebro & præcordiis consensus.

Alterum ventriculi orificiû priori pene parallelum, ex lato in angustum colligitur, & in duodenum intestinum retorquetur; ac pylorus solet vocitari. In utroque orificio tunicæ sunt multo crassiores. Cû incipit contractio in lævo orificio, tum fit vomitus: cum in pyloro fibræ contrahuntur, tum chylus in ipsa intestina exprimitur. Atque ut contenta ventriculi tunicæ nerveam varie afficiunt, chylus aut retinetur, aut expellitur.

His explicatis facilius intelligemus quomodo fiat digestio; an calore solo, an fermentatione quæ ab acido succo profluat, & utrum hic succus à liene dimanet. Sit itaque

Unica Conclusio.

Digestio non solo calore, sed fermentatione quadam fit, aut dissolutione. Fermentum vero illud non à liene, sed potius à glandulis ventriculi.

triculi, chylo superflite, & saliva proficiscitur.

Prima pars cōclusionis facile probari potest; neque enim tantus est calor in vētriculo canis. V. gr. qui ossa digerat; & si is adesset, quantus in animali maximus esse potest, vix per aliquot menses hoc operis perficeret.

Confirm. In piscibus ventriculus ipse vel ipso tactu frigidus percipitur: & tamen integros pisces digerunt, ut cernere est in Lucio pisce, V. *un Brochet*. Ac si illius ventriculum attente consideres, tum id liquebit partes piscis devorati quæ primum digerantur, ventriculum majoris piscis tangere, & succo mucoso, qui sudoris instar è tunica ventriculi exsudat, madere. Quin & materia illa mucosa cum partibus digestis per pylorum continenter exprimitur.

Ex quibus pars secunda conclusionis liquet, succum digestionis opificem ex arteriis delapsum, & percolatum, per apertiores interioris tunicæ meatus extillatum digestionem efficere, quam calor nonnihil adjuvat, sed solus non efficit. Et sane id videtur necessarium, ut humor ille quo cibi subiguntur, non aliunde quam à corpore dimanet, ut sit corpori ipsi familiaris, non alienus. Vnde potus, quo cibi duriores diluuntur huic muneri non sufficit: sed & ipse eget succo illo mucoso quem interior ventriculi tunica suppeditat. Nam & vomitu ejicitur crassior, nisi forte male affecto ventriculo digestio ipsa sit languidior: tum enim & acidior & liquidior evomitur.

Confirm. Ex ipsa ventriculi structura. Quorsum enim tot glandulæ in tunica ventriculi crustosa? profecto nunquam ex adsunt nisi liquorem aliquem ab arteriis exfugant. Et quidem

id verisimillimum videtur, hoc, quidquid est, quo cibus subigitur, salinæ esse naturæ, seu acidum sit, seu acre, seu ex utroque temperatum. Nam id valde penetrans est, & actuosum, quod ossa & duriores cibos tam cito exsoluit.

Quare potu, humore acci, & salino in ventriculo imbuti cibi in cineream, & tenacem abeunt substantiâ; reliquæ itidem alimentorum, quæ rugis ventriculi hærent, & salivæ accessu spumulosiores factæ fermentum ex farinæ massa paratum utcumque referunt, saliva ipsa quæ multa aqua, paucio sale volatili, & spiritu constat, quæ utique promovendæ fermentatoni sunt maxime idonea; ea oritur idem moderatus qui ventriculū fovet, liber halitibus exitus fermentationis opus non mediocriter ajuvant: Nam ad fermentationem hæc præcipue requiruntur, aqua copiosa, calor mediocris, & aeris liber aditus.

Hinc vina acidula, cujus generis est Rhenanum, quod multo phlegmate abundat, longe citius fermentescit quam vinum Hispanicum. Quique frigido aeri exponantur liquores, aut calore omni destituuntur, aut valis occlusis continentur, vix possunt fermentari.

Postrema cōclusionis pars facile probari potest, acidū illud fermentum a liene in ventriculū non derivari. Nihil enim per venā illam, quā vas breve appellant, in ventriculū deduci leges circulationis sanguinis omnino persuadent. Nam venæ splenicæ rami omnes in communem venæ portæ truncum revehunt sanguinem: in ipso quidem itinere quidam ramuli ex ventriculo, & liene prodeuntes in majores, fere ut rivuli in fluvios confluunt: sed nullum esse per vasa inter lienem & ventriculū commercium, circuitus sanguinis, & opposi-

te valvulæ omnino evincunt. Hinc canes qui exsecto liene adhuc vivunt, non minus sunt voraces quam si lienem haberent integrum. Præterea nullus succus acidus, aut melancholicus in liene reperitur; atque is succus omnino est commensuratus.

Sed, *inquit*, nullus ejusmodi succus in ventriculo reperitur, aut acidus, aut falsus, ac si quis sit, per arterias aut venas is affertur, & maxime è liene, qui vulgo creditur melancholicæ sedes.

Resp. Peritissimos Chymicos non ignorare quædam esse dissolventia pene insipida; quin etiam saliva, quæ dissolvens est quasi universale, neque expertus est omnis aciditatis, cū hydrargyrum sistat, & massam farinaceā fermentet, tamen vix ullū saporē acidum præ se fert.

QVÆSTIO II.

De chyli in vasis lacteis motu.

CHylus in ventriculo formam pultis viscosæ & tenacis præ se fert; isque sensim continuata fibrarum contractione per pylorum in tenue protruditur intestinum. Hinc in jejunum & alia intestina deferitur; atq; in ipso transitu à venis lacteis quasi exsugitur; per quas in commune receptaculū à Pecqueto feliciter reperiuntur, tum in ductum thoracicum promovetur. Quo autem modo id perficiatur, jam explicare ingrediamur.

Ac primum illud est observandum, venas lacteas, quæ puriorē chyli partē ad se trahunt, exiles admodum esse, & tenues: sed eorum exiguitas numero pensatur. Hinc tantus est intestinorum ambitus, ut plures lacteas excipiant.

quin

quin & motu vermiculari, quem peristalticum vocant, quique in dissectione animalium aperte cernitur, sese contrahunt intestina, quo chylus deorsum protrusus ad sinoulas lacteas sisti possit. Hæ quidem quod sibi aptum est, sumunt, dum pars crassior & inutilis secernitur.

2. Illa purioris chyli à crassiore secretio duplici quidem ratione explicari potest, mechanica nimirum & chymica. Ab illa cum sit intellectu facilior, incipiendū: sed prius de intestinorum structura. Ea quidem membranis constant quæ ventriculi tunicis pene sunt con- similes; intima itidē eorū tunica rugosa est & crispata; ut paulo diutius chylū retineat. Hanc excipit nervosa venis itidē & arteriis conspersa, omni genere fibrarū instructa. Huic succedit carnosā duplici constans ordine fibrarū; interiores sunt annulares, quibus intestina comprimuntur, superior series fibras rectas completitur. Utraq; contracta intestini profunditatē & longitudinem coarctat, simul & contenta antrorsum urget: adeo ut motu illo sensim succussa intestina chylum, & feces paulatim promoveant. Sensus exquisitus nervæ tunicæ carnosas fibras ad hunc motum determinat. Fibras nerveas etiam irritant chyli reliquæ, quæ puriore parte chyli expressa molestæ sunt. Hanc irritationē augent tum alimenta incongrua, tum etiam pharmaca, aut interdum perturbationes animi violentæ, quæ spiritibus animales confundunt. Extima tunica ut in ventriculo, sic in ipsis intestinis tota est membranosa.

3. Intestina omnia mesenterii. V. *la Fraize* margini rugoso, & in plicas collecto connectuntur, & coarctantur; ac fibrarum annulariū

tendines in eam partē definunt . Sic intestina in parvo spatio citra confusionem , motu lento & successivo ab uno termino ad aliū paulatim moventur; tum lacteæ venæ quæ obliquo ductu inter intestinorū tunicas feruntur , ut ureteres inter vesicæ membranas, chylum excipiunt : ut per apertos in ipsi is intestini tunica & interiores poros percolatione quadam illabitur. Quod utique cum fieri ubi contractionis motus interpellatur, satis videtur probabile. Nam contractis intestinis arctatur meatus, nec chylus lacteis subit ; nisi cum meatus fiunt apertiores , Itaque motus peristalticus chylum in lacteas non trudit : sed eum à ventriculo, & intestinis deorsum pellit, & jam lacteis receptum versus commune receptaculum urget .

4. Ut chylus in tam exilibus vasis liberius fluat , provisum à natura fuit per succum pancreaticum , qui tenuis cum sit , & diaphanus eundem habet usum quem lympa , seu saliva ex oris glandulis expressa : hæc quippe cibum diluit, ut facilius in ore volui, & demitti in ventriculum possit : ita cum pancreatis quod ventriculo subjacet, structura sit eadem quæ glandularū, & nihil à saliva diffideat illius succus ; utriusq; usus viderur consimilis. Unde si forte pancreas induruerit , nec lympham suam effundat , chylus non satis dilutus in lacteis stagnat , neque eas præterlabitur.

Atq; hæc est mechanica & apertior chyli per lacteas traducendi ratio; quam tamen altera ex ipsius chymicæ penetralibus desumpta multū illustrat. Et quidem eo tendit natura in chyli fermentatione, aut præparatione, ut partes fluidiores à crassis & viscosis secernat . Quod ut consequi possit , chymicum , ut ita dicam , adhibet artificium . Nam aliquid admiscet, quod visco-

viscosis chyli partibus affine eas divider ab iis quæ sunt liquidiores, quo hæ solutæ & liberæ perspongiosam, & intimam intestinorum crustam percolentur. Bilis itaque per ductum communem a vesicula fellis delapsa in duodenum intestinum, quatuor circiter digitis à pyloro effunditur. Sal lixiviosus qui in bile plurimus est, nimiam chyli visciditatē frangit: adeo ut purior chyli portio à vinculis illius quæ viscidior est, facilius se se expediat: tumquæ succus tenuis qui à pancreate continenter delabitur, chylum magis diluit, & parti illius fluidiori se adjungit: dñ bilis pars major cum alvinis fecibus una excernitur. Sed ad lactearum structuram & usum veniamus.

«. Venæ lactæ in glandulas mesenterii tendunt: sed priusquā ad eas perveniant, in plures abeunt venulas, quæ in ipsis glandulis pene obliterantur. Verū egressæ jam coeunt in majores ramulos, donec in chyli receptaculum, ut fistulæ plumbeæ in castellum aquarum desinant. Quorsum autem in glandulis ea vasa quodammodo absumuntur? An forte chylus in iis alteratur, & fit liquidior? Sed illud dijudicari nō potest ante quam de structura & usu glandularum tractatum à nobis fuerit.

Ac primum satis commode glandulæ in cōglomeratas, & conglobatas à recentioribus dividuntur. Illæ sunt molliores, & ex infinitis glandulis, tanquam uvæ ex acinis constant; eæque inter se per vasa capillaria, & tenues admodum membranulas nectuntur. Hujus generis sunt pancreas in abdomine, tymus in thoracis cavitate, maxillares, & aliæ hujus generis permultæ; eæque ut plurimum vasis excretoriis donantur, ut in pancreate ductus est amplius qui per illius longitudinem producitur, qui-

que Vvisurgi canalis, ab illius inventore vocatur.

Cōglobatę glandulę sunt texturę firmioris : hujus generis sunt axillares, & mesenterii glandulę : atq; ex iis omnes lymphę ductus oriuntur, cujusmodi sunt venę lactęę. Nam eadē est lymphę ductuum & lactęarum structura; innumeris donantur valvulis, & succus in iis ut in venis à circumferentia ad centrum, seu à ramis ad truncum progreditur : cumq; lactęę, & ductus thoracicus chylo sunt vacua, lymphā pellucidam in ductum thoracicum ex vehunt. Hinc chylus digitorū pressione facile in glandulas mesenterii impellitur, nec retro remeare potest; ac ligatę venę lactęę versus glandulas mesenterii statim detumescunt.

Omnes itaque lactęę in commune chyli receptaculum prope lumbos positum sese exonerant. Cumque ex venę non nisi aliquot à partu horis candidę appareant, non dubium est quin ex chylo turgēant. Quamquam etiam inter peritissimos recentiores dubitatur, an pars chyli per venas mesaraicas ad hepar deferatur : adeo ut pars tantū serosa per ductū thoracicū ad cor recta perveniat : ut pars sulphurea per venas mesaraicas in portę truncum, hinc in jecur deferatur. Sed longe probabilius est chylū omnē aperto itinere in ductum thoracicum ferri. Vnde cum in cane vivo ductus thoracicus à viro doctiss. Louvero ungue disruptus fuisset, consuto vulnere paucis post diebus canis extinctus est. Aperto cadavere pectus chyli duabus, aut circiter libris refertū apparuit : ac sanguis post alterū ab illo vulnere diē detractus nihil habuit chyli : venę itidem lactęę chylo turgidę apparuerunt.

Quamobrē chylus per venas lactęas in commune

71 mune receptaculum deferitur : hinc in ductum
 1 thoracicum, ex quo in venam subclaviam, tum
 1 in venam cavam, ac tandem in dextrum cordis
 1 finum contendit. Commune vero illud recep-
 1 taculum eo loci est constitutum, ubi diaphrag-
 1 matis tendines spinę dorsī alligantur, ut cōtra-
 1 cto diaphragmate, & tensis iis tendinibus chy-
 1 lus sursum adigatur. Duplex plerumque est du-
 1 ctus thoracicus, nisi è regione cordis, ubi duo
 1 rami in unum conflunt. Sed illi duo canales,
 1 tanquam duo scalę latera per intermedios rā-
 1 mos inter se communicant. Eo quidem facta
 1 est illa canalis thoracici divisio, ut uno obstru-
 1 cto alter usui esse possit. Quare in venam sub-
 1 claviā duplici, aut interdum uno, sed amplo
 1 ostio is se se exonerat. Verum ne sanguis in-
 1 ter descendendum per venam in eum ductum
 1 exundet, huic ostio aptata est valvula, quę
 1 sanguinis in canalem thoracicum prohibeat in-
 1 gressum.

Hinc chylus, ut diximus, ad cor perfertur;
 & sepius cum sanguine circulatus naturam ip-
 sius sanguinis induit. Vnde si quatuor, aut
 quinque horis post largiorem pastum detraxe-
 ris sanguinē, is multo lacte, aut chylo abunda-
 bit. Quod si longius tempus expectes, is fere
 totus in serum commeabit. Hoc tamen utriq;
 liquori commune est, ut leni admotus igni
 concreseat.

Hęc fere à recentioribus circa nutritionis
 organa sunt observata : quibus nonnulla addi
 possunt exiis quę Solertissimus du Vernay pau-
 cis abhinc annis inter disseccanda omnis gene-
 ris animalia in Regia Acadēmia deprehendit,
 quęq; anno proxime elapso in Regia Burgun-
 dia maxima ex parte publice demonstravit.

Primum, interior œsophagi tunica cernitur

innumeris confpersa glandulis, adeo exiguis ut sub oculos nō cadant, nisi ea tunica nervosa divulsa luci opponatur: tum enim illa granula subalba cōspiciuntur, multo minora bombycum ovīs. Vnumquoq; granulum suo vase excretorio donatur, cumque intus premittitur membrana, succum roridum per ea vasa exprimit. Et utique glandulæ in cane, in fele Zybetica, vulgo *la Civette*, magis sunt conspicuæ, sed in omni genere quadrupedum, & in avibus etiam reperiuntur.

2. In eror veni riculi tunica innumeris foraminulis pertusa præsertim in parte sui inferiori cernitur. Atque ubi ea foraminula comprimuntur, humor quidam ex iis paulo viscidior secernitur: adeo ut foraminula nihil videatur esse præter ostiola vasorum, quæ excretoria dicuntur, nec minus ea sunt conspicua in ventriculo felis zybeticæ, quā in glanduloso avium stomacho. Quare satis illud est verisimile intimā illā membranā esse quoddā genus glandulæ continuæ, nō conglomeratæ, aut ex variis granulis conflatæ; ac forte fila tenuissima quæ partem superiorem ejusdem membranæ obducunt, cum non sint fibræ carneæ, totidem sunt glandulæ suis vasis excretoriis instructæ. Nam pars dimidia & inferior illius membranæ est corpus glandulosum: neque ulla est ratio quæ partem superiorem alterius esse naturæ nobis persuadeat: quamvis tubulorum exiguitas nos forsitan fallat: sed basis cujusque villi qui ad perpendiculū membranæ insistit, est glandula.

3. In tenuibus intestinis plexus glandulosi ovalis plerumq; figuræ cernuntur: horū bases tunicæ nervosæ adhærescunt, apices in membranam interiorem & villosam desinunt; atq; exteriorem mori superficiem satis apte exprimunt.

munt. Cujusq; plexus areola complures glandulas complectitur: viscosus humo. ex his compressis egreditur: crebriores sunt in illo intestino, maxime prope illius extremum: nunquam in ea parte intestini quæ in cæco adhæret, conspicitur, sed in parte illius opposita. In sue hi plexus glandulosi magis sunt conspicui. In crassiorum intestinorum interior e membrana, lenticulæ similes, & separatæ videntur glandulæ; neque ut aliæ, sunt perforatæ, sed in earum medio situs est angustior, & quo humor viscidus & crassior magna vi extrahitur.

Multa onusto quæ ad Anatomicos pertinent, ea duntaxat attingo, ex quibus lux major Philosophiæ afferri & alticis facultatis functiones facilius explicari possint. Itaque illud vero proximū videtur, quod idem vir peringeniosus colligit, eas œsopnagi, & ventriculi glandulas suppeditare succum qui alimentis dissolvendis est idoneus: nec necesse est illud velut menstruum ex arteriarum tunicis per transpirationem exsudare, ac ne alimenti quidem reliquias, quæ vices fermenti obeant arcescere opus forte non fuerit, cum causa hujus dissolutionis satis sit manifesta.

Quare liquor ex his glandulis profluens iisdem pene viribus quibus saliva, præditus est. Est enim saliva velut menstruum quoddam, aut dissolvens universale, quod non est uniusmodi, sed varium & multiplex, uti jam superius innuimus. Hinc alia tenuis est, & penetrans, alia densior, & viscidior, eaque ex variis velut contribuscatet. Quandam nuper glandulam D. du Vernay in inferiore parte orbitæ prope magni oculi angulum deprehendit ex earum genere, quæ conglomeratæ dicuntur: quod ex inflammatis velut granulis cōstent: plurimos ea ramos

ex iis vasis quæ irrigando oculo destinantur, excipit; ac parte sui inferiore vas excretorium mittit exile admodum, quod superiorem maxillam penetrans oblique in tunicâ oris interiorem inferitur, & pone dentem ultimum & molarem desinit: humorem præbet subalbum & crassum, qui cum aliis oris liquoribus, seu dissolventibus commistus digestioni ipsi, & primæ ciborum exsolutioni servit. Vtrum ea glandula in homine reperiatur, nondum observare potuit. Id unum volumus magnâ esse vim salivæ & liquorum qui ex oris, & oesophagi & ventriculi glandulis exstillantur; in cibis dissolvendis: adeo ut saliva ipsa pene menstruum, seu dissolvens universale dici possit: hinc farinæ massam fermentat; hydrargyrum, ut pleraque; acida, & austera sistit; cutis vitia sanat, gingivas sæpe exulcerat, & dentes carie inficit; vestigium cupri lapidi Lydio inustum delet.

2. Alimenta quidem in ore, & oesophago, & ventriculo exsolvuntur, sed in chylum non abeunt, nisi in tenuioribus intestinis. Nunquâ enim in ventriculo chylus, seu lacteus humor occurrit, sed dissoluta duntaxat aliméta ibi offendimus, quæ plerumque cinereum præ se ferunt colorem. Hinc nullæ è ventriculo venæ lacteæ oriuntur: nec dubium est quin spiritus animales ejus dissolutionis sint præcipui artifices: hinc à prandio horror quidam, aut sopor plerumque subsequitur, & abhorrens à studiis animus, quo spiritus digestioni vacent, ilque per magnû parvis vagi ramû, qui in ventriculû spargitur, è cerebro & cerebello continenter manant. Vnde non mirum si pauciores spiritus in cerebro sint supersistentes. Hinc magna nervorum copia in stomachum diffunditur, qui non exquisiti modo sensus, sed multo maxime dige-

digestionis causa eo in loco profeminati videtur. Hinc tot nervorum rami tres ruminantium animalium primos ventriculos intus penetrant, quod crurioribus utantur alimentis.

3. In tenuibus intestinis chylus perficitur, hunc non bilis solum, & succus pancreaticus; præparant, sed etiam succus e glandulis intestinorum expressus. Vnde animalia quæ alimentis coctu difficilioribus vescuntur, majore copia earum glandularum donantur.

4. Liquor etiam viscidior, qui ex his glandulis, & maxime ex iis quæ crassioribus insunt intestinis, exprimitur, intestinorum cava obducit, ne quid a salinis & acrioribus excrementorum particulis detrimenti patiantur. Sed de his tantum.

QVÆSTIO II.

De sanguinis in hepate liene, & renibus percolatione.

C Hylum in venis, & arteriis potissimum in sanguinem converti, ex dictis manifestum puro. Verum id nō subito, sed post multos circuitus, & varias in visceribus percolationes perficitur. Ac primū in hepate eum à bile expurgari certū est. Id vero ut nuper demonstravit Malpighius, nihil est aliud nisi major quædam glandula ex innumeris pene glandulis velut uva ex acinis conglomerata. Hoc utiq; intueri licet in hepate excocto, tū exterior membrana detracta est, idque in animantibus imperfectis, ut in cochlea, in lacertis, immo, & in piscibus clarius conspicitur. Hinc Glissonius qui Anatomia hepatis diligenter conscripsit, hepar omnino triabile naturum docet, nisi membrana à

per conzono ortæ, & vasa disseminata illius substantiam arctius devincirent. Eaque structura hepatis in animalibus recens natis, ut in fele facilius advertitur. Ac lobuli tere ut in pulmonibus inter vasorum potissimum divisiones constituti cernuntur, propria membrana involuti, & cum aliis lobulis per vasorū exiles fibras devincti: adeo ut in piscibus ea interstitia facile discerni possint, fere ut in racemo uarū grana cernantur. Arque hi lobuli ex minimis itidem glandulis, ut uva ex acinis constant; eaq; suis vasis & membranulis nō carent. Tota igitur hepatis substantia ex his velut acinis, & vasis componitur.

Vasa hepatis sunt præter nervum, & lymphæ ductus multum in ea parte conspicuos, & arteriam hepaticam, quæ pro visceris mole videtur exigua, sunt inquam, vena porta, cujus radices per abdomen suâ cœcunt in unum truncū sub jecinoris cavo. Hic truncus in varios diductus ramos sanguinē ab imi ventris regione acceptum in jecur advehit: adeo ut porta in jecore manus arteriæ obire videatur. Vnde & duplici tunica induitur, propria nimirum & aliena, quam à peritonæo cum mutuatur, cum jecur ingreditur. 2. Venæ cavæ ingens ramus propagines per totam jecoris substantiam diffusas mittit, quæ sanguinem à porta acceptū ad cor revehunt. 3. Est vas quoddam jecinori proprium, quod porus biliaris vocitari solet. Hujus propagines cum venæ portæ, & arteriæ hepaticæ ramulis, eadem capsula quasi communi involucri ubique teguntur, & arctè cum his coherentes biem ipsam excipiunt.

Quocirca hic est præcipuus hepatis usus, sanguinis nimirum percolatio, & bilis expurgatio. Nam illud, est verumminimū inter vasa quæ afferant

ferunt sanguinem, & ea quæ eum ad cor reve-
hant, minutissimas glandulas esse interjectas,
per quas sanguis percolatur, & ab excremento
biliolo expurgatur: adeo ut jecur sit instar pan-
crea is glandula quædam conglomerata, seu
composita ex infinitis glandulis inter se pe-
riles membranas, & vasa connexis, quæ membra-
næ laxiores sunt in plerisque piscibus, quo je-
cur facilius flecti possit: eæque glandulæ in eli-
xato jecinore saltem microscopio detegun-
tur.

Dixerit aliquis, nulla rubet glândula, sed om-
nes sunt candidæ, aut cineræ; moles etiam he-
patis major est quam ut glandulæ nomén sibi
vindictet.

Resp. Nec molem nec colorem obstare quo-
minus hepar sit vera glandula: cum thymus in
thorace constitutus, præsertim in junioribus a-
nimantibus sit maximus, uti & pancreas, si cū
iis quæ in palato & cute sunt innumeræ, cōfe-
rantur. Nam pro valorum magnitudine, &
propagini numero necesse fuit ut lobuli hepa-
tis essent multiplices. Nec color hepatis ruber
illi nativus est, sed à sanguine, aut aliis humo-
ribus prodit. In foetu albū, in plerisq; animan-
tibus flavum cernitur: substantia ejus mollis
est, & friabilis, ut tymus aut pancreas: nisdē
quoque morbis hepar obnoxium est, quibus re-
liquæ glandulæ. Nam ejus lobuli per sæpe sca-
rent vermibus, qui in pori biliarii ramulis fre-
quenter occurrunt, ut testatur Thomas Cor-
nelius. Quin & hi lobuli sacco tartareo inter-
dum tument ut in colli glandulis plerumq; ac-
cidit. Hinc etiam multi se hepar ex innume-
ris glandulis compositū invenisse testantur: quod
scilicet illius lobuli, qui ob exiguitatem videri
nō solent, præ cōcreto lucco majores facti sub

oculos caderent, ut in pancreatis glandulis sæpe
perusu venit.

Sed, *inquies*, quodnam est illius glandulæ
vas excretorium; neque enim id deest aliis
glandulis.

Resp. Vas illud esse vesiculam fellis cum suo
collo, & porum biliarium, qui in intestina se
se exonerat. Nō quod bilem esse excrementum
inutile arbitremur: cū nulla pene glandula in-
utile secernat excrementū: sed bilis quæ in sa-
guine est supervacua, ad alios usus adhibetur;
atque illa ut vulgo creditur, alvinas fœces sua
acrimonia propellit; pancreatis succū inertē
& lentum suo sale lixivioso, & spiritu volatili
exacuit, ac chyli à fœcibus secretionem pro-
moveret. Huc adde bilis beneficio chylum atten-
nuari, defecari, & fermentationi magis idoneū
fieri priusquam venas lacteas subeat. Vnde ex
jecinoris tumore, aut pertinaci obstructione,
primum regius, seu icterus, *V. la jaunisse*, tū
hydrops sæpe oritur: atq; in iis jecinora & du-
ra, & lapillis obsita non raro inveniuntur. Ac
sæpe vitiata sanguinis compage succus tarta-
reus glandulas occludit, aut bile ad duodenum
intestinum non delabente, crudior fit chylus,
& ad fermentationem non compositus: quod
vitium in sanguinem & lympham permanat.
Hinc feri major copia, vasorum disruptio, aut
lymphæ motus impeditus.

Bilis itaque non merum est sanguinis excre-
mentum, sed forte illius, & chyli velut quoddā
condimentum; eaque novas in chylo, & san-
guine fermentationes excitat. Hinc diversi
chyli saporés observantur. Nec fere chylus
Becqueti receptaculo conclusus à lacte diver-
sus apparet, nisi quod est paululum salior.
Vnde ex dulci pancreatis succo sale bilis lixi-

vioso, & aciditate chyli ingenita novus in chylo sapor, & gratus emergit. Quare bilis exundans sanguini est inutilis: sed ubi sanguis rite est dispositus, nec bile, nec seroso latice, aut lymphæ destituatur, fermentationem ejus tuetur ac promoveret; eumque vegetiorem efficit.

Sed quorsum vesicula, aut cystis fellea à poro biliario distincta est, si utriusque idem sit munus?

Resp. Id admodum esse probabile quod observavit Malpighius, bilem in cysti fellea, ex sanguine per arteriam cysticam allato procreari, ut ea quæ poro, seu ductu biliario continetur, per glandulas jecinoris è sanguine per venam portam delato procreatur. Nam innumerae glandulae cystis felleae membranam exasperant, quibus sanguis percolatur. Hinc bilis vesica fellea contenta crassior, & magis viscosa, quàm ea quæ poro biliario continetur, quæ dilutior est, & minus amara. Atque eandem pene rationem in oris glandulis natura inire nobis videtur. Nam præter ductus conspicuos, qui salivam in oris cavitatem, ut in vas quoddam amplum emittunt, sunt etiam aliae glandulae pene innumerae in ea quæ palatum succingit membrana, ex quibus saliva crassior & mucosior exprimitur. Vtraque tamen in communem salivæ naturam abit, qualis diluendis cibis est necessaria. Et sane qui vesicam felleam, & porum biliarium attentius inspexerit, non multum inter se ea differre facile judicabit; adeo ut porus ipse nihil esse quam vesica in arcum contracta, atque in varios ramos diducta videatur; idque non abhorret à verisimili, motu quodam vermiculari bilem è vesica & poro exprimi per fibras, carneas quibus hic ductus intrinsecus.

Quomodo sanguis in liene percoletur.

Cū sanguis in lienem per arterias irrumpat, & priusquā ipsam subeat jecur, per venæ splenicæ ramos in venam portam conmeet, dubitate non possumus, quin is elaboretur in hoc viscere, quocumque id modo fiat. Nam lienis usus adhuc in obscuro naturæ latet, quo major scriptoribus augurandi licentia fuit, cum structuram lienis ante perspectam esse oportuerit, quam de illius usu quicquam certi constitui posset.

Tria sunt in lienis stuctura diligēter inspicienda. Primo membranæ duæ cum fibris, quæ mollem hujus visceris substantiam muniunt; exterior ab interiori facile divellitur, eamque pillares arteriæ, & venæ irrigant; interior fibris conlat non temere, ut in aliis tunicis, sed miro ordine dispositis. Hæc lienis vasa priusquam in eo subeant, ut communis quædam capsula involuit: sic tamen ut qua parte nervum, & arteriam complectitur, longe sit crassior, parte vero superiore, qua venam splenicā regit, admodum tenuis existat, & in retis modum implexa, inter fibras vacua spatiola relinquat.

2. Occurrunt lienis vasa, ac primo ductus lymphatici, qui sub lienis membrana vario plexu contexti, innumeris valvulis instructi, & cū vasis sanguineis congressi retis figurā imitantur; tum in omentum producti, tandem in commune receptaculū sese exonerant & succo subflavo impleti cernuntur. 2. Arteria splenica una cū nervo & vena splenica lienem ingreditur, & communi, ut diximus capsula cum eis involuitur. Superior venæ tunica rarior cum sit, crebris foraminulis dehiscit, licet nullam ex ea parte comitem habeat arteriam.

3. Substantia lienis infinitis pene cellulis, tanquam apum favis distincta cernitur. Cum ligata arteria splenica per syphonem impletur aere, tum leni calore esiccatur.

Quamobrem lienis substantia pene ut suber innumeris constat cellulis, quæ membranosæ sunt, & sua laxitate carnem mollem, & spongiosam mentiuntur, fere ut de pulmonibus diximus. Nam ut pulmonum vesiculæ ex dilatatis asperæ arteriæ bronchiis, sic vel ex communi capsula vasorum, vel ex ductus venosi & amplius tunica mirum in modum extenuata, eæ prodeunt cellulae. Quæ vero parte faviis quisque, aut cellula venæ splenicæ ramum spectat, is per apertum foramen dehiscit: adeo ut cum venarum cellulae ubique communicent. Hinc illa in venæ quavis propagine nigra stigmata, aut foraminula; quod ab iis cavitatibus in venas quiddam derivetur. Cumque illæ velut conca-merationes inter venas & arterias interjaceant, palam est sanguinem ab arteriis per hos meatus deferri.

Postremo innumerabiles pene glandulas aut vesiculas racematim dispositas in cellulis conspici testatur idem Author, qui viscerum structuram diligentissime est persequutus, easque extremis fibris & arteriis appendi. Cum ex certis morborum generibus corporis glandulae omnes turgent, tum majores utique cernuntur, ut in puellæ liene se vidisse scribit. Hic enim totus conspicuis globulis scatero visus est.

His rite perspectis, facilius erit quiddam de lienis usu rationi consonum suspicari. Primo quiddam ab arteriis, ac forte à nervis ipsi in eas glandulas deferri; idque percolatum in venas remeare. Nam fieri potest, ut liquor nervosus, si quis

si quis sit, nova quadam vi sanguinē venosum imbuat. Hinc non absurde conjicit Sylvius sanguinē in liene perfici per spiritus animales, qui cum magis volatilem efficiunt. Aut certe uterque liquor nervosus, & arteriosus in lienis glandulis filtratur, in ejus cellulis miscetur cū sanguine, & per aperta foraminula in venam splenicam derivatur. Motum vero sanguinis in iis venis efficit non arteriarum modo impulsus, qui lentior est, ob cavitates in quas arteriolæ se se exonerant, sed etiam diaphragmatis intestinorū & musculorum lumbarium motus. Itaque ē sanguine arterioso, nervosoque forsitan succo liquor quidam per eas glandulas secernitur, eo pene modo quo lac in mammis ē sanguine arterioso, nervis, & lymphæ ductibus miro naturæ artificio separatur. Si quidē in mammis, & tubuli & sinus qui apertis ostiis inter se communicant, copiosi cernuntur; simul & lymphæ ductus, & nervi circa eos tubulos plexu mirabili in retis modū sparguntur, qui infinitas pene glandulas vasis appensas complectuntur. Ex iis glandulis lac secernitur, & in tubulos exprimitur: id enim naturæ solenne est, ut per glandulas omnem secretionem perficiat.

2. Sanguis cum impetu per arteriam impulsus in iis glādulis, & circumjectis cellulis diutius commoratur. Hinc liquore nervoso & nativa lienis substantia, tanquam novo fermento animatus, per venas remeat, eamque partium texturā adipiscitur, quæ mox futuræ in hepate bilis secretioni est accommodata. Id enim satis est verisimile lienem hepati famulari, dum aciditate sua, aut acrimonia partes sanguinis magis actuosas ad secretionem præparat. Hinc sanguis ex vi imbutus per omenti longitudinē

excurrit

excurrit ut cū reliquo sanguine à vicinis partibus refluo misceatur, & ex utroq; sanguis ad hepar perductus temperetur. Hanc conjecturam ingenitus lienis sapor, sal è liene elicitus, qui serum sanguinis turbat, naturæ ipsius consiliū, experimenta in canibus facta, cum iis lien excisus est, aut vasis splenicis colligatis, pene evanuit, omnino confirmant. Hepar enim in iis plus solito auctum est, quod lienis munus obierit. Dissecto post longum tempus abdomine, nihil vitii aut in vasis, aut in circumjectis partibus apparuit.

De sanguinis per renes percolatione.

Sanguis in renibus ab inutili sero expurgatur. Quoad id modo fiat, explicatu facilius est, postquam eorū conformatio à Bellino, & Malpighio fuit explorata. Ille enim renū substantiam ex infinitis prope tubulis compositam esse demonstravit, quos nihil esse præter glandularum vasa excretoria detexit Malpighius. Itaque pars sanguinis ab orta in emulgentē arteriam protrusa renum substantiam penetrat. Atque innumerabiles glandulæ arteriolis appēsæ cernuntur, in quibus sanguis seroso liquore purgatur, qui per tubulos membraneos in pelvim deducitur. Hi porro tubuli substantiam habent aliis vasis excretoriis, ut salivalibus, & poro biliario non dissimilem. Atque iis compressis, liquor urinosus elicitur.

Fibræ autem illæ, aut potius urinosi tubuli renum carnem mentiuntur; iique à gibba renū parte, tanquam radii à peripheria ad centrum diriguntur. Secto rene, & digitis divulgato, hæ fibræ fiunt conspicuæ, præsertim si atramento illicæ digito leniter detergantur: tum enim earum ductus oculis subjicientur, immisso per arteriam emulgentem atro liquore.

Pelvis vero dicitur ea renū pars interior & alba, in quam urinarii tubuli desinunt; eaque nihil est nisi ureteris membrana dilatata, quæ fibras urinarias excipit. Arenulæ autem in tā exiguis vasis interdum hærent, quæ aliarū accessu augentur; tumque fibras illas urinarias; quæ substantia constant dilatabili, cum nimium distenduntur, dirumpi necesse est. Hinc renum caro seu fibrarum congeries corrupta sæpe invenitur.

Quamobrem renū fibræ non sunt musculo-sæ; cum nullis tendinibus donentur, neq; elixatione minuantur, nec turgeant ut muscolum fibræ; cum molles sint, non firmæ; sunt denique tubuli, quibus versus pelvim compressis aqua exilit urinæ non absimilis.

Sed, inquit aliquis, vix explicari potest quæ ratione per glandulas & fibras tam exiles, non serum modo, & sales tam diversi, sed etiam sanguinis recrementa, abscessuum quandoq; reliquæ, & tartareæ fœces, aut filtrari, aut secerari possint. Et quidem ut machinæ quibus utimur, ut cribra, spongiæ, fistulæ lucem quandam huic rei afferant, tamen fatendum est alias esse naturæ machinas nobis incognitas, quibus incredibilia prorsus efficit; atq; illæ seri particule filtrantur in renibus quæ jam sunt liberiores, & magis expeditæ. Hinc lenis sanguinis fermentatio hanc separationū plurimum adjuvat. Cum autem ex morbo sanguis æstuat, tum præter serum aliæ quoque sanguinis sordes per urinæ vasa excernuntur.

Quin etiam fieri potest, ut partes sanguinis tartareæ, & calculi rudimenta per ureterū ramulos expellantur, aut per ipsius pelvis propaggines, quæ ad extimas usq; renum partes porriguntur, interdum sanguis ad eam deducitur.

Hæc

Hæc multo adipe illita videtur, ut serum acrius, & falsum, immo, & arenulæ facilius exturbentur. Sed & multo adipe renes ipsi, & membrana adiposa obducuntur, qui à sanguine arterioso filtratur, ut sanguinem per venas re lucem deliniat: consumpto renam adipe corpus universum contabescit, quod tum acrior sanguis alendis partibus minus sit idoneus.

QVÆSTIO III.

De nutritione, ubi de sanguinis Analysis.

Cum sanguis rite est præparatus, & ab omni excremento inutili expurgatus, tum is est ad vitam tuendam, & nutriendum corpus accommodatus. Verum antequam explicare ingrediamur quæ pars sanguinis alendo corpori sit idonea, de illius compositione pauca dicenda sunt.

Ac primum vulgatæ Medicorū opinionioni assentiri non possumus, qua sanguinem ex quatuor humoribus, bile, sanguine proprie dicto, pituita, & melancholico succo constare ut indubitatum suæ artis fundamentum defendunt. Nam serum illud subflavum, quod sanguini innatat, nihil habet cum bile commune nisi forte colorē; neque instar bilis est amarum; nec ubique se prodit: sic ater aut purpureus sanguis, qui in fundo lancis subsidit, melancholia dici non potest; cum sapore non sit acidus, sed dulcis, neq; aliud sit præter fibrosā sanguinis partem. Quinetiam aeri expositus atrum illum colorem exuit, & rubro dilutiore tingitur. Deinde quo vase profundiore excipitur, hoc major est hujus subnigri sanguinis copia.

2. In contrarium ii peccant qui in sanguine nullam esse partium diversitatem pertendunt: in qua sententia fuit Harveus, qui nullum aliud esse calidum innatum, aut humidum primigenium existimavit præter sanguinem, qui est uniusmodi, & sui similis, ex quo animal ipsum formatur. Nam eo inquit alitur unumquodq; ex quo ipsum gignitur. Idq; ut patet, non mixture quadam, aut miscibilium congressu, sed vera unius in alterum mutatione perficitur: primum enim, inquit, corporis rudimentum est simile quiddam, & uniusmodi, ex quo, velut divino jussu per divisionem, & mutationem substantialem sanguis, venæ, arteriæ, viscera, partes omnes finguntur; atque ex re simili, fit quoddam dissimile, & ex una plura. Ac frustra ad elementa confugimus, ex quibus non constituuntur corpora; neq; id ex omni parte est verum ex iis componi corpora, in quæ resolvuntur; sic enim lignum constaret ex cineribus vitro & fuligine. Contra eum tamen sit

Vnica Conclusio.

Sanguis ex variis partibus heterogeneis constat, nec quiddam est simplex & homogeneum.

Probatur Conclusio. 1. Ex crebra sanguinis fermentatione: quod enim simplex est, non fermentescit: sed quod est compositum, ut vinum, facile effervesceat: non item spiritus vini, cujus partes intestino motu agitari non possunt: ergo sanguis est liquor compositus, non simplex.
2. Sanguis in renibus serum, in jecore bilem exuit, in pulmonibus noxias fuligines, in cute sudorem, in oris glandulis salivam, aut lympham; atque hi humores in vasis una cum sanguine

guine confunduntur: ergo sanguis non est omnis expertus compositionis.

Quod si itaque anatonem sanguinis instituerel velimus, eum ex rubro & seroso humore potissimum constare comperiemus. Latex serosus & bilis, si quæ sic in sanguine aut portio chyli, aut si forte sint alii humores excrementitii, vel nondum subacti, ii quidem sunt sanguini vehiculo, aut certe succi nutritii. Ac si post cibum, aut sub primos febrium intermittentium insultus mittas sanguinẽ, is multo sero abundabit, non item post longam inedia, aut magnum urinæ profluvium, aut copiosum sudorẽ. Hinc tot morbosæ effervescentiæ: nullus enim est liquor qui citius fermentescat quam sanguis, ac merito cum vino ipso conferri solet.

Quod autem opponit Harvæus. 1. Sanguinem esse humidum primigenium; ac deniq; ex parte ovi crystallina, & ubiq; sui simili pullum fieri; eumq; adeo esse quid simile, & uniusmodi.

Resp. In sanguine esse partem aliquam albumini ovi non dissimilem, ex qua gignitur & nutritur animal; sed alias præterea in eo esse partes merito contenderim; & licet primum ovi colliquamentum sui simile videatur, non dubium tamen est quin magna sit in eo partium insensibilium varietas, ac spirituosa, imprimis substantia multum actiuosa, cui tanquam instrumento insidet vis plastica.

Contra inquit, nullus est in sanguine spiritus, ab ipso sanguine distinctus; ac sanguis pelvi exceptus si in varias partes abeat, ex quidem non prius inerant sanguini, sed per dissolutionem generantur.

Resp. Esse quiddam in sanguine quod impetum facit, ut ait Hipocrates & est quasi flamma sanguinis; atq; ut vinum suo spiritu destitutum

guinis huic liquori qui per lymphę ductus advehitur, magna ex parte referatur acceptus. Hinc sanguis variis in locis solet concreſcere, cum glandulę male ſunt affectę.

Pręcipua pars ſanguinis fibris conſtat quas cernimus, cū in aqua fervida excipitur. Cruſta extrema plerumq; deſa eſt, & alba ex variis pelliculis conſtata, cuius meatus, aut veſiculę ſucco levi, & diaphano, interdū ſubſtavo implentur. Hac velut pelle detracta ſanguinis moles fibroſa, & purpurea ſuccedit, in retis formam contexta. Huius meatus rubrę atomi complent, quo ex ſunt confertiores, hoc pleniore rubro cruorem tingunt. Hinc ater in fundo ſanguis plures melancholię ſpecie decipit, cum aeri expoſitus rubro minus ſaturo, & ſplendidiore fulgeat.

Quare illud veriſimile eſt eandem ubiq; eſſe cruoris fibroſi naturam. Hinc enim crebris lotionibus ita omni ichore, ut vocant, aut tenui liquore rubro exuitur, ut fibrę primū carnoſę, tū candidę, & inſtar retis implexę microſcopio videantur. Et quidem nuper in Batavia obſervatum fuit à viro induſtrio, quique exquiſito admodum utitur microſcopio, parti aquoſę ſanguinis globulos rubros non ſolum innatare, ſed & continuo moveri.

Sæpe evenit ut ſanguis extra capillares arterias impuſſus non eadē celeritate per novos meatus effluat. Hinc partes illius craſſiores ſiſti, & ex obſtantium preſſione conglobari incipiunt, dū rubrę, & tenuiores particulę ſanguinis viā ſibi parant, fibroſę remanent, quibus alię ſubinde adhæreſcunt, circuitu ſāguinis impedito. Sic polypi forte in ventriculis cordis & aliis in locis ex fibroſa ſanguinis ſubſtantia concreſcunt. Atque idem in polypo quod in fibro-

so sanguine evenit: elixatus enim in fibras, as-
fatus in membranulas abit, & uterque olei sul-
phuris affusione rubrum colorem adipiscitur.
Sic tubercula, & duri plerumque tumores oriun-
tur. Ex fibris enim varie implexis multiplices
tunicæ solent efformari: in pleuriticis vasa
plerumque polypis referta cōspiciuntur. Nam
in hoc morbi genere sanguis solet concre-
cere.

Cruor in venis etiam mortui animalis liqui-
dus apparet: sed acrius intuenti tuto fluido nō
dissimilis videbitur. Exiguus enim constat glo-
bulis cum sero cōfusus, & color niger ex rubris
particulis jam densatis emergit. Sic caseus ex
variis globulis compositus duritiem non asse-
quitur, donec pressione manuum, aut innato
partium pondere serum expressum fuerit.

Ac nescio an sit alia in sanguine, aut subtilior
aut magis spirituosā portio, quam quæ rubras,
& maxime attenuatas atomos per totū cruorē
dispersas efficit. In his forsitan est ille sal vitæ,
de quo ante diximus; atque huius salis sulphu-
rei. vi sanguis viget, & fluit. Nec minus est pro-
babile eū talem ex ipso aere per pulmones eli-
ci, quā ex lymphā, aut chylo per fermentatio-
nē procreari. Hæc igitur corpuscula in pulmo-
nū cribris elaborata succos qui sanguinis mas-
sam efficiunt, aut extenuant, aut accuratius mi-
scent. Vnde in cruore cum crusta est copiosior,
cum tenuis liquor minus abundat, atq; ut dictū
est is deficit in pleuriticis, in quibus huius salis
percolatio vitatur: hinc polyposæ concretio-
nes in pulmonibus.

Illud etiam quæri merito potest an serum
omne quod inest sanguini à ca. ipso dima-
net. Na vena secta post aliquot à vasti largiore
horas, serum plurimum & lactescens sanguis

innatat : quod lento igni admotū ut chylus ex communi receptaculo extractus cōcrescit. Neque alia, ut jam innuimus, est lactis origo, nisi chylus ipse per arterias à corde in mammarū glandulas protrusus, nec dum longa coctione cum sanguine confusus, sed adhuc crudior in uberum velut colatorio separatus, & in vasa excretoria quę omnibus insunt glandulis, & in tubulos lacteos impulsus. Sed ubi chylus paulo diutius cum sanguine permistus multos effecit circuitus, tum albedinem suam exiit, & tenuior factus jam serum dici potest.

Ex quibus id etiam efficitur, quod maxime rem nostram continet, partes corporis solidas saltem, quęque vulgo spermaticę dicuntur, cujusmodi sunt ossa, cartilaginee, membranę, nervi, fibrę omnes sanguinis sero rite subacto ali. Cum enim pars subtilior procreandis spiritibus accommodata in cerebro secreta fuit, quę magis viscosa est, & facile concrescit, hæc ab arteriis cū impetu protrusa partibus adhærescit; sulphurea vero sanguinis portio calorē vitalem tuetur, & conservat. Hinc ubi chylus aut reficiendo corpori est parcius, aut crudior, ut in cachecticis, seu qui pravo sunt habitu, nec spiritus ex eo gignuntur, uti neque ex vino nondum fermentato, aut vappidō, nec partes aluntur, nec suus cordi constat vigor: unde in tabidis aut cachecticis polypi, seu albę concretiones in corde, aut in pulmonibus vix reperiuntur, quod in iis succus nutritivus non facile cōcrescat. Hinc etiam aqua illa quę cor inter & ejus involucrum, quod pericardium vocant, est interfusa, quęque ex vasis lymphaticis & glandulis ad basim cordis positis originem suā ducit, in tabidis, aut in iis qui ex morbo decedunt, nō cōcrescit, ubi lento igni admovetur,

ut in sanis, & strangulatis accidit. Ex morbo enim chylus nutriendo corpori minus idoneus efficitur.

Cū autem succus nutritius interdum in cordis ventriculis ita concreſcat, ut pene abeat in carnem fibris, & vasis ſanguineis inſtructam, hinc recte colligimus partes ſucco nutritio, qui ſanguini ineſt, non ſucco nervoſo ali, ut plerisque Anglis doctoribus viſum eſt: tametiſi non inficior ſuccum illum vegetum qui nervos interfluit, & ſpirituum eſt vehiculo, plurimū ad nutritionem conferre, cum ſuccum nutritiū extenuat, & animat quodammodo. Hinc partes paralyſi affectę ſtatim tabeſcunt, quod ſucco ad nutritionem idoneo fraudentur. Nec qui magis ſunt ſanguinei, ii ſunt obefiores; quique fame, aut inedia moriuntur, multo plerumque ſanguine abundant. Addit Harvæus ſanguinē eſſe acriorem & calidiorē, nec ſatis alendo corpori idoneū videri. Verum ut iſta vera ſint de parte ſanguinis magis ſulphurea & acriore, quæ calorem, & vim tribuit corpori, de parte ſeroſa quæque eſt ovi albumini ſimilis, dici minime poſſunt.

Vter vero ſit penetrabilior ſanguis fibroſus, an ſuccus ille nutritius, dubitari etiam poteſt. Vnum tamen aut alterum doctiſſimi Doyeri experimentum magnam eſſe huius ſeri nutritii ſubtilitatem demonſtrat. Canis vivi utramque venam jugularem ligavit, tum mirum in modum illæ intumuerunt venæ, & intra duos dies quaſi angina ſuffocatus interiit. Interea copioſæ ex oculis lachrymæ, & ſaliyæ ex ore manabat. Poſt mortem & glandulas, & muſculos nō ſanguine, ſed ſero limpidio tumentes invenit: quo ſanguis craſſior intra vaſa ſua ſtagnare ſit coactus, dū ſerū per meatus ſibi aptatos, velut

filtratum viam sibi munit. Sic factò in dextro thoracis latere, paulo infra cordis regionem foramine, alterius canis venam cavam arctius ligavit. Confuto vulnere canis languescens, & sine epulatu fatiscens intra paucas horas expiravit. In dissecti canis abdomine magna sericopia visa est, quasi diu hydropè laborasset: adeo ut forte hinc hydropis causa ex parte duci possit; nequ'enim, ut plerisq; videtur, ex ruptis vasis lymphaticis hydrops semper procreatur, cū in ovibus hoc morbo laborantibus vasa lymphatica & integra, & plena idē Author invenerit. Interdū etiam evenit ut sanguis nimio sero, & eo maxime qui non concrevit, diluatur, tumque nec pulsus cordis satis vegetus est, nec sanguis facile per venas remeat. Vnde iis qui ex morbo convalescunt, aut infirmo sunt corpore, post exercitia pedes sæpe intumescunt. Stantibus enim sanguis una cum sero sursum nitī nō potest. Sed illū venæ ad cor revehent, cum in lectum eger se demiserit. Versi de nutritione, necnon de sanguinis natura & analysi satis pro instituto nostro: reliqua enim Medicis relinquimus, qui ut nobis videtur, partem Physices præcipuam, quam idcirco Physiologiam vocant, usurparunt.

DISPUTATIO III.

De partium conformatione.

Restat illud vel maximū ut de ortu animalium, & conformatione agamus: quod utique quam poterimus compendiose, sed accuratius tamen quam vulgus Philosophorum solet, tractare conabimur; ac primo de ortu insectorum, tum de pulli formatione agemus.

His enim intellectis quæ ad reliquorū animarū
lium procreationem pertinent, minime obscu-
ra futura sunt.

QVÆSTIO PRIMA.

De insectorum ortu.

Primū itaque ab iis quæ vulgo imperfectio-
ra iudicantur, ducamus exordium, & de in-
sectorum ortu dicamus. Iamq; in ipso limine
magna oritur quæstio, quæ sint insectorum pri-
mordia, utrum magna ex parte velut spon-
te nascantur, ut stirpes plurimæ, quæ ex terra
alte effossa nullo manifesto semine fruticantur.
Sit itaque

Unica Conclusio.

Illud verissimillimum videtur animantes om-
nes ex certis seminibus oriri: adeo ut ne musca
quidem aut vermis ex tumultuario elementorū
congressu prodire possit; sed ex semine in quo
vis formatrix inest.

Hanc conclusionem multis argumentis pro-
bat vir inter recentiores magni nominis Fran-
ciscus Redi. Primo enim exteriores causæ tam
opportune convenire non possunt, ut animalium
fabrificent organa, quorum structurâ nullo po-
tèst intellectu humano comprehendere; nisi saltē
vis quædam seminaria & plastica in elementis
aut in aliis corporibus delitescat. Quod cū vix
credibile sit, multo probabilius videtur omne
pene generationem esse univocā, & animantes
ab aliis ejusdem omnino generis procreari.

Hoc etiam multis experimētis idem Author
cōficere videtur: cū vasis vitreis rite occlusis

carnem corrumpendam conclusisset, ne vermis quidem ex ea putrefacta visus est emergere: cumq; velo Neapolitano, vas in quo posita erat caro, sic obduxisset, ut aer quidem subire, muscæ vero aut vermiculi ingredi non possent, ex carne corrupta nullus vermis prodire visus est: tametsi muscæ, vermes, aut ova in velo ipso reliquerint.

Itaque illud minus verum putat, quod vulgo creditum est, & exempli loco afferri solet, apes ex putrefactis tauri carnibus nasci. Ne illa quidem vera esse comperit, quæ de crinibus mulierum in vermiculos conversis, aut de serpentibus ex cadavere serpentis prodeuntibus refert doctiss. Kerkerus. Quin etiam negat ex cadavere vermes nasci, nisi forte eorum semina aliunde accesserint.

Sic fructus & herbæ vermes procreant, ubi aeri exponuntur; atque in eadem quandoque planta plura insectorum genera cernuntur. At si in vasis plantæ ita fuerint conclusæ, ut nullus aeri pateat aditus, nullos itidem vermes, etiam cum putruerint, dabunt. Ne caseus quidem in vase vitreo rite ocluso vermes profert.

Itaque illius probabilius videtur muscas in caseo ova sua interdum deponere. Cum autem interior casei medulla verminat, muscarum vermes per hiscentes subeunt rimulas, & alius quandoque penetrant, quod pabulum suum sequantur. Idque ita fieri longe verisimilius videtur, quam vermes quæ foliis herbarum inerant, in caseo apparere, eosque per tot venarum lactearum, & aliorum vasorum capillares ductus illæsos in lacte manere, uti visum est Gassendo.

Illud etiam minus videtur probabile ranas
quan-

quandoq; pluere, sed sæpe accidit ut ranula in fossis, aut aliis in locis jam natæ adeo sint minutæ, ut sub oculos nō cadant: cum ex careant pedibus, & longiore cauda sint instructæ, idq; per multos dies; neque ullo modo ranas referant: paulatim vero pedes exerunt, ac tandem exiunt caudam. Sic æstate inter dumeta & herbas delitescunt, nec facile a pulvere discerni queunt: sed cum æstate pluit, plerumq; videtur emergere. Cum in earum ventriculo cibū, atque in ipsis intestinis excrementa sæpe inveniit Author in experiendo solertissimus, optime concludit ranas tum temporis non formari; sed cum jam diu ante natæ essent, repente prodire.

Opp. In fructibus & animalibus vermes oriri qui ex aliis nasci non potuerunt. Quid enim, inquiunt, an quæ in casei superficie tam numerosa microscopio cernuntur animalcula, omnibus suis partibus apte instructa, ab aliis ejusdem generis originem suam duxerunt? Cum forte non alibi quam in caseo vetustiore cernantur?

Resp. Dubitari non posse quin ea animalcula subinde alia generent. Cum magnam alvum interdum gerant, quam probabile est multis sæpe ovis esse prægnantem.

Sed quid dicemus de iis animalculis quæ in aqua cui piper triduo infusum fuit, per eruditus vir in Batavia microscopii ope detegit, aqua illa in tubulum vitreum, vix capillo majorem sponte, ut alibi diximus, ascendit, tum vitrum microscopii apte huic tubulo applicat, atq; in aquæ guttula, quanta fere ex aciculæ apice suspenditur 30. saltem ejusmodi animalcula admodum vegeta distincte conspicit. An forte hi vermiculi ex aliis prodire: an potius ex putre-

jam vappa est, non vinum, ita sanguis spiritum exhalato cruor potius quam sanguis dicendus est, tumq; soluto suæ mixtionis vinculo in varias partes abit, quæ prius erant, sed accurate permixtæ. Quare spiritus ille aut calidus innatus, aut humidum primigenium appellatur, & est omnino cælestis. quatenus animæ & supremi numinis est instrumentum, isque est actu in sanguine.

Utrum autem sanguis sit animatus & præcipua corporis pars, id non excutio. Et quidem bestiarum animam in sanguine constituunt sacri codices; in eo vitam, incipere, & desinere, atque ante omnem organorum formationem à natura formari existimat Harvæus; adeo ut cor ipsum nihil sit nisi instrumentum, & velut organum hydraulicum transmittendo sanguini destinatum. Hinc multæ animantes per hyemem citra pulsum aut cordis motum vivunt. Sanguini vero, inquit, calor vitalis innascitur; huic pulli anima primum insidet. Nam in naturæ operibus instrumentum, & artifex juncta sunt, & copulata. Ista, inquam, non excutio. Nam partim sunt in naturæ abdito reclusa, partim ex iis quæ de partium conformatione dicemus, erunt dijudicanda. Nunc igitur partes sanguinis prosequamur.

De sanguinis analysi mechanica.

Non abs re quidam recentiores sanguinem cum lacte comparant: cum eadē pene sit utriusque natura. Nam in ovo ex lacte quodam sanguis efficitur, ac lac ipsum nihil est quā serum sanguinis ex arteriis per glandulas mammarum percolatum. Hinc lac tabidis adeo prodest, & serum sanguinis, seu aqua huic innatans, ubi testa ovi cōclusa in aqua fervida paulatim excoquitur, & colore & consistentia, & sapo-

re ipso ovi albumen refert.

Quare id satis est verisimile lac vel serū esse omnium viventium originem, & alimentum. Hinc pleraque semina terræ gremio emollita lactescunt: in mammis animalium copiosæ sunt arteriæ, quæ sero turgent, ac venæ quæ sanguinem magna ex parte seroso latice vacuum ad cor referunt, nigriores apparent.

Præcipuæ itaque partes sanguinis sunt serū, & cruor. Serum vel calore concrefcit, idque potissimum alendis partibus destinatur, utque oleosæ lactis parti analogum; vel nunquam concrefcit, idque in urinam, vel sudores abit; pars vero fibrosa & crassa sanguinis à caseo nō plurimum differt. Hinc acida pene omnia ut lac, ita sanguinem coagulant: cum sales volatiles, aut fixi utriusque liquoris fluiditatem augeant.

Verū ea est optima maturæ sanguinis explorandæ ratio mechanica, quæ ex partium figura, motu & consistentia ducitur. Nam in sanguine hæc oculis ipsis subjiçuntur, 1. corpus ipsum fibrosum, quod purpureum colorem, aut subnigrum exhibet, & præcipua est sanguinis moles. 2. Serosus liquor cujus pars melior vi caloris in substantiam sapidam, & ovi albumini non absimilem cogitur: ut quod reliquum est feri in humorem aquosum, & salsum abit. 3. Sunt partes crebro motu agitæ, & comminutæ, quæ rubræ sunt, & sanguinem eo colore tingunt. Sunt fortassis aliæ adhuc tenuiores, quæ in recens emissio sanguine sæpe nares, palatū, & linguam salso, & acri halitu feriunt, quæque ut putat Thomas Cornelius, fluiditatē in sanguine & lenem fermentationem tuentur; unde hunc salem vite balsamum appellat. Nec dubitare tamen possumus, quin fluiditas san-

guinis huic liquori, qui per lymphæ ductus advehitur, magna ex parte referatur acceptus. Hinc sanguis variis in locis solet concreſcere, cum glandulæ male ſunt affectæ.

Præcipua pars ſanguinis fibræ conſtat quas cernimus, cū in aqua fervida excipitur. Cruſta extrema plerumq; deſa eſt, & alba ex variis pelliculis conſtata, cuius meatus, aut veſiculæ ſucco levi, & diaphano, interdū ſubflavo implentur. Hac velut pelle detracta ſanguinis moles fibroſa, & purpurea ſuccedit, in retis formam contexta. Huius meatus rubræ atomi complent, quo ex ſunt confertiores, hoc pleniore rubro cruorem tingunt. Hinc ater in fundo ſanguis plures melancholiæ ſpecie decipit, cum aeri expoſitus rubro minus ſaturo, & ſplendidiore fulgear.

Quare illud veriſimile eſt eandem ubiq; eſſe cruoris fibroſi naturam. Hinc enim crebris lotionibus ita omni ichore, ut vocant, aut tenui liquore rubro exuitur, ut fibræ primū carnoſæ, tū candidæ, & inſtar retis implexæ microſcopio videantur. Et quidem nuper in Batavia obſervatum fuit à viro induſtrio, quique exquiſito admodum utitur microſcopio, parti aquoſæ ſanguinis globulos rubros non ſolum innatare, ſed & continuo moveri.

Sæpe evenit ut ſanguis extra capillares arterias impulſus non eadē celeritate per novos meatus eſſuat. Hinc partes illius craſſiores ſiſti, & ex obſtantium preſſione conglobari incipiunt, dū rubræ, & tenuiores particule ſanguinis viā ſibi parant, fibroſæ remanent, quibus aliæ ſubinde adhæreſcunt, circuitu ſanguinis impedito. Sic polypi forte in ventriculis cordis & alijs in locis ex fibroſa ſanguinis ſubſtantia concreſcunt. Atque idem in polypo quod in fibro-

so sanguine evenit: elixatus enim in fibras, assatus in membranulas abit, & uterque olei sulphuris affusione rubrum colorem adipiscitur. Sic tubercula, & duri plerumque tumores oriuntur. Ex fibris enim varie implexis multiplices tunicae solent efformari: in pleuriticis vasa plerumque polypis referta cōspiciuntur. Nam in hoc morbi genere sanguis solet concrecere.

Cruor in venis etiam mortui animalis liquidus apparet: sed acrius intuenti tuto fluido nō dissimilis videbitur. Exiguus enim constat globulis cum sero cōfusus, & color niger ex rubris particulis jam densatis emergit. Sic caseus ex variis globulis compositus duritiem non assequitur, donec pressione manuum, aut innato partium pondere serum expressum fuerit.

Ac nescio an sit alia in sanguine, aut subtilior aut magis spirituosā portio, quam quæ rubras, & maxime attenuatas atomos per totū cruorē dispersas efficit. In his forsitan est ille sal vitæ, de quo ante diximus; atque huius salis sulphurei. vi sanguis viget, & trahit. Nec minus est probabile eū talem ex ipso aere per pulmones elici, quā ex lymphā, aut chylo per fermentationē procreari. Hæc igitur corpuscula in pulmonū cribris elaborata succos qui sanguinis massam efficiunt, aut extenuant, aut accuratius miscent. Vnde in cruore cum crassa est copiosior, cum tenuis liquor minus abundat, atq; ut dictū est is deficit in pleuriticis, in quibus huius salis percolatio vitatur: hinc polypose concretiones in pulmonibus.

Illud etiam quæri merito potest an serum omne quod inest sanguini à cælo ipso dimanet. Na vena secta post aliquot à vastu largiore horas, serum plurimum & lactescens sanguis

innatat : quod lento igni admotū ut chylus ex communi receptaculo extractus cōcrescit. Neque alia, ut jam innuimus, est lactis origo, nisi chylus ipse per arterias à corde in mammarū glandulas protrusus, nec dum longa coctione cum sanguine confusus, sed adhuc crudior in uberum velut colatorio separatus, & in vasa excretoria quę omnibus insunt glandulis, & in tubulos lacteos impulsus. Sed ubi chylus paulo diutius cum sanguine permistus multos effecit circuitus, tum albedinem suam exuit, & tenuior factus jam serum dici potest.

Ex quibus id etiam efficitur, quod maxime rem nostram continet, partes corporis solidas saltem, quęque vulgo spermaticę dicuntur, cujusmodi sunt ossa, cartilaginee, membranę, nervi, fibrę omnes sanguinis sero rite subacto ali. Cum enim pars subtilior procreandis spiritibus accommodata in cerebro secreta fuit, quę magis viscosa est, & facile concrescit, hæc ab arteriis cū impetu protrusa partibus adhærescit; sulphurea vero sanguinis portio calorē vitalem tuetur, & conservat. Hinc ubi chylus aut reficiendo corpori est parcius, aut crudior, ut in cachecticis, seu qui pravo sunt habitu, nec spiritus ex eo gignuntur, uti neque ex vino nondum fermentato, aut vappidō, nec partes aluntur, nec suus cordi constat vigor: unde in tabidis aut cachecticis polypi, seu albę concretiones in corde, aut in pulmonibus vix reperiuntur, quod in iis succus nutritius non facile cōcrescat. Hinc etiam aqua illa quę cor inter & ejus involucrum, quod pericardium vocant, est interfusa, quęque ex vasis lymphaticis & glandulis ad basim cordis positis originem suā ducit, in tabidis, aut in iis qui ex morbo decedunt, nō cōcrescit, ubi lento igni admoveretur,

ut in sanis, & strangulatis accidit. Ex morbo enim chylus nutriendo corpori minus idoneus efficitur.

Cū autem succus nutritius interdum in cordis ventriculis ita concreſcat, ut pene abeat in carnem fibris, & vasis ſanguineis inſtructam, hinc recte colligimus partes ſucco nutritio, qui ſanguini ineſt, non ſucco nervoſo ali, ut plerisque Anglis doctoribus viſum eſt: tametiſi non inficior ſuccum illum vegetum qui nervos interfluit, & ſpirituum eſt vehiculo, plurimū ad nutritionem conferre, cum ſuccum nutritiū extenuat, & animat quodammodo. Hinc partes paralyſi affectę ſtatim tabeſcunt, quod ſucco ad nutritionem idoneo fraudentur. Nec qui magis ſunt ſanguinei, ii ſunt obefiores; quique fame, aut inedia moriuntur, multo plerumque ſanguine abundant. Addit Harvæus ſanguinē eſſe acriorem & calidiorē, nec ſatis alendo corpori idoneū videri. Verum ut iſta vera ſint de parte ſanguinis magis ſulphurea & acriore, quæ calorem, & vim tribuit corpori, de parte ſeroſa quæque eſt ovi albumini ſimilis, dici minime poſſunt.

Vter vero ſit penetrabilior ſanguis fibroſus, an ſuccus ille nutritius, dubitari etiam poteſt. Vnum tamen aut alterum doctiſſimi Doyeri experimentum magnam eſſe huius ſeri nutritii ſubtilitatem demonſtrat. Canis vivi utramque venam jugularem ligavit, tum mirum in modum illæ intumuerunt venæ, & intra duos dies quaſi angina ſuffocatus interiit. Interea copioſæ ex oculis lachrymæ, & ſaliyæ ex ore manabat. Poſt mortem & glandulas, & muſculos nō ſanguine, ſed ſero limpidο tumentes invenit: quo ſanguis craſſior intra vaſa ſua ſtagnare ſit coactus, dū ſerū per meatus ſibi aptatos, velut

filtratum viam sibi munit. Sic factò in dextro thoracis latere, paulo infra cordis regionem foramine, alterius canis venam cava arctius ligavit. Confuto vulnere canis languescens, & sine epulatu fatiscens intra paucas horas expiravit. In dissecti canis abdomine magna fericopia visa est, quasi diu hydropis laborasset: adeo ut forte hinc hydropis causa ex parte duci possit; neq; enim, ut plerisq; videtur, ex ruptis vasis lymphaticis hydrops semper procreatur, cù in ovibus hoc morbo laborantibus vasa lymphatica & integra, & plena idẽ Author invenerit. Interdũ etiam evenit ut sanguis nimio sero, & eo maxime qui non concrevit, diluatur, tumque nec pulsus cordis satis vegetus est, nec sanguis facile per venas remeat. Vnde iis qui ex morbo convalescunt, aut infirmo sunt corpore, post exercitia pedes sæpe intumescunt. Stantibus enim sanguis una cum sero sursum nitĩ nō potest. Sed illũ venæ ad cor revehent, cum in lectum eger se demiserit. Versũ de nutritione, necnon de sanguinis natura & analysi satis pro instituto nostro: reliqua enim Medicis relinquimus, qui ut nobis videtur, partem Physices præcipuam, quam idcirco Physiologiam vocant, usurparunt.

DISPUTATIO III.

De partium conformatione.

Restat illud vel maximũ ut de ortu animalium, & conformatione agamus: quod utique quam poterimus compendiose, sed accuratius tamen quam vulgus Philosophorum solet, tractare conabimur; ac primo de ortu insectorum, tum de pulli formatione agemus.

His

His enim intellectis quæ ad reliquorū animarū
lium procreationem pertinent; minime obscu-
ra futura sunt.

QVÆSTIO PRIMA.

De insectorum oriu.

Primū itaque ab iis quæ vulgo imperfectio-
ra iudicantur, ducamus exordium, & de in-
sectorum ortu dicamus. Iamq; in ipso limine
magna oritur quæstio, quæ sint insectorum pri-
mordia, utrum magna ex parte velut spon-
te nascentur, ut stirpes plurimæ, quæ ex terra
alte effossa nullo manifesto semine fruticantur.
Sic itaque

Unica Conclusio.

Illud verissimillimum videtur animantes om-
nes ex certis seminibus oriri: adeo ut ne musca
quidem aut vermis ex tumultuario elementorū
congressu prodire possit; sed ex semine in quo
vis formatrix inest.

Hanc conclusionem multis argumentis pro-
bat vir inter recentiores magni nominis Fran-
ciscus Redi. Primo enim exteriores causæ tam
opportune convenire non possunt, ut animalium
fabricent organa, quorum structura nullo po-
tèst intellectu humano comprehendere; nisi saltē
vis quædam seminaria & plastica in elementis
aut in aliis corporibus delitescat. Quod cū vix
credibile sit, multo probabilius videtur omnē
pene generationem esse univocā, & animantes
ab aliis ejusdem omnino generis procreari.

Hoc etiam multis experimētis idem Author
cōficere videtur: cū vasis vitreis rite occlusis

carnem corrumpendam conclusisset, ne vermis quidem ex ea putrefacta visus est emergere: cumq; velo Neapolitano, vas in quo posita erat caro, sic obduxisset, ut aer quidem subire, muscæ vero aut vermiculi ingredi non possent, ex carne corrupta nullus vermis prodire visus est: tamen si muscæ, vermes, aut ova in velo ipso reliquerint.

Itaque illud minus verum putat, quod vulgo creditum est, & exempli loco afferri solet, apes ex putrefactis tauri carnibus nasci. Ne illa quidem vera esse comperit, quæ de crinibus mulierum in vermiculos conversis, aut de serpentibus ex cadavere serpentis prodeuntibus refert doctiss. Kerkerus. Quin etiam negat ex cadavere vermes nasci, nisi forte eorum semina aliunde accesserint.

Sic fructus & herbæ vermes procreant, ubi aeri exponuntur; atque in eadem quandoque planta plurà insectorum genera cernuntur. At si in vasis plantæ ita fuerint conclusæ, ut nullus aeri pateat aditus, nullos itidem vermes, etiam cum putruerint, dabunt. Ne caseus quidem in vase vitreo rite ocluso vermes profert.

Itaque illius probabilius videtur muscas in caseo ova sua interdum deponere. Cum autem interior casei medulla verminat, muscarum vermes per hiscentes subeunt rimulas, & alius quandoque penetrant, quod pabulum suum sequantur. Idque ita fieri longe verisimilius videtur, quam vermes quæ foliis herbarum inerant, in caseo apparere, eosque per rot venarum lactearum, & aliorum vasorum capillares ductus illæsos in lacte manere, uti visum est Gassendo.

Illud etiam minus videtur probabile ranas
quan-

quandoq; pluere, sed sæpe accidit ut ranula in fossis, aut aliis in locis jam natæ adeo sint minutæ, ut sub oculos nō cadant: cum ex careant pedibus, & longiore cauda sint instructæ, idq; per multos dies; neque ullo modo ranas referant: paulatim vero pedes exerunt, ac tandem exiunt caudam. Sic æstate inter dumeta & herbas delitescunt, nec facile a pulvere discerni queunt: sed cum æstate pluit, plerumq; videtur emergere. Cum in earum ventriculo cibū, atque in ipsis intestinis excrementa sæpe inveniit Author in experiendo solertissimus, optime concludit ranas tum temporis non formari; sed cum jam diu ante natæ essent, repente prodire.

Opp. In fructibus & animalibus vermes oriri qui ex aliis nasci non potuerunt. Quid enim, inquiunt, an quæ in casei superficie tam numerosa microscopio cernuntur animalcula, omnibus suis partibus apte instructa, ab aliis ejusdem generis originem suam duxerunt? Cum forte non alibi quam in caseo vetustiore cernantur?

Resp. Dubitari non posse quin ea animalcula subinde alia generent. Cum magnam alvum interdum gerant, quam probabile est multis sæpe ovis esse prægnantem.

Sed quid dicemus de iis animalculis quæ in aqua cui piper triduo infusum fuit, pereruditus vir in Batavia microscopii ope detegit, aqua illa in tubulum vitreum vix capillo majorem sponte, ut alibi diximus, ascendit, tum vitrum microscopii apte huic tubulo applicat, atq; in aquæ guttula, quanta fere ex aciculæ apice suspenditur 30. saltem ejusmodi animalcula admodum vegeta distincte conspicit. An forte hi vermiculi ex aliis prodire: an potius ex putre-

dine ipsa nati videntur?

R. Quantumvis hæc animalcula minuta sint cum sensibus nostris collata, magna tamen & prope infinita organorum varietate esse instructa: adeo ut ex aliis sint prognata; ac forte eorum ova in pipere delituerunt: aut certe eadē est adhibenda responsio, quam infra subjiciemus cum de iis vermiculis qui in gallis reperiuntur, verba faciemus.

Instant. Vermes illi qui in animalibus tam frequenter reperiuntur, unde emergunt? in vasis hepaticis plerumq; innumerabiles videntur, præsertim in pori biliarii ramulis. In arteriis solis non reperiuntur. Sic in capite cervi sub lingua & ea vertebra qua caput cervicinectitur; in vervecis itidem capite, & ea potissimum parte unde erumpunt cornua, sæpiissime vermes nasci testatur vir clariss. D. Redi, qui & multa alia profert exempla, ex quibus cōici videtur, vermes plerumque, & insecta sine parentibus, aut ullo certo semine formari. Nec formicæ, aut minutæ animantes liberæ sunt à pediculis, aut pulicibus: mirum itaque si pulices omnes qui in unaquaque pennatorum specie, sui quique generis videntur, ex aliis prodierint, non sponte quadam emerferint.

Resp. Nihil absurdi esse si quantumvis minuta animalcula ex aliis procreentur; cum id facilius sit intellectu, quam tam aptam organorum structuram in ipsis elementis, aut naturæ abyssis frustra quærere.

Opp. 2. Vermes qui in gallis, & stellatis pilulis quercu, aut in aliis fructibus & tuberculis reperiuntur, ex nullo animali oriri posse. Nam in centro gallæ, aut pilulæ stellatæ ovum nascitur, quod una cum galla ad maturitatem perducitur: adeo ut vermis primū ex ovo, tum

musca exurgat, eaque rodendo sibi exitum parat.

Nec verisimile est gallam, seu tumorem hinc esse ortum, quod musca teneriorem ramulum pupugerit: nam ovum illud galla conclusum fibras omnes, & quasi venulas à galla mutatur, quæ ovum & vermiculum formant, & nutriunt. Sæpe etiam in gallis plures vermiculi cernuntur, suis quique cellulis distincti. Quod si gallam detraxeris, dum ovum recens est formatum, id nunquam in vermem promoveretur. Nec eadem anni tempestate hæc animalcula è gallis prodeunt. Immo quædam in alterum annum expectant.

Quod de gallis & pomis, ut vocant, quer-
cui diximus, id in plerisque arboribus usu ve-
nit, ut earum folia vesiculas habeant aut sac-
culos qui vermibus replentur. Sic fagi velut
sacculos florū gerunt, qui baccas subrubras aut
purpureas vermiculis refertas proferunt: neq;
hi ex ovis muscarum prodire. Suos quoque
vermiculos habent gallazulæ, quæ in nervosa
parte folii fagi assurgunt, atque iis per fibrillas
adhærescunt: adeo ut germen quoddam, aut
semen tuberculi primo aditu videantur.

Sic fungi putrefacti, ut lupi crepitūs, vermes
proferunt. Qui terræ adhuc, aut arboribus
hærent fungi, quoddam vermīs gentis pilosum
recondunt. Hic quidem non degenerat in ovū,
sed fere ut bombyx, suo se facisculo tenni in-
volvitur, tum exactis aliquot diebus in muscam
mutatur.

Resp. Potest ex his & aliis plurimis quæ ob-
servavit circa insectorum originē Franciscus
Redi, & id colligi insecta pene omnia ex ovis,
aut quibusdam primordiis, quæ ova referunt,
nasci. Quamvis forte nō necesse sit ut ab alijs

animantibus ejusdem speciei hæc ova prodierint. Quod de vermibus, qui in gallis & aliis fructibus formantur, videtur probabile: id enim forte concedi possit, in quibusdam plantis eam naturæ legem esse constitutam, ut fructus, flores, folia, aut tubercula vermiū generationi inserviant: adeo ut nō casu, non tumultuario elementorum congressu; sed perpetua naturæ lege vermes in plantis efformentur, & quisque plerumq; in animalculum suæ speciei volitans abeat.

Quo autem modo fiat insectorū generatio, id uno verbo explicari non potest. In universū tamen observare licet, in carne corrupta, æstate præsertim aut vermes apparere, aut recrementa muscarum, quæ microscopio seu ova terfa, & suo putamine obducta cernuntur: hos vermes exactis quatuor aut quinque diebus, Author quem hoc loco potissimum sequimur, in ova partim nigra, partim subrupta facescere expertus est. Ex rubris citius muscæ virides, ex nigris tardius culices *V. des Cousins* emerferunt. Ex ovo musca prodit rupto putamine: segnis & torpida nascitur, sed illius alæ brevi explicantur, & ita magna, ut mirum sit tam angusto putamine eam potuisse comprehendi. Intra octo dies muscæ ex subrubris, intra quatuordecim dies ex nigris ovis culices prodire visi sunt.

Ovarum in muscis in duas velut cellulas dividitur; id magnū est usq; ad miraculum. Ova araneæ pellucunt, rotunda admodum; ex iis araneoli qui statim, ac nati sunt, telæ quoddam rudimentum texuere: ex aranea quinquaginta araneoli prodire visi, quorum nonnulli in vase occluso ab initio Septembris usque ad octavū Februarii vitam sine cibo produxere. Visus est

araneus in vase clauso exuvias ponere. Tamen non ab ore, sed ab immo ventre deducit. Neo verum est quod Aristoteles ait, araneam non esse oviparam, sed vivos foetus edere.

Papiliones coeunt, & ingentē ovorum multitudinem pariunt, ex quibus erucæ V. *Chenille* oriuntur. Hæ foliis arborum, aut herbarum pastæ, plerumque sopore correptæ exuvias ponunt; quædam velut ex serico nidulum parant, aliæ sine nido aut serico involuero corrugantur, in crysalides, quæ aliquot fila sericea emittunt, quibus arbori, aut saxo adhærescunt; aliæ nullas texunt fila, sed à vento huc illuc aguntur. Ex crysalide papilio, interim musca nascitur.

QVÆSTIO II.

De pulli procreatione.

OMnium quidem animantium ovum est velut commune primordium: quædam tamen vivos foetus, alia ova duntaxat præcreant. Hinc solennis divisio animalium in vivipara & ovipara. De oviparis hoc loco dicendum, & quâ natura viam insistant in pulli procreatione, paulo diligentius intuendum. Neque enim diversa fere est aliorum animalium ratio. Hoc argumentum post Aristotelem, & Fabricium ab aqua pendente præter cæteros accurate pertractavit Guillemus Harvæus, & omniū diligentissime Marcellus Malpighius. Hinc adeo præcipua desumam, quæ hoc capite complectar, experimenta.

Primum itaq; partes ex quibus ovum componitur, tū illius in gallinæ utero procreationem, postremo qua ratione pullus ex ovo formetur, quam potero dilucide expediam. Auc-

torramen iis fuerim, qui hæc naturæ miracula perspecta habere volunt, ut ipsi experiri, & observare non graventur, quæ longe melius ex oculis ipsis, quam ex aliorum relatione discuntur. Sed ad rem ipsam veniendum.

In ovo hæc sunt, testa, membrana communis quæ testæ adhæret, alia huic subjecta quæ albumen involvit. Albuminis partes duæ exterior, & liquidior, quæ quidem perforata membrana effluit, interior altera, & crassior quæ tenui quoque membranula à externo albumine separatur: ea quippe sublato cortice & priore tunica pertusa non diffluit. Albumen quoque alia membranula à vitello dividit; in cuius medio alba quædam velut cicatrix inest; quæ quidem, ut postea dicetur, est primum pulli exordium. In utroque ovi apice sunt duæ chalazæ, quas falso putant esse ovi germina: hæc vitellum cum albumine connectunt. Sunt enim albuminis & vitelli membranæ in nodos instar funiculi contortæ. Hinc vitellus ægre ab albumine divellitur, nisi disruptis chalazis. Hæc quippe sunt velut ovi duo cardines, quorum ope vitellus in medio continetur. Unaquæque tribus velut globulis, aut grandinibus constat.


Ovum sic formatur. In ovario, quod eo fere loco in avibus est collocatum, ubi in viviparis est septum transversum, seu diaphragma, ovorum rudimenta, tanquàm uvæ in racemo disposita cernuntur. Majora in ovarii circuitu sunt; ac præter tunicam cuique propriam, ab ovario aliam quoque mutuuntur, cuius ope ipsi adhærent fundamento. Sic vocant corpus quoddam spongiosum ad spinam dorsi constitutum; vitelli majores facti, abrupto pedunculo per infundibulum, seu membranam quæ ex arcta fit

amplior, decidunt in uterum. Hic in gallina quæ nondum ova peperit, adeo parvus est, ut vix fabam capere possit: sed in prægnante jam ovo excipiendo par est. Multis cellulis instar illius intestini, quod colon vocitatur, distinguitur. Hujus principium est infundibulum; pars media albumen suppeditat; extrema ovum jam formatum complectitur. Plicæ complures, aut spiræ, quæ & carnosæ, & albæ sunt, interiorē uteri partem exasperant. Lentius quoque & candidus humor ex eo exsudat. Hinc vitellus, aut potius ovum sensim augetur. Pars media uteri instar contorti tubuli, aut cochleæ conformata, vis ovis vacua invenitur. In pullis, aut gallinis jam effœtis in tenuissimas abit membranas. Sed in foeta, aut ovis gravida uterus totus carnosus est, amplus, ductilis, anfractuosus.

Itaque vitellus ex racemo per infundibulum in superiorem uterū delabitur; tum circumdatur albumine, neq; usquam utero adhærescit. Nam ut frumenti granū humore intumescit, sic albumen ex uteri plicis incrementū capit. In extrema uteri parte membranas, & testam acquirit duriorē. In utero non alia quidem ratione augetur, quam vitellus in ovario, nisi quod in racemo, vel ovario alimentum per vasa deferitur; in utero jam parato imbuitur albumine: utrobique per juxta positionem partium, applicati alimenti concoctionem, & distributionem. Non enim minus fabæ nutriuntur humore qui per spongiosas membranas subit, quam si eum per venarum oscula admitterent.

Iam naturæ progressum in pulli formatione fuisse prosequitur Harvæus. Sed hoc ipsum longe accuratius præstitit Malpighius, exquisito

p. 293 4^a.



phys. pars. 2^a

Vol. 4^a.



rudimentum extabat, quod post triginta horas multo distinctius cernebatur: cicatricula in varios delineata circulos, & umbilicalis area variis vasis distincta: immo & oculi jam emergebant, & medullę spinalis spatium excavatū. Post triginta sex horas umbilicalem aeram vasa distinguebant & velut rete quoddam efficiebant. Iam suprema capitis vesicula plumbeo liquore turgebat, cum reliquę quatuor minores humore diaphano plenę essent.

Post quadraginta horas venarum ramuli ab extremo cicatriculę limbo H in cor productę erant apertiores; tunica, quę amnion dicitur, emergebat, ut quidam sacculus carinę involvens: jam cor pulsabat. Ad duos usque dies completos vasa umbilicalia primum sublutei coloris, tum rubiginę referebant, tandem sanguinea visa sunt, jam oculorum rudimenta F, (vide secundā figuram) vesiculę cerebri distinctiores apparebant; cor ipsum utcumque delineatum G pulsabat. Vertebrarum nodi erant illustriores.

Completo altero incubationis die, cerebri vesiculę A cum spinali medulla B erant continuatę, ut in tertia figura videre est; post aliquot horas duo oculi cum crystallini humoris rudimento; cor ipsum auricula instructum, & pulsans apparebat. Nam exceptū à venis sanguinem in dextrum ventriculum, inde in arterias auricula pellebat.

Post tridui elapsū, cerebri suprema vesicula cæteris eminens succo diaphano referta videbatur. Iā oculi in varios circulos distinctis alę extensę, & cor majus videbatur. Sanguinem ab auricula in dextrum, tum in sinistrum, tandē in arterias propellebat; ab eo umbilicales rami prodibant, qui varios plexus formabāt.


Quarto die elapso vasa sanguinea valde ampla; albumen fufum, pullus amnio inclusus curvato corpore; oculi nigro circulo, & distinctis humoribus conspicui; cerebri, & cerebelli substantia, carina molli carne tecta: alæ, & crura producta; cor ipsum multo distinctius apparebat, ex abdomine vasa umbilicalia prodibant; his proxima erat vesicula humore plena.

Post quintum diem in capite admodum amplo vesicula cerebri substantia fibrosa impleta cerebatur, patente thorace cor extabat suis ventriculis, & sinistra auricula instructum. Iam viscera oculis subjecta, pulmones imprimis subrubri, & vasa umbilicalia vitellum pervadebant.

Sexto die completo magnam vitelli partem vasa umbilicalia occupabant, toto albumine colliquato.

Septimo exacto die, cuncta erant auctiora; cor in thorace levi pellicula tectum pulsabat, sinister illius ventriculus longe amplior, & rubicundior erat, dextra auricula major. Iam costulae candidae apparebant, & molles, jecur itidem ex oblongis glandulis compositum.

Cuncta in dies augebantur, chorion, seu alterum foetus involucrum circa decimum diem usque ad crassam albuminis partem extensum; jecur subrubrum & ex glandulis conflatum cum turgente bilis folliculo: & ita partes usque ad pulli exclusionem paulatim formatae apparuerunt, donec post vigesimum diem cortice friabili, pullus jam pippiens ictu rostri corticem percutiens exitum quæreretur. Pars vitelli abdomine conclusa, illi pro lacte est.



TRACTATVS IV.

De plantarum ortu & Anatomia.

MAior quidem est quam vulgo creditur inter animantes, & stirpes cognatio: nam & plantæ, ut vulgaris opinio obtinuit, tenui vita perfunduntur; ex certis itidem seminibus oriuntur, & magnis in iis est organorum apparatus. Verum hæc omnia paulo diligentius excutiamus. Ac primum de plantarum natura, tum de earum ortu, & vegetatione dicemus; postremo earum anatomiam breviter persequemur.

QVÆSTIO PRIMA.

De natura stirpium.

Primum quidem magna est quæstio an stirpes vivant, & utrum in iis sit forma quædam substantialis, & absoluta, quæ partes cuiusque plantæ certa lege disponat, & illius vitæ, quam in plantis cernimus functiones exerat. Quæ utique disputatio ut alias monuimus, ex ipsius vitæ diversa acceptione & homonymia orta est. Neque enim id inficiari possumus, vim quamdam esse in semine arboris, quæ partes omnes tum similes, tum dissimiles effingit, & formæ velut archetypæ quasi caractere insignita tam apte quæque molitur; quæ in germine ipso partes omnes, radicem, truncum, surculos,

culos, & folia delineat, & per gradus omnes progressa, quod opus ex tenuibus initiis ante pertexuit, tandem absolvat, ac germen ipsum in glande conspicuum, in magnam arborem explicet. Quod certe nec sola elementorum permistio, nec atomorum, & corpusculorum congressus potest efficere.

Hæc cum vera sint, id tamen valde dubium est, & obscurum, quidnam illud sit quod animam, aut formam plantæ dicimus? an ea sit per corpus plantæ diffusa; utrum ex alterius plantæ forma sit decerpta; quomodo è materia educatur in qua nō erat actu? qua demum ratione succum alimentitium ad se trahat, cum ea sit immota.

Ista sane quæ in utramque partem disputari solent, ex iis quæ alibi diximus de formarum origine solvi possunt. Neque necesse est ea repetere quibus ostensum est partem plantæ subtiliorem, & actuosam formæ nomine, & caractere insigniri; eam ex alia forma decerpi; intimum esse motus principiū, & ideæ divinæ præcipuum instrumentum. Nam ut alias diximus, omnis artifex suo operi formam quam potest maximo absolutam imprimit; ac si fieri posset, formam tribueret, quæ opus ipsum regeret, & contineret. Cum igitur Deus rebus omnibus, ac potissimum vitæ non expertibus formas aptaverit, easq; in suo genere perfectas, id videtur satis verisimile formam cuiusq; rei vel tenui vitæ præditæ, non otiosam esse, sed motum omnem in eo corpore efficere vel dirigere.

Verū in re tam obscura tutius fortasse fuerit assensum cohibere: si quis tamen sit conjecturæ locus, non ægre assentiar Angliæ Cancellario, qui in viventibus potissimū duo putat spectari

oportere ; corpus videlicet sensibile, & spiritus, seu corpus subtile, & vegetum, omnis motionis opifex ; quodq; ex effectibus se prodit. Partes illæ, ut ita dicam, pneumaticæ, quæq; formæ locum obtinent, in fossilibus, & rebus vita destitutis sparsæ, non sibi mutuo cohærent ; nec inter se per tubulos, aut meatus communicant. Hinc ea corpora sunt longioris ævi : nā corpus pneumaticū solidiorem materiem nō depascitur. In planta vero spiritus quietis impatiens per universum corpus discurret ; utque is ferocior est, aut mitior, majorem quoque aut minorem alimentī copiam exigit, ne planta seipsam consumat.

Itaque in rebus animatis quidam inest spiritus quo vegetantur, quique indivisus, & continuo fluxu per venas, & tubulos quos sibi aptavit, huc illuc com meat. In animalibus nō ramos duntaxat, & quasi stratas habet vias, sed etiā receptacula, & velut quædā promptuaria, in quibus præparatur. In iis quoq; humores ipsi ex circulatione subtiliores procreant spiritus, ex quibus & sensus & motus dimanant. Quamquā in nonnullis quoq; herbis, ut in planta mimosa, aut sensitiva quædam inchoati sensus apparent indicia : nā admoto digito sese contrahunt ; quod forte nervulorū & fibrarum textura magis sit exquisita, aut partes pneumaticæ, & subtiliores hunc cōtractionis motum efficiant. Et quidē globus sulphureus in vase vitreo suffusus, cū leves ad se rapuit plumulas, earū fila statim eriguntur, & quo lammodo distrahuntur : at si vel digitum admoveris, statim ulro, ut in planta sensitiva contrahuntur, quod fortassis utrobique sit causa non dissimilis. Id ipsum D. du Clos in colophonia quæ in retortæ fundo post distillationē therebētyne remanserat, nu-

per demonstrabat: nā plumulas ad se trahit, ut electrica corpora, quæ digito admoto statim se contrahunt, fere ut limatura chalybis magnetis polo.

Ex iis efficitur plantam esse corpus vegetans, non sentiens, quodque ab iis corporibus quæ inanimata dicuntur, in iis tribus potissimum differt; quod determinatam habeat conformationem; quod nutriatur; quod denique sui generis, ut ita loquar, æternitatem individuum propagatione conserveat.

QVÆSTIO II.

De plantarum ortu, & vegetatione.

Plantæ, ut reliqua fere naturæ opera, solent cum perfecta sunt & absoluta, non in ipso generationis progressu observari. Sic naturam tantummodo desultorie, & post certas periodos non in ipso itinere, quod instituit, contemplamur: & tamen si quis præstantissimi cujusdam artificis industriam, & artem intueri velit, aut discere, is non rudem tantum materiem aut opus ipsum, cū jam est perfectum, intuebitur: sed etiā cum eo commorabitur, & totius artis progressum oculis & animo lustrabit. Cur nobis eandem curam, & diligentiam in naturæ operibus adhibere, ac semen aut granum à statu ipso non liceat inspicere, & per omnia ejus incrementa ducere?

Sic enim intueri juvabit, quomodo primum plantæ rudimentū se se paulatim efferat ex materia spermatica, quæ terræ gremio excepta, & mollita, instar lactis sit liquidior; ut fibrillas qua sursum, qua deorsum proferat, quæ ex eodem velut umbilicali nodo prodeuntes, caudicem,

cem; aut truncum in arboribus; aut culmum in frumentis; aut caulem in herbis; calamum in fistulosis; scapum in leguminibus procreant.

Iam illud quoque intueri licebit, ut culmus tritici fibras ab exteriori duntaxat annulo, seu umbilicali nodo in summa radice constituto deducat. Hinc illius cavitas: cum alia sit ratio caudicis in arbore, cujus fibræ ab intima substantia proferuntur; ut nodi per intervalla ex fibris pressioribus, & varie decussatis oriantur, quo succus in iis magis expurgetur; ut rami tanquam brachia trunco arboris per interjectum nodum, velut callo quodam obducti cohæreant; ut cortice truncus aut caulis tegatur; ut cortex ipse variis fibrarum quasi nervorum ductibus carne aut parenchymate, & tunicis constet: adeo ut interdum tenuis sit, ut in Lauro, membranofus, ut in arundine, crassus in populo, aculeatus in urtica, spinosus in rubo, nervosus in vite, contumax in lino, glaber in ficu, asper in lubere.

Illud quoque consideranti liquebit partem caudicis cortici proximam ex fibris in longum ductis esse compositam. Quæ mollis est in herbis plurimis; dura interdum, ut in buxo; pinguis in resiniferis; laxa in hederâ, lenta in salice. Sic medulla cui pars lignosa velut caro est circumfusa, sive sit pars plantæ spermatica, sive alios habeat usus, vel fungosa est, ut in sambuco, vel lignosa, ut in pinu, vel prædura ut in corno.

Ista fere, aut iis proxima tradi solent, quæ omnibus sunt manifesta: verum res ipsa digna est, quæ accuratius à nobis pertractetur, præsertim cum paucis abhinc annis vir Doctiss. Nehemias Grevy hoc sit exequutus diligen-

tissime in opere, quod nuper in linguam gallicam conversum est. Hinc pleraque eorum quæ hoc capite dicturi sumus, decerpemus. Quod autem res omnis fiat dilucidior, semen omnium pene maximum, in quo vegetationis primordia magis elucescunt cum eodem Authore seligemus: sic enim Analytico, aut inventionis ordine progressuri rem ipsam velut oculis exponemus.

Quod si itaq; fabam adhuc viridem intueri, & partes quibus constat, accuratius expendere volumus, hanc duplici tunica involvi compertemus. Extima ad modum drassa est, & pene cartilaginea, hanc excipit tenuior, quæq; est matricis instar. Vbi faba est vetustior, & exsiccata, vix una ex his tunicis ab altera divelli potest. Præter has tunicas corpus ipsum fabæ tenuis cingit cuticula, eaque pellucida, quæ ægre ab ipso semine separatur.

Iam tres ut plurimum sunt fabæ, & cujusque seminis partes organicæ. Corpus aut granum quod plerumq; in duos velut lobos dividitur, & germinis ipsius partes duæ: quarum una oblongior, & rotunda per foramen in externis membranis apertum statim exhibit, ubi germinatio incoeperit, eaque est radicis ipsius primordium: unde & radícula dici potest. Pars altera germinis priori est conjuncta, quæque sibi fossulam velut thecam, & modulum in lobis utrumq; aptavit, eaq; jam est in ramos, & folia conformata, unde & plumula ab eodem Authore vocitatur. Hæc utique pars est superior plantæ in ramos & folia interim diffusa, quæq; per apicem fabæ est eruptura: in plerisque aliis seminibus germen ipsum parte acutiore seminis continetur. Neque id in omni grano perpetuum est, ut in duos lobos dividatur.

tur. Nam in nonnullis plures sunt lobuli, ut in nasturtio aquatico, vulgo cresson: in aliis, nulli sunt, ut in tritico. In figura quinta pag. 223. duos fabæ sectæ lobos B B. intueri licet; a c, est germen; a d radícula quæ in fibras innumeras B B. spargitur, C est plumula jam in folia diducta.

Detracta illa cuticula, ipsius fabæ, aut grani parenchyma in conspectum venit: quod microscopio visum, medullæ ipsius plantæ succo turgidæ non dissimile apparet. Per illud innumerae fibræ, tanquam radices seminales diffunduntur B B, quæ in truncum radiculae a d confluentes, tres velut majores ramos efficiunt: duo quidem sunt laterales, in utrumq; lobum sparsi, & medius inter utrumq; in plumam cædit. Parenchyma vero, seu pars candidior, & mollior non lobis tantum, sed & radiculae ipsi, & plumæ commune est: uberius quidem est in radice quam in pluma. Cum faba transversim secatur, plura velut puncta in eadem linea constituta, quæ sunt extrema harum radicum, distingui facile possunt: cum sint diversi à parenchymate coloris; pauciora sunt prope basim ipsam fabæ, & radiculam, & eo plura, quo extremis fabæ sunt propiora. In multis seminibus hæ fibræ non cernuntur, vel quia sunt pauciores, vel quia sunt parenchymati ipsi concolores. Itaq; fibræ illæ per totum parenchyma dispersæ sunt velut originales, & seminatae radices, atq; ipsum parenchyma est instar terræ ex qua radices succum nutritium trahunt: hæ in truncum radiculae cœunt, quæ in ipsa generatione radices in terram ipsam emittit. Sic enim fit prima plantæ vegetatio, quæ paulo fusius est explicanda.

Itaque granum terræ commissum humore

per exteriores membranas subeunte paulatim intumescit, dumq; humor extrarius in iis mēbranis percolatur, & filtratur, purior fit, & defecator, ilque intra tunicas admissus nonnihil fermentescit: nec dubium est quin foramen illud in basi aptatum huic fermentationi serviat: cum ea vix fieri possit nisi aëre subeunte, ut in vino cernimus. Vnde si fabam jam exsiccatam aquæ paulo diutius immerfam, tum extractam digito presseris, multæ ex ea aëreæ bullulæ per id foramen erumpent. Quod si faba, aut aliud semen nudum esset, dum terræ committitur, nec suis involucris tectum, humor ultra quam par esset uberior, aut crudior, nec satis expurgatus accederet. Quare exterior cortex instar Gossypii subtilioris succum transmittit, qui velut quodam vase conclusus, tanquam vinum in dolio fermentescit.

2. Succus è terra haustus per exteriores mēbras filtratus, & in fabæ interiori cuticulâ adhuc expurgatus ipsum parenchyma subit, atq; in illius globulis, velut in totidem glandulis percolatur, ac novas subinde vires, aut tincturas, ut cum chymicis loquar, in eodem parenchymate delibat: tum sensim in fibrillas se se insinuat: ex iis in majusculas, tandem in ramos ipsos, ac postremo in truncum, seu in radiculam perducitur. Hæc uberiore succo turgida capillares fibras aut radices in terram spargit, tumq; in perfectam radicem abit, quæ prius crescit & per unum vel alterum pollicem porrigitur, quam pluma ipsa emergat.

3. Cum novus indefinenter succus, tum è lobis, tum è terra ipsa in truncum radiculæ exundet; pars illius succi subtilior, vel spiritibus magis foeta in trunco ipso radicis digesta, & calore dilatata sursum nititur, & à radice in plu-

plumam, seu in eam partem germinis quæ ramos, & folia convoluta exhibet, quæque per apicem fabæ sursum esseretur, redundat. Id .n. observatu dignum est, vix eam partem germinis promoveri, nisi postquam radix ipsa jam pene est absoluta, & velut capillitium quoddam in terram demiserit: quod truncus una, cum ramis ab ipsa radice pendeat, isq; succum jam expurgatum & variis tincturis aut fermentis imbutum à radice excipiat. Imo pars succi in radice preparati in ipsum forte parenchyma per ramos laterales remeat.

4. Radix succo turgida in plures ramos cum sit divila, succus ipse fermentescens ex iis angustis se se expedire nititur, atque in truncum radicis primum, tum in plumam ipsam exundat. Interim obliquo ductu a radice in lobos revertitur: seu forte circulatione ipsa purior evadat, seu in parenchymate seminis, tanquam in promptuario quodam colligatur; seu ex fibris per corpus seminis diffusis aliæ sint articularum similes, quæ succum vehunt; aliæ instar venarum succum revehant, sicq; lobos seminis imprægnent. Hi quippe primum radicis rudimentum continuo humoris affluxu in perfectam radicem convertunt: sed radix vicissim jam pene absoluta nutrit & auget lobos, eosque in folia quædam commutat.

5. Duo quippe lobi in omnibus pene seminibus è terra emergunt in duo folia aliis dissimilia diducti; atq; ubi sunt laxiora, ut in cucumere, eadem proportionem sunt tenuiora: quocirca ex lobis primum humor alimentitius in radicem inchoatam dimanat, tum ex radice jam perfecta succus in lobos redux hos utique velut in folia quædam convertit, quæ cum sint lobis ipsis similia, non villis hispida, sed lævia

& æquabili limbo, non serrato terminentur, palam est ea folia nihil esse præter lobos ipsos. Unde quot lobi sunt in granis, tot ejusmodi folia emergunt: adeo ut in nasturtio sex ejusmodi folia conspiciantur. In rapis ex utroq; latere folium quasi duplicatura quadam, ut in grano ipso lobierant dispositi, sic erumpit: adeo ut ea folia primum sint subrubra, tum vire-scant, & in amplum spatium explicentur. In faba communi hæc folia non assurgunt, sed pluma seu caulis statim è terra erumpit: quod duo rami, qui à radícula in lobos sparguntur, sint minusculi, ac succus pene totus in plumam abeat. Non eadem est minoris fabæ ratio: nam lobi è terra assurgunt: granum tritici mollius est nec satis firmum: unde in terra ipsa corrumpitur, nec in lobos dividitur.

Præcipuus utriusq; hujus folii emergentis usus est, ut parti germinis tenuiori sit muni-mento: est enim pars illa quæ pluma dicitur, texturæ exquisitæ. In tritici grano, ubi nulli sunt lobi, tenerum illud corpus in ipso exitu folio membraneo tegitur. Alia quoque est in iis foliis utilitas, quod rore aut pluvia perfusa, si forte è radice succus parcior ascendat, hunc suppleat: unde & aquam fere ut vasa nonnihil excavata continent.

QVÆSTIO III.

De plantarum Anatomia.

N Vnc quibus plantæ constet partibus, quibus velut organis instruamur, paulo accriori animo intueamur. Et quidem si præcipuas tantum & omnibus obvias stirpium partes exequi volumus, nihil fere magis erit in-
pro-

proclivi, & rem totam perpauca verbis complectemur. Nemo .n. fere est qui nesciat herbas radice, caule, ramis, & foliis, ut arbores radice, trunco, & ramis constare. Fruticem vocari cū plures fere ex æquo caudices ascendant. Est .n. frutex inter arborem & herbam medio loco cōstitutus. Ramos vel radici proximam habere originem, ut in cupresso; vel longius à radice, ut quædam brachia porrigi: ut in quercu: sive id confuso; sive certo fiat ordine, ut in abiete: eos, qui postremi nascuntur, ramulos, vocari furculos, præsertim amputato vertice, ut stolones dicuntur qui ex arboris jam grandioris radicibus emergunt. Turgescentis & nondum explicati furculi primordium gemmam, & oculum vocitari.

Illud quoque nemini obscurum est, folia, flores, fructus, semina tanquam novas plantas principi plantæ succrescere: Atque ex sunt præcipuæ stirpium partes, de quibus ante non possumus disserere, quam partes stirpium communes, & similes fuerint utcumque explicatæ.

Ex semine planta quævis ut originem suam, sic partes primigenias & cōmunes depromit. Ex duobus porro unumquodq; semen potissimum coalescit, ex parenchymate & nervosis, seu lignosis fibris, quæ in planta, etiam cum adolevit, permanent. Cortex & medulla ut videtur Authori Anglo, quem Laudavimus, ex seminis ipsius spongioso, & molli parenchymate formantur. Nam utriusque eandem esse originem hinc licet conjicere, quod in iis eadem meatuum & partiū conformatio per microscopium detegatur; quod in radice infima, ubi cortex est uberior, ibi aut nulla, aut exigua sit medulla: cōtra in summa radicis parte,

& in trūco cortex fit tenuior, sed amplior medulla : adeo ut ex eadem materia prodeant, & unius imminutio sit alterius augmentum.

Itaque cortex nihil aliud videtur esse præter cuticulam, & parenchyma : huic subjicitur corpus lignosum, quod solidius est parenchymate, & ex radice seminali, quam in lobis seminis, & germine esse diximus, ortum suum ducit. Pori in parenchymate, & in cortice sunt crebriores, & in omnes partes diffusi; in lignoso corpore sunt pauciores, sed plerumque majores, & in longum patent. Hi quidem meatus in mensa, aut in assere lævigato satis sunt conspicui, & tanquam vasa totidem apparent in longum diducta, variis tamen distincta poris. Sunt adhuc minores pori qui microscopio deteguntur : adeo ut unaquæque fibrilla 40 aut 50 poris pervia conspiciatur.

In radice & trunco ductus quidam à cortice per lignosum corpus in medullā ipsam desinunt, quos prædictus Author insertiones vocat : Eæq; in se cto ligno satis sunt conspicuæ. Nam sunt molliores, & transversæ, hoc est, à circumferentia ad centrum ductæ, tanquam radii circuli & ejusdem prorsus sunt naturæ cum parenchymate : sæpe cum lignosis fibris quas perrumpere non possunt, varie sunt implexæ. In napo, ubi corticem detraxeris, tum illi fibrarum plexus quasi retiformes se se in conspectum dabunt. Medulla ejusdem est coloris cum cortice : adeo ut plerumq; ab eo duci videatur, quo plures sunt insertiones, hoc medulla major est : ejusdem prorsus naturæ videtur esse cum parenchymate, cū quo per interjectas insertiones communicat. Hæc spongiosa est, ex innumeris velut bullis cōposita ; ampli sunt illius pori, qui per minusculos adhuc poru-

porulos microscopio visibiles inter se communicant. Medulla in arboribus parcius est, quam in plerisque plantis: ita ut quarundam radicum, ut napi majorem partem efficiat, quam tamen interdum lignosæ fibræ pervadunt.

Quare ut summam faciamus eorum quæ diximus, pellicula quæ à semine ipso, non ab aëre proficiscitur, parenchyma, lignosi corporis fibræ subeuntes corticem efficiunt; lignosum itidem corpus nihil est nisi seminis ipsius radices seminales, quæ ut cæteræ partes incrementum sumunt. Seu in fibras manifeste id divisum appareat, seu in solidum corpus compingatur, ut in arboribus accidit. Insertiones denique & medulla ipsa ex ipso prodeunt parenchymate. Lignosum etiâ corpus in arboribus variis circulis augetur, donec ad suæ accretionis apicem pervenerit: tumque corpus lignosum in parenchyma varias fibras emittit. Hinc cortex semper virescit & humore aliquo tum madet, cum medulla jam exsucca est, & candida. Illud etiâ liquet ex duplici substantia truncum constari, ex circulis illis lignosis, & insertionibus: fibræ lignosæ sunt instar tegminis, insertiones instar subtegminis; ac se se mutuo intersecant, fere ut in mappa mundi longitudinum & latitudinum circuli. Iam innumerabiles pene esse meatus in lignoso corpore, qui inter se communicant, & microscopio deteguntur supra innuimus. Vnde & carbonem hydrargyrus penetrat: adeo ut totum corpus lignosum nihil aliud fere sit nisi tubulorum congeries. Sic insertionum meatus fibrarum lignosi corporis poros intersecant, suntque breviores, & magis intercisi; medullæ vero meatus sunt mellis favis non dissimiles: hinc exsiccata medulla adeo levis est.

Ex plantis quædam radices è summo sui fastigio, ut Rhamnus; aliæ ex trunco emittunt: seu recta in terram descendant, ut in menta; seu ad rectos fere angulos prorumpant, ut in hedera. Succus enim nutritius in hedera sursum eluctari non posset, nec debiles rami sustineri, nisi radices in parietum aut arborum meatus infixæ eos firmarent, simul & alerent. Sic vitis capreolis innititur, qui mediam pene naturam radicem inter & ramos nacti videntur. Nam palmites longi & debiles cito frangerentur, nisi cultoris industria una cum naturæ providentia sociata palmites palis illigaret, & capreoli firmi, atque in eum finem circumducti ramulos, aut palmites una devincerent. In cucumere, fragis, & aliis plurimis radices è trunco, aut ramis prodeutes eodem funguntur munere: nam aut ramos fragiles fulciunt, aut succum suppeditant, aut propagationi servant, aut efficiunt ut fructus à solis ardoribus sint tutiores.

Ex iisdem partibus constant rami, gemmæ, & folia arborum aut plantarum: nequæ summa duntaxat trunci superficie, sed ex intimis etiam partibus prodeunt. Purior succus à medulla ipsa proficiscitur, & ex eo gemmæ paulatim fermentur. Interim ex plexu partium, quarum aliæ sursum nituntur, aliæ velut à centro ad circumferentiam feruntur, nodi quidam fiunt; in quorū angustiis succus sit purior, & quasi percolatur. Vnde hi non solum in trunco, aut caudice, unde prodeunt rami, sed etiam in culmo tritici hi nodi conspiciuntur, tum ut succum magis defecatum transmittant, tum etiam ut firmitatem, aut trunco aut culmo præbeant.

Gemmæ autem inter truncum ipsum, aut ramum ex quo prodeunt, & folii pedunculum

nascuntur, quo magis eorum securitati caveatur; tū in ramulos paulatim crescunt, ac simul foliis vestiuntur, quæ iisdem prorsus partibus constant, quibus truncus, aut rami. Eadem est pellicula magis dilatata; nervi per folium dispersi nihil sunt præter corporis lignosi fibras; eaq; interfuso parenchymate opplentur. Hæ quidem fibræ in folii pedunculo collectæ, non in rectum, sed arcuatim disponuntur, aut interdum in angulos recedunt. Non .n. eadem esset in iis firmitas, si planioris essent figuræ. Hinc folia ipsa nonnihil incurvantur, ut fibras ab injuriis æris melius tudentur. Vndæ folia & fibræ sibi mutuas præstant operas: fibræ succū foliis suppeditant, ac vicissim folia à nimio æstu eas defendunt. Quin & foliorum figura ab ipsis pendet fibris. Cum enim in pedunculo quæ media est fibra, cæteris longe est crassior, plerumq; in longum producit folium. Quod si fere æquales sint fibræ, folium rotundam affectat figuram. Cum autem fibræ citra mutuum implexum crescunt, & explicantur, non tam folia quam filamentorum congeriem proferunt: ut in foeniculo cernimus.

Iam folia in oculo, aut gemma sic formantur, ut eo minora sint quo centro sunt vicino: siue sint complicata ut in rosis; siue ab aliis: citra complicationem involuantur, ut in pomorum gemmis; semper eo disponuntur ordine, qui ad eorum conservationem est magis idoneus. Hinc unaquæq; gemma multis membranulis involvitur, quæ foliis sunt tegumento; atq; ea involucria paulatim aperiuntur, ut sensim aut ær aut pluvia subeat, & velut per gradus calore vegetentur. Interdū folium quodvis gemmæ propria mēbranula tegitur: ut videre est in corylo, quod fibræ in iis sint crassio-

res, neq; adeo comprimi possint : quocirca nē aëris ipsius pateant injuriis, per illas membranas interjectas cautum iis à natura fuit.

Qui sint foliorum usus, obscurum esse non potest. Primum enim antequam evolvantur, flores ipsos tuentur, ut paulatim vim aëris ferant : explicata folia fructus potissimum teneiores, ut uvas, fraga, & alios hujus generis à nimio calore defendunt. Hinc folia in iis plantis sunt majora quam in malis aut pyris : quod in his fructus parenchyma solidius ipsius aëris impressiones minus reformidet. 2. Folia arborum nutritioni inserviunt : nam eorum fibræ per parenchyma spongiosum, & laxum multum succi nutritii trahunt ex trunco, & radice : ac si folia deessent, succus ille in radicibus stagnaret, & exitum non haberet. 3. Dum succi nutritii pars crudior in folia contendit, quæ purior est, in flores abit, aut fructus, aut semina. Vnde in plantis quæ flores ampliores ut rosas fundūt, vix ullus odor in foliis relinquitur. Contra evenit in iis quæ minusculos flores præbent, ut in *Mentha*, *Balsamo*, *Abfynthio* : nam odor in foliis vegetior manet.

Foliis plerumque succrescunt spinæ, aut lignosæ, quæq; ex iisdem partibus, quibus gemmæ ipsæ constant ; aut corticales, quarum radices ultra corticem non patent, quæq; semper deprimuntur, contra atque lignosæ. Sic folia pilis interdum instar lanuginis vestiuntur, qui ea forte à nimio frigore, cum adhuc sunt teneriora, defendunt. Globuli quoque foliis plerumque adnascuntur, sive pelluceant, ut in *Mentha* ; sive sint candidi, ut in *salvia*, iique facile ope microscopii conspiciuntur.

Tria potissimum in flore spectari possunt, involucrum exterius quod calycem vocant ; fo-

lia ipsa & pars floris intima. Calix ex iisdem partibus constant, quæ ad folia & totam plantam pertinent, pellicula nimirum, parenchymate, & lignoso corpore; ilque floris partes tuetur. Vnde ubi flores firmi sunt & crassi ut in tulippa, ibi nullus est calyx: quo autem sunt debiliores, hoc firmiore calyce indigent: cuius aliquando ob maiorem firmitatem unus est contextus ut in Cariophyllis, v. *aillets* videre est: in quibus tamen calycis pars summa est dentata, ut facilius occludat flores adhuc teneros, eosq; fulciat, cum explicantur, & sensim dilatantur. Interim calycis partes velut folia quædam squamatim disponuntur, præsertim ubi florum folia sunt oblongiora.

Flores è calyce tanquam è theca prodeunt & ex iisdem partibus componuntur, totq; sunt eorum differentia, ut longum esset & molestum omnes referre. Nam alii fere è terra prodeunt, ut violæ; alii è caule, ut hyacinthus; alii è cacumine ipso ut in plerisq; arboribus; alii spicatim congeruntur, ut in lavendula; alii racematim, ut in vite, alii umbellatim, ut in fœniculo; alii abeunt in lanuginem, ut in carduis: quidam sunt unifolii, ut in convulvulo; plures ex quinq; aut septem foliis, alii ex plurimis, seu complicatis, seu involutis, aut sibi mutuo incumbenibus conflantur. Nunquam fere exterius revolvuntur, sed magis ad interiora se reflectunt, ut intimam floris partem tueantur. Interdum pars cuiusq; floris infima, quæque unguis vocitari solet, villosa est, quod tenerrimam floris partem, seu cor intimum tegat, ut in pisorum floribus, & in aliis passim cernimus.

Floris cuiusq; folia cor ipsum, imo & fructum tegunt, ut calyx florem conservat, & tue-

tur in pomis aut pyris, quorum pulpa solidior est, fructus sub ipsis foliis delitescit: sed in cerasis, & aliis tenerioribus, intra florum folia concluduntur, majoris securitatis causa.

Tertia eaq; ut videtur Authori jam sæpe laudato præcipua floris pars, cor vocitatur; idq; duplicis est generis. Plerumque enim velut in granula distinguitur, ut in lilio, & tulippa: quanquam illa cava sunt, non solida, & pulvere quodam implentur: eum vero pulverem qui ex his granulis excutitur, ex minutissimis globulis constare microscopioprehenditur.

Fructus itidem ex membranis, parenchymate & lignosis partibus coalescunt. Pellicula ex. gr. pyri aut pomi ex rami ipsius membrana dilatata; pulpa itidē ex parenchymate oritur: quæ initio dura est, & agrestis: sed paulatim mitescit, uti & medulla in certis radicibus; fibræ nihil sunt nisi corporis lignosi soboles.

Fibræ majores in pomo plerumq; sunt quindecim. Harum decem per pulpam, aut parenchyma diffusæ in oculum ipsum, quasi in umbilicum desinunt: reliquæ recta à pediculo in oculum feruntur. Quanquam in ipso itinere varie cum aliis commiscantur, eaq; ab insigni fibræ pediculi prodeunt, & ad florem primum feruntur: sed ubi fructus omnem succum ad se rapit, flos ipse tabescit, & exsiccat: ac quinque illæ fibræ fructui nutriendo deinceps serviunt: tamen tractu temporis seminibus ipsis fructu conclusis præcipuam operam impendunt.

In pyris præter eas partes communes, de quibus mox egimus, est pars quædam petrosa, hoc durior, quo oculo ipsi aut umbilico est propior, eaq; forsitan ex variis succi alimentitii partibus præcipitatis, & tartareis exurgit. Vnde pars pulpæ inter nodos illos petrosos, &

pellem interjacens melius sapit quam pars altera pyri acidior, quam nullæ fibræ pervadunt: nam præcipitationes illæ aciditatem frangunt, ut cum acetum corallio affunditur, omnes suos aculeos ponit.

Non aliter fere testa in prunis concrescit, atq; in pyris ipsis pars petrosa, & quasi lapidicina: nisi quod arctius partes illæ tartareæ in prunis, & malis perficis v. *des Pêches* inter se cohæreant, eo fere modo quo arena, aut calculus in renibus aut vesica concrescit. Interior autem pars nuclei ex parte medullosa, prodit, eaque per fibram grani præcipuam subit, ea nimirum parte qua apex ipsius grani cum interiore testa conjungitur. Sunt enim in pruno v.g. quinque fibræ principes, quatuor à basi in superficiem sparguntur: sed ex uno latere una exit solitaria, quæ ad intimum nucleum, aut granum, & quasi amygdalum præcipue pertinet.

Baccæ omnes, uvæ, & alia hujus generis constant itidem pelle, parenchymate, & nervis aut fibrillis: parenchyma vero est duplex, primum cuti adhærescit, idque acidius est, & acerbius, interius vero magis sapit.

Fructuum succus plerumq; suavis est: quod crassior in foliis, purior in fructibus percoleatur. Forma rotundior succum æquabiliter fufum, & melius excoctum efficit. Hinc uvæ sunt ut plurimum gratiores, quo rotundiores. Sed ut fructibus folia, sic semini fructus serviunt, illius securitati cavent. In nonnullis, ut in pyris involucrum est petrosum, & multo maxime in prunis testa ad feminis custodiam provisa à natura fuit.

Granum deniq; aut semen quatuor involucri tegitur. Primum dici potest capsula, cu-
jus-

jusmodi in medio pomi cernitur. In plerisq; est siliqua, ut in fabis; atq; ex ea duæ seminis pelliculæ oriuntur; exterior, & pene cartilaginosa, quæ in variis seminibus variam nacta est figuram, eaque vegetationis tempore granum tuetur ab aëris injuriis, & fermentationi ipsi famulatur: semper aliqua sui parte perforatur, vel in pedunculi vestigio, vel in ipso apice, qua fibræ nutriēdo semini idoneæ subeunt. In multis radícula sub vegetationis exordium per illud patens foramen erumpit, quod ea duriorē membranā non possit pertundere.

Huic exteriori membranæ alia interior subjicitur, quæ in viridi, aut juniore faba admodum crassa est, & spongiosa: sed ubi exsiccatur, vix ab exteriorē membrana divellitur. In prunis antequam maturuerint, ea est impense crassa. In eam fibræ quæ semini nutriendo destinatur, fere ut de foliis dictum fuit, spargitur. Quarta & intima seminis tunica admodum tenuis & pellucida, in omnibus pene granis est texturæ consimilis omnium fibrarum experts. Hæc pellucidum liquorem complectitur, ex quo semē ipsum concrevit. Ex secunda membrana duæ fibræ quasi vasa umbilicalia per illam membranā intimā prope basim in utrumq; lobum seminis diffunduntur.

Itaq; succus tam multiplici coctione & fermentatione expurgatus in radice trunco, & foliis, quod adhuc crassiusculum restat in fructu, aut siliquis deponit, dum pars defecior per cæcos meatus, & fibrā altricem seminis deducitur. Hinc in membranas, velut in uterum perfertur; in intima tunica percolatur; fitque quasi ovi colligamentum; interim liquor ille purissimus leni fermentatione in bullulas, fere ut panis, dum coquitur, intumescit.

QVÆSTIO VLTIMA.

De nutritione & accretione plantarum.

ID unum restat ut ex structura plantarū, quæ ratione nutriantur, & crescant, conjecturis saltem prosequamur. Itaq; in ea est opinione Author quem identidē laudavimus, post primam grani vegetationem succū in parenchymate percolari, illius poros sensim ampliari, tum partem puriorem in fibras lignosas, quæ cum cortice permilcentur, aut in eas quæ sunt finitimæ perferri; cumq; illius meatus in longum porrigantur, hinc in longum planta distenditur: interdum illæ fibræ dilatantur, & spatia inter eas vacua relinquunt, quæ parenchymate implentur. Hinc parenchyma non tam in longum producitur quam per insertiones interjectas, nempe à circumferentia ad centrum promovetur, ubi medulla formatur, in qua succi alimentitii nova fermentatio perficitur. Quare ut cuticula est velut corticis filterum, sic insertiones quoq; totidem sunt filtera, in quibus succus quo partes lignosæ aluntur, magis ac magis expurgatur. Cum enim corpus lignosum crescit, partes illius extimæ à cortice alimentum sumunt, intimæ à medulla; sed intermediæ nutriunt, & augment insertiones medullares, tanquam diffusæ per totum corpus arteriæ: sic radix primum distenditur, & paulatim per insertiones medullares fit crassior. Succus in medulla defecatus, quasi in magna arteria intumescit, & in truncū eluctatur, dum is qui paululum est crassior, per insertiones versus corticem quasi in venam cavam regreditur.

Succus itaq; purior in radice ipsa jam rite præparatus, per radicis, & trunci velut internodium in caudicem vel truncum paulatim ascendit, quem motum lignosi corporis meatus adjuvant. Sunt enim in longum aptati: cortex vero in trūco hoc magis minuitur, quo lignosum corpus magis dilatatur. Hinc parenchyma arctatū per insertiones sese diffundit; tūq; medulla augetur, & illius meatus à lignoso corpore prius coarctati, jā liberiores & solutiores se se explicāt; sed interim dilatātur partes lignosi corporis & à se invicē divelluntur.

Illā porro lignosi corporis dilatatio, & medullaris tubi excavatio, tum caudicis, aut trunci firmitati, tum succi alimentitii præparationi, fermentationi, & distributioni utilis videtur. Sic ossa firmiora ut crurum, eadem sunt cava; sic pennæ avium multum habent roboris, licet excavatæ.

2. Succus in medio trunci tutius asservatur, nec solis, aut aëris patet injuriis; cumq; ampliores sint in medulla meatus, succus ille melius ibi fermentescit. Hinc vegetior est illius motus & distributio; unde in ramos usq; propellitur. Quare in tritici culmo nulli sunt rami aut furculi, quia nulla est medulla, & quo minor est medullæ copia in plantis, eo minus in ramos sparguntur. Hæc utiq; de plantarum vegetatione & nutritione fusius à Doctis. Viro Nehemia Grevv paucis abhinc annis conscripta sunt. Nec multum dissentiunt ab iis quæ nuper eximius Medicus, & inde fessus naturæ indagator in sua plantarum Anatome exposuit, & iconibus expressit. Ex multis per pauca seligemus quæ hanc Philosophiæ naturalis partem non mediocriter illustrabunt.

Atq; ut ab iis quæ magis sunt in conspectu,

ordiamur; primum in planta occurrit cortex, qui ex duplici partium genere constat, ex fistulis nimirum lignosis, seu fibris quæ in fasciculos congeruntur, & vario plexu quiddam retiforme efficiunt: unde & spatia relinquunt vacua, quæ infinitæ series globulorû implent. Sunt autem illi globuli quasi vesiculæ, aut utriculi in orbem dispositi, non in rectum, ut fibræ lignosæ, sede pene horizontaliter constituti. Hoc forte est parenchyma, aut insertiones Doctôris Angli.

Quare id verisimile existimat Malpighius, succum in fibrillis lignosis paulatim, & quasi per gradus attolli: ex innumeris quippe velut particulis cavis, & invicem hiantibus constant: ascensum adjuvat interior fibrarum asperitas, variæ aëris mutationes; alternæ caloris & frigoris vices, imo & vis aëris elastica.

Ex fibrillis succus ille in vesiculas exundat; ex utriusq; liquoris & novi, & antiquioris sit fermentatio quædam, ex qua interdum prodeunt tartareæ, & petrosæ fere ut in vino concretiones, quæ in quercu, & aliis arboribus oculis ipsis subjiciuntur. Itaq; uberior est succus in cortice, qui in alias partes distribuitur. Hinc cortex magis est oleosus, & igni nutriendo magis idoneus.

In figura quarta ultimæ tabellæ licet intueri fibrarum fasciculos in cortice cerasi aut pruni DD, quæ recta fere producuntur, has secant utriculorum, aut vesicularum transversî ordines EE. Plerumq; accidit, ut fibræ seu lignosæ fistulæ in retis modum implicentur; sed vacua spatia, aut areas implent utriculi, qui à lignosis fibris pendent, & extra proferuntur, donec cuticula exterior coerceantur. Omnes hæ fibræ, & utriculi succo turgent, & crassiores sunt

sunt fistularum fasciculi: in ea parte corticis quæ ligno adhærescit varius est ille fibrarum plexus juxta plantarum varietatem.

Iam quotannis novi velut circuli fibrarum illis utriculis adjiciuntur: liber vero seu interior pars corticis est velut arboris pars præcipua, cui novi fibrarum ordines adjiciuntur. Hunc cortex tuetur ab aëris injuriis, eoq; maxime vita & augmentum arboris continetur.

2. Caudex, aut caulis, aut truncus iisdem partibus constat, fibris nimirum oblongis quæ in fasciculos colliguntur, quæq; ex particulis aut quadratis, aut rotundis, & invicem hiantibus compinguntur, & utriculis qui à prædictis fibris suspenduntur, quiq; à cortice ad medullam plerumque porriguntur. Fibræ illæ nihil sunt, meo quidem judicio, quàm corpus ipsum lignosum, de quo multa diximus: ut vesiculæ horizontales nō aliud sunt præter insertiones, de quibus itidem supra egimus. Nam utriculorum, vel bullarum ordines firmant ligneæ fibræ aut tubuli. Bullæ ut plurimum rotundam, aut ovalem nactæ sunt figuram, & contento succo sæpe discoloré turgent. Cortex suæ accretionis materiem in his bullulis admodum copiosis asservat. Sic in teneris surculis medulla quasi cortex interior copiosa est: sed ubi ligneæ fibræ firmantur, medulla imminuitur. In fruticibus brevioris vitæ, & in plantis quæ ferulaceæ dicuntur, medulla est uberior: unde cito crescunt & pereunt: quod aqueus humor medulla contentus non tantam præbeat firmitatem, quantam efficit succus ille quem transversales utriculi includunt.

3. Itaq; illud non abhorret à vero succum à ligneis fibris in utriculos his appēsos, & transversim dispositos exundares, ut his longiore
mora

mora excoquatur, & in succum nutritivum abeat. Nam ut in animalibus chylus venas lubet & cum sanguine commistus perficitur, ac nutriendo corpori fit idoneus; ita fere succus adhuc crudus à ligneis tubulis in utriculos jà humore magis excocto plenos, & in medullâ coarctatur: ubi longiore mora fermentescit, & conservatur, ut gemmis erupturis, foliis, & furculis materia sit, & alimentum. Hinc furculus trunco insitus diversos lōge fructus procreat. Nam quæ accidit mutatio, nō tam ab ipsis fistulis ligneis quæ sunt in ipso trunco, quam ab utriculis in furculo copiosis proficiscitur: multo .n. vegetior in iis succus continetur.

4. Præter eas trunci partes alia quoq; sunt vasa patula, & plerumq; ampla, quæ lamellis, aut squamatim dispositis, aut in spiræ modum contortis, & tenuibus constant, colore plerūq; argenteo: hæc à Malpighio trachææ vocitantur. Nam ut ipsi videtur, aëre distenduntur, & consimilis pene sunt figuræ, ac trachææ in insectis animalibus, quarum ramuli per totum corpus diffunduntur. Atq; ejusmodi sunt hæc vasa ut distendi, premi & flecti facile possint. In trunco sursum, ut fistulæ ligneæ excurrunt; in foliis instar retis se se mutuo implicant, & ubi ampla occupant spatia, ac potissimum in furculis erumpentibus, in spiras cōtorquentur. Vnde & vasa spiralia ab eodē quoq; Authore vocitantur. Ac tantam putat esse respirationis necessitatem, ut nec pisces nec plantæ ipsæ ea carere possint. Vnde in vilioribus insectis pulmo aut trachææ vasa adeo non desunt, ut reliquas partes mole superent. In papilionibus octodecim pulmones interdum deprehendit, qui oblongas promunt trachæas valorum ritu diffusas. Et quidem pulmonum ope viventia quoq;

quæq; ab eo liquido in quo degunt certum humorem secernunt. Sic nitrosum aërem vitæ pabulum, quiq; sanguini fluiditatem cōciliat, & fermentationem promovet, excernimus. Pisces branchiarū ope, quas tam operose natura fabricata est, quiddam tenue & spirituosum ab aqua separant. Sic illud verisimillimū videtur, luccum à terra aëri permistum trahi, qui arboris trachæas implet, & distendit. Hinc antequam plantentur arbores, altæ foveæ excavantur, ut terra circumiecta nitroso aëre imprægnetur, & affusa aqua idoneos radicibus sales suppeditet. Eandem ob rationē terra circum radicum extrema sic agitur & comminuitur, ut vacua spatiola admittendo aëri intercipiat: nec aliter fit vegetatio, neq; ob aliū finem terra excollitur, invertitur, aratur, nisi ut ea nitroso aëre imprægnetur.

Fieri etiam potest ut inclusi intra illas trachæas aëris vi elastica idemtidem præmantur lignæ fistulæ, quæ trachæas semper ambiunt: cumq; cessat illa impulsio, & fistulæ lignæ, & utriculi novo succo impleantur. Nam dilatari, & congelari interdum humorem his fistulis, & utriculis contentum cernimus: adeo ut præ frigore disumpatur aliquando fibiarum lignearum compages.

Figura quinta secto in lōgum ligno has trachæas K exhibet. Hæ sunt fistulosæ & subretundæ, nullumq; effundunt humorem. Lamina velut argentea in spiræ modum contorta, L constant: hæ microscopio visæ particulis squamatim dispositis, ut insectorum trachææ componuntur. Ligneis fibris firmantur, quas utriculorum varii ordines transversim dispositi N intersecant.

Præter vasa jam enumerata, sunt unicuiq; plan-

plantæ vasa propria in plerisq; conspicua; quæ
succum sibi peculiarem, & quasi specificum
vehunt alimentum: in abiete therebynthina
implentur; in ebulo v. *de Lieble* succus ille,
melleo colore se prodit: in lactiferis & in iis
quæ resinam fundunt, ejusmodi vascula lace-
ratione ipsa se produnt. Atq; hic succus multo
est elaboratior reliquo succo, qui fistulis li-
gneis, & utriculis continetur. Hinc illæ fibræ
circa utriculos diffunduntur. Ac fere quot sunt
plantarum species, tot sunt ejusmodi succi pe-
culiares. Hinc forte sua plantæ capiunt incre-
mentâ, dum roris instar singulis partibus suc-
cus ille affunditur, & concresecendo ipsas auget.
Cum aquosior est, ut in salice, facile diffatur.
In pruno, ceraso, & resinosis, cum succus ille
jam fibris aspersus exhalavit, solæ tunicæ va-
forum & utriculorû interdum sunt superstites.
Itaque hoc fere, modo augentur plantæ,
ut ex tenero castaneæ surculo idem Author ex-
plicat. Surculus dum adhuc paucorum est mē-
sium, sectus & detracto cortice non rotundus,
sed variis & quinque ut plurimum angulis est
intercisus. Ilque triplici parte constat, crasso
cortice, lignea portione & medulla. Corticem
efficiunt utriculi virides succo turgidi; pars li-
gnea fibrarum fasciculis constat, & trachæis;
eosq; fasciculos varii utriculorum ordines de-
vinciunt, ii que in medullam usque excurrunt:
adeo ut medulla ipsa ex his utriculis, sed dila-
tatis composita videatur. Sex mensibus elapsis
partes surculi intermediæ fiunt tumidiore, &
ad rotundam figuram magis accedunt. Iamq;
in cortice geminus fibrarum linearum ordo
apparet. Post octodecim menses, omnes angu-
li pene obliterantur. Cortex quadruplici jam
fibrarum serie augetur, quas novi utriculorû
ordi-

ordines ambiunt; portioni lignę novum fibrarum involucrum accedit. Nam superioris anni circulo novus circumduditur, isque latior est priori, ex fasciculis itidem ligneis compositus, in quibus sunt ostia trachęarum: unde medulla utriculis constat, & ultra corticem aliqubi per utriculos erumpit, ubi novi surculi est initium: anno elapso novum iterum involucrum, ac novus accedit circulus. In cortice jam sunt sex fibratum ordines; sequenti anno octo prodeunt ordines & novus in parte lignosa circulus, ac medulla subinde fit arctior.

Non dissimili modo ossa in animantibus formari idem Author existimat. Cranii v.gr. filamenta varias emittunt velut fibrillas quibus inter se colligantur, & quiddam efficiunt libro arboris non dissimile: adeo ut interjectę arę, & fibrę ipsę exsudante succo osseo impleantur. Priori membranę, aut lamellę alia succrescit; eique ejusdem succi glutine adhęrescit. Nam post longam ossium macerationem bractę ejusmodi reticulares divelluntur: atq; illud rete in cranio fœtus inchoato perspicitur. Sic dentes ex duplici parte constant, interiore, & exteriori; illa ex fibrosis, & tendinosis capillamentis, in formam retis intextis, hæc ex crasso involucro compingitur: quod initio mucosum, tractu temporis durum fit & candidum. Sic in gypsi formatione filamenta primum tenuissima, & crystallina quasi prima apparent stamina, ex quibus primę formantur superficies affusione succi. Nec forte aliter in ossibus tendinosę fibrę osseum succum interstitiis affusum longiore mora & percolatione præparant: atq; is succus osseus in fracturis se prodit. Quin & musculorum tendines temporis diuturnitate fiunt ossei.

Qua-

Quare longiore tempore opus est, ut succus fibris ligneis, & transversis utriculis affusus tantam iis soliditatem impertiat. In recenti ligno minor est durities: hinc novæ accretiones aut adipis, aut alburni nomine donantur; hoc vermes, seu teredines ob maiorem molitiem pertundunt: adeo ut ædificiis & operibus tanquam inutile rejiciatur.

QVÆSTIO VLTIMA.

Plantarum Vegetatio comparatur cum vegetatione animalium.

CVM res naturales ita sint inter se connectæ & colligatæ, ut vix cognosci queant separatim, sed ex analogia maxime, & comparatione innotescant: quo plantarum nutritio, incrementum, generatio, partium conformationes, & usus melius cognoscantur, non erit alienum ea cum animalibus, & iis maxime quæ infimo loco sunt constituta, cum insectis nimirum contendere.

Ac primum quidem illud ex Malpighio ostendimus, quasdam ut ita dicam trachæas, ut in insectis, ita in plantis inveniri; adeo ut aëris respiratio utrisq; quodammodo necessaria videatur.

2. Illud quoq; non abhorret à verisimili, ut in animalibus sanguinem, aut liquorē huic analogum, ita in plantis succū nutritium circulatione quadam præparari. Quod utiq; cum anno 1667 die 15 Ianuarii inter cætera quæ circa plantas expendi oportere iudicabat D. Perrault Academiæ proposuisset, die 30 Iunii anni 1668 multis rationibus & experimentis minutum iterum excutiendum proposuit. Idq;

ex nutritionis opere conjici posse censuit: succus enim vel in radice, vel in quacumq; alia parte illius coctioni destinata jugi motu agitata, dissolvi, misceri, percolari vix potest, nisi sæpius ad eam partem redeat, & variis impressionibus alteretur: hunc succi alimentitii circuitum ex mechanica fibrarum structura pendere; adeo ut varia fibrarum dispositio idem efficere possit, quod valvulae in venis animalium, ac quædam ita sint aptatae ut succus inter eas ascendat, alia facile descensum huic succo præbeant. Idq; in plantis quæ crassiore succo, ut lacte donantur, observari posse. Multa in hanc rem subjecit, quæ referre longum esset.

3. Eadem conjecturas die 7. Julii multis experimentis confirmavit D. Mariotte. Ex iis unum aut alterum proferemus. Iam pridem id à se observatum fuisse testatus est quod in plantis lacteis resectis lac uberius ex parte summa, & foliis proprio proflueret, quam ex ea parte quæ est radici vicinior. Id ipsum in chelidonia succo flavo expertus est: structura etiã fibrarum in tithymallis, & plantis lacteo succo turgidis idem suadet: ex candida microscopio cõspiciuntur, suntq; cortici viciniore, in aliis fibris succus est aquosior. Idq; satis est verisimile ferosum succum cum crassiore, seu candido, seu flavo in quibusdam tubulis cõmisceri, fere ut chylus in venas commeat & cum sanguine confunditur; sive per eosdẽ tubulos succus à ramis ad radices, & à radicibus ad ramos perferatur, sive distincti sint canales, ut venæ & arteriæ in animalibus. Id interim certum est rorem & pluviam à foliis in ramos, & forte ad radices usq; permeare; quod quidem circulationis est genus. Vnde si rami præcisi summam partem aquæ immerferis, ramulus

ma-

majori adhærescens, & extra vas positus per aliquot dies etiam æstate viridis perstabit, & interdum crescet: cum tamen brevi marcescat si pars rami summa aquam non attingat. Hinc non mirū est si plantæ in Ægypto & aliis fervidioribus locis, ubi raro pluit, rore ipso nutriantur. Sic peponū tenella folia sub campana fervido sole illæsa permanent, quandiu guttæ roridæ è fumo aut terra sublata: ea folia irrigant; remotis cāpanis & rore dissipato statim exsiccantur, & marcescunt. Distinctos interdū esse tubulos per quos succus ascēdit, ab iis tubulis per quos ad radicem delabitur, hinc etiā suspicari possumus: quod in papaveris caudice cum incipit maturescere, aliquantum infra caput resecto succus candidus à radicibus profluat, & flavus à parte summa. Simili ratione si chelidoniæ prope terram resectæ duos ramos sic aquæ immerferis, ut unius rami pars sūma & foliis proxima aquæ innatet, alterius cōtra pars infima aquæ immergatur: post 5 aut sex horarum spatium, ex priori ramo pars uberior succi sed parū colorati effluet, ex altero minor succi sed colorati copia exhibit: magno quidē indicio plurimum alimenti à foliis ipsis in ramos, & truncū deduci. Sic ficus folium transversim sectum succum aquosiores & minus album parte sui extrema dabit: quare aut distincti sunt utriusq; tubuli, aut aquosus cum crasso commiscetur, fere ut chylus cū sanguine. Nam ut venæ lacteæ chylum in venas, hinc in cor, pulmones & arterias nutriendis partibus deferunt, & quod à nutritione superest, in venas refluit: sic par est credere succū à radicis capillitio in radicē ipsam, hinc per tubulos in truncum, ramos, usq; ad extremos foliorum apices perducī; quod superest, per alios forte

tubulos ad radices, ut ibi magis elaboretur, refluit. Et sane corpora liquida, & spirabilia ut aër, oceanus, fluvii, sanguinis animalium, perenni motu conservantur: quæ autem cessant ut paludes & stagna facile corrumpuntur.

Quædam adversus hanc hypothesim opposuit D. du Clos, eaq; non contemnenda: isq; vna cū D. Marchand in Botanicis exercitissimmo, ut ab Academia constitutum fuerat, tum in chelidonia, tum in tithymallis & papavere quæ à D. Mariotte observata fuerant, expēdit: ex iis plantis resectis uberiorem succum, coloratū & crassum ex superiori parte profluere, quam ex parte inferiori: cumq; is succus sponte exiisset, vix ex iis postea succus albus & cādidus exprimi poterat; sed quidam tamen supererat aquosus & tenuior: adeo ut coloratus succus ex aquoso prodire & formari videretur. Quo propius radici plantæ resectæ fuerāt, hoc minus dabant succi albi, aut flavi; chelidonia tamen & lactuca leporis succum illum coloratum etiam in radicibus conservant: sed nullus erat in radicibus tithymalli & papaveris. Hinc tamen negabat concludi posse succi nutritii circuitum: quod .n. succus ille crassior dato exitu efflueret, hoc omni liquori cōmune est. Quod autem in certis partibus sit uberior, id non probat succum eum in orbem agi, sed in quibusdam partibus magis elaborari. Neq; id negabat humorem ex foliis in alias plantæ partes manare posse; sed ea humoris attractio non magis circulatio dici potest; quam cum spongia aqua imbuitur.

Quid contra reposuerit D. Perrault, nihil necesse est pluribus differere. Id unum pertendimus magna probabilitate hūc succi nutritii in plantis circuitum defendi posse. Eumq; cum

mul-

multa alia, tum foliorum structura, & situs, ut à Malpighio describitur, non mediocriter cōfirmant. Succum enim præparant & concoquunt, qui in teneram gemmam absumitur; hinc nulla gemma succrescit, quam foliū non antevertat, & foveat. Sic duo folia quæ omnibus pene feminibus adnascuntur, & mole sua reliquum plantulæ superant, sunt quasi promptuaria succi concreti, qui ab his foliis in plantulæ germen regreditur: ut à foliis omnibus in caudicem peculiari quadam circulatione remeat. Quæ etiam adnotasse D. Mariotte in commentariis Academiæ comperio.

Quare fistulæ lignosæ, cū appensis utriculis & trachæis in folia productæ primū in pedunculo velut in fasciculum colliguntur, tum solutæ in folia explicantur. Nutritii succi portio in iis diu commorata cum antiquo succo fermentescit, & perficitur; fere ut in cute animalium succus nutritius percolatus expurgatur, dum arctiores meatus subit, quæq; sunt superflua per insensibilem perspirationem & sudores expellit: adeo ut jam defecatus partibus nutriēdis sit idoneus. Hinc cutanei morbi sanguinis massā inficiunt. Insecta arboribus proxima corium aut cuticulam sæpe renovant; ut novis foliis arbor quotānis decoratur; nec sui defunt foliis pili, & glandulæ, & quasi sudoris vasa, ut succus in iis defecatiores in gemmam, & sub tutela folii delitescit, absumatur.

Gemma porro est quasi foetus involutus, qui in suum tempus servatur: in tenero surculo circa Iunium mensem ut plurimum erumpit, ut proximo vere adolescat. Atq; ut animalia ex ovo ad debitam magnitudinem ita perducuntur, ut primæva forma & prima lineamenta permaneant; & in plerisq; insectis par-

tes quæ in juventute delitescabant, in senio emergunt, ut in papillionibus alæ & antennæ. Sic plantæ non solum augētur lignei involucri additione, sed novi quotānis furculi prodeūt, quorum prima exordia gemmæ dicuntur: jam in iis sunt inchoati furculi qui ineunte vere se se latius explicant: ex multis foliolis squamatum dispositis ut plurimum coalescunt: horum alia sunt caduca & temporanea, alia stabilia; his cedunt temporanea: nam plerumq; his aduētis illa contabescunt, & decidunt. Sed illud quoq; non raro evenit ut prima gemmarū folia, & ea maxime quæ basim in mitræ formam constituunt, figuram duntaxat amittant, & in folia stabilia commutentur. Incredibilis in his omnibus est naturæ varietas quam diligenter Malpighius persequitur, & figuris exprimit, nos summa tantum capita decurrimus, quæq; Philosophus ignorare non debet, summatim attingimus.

Itaq; nihil necesse est hoc loco de pilis qui plerisq; gēmis, ut in vite adnascuntur, de globulis crySTALLINO humore turgidis, qui interdū à gemmæ foliolis pendent, differere. Ea duntaxat delibamus, quæ ubiq; fere cōspiciuntur. Sic media gemmæ substantia, quasi pulli carina conspicitur, ex ea emergunt foliola; estq; jam tenellus surculus fibris ligneis, utriculis, & sæpe candidis pilis instructus; ac futura folia jam in eo tenermo ligno conclusa inchoantur. Itaq; gemma, seu oculus est sui generis foetus, & inchoatus surculus, qui vere ineunte poris ampliatis & novo accedente succo producit. Interim anno ferre vertente prope folii insertionem custoditur; succus foliis temporaneis cōclusus longa quiete digeritur, donec calore solis, & spiritu spermatico ferment-

mentatus in tenellum furculum abeat. Vnde ubi succus turgescit, & ligneas fistulas ad latera inflectit & extra producit, ibi statim temporibus gemmæ exoriuntur: quare in novellis ramis, ubi molliores sunt fibræ & succi vegetantis urget impetus, novæ erumpunt gemmæ, quæ in ramos abeunt.

Quamobrem ex gemmis spermatica vasa, uterus seu ovarium, & ova seu semina suâ ducunt originem: neq; enim ut in animalibus idem uterus perpetuo durat, sed unoquoq; anno novi prodeunt uteri, & spermatica organa, de quibus pauca ex eodem Authore dicenda.

Hæc autem in flore potissimum continentur. Is ex multis constat partibus, Calyce, qui folia & stamina plerumq; fovet, & involuit: ex caule, aut pedunculo folia supra calycē assurgunt mira naturæ foecunditate & varietate quæ ex trachæis, fistulis lignosis, & multiplici utriculorum ordine ac cōtextu potissimum pender. In plerisq; velut conchas aptavit natura, quibus melleus liquor cōtinetur, ut in parte interiore & infima coronæ imperialis, ranunculi, digitalis, &c. nec tamen crediderim ex eo succo apes mel colligere. In quibusdam fungi & capsulæ quæ terebynthinam præbent, aut glutinosum humorem, conspiciuntur.

2. Occurrunt stamina quæ ab ima parte assurgunt & luteos plerumq; apices, materiam melli apum suppeditant: globulos nimirum, quos dehiscendo fundunt stamina, & apes digerunt.

3. Stylus centrum floris occupat, & cavitate sua semen ipsum recondit: est .n. instar uteri: hoc utiq; carent flores infoecundi, atq; in hujus gratiam partes reliquæ videntur conformatæ: omnes ex interiori ligni substantia, fistulis ni-

mirū, utriculis & trachæis prodeunt. Hæc vasa in folia explicantur, plures velut fasciculi ab ipsa basi assurgentes, in omnes dimensiones dilatantur, nō ut in foliis arborum, ab una costula, tanquam à carina ducuntur: tenui & halituofo succo tument: hinc humor ductilis & benignus nullas efficit incisuras. In medio staminum est stylus, tanquam ovarium; pilis plerumq; ornatur, qui glutinosum liquorem, & terebynthinæ nō dissimilem interdū præbent, tanquam utilis succi excrementum, isq; liquor insecta ingressu prohibet. Ac forte hic quoq; est usus foliorum ut succū excoquant, vel inutilem expurgent: cui usui multa inserviunt, capsulæ terebynthinam fundentes, fungi, pili; stamina ipsa, quæ omnia succum seminum generationi minus idoneum eliminant. Vnde cū succus est crudior, in florem nō abit: cum florum folia nimis luxuriant, tum aut nullus est uterus, seu stylus, aut semen deficit.

Itaq; cum floris folia & stamina decidunt, styli pars inferior, seu uterus intumescit; interim pars illius superior & quasi tuba, aut infundibulum paulatim marcescit: idq; in omni pene seminum genere cernitur. Verum id exemplo, quod primum adhibet Malpighius, nempe amygdali demonstrare satis fuerit. Uteri cavitatis unam aut alterā visiculam includit: utraq; sacculum in medio quasi colliquamentum in ovo continet: exterior uteri membrana omnis generis vasa à pediculo excipit, pilis & aculeis munitur, ac brevi abit in tegumē ossēū & pericarpium, seu in fructus partē extimam. Interim sacculi succo jam cōcrescente replentur: ex medio cujusq; erumpit vas umbilicale, & foetus eo pene modo formatur, quo pullus in ovo. Est .n. ut in pulli formatione umbilicus,

isq;

isq; perforatus, qui in parte extrema dilatatur, & amnii vices obit, dum tenuem colliquamēti humorē exsugit; tum foetus emergit in ipsius amnii apice, duobus foliis primævis cōtinetur: sicq; seminis plantula ex radice, quam radiculam supra ex Autore Anglo diximus; ex trūco, seu gēma, quæ proprie est plumula, & duobus foliis primigeniis quæ in lobos tandē abeunt, omnino componitur. Idq; non aliter fere evenit, atq; in gemmis arborum. Nam vegetantes particulæ, fibræ nimirum ligneæ, trachææ, utriculi, succus ipse alimentitius jam præparatus in gemmam coeunt, & futuri surculi rudimenta delineant. Sic semen quasi nova plantula extrema sua radice succū ab ipsa arbore per apertas fistulas excipit: ab eo apice tenellus surculus velut truncus, tū gemma seu plumula dimanat; huic duo folia hinc inde adsūnt, quæ carnē seminis efficiunt: adeo ut semen sit velut gemma quæ in alieno solo germinabit.

Quare stylus in eā excrescit molem, ut uteri vices obeat. In quibusdam instar vesiçulæ est membranofus & cavus, atq; in hujus centro semina tanquā foetus formantur; in aliis crassior fit illius substantia: ut in fabis, pisib; & siliquaceis omnibus: in pomis, aut prunis pericarpio, seu fructu munitur: sed uterus est cartilagineus; in aliis osseam naturā adipiscitur: sed in omnibus fere ē pericarpio in uteri cavitatē humor extillatur, dū foetus formatur. Pericarpium vero ex fasciculis ligneis & trachæis multum diductis, & in retis formā implexis, quorum intervalla transversī utriculorum implēt ordines, efformatur. Id vero foetum ab injuriis aëris tutatur, eiq; præparatū succum præbet. Cū in utriculis pericarpii humor tenuis est & aquosus, aut halituosus, is præ calore facile ex-

halat; unde utriculi succo exhausti manent, & lignæ tantū fibræ sunt superstites. In aliis succus acidus & multo sale prægnās præ solis calore fixatur, & in osseam aut cartilagineā materiam degenerat: in omnibus fere succo vitriolico & austero utriculi scatent: quanquam in medio fermentationis statu digestus sit plerumque, & palato gratus. Iam foetus aut semen variis membranis tanquam secundinis munitur: quæ fistulis & utriculis constant; uti & duo lobī qui ex foliis primævis prodire. Germinis, aut plantulæ duæ sunt partes præcipuæ, corpus conicum, quod in radicem totum fere absumitur, caulis, seu trūculus plantulæ adhuc minimus, quique instar gemmæ, ipsa vegetatione producitur: hujus apex convolutis foliolis constat.

Itaq; humor è tunicis, seu secundinis, seu vasis in utriculos derivatur, ibi excoquitur. Vnde exterior tunica in fabis sensim fit gracilior, succo in alias membranas tum in foetum ipsum, aut semen deducto. In cydoniis mucosus humor exterius affunditur, qui per fistulas percolatus in plantulam defertur: nec deest etiam vel foramen, vel hiatus, sive ut aer subeat, & fermentationem promoveat, sive ut superflua & minus congrua expellantur, sive ut ab ea parte externum alimentum accedat: ut in animalibus foetus non solum per umbilicalia vasa, sed etiam per os ipsum alitur: unde & chylus in ventriculo reperitur.

Est igitur plantæ semen velut ovum quoddā in cuius velut cicatrice nō solum est foetus carina, sed & radicis conus, & gemma: succus in lobis jam crebra fermentatione præparatus adest: sed præter incubationē, seu tepidum terræ calorem exterius expectat alimentum.



PHYSICÆ

PARS TERTIA.

DE CORPORIBVS *inanimatis.*



ENTVM est ad tertiam, & extremam Philosophiæ naturalis partem de rebus vitæ expertibus, quam presso contractoque stylo tradere volumus, cum in Physica generali multa sint explicata.

quæ ad hunc locum videbantur attinere. Nam elementa ipsa, eorum motus, & qualitates satis fufè exposuimus, quæq; desiderari possent in tractatu de mixtis imperfectis, seu de meteoris exponentur.

Quocirca id nobis reliquum est 1. ut de hujus uniuersi compositione & natura dicamus, 2. ut quæ ad siderum motus, & eorum dispositionem pertinent, non ut Astronomi,

sed ut Physici pertractemus. 3. De meteoris, seu de aëris impressionibus, & mixtis imperfectis agendum erit; postremo si nobis per tempus liceat, ne quid operi nostro desit, de mixtis perfectis, seu de fossilibus agemus. Vnde hæc pars Physicæ naturalis ut reliquæ, in quatuor tractatus, sed longe breviores tribuetur.



penduntur five aër, five æther, aut quocumq; alio signetur nomine, tralucet: jam ut consueto ordine progrediamur, à stellis ducamus exordium, fitque

Prima Conclusio.

Stellæ fixæ proprio fulgent lumine, non item planetæ.

Stellas fixas dicimus quæ eundē semper inter se ordinem servant, ac distantiam: ut planetæ nominantur, qui loca sua continenter mutant. Vnde planetæ quasi errantes vocitantur, quod huc illuc vagari videantur: tametsi magna est in eo errore constantia, ut postea ostēdemus. Stellæ fixæ uno fere, & æquabili motu feruntur, eoq; diurno: cum planeta quisq; motū sibi proprium habeat, quo ab occasu in ortum nititur. Hinc sol annuo, luna menstruo spatio orbem suum conficit: his itaque explicatis.

Prob. Concl. Stellas proprio lumine fulgere 1. quod fixarum lux sit vegetior, planetarum vero lumen sit placidius, ac debilius: quod sane demonstrat stellas ingenita luce micare, planetas mutuatio duntaxat, & à sole accepto lumine relucere.

2. Id etiam videtur colligi ex scintillatione stellarum: hæ quippe scintillant, quod earum lux purissima visus aciem perstringat, pupillā, seu foramen per quod radii luminis lubeunt oculum, contrahat; nervulos ex quibus retina, seu choroides contexitur, percellat. Hinc motum illum scintillationis tremulum imprimit: adeo ut sol, & stellæ fluctuare, aut intremiscere videantur. Secus accidit in planetis, quibus nulla, vel parva admodum scintillatio inest: quod sint corpora asperta, & opaca, quæ lu-

cem

cem quidem regerunt, sed reflexione debilitatam, ac pluribus umbellis temperatam.

Confir. Tanta est stellarum à sole distantia, ut sol ex earum loco visus vix forte major itella primi ordinis videretur; non igitur lux fixarum adeo vegeta ex lucis solaris reflexione proficiscitur, sed ipsis propria est, & cōgenita. Hinc stellæ lucescente aurora multum imminuuntur, & noctu longe majores quam par, sic cernuntur: tum quod lux illa tremula & scintillans plures retinæ fibras, aut nervulos percutiat, tum forte etiam quia pupilla noctu magis explicatur: ut videre est in felibus, quorum pupilla de die est angustissima, noctu vero multum apertior. Vnde qui de tenebris in lucem prodeunt, caligant oculis, quod uberiores lucem quam latior pupilla admisit, sustinere nō possint: sic noctu accensæ faces longius visæ multo majores quā revera sint, apparent: quod latior pupilla majorē lucidi objecti admittat imaginem; tum etiam quia magna in circumfuso aëre fit luminis reflexio & refractione. Accedit etiam capillitium, seu coma lucidis corporibus adhærescens, quæ earum rerum imagines multum auget: quod radii corporis luminosi in humoribus oculi distrahantur. Vnde stella per angustissimum foramen conspecta hoc velut capillitio exiit. Sed de his jam in secunda parte egimus.

Quare tubi optici, seu telescopia vulgaria stellarum magnitudinem adeo non augment, ut potius eam plurimum imminuant; exuto enim capillitio velut puncta lucida apparent.

Sed ubi longiores sunt tubi, quales in Regio Observatorio adhibentur, non ita stellarū discum extenuant; sed eum quibusdā planetis ferre exæquant. Quin etiam, ut nuper nos admon-

nebat

nebat D. Cassinus, quæ stellæ nobis majores videntur, sæpe per telescopium aliter apparent: quod lux in quibusdam sit vegetior quam in aliis. Quæ tamen sunt primi ordinis, per telescopium majores quoque cernuntur: exceptis nebulosis, quæ nihil sunt præter stellarum congeriem, quarum aliæ sunt majores, aliæ minores: hujus generis cernuntur in Orione, Sagittario, & ea quæ à D. Cassino, medio inter utrumque canem intervallo fuit deprehensa, quæque per telescopium visa splendidiori luce fulget: sunt aliæ nebulosæ, seu tenui velut nube obductæ, quæ in minores stellulas non scinduntur. Hujus generis sunt quæ conspiciuntur in cingulo Andromedæ, quæque triangularem fere nacta est figuram, & quæ in ense Orionis equi ferreæ solæ non dissimilis, quæque in medio obscurior cernitur; & alia quæ anno 1665 mense Septembri Saturno visa est proxima. Sunt quæ nudis oculis conspectæ aliis non dissimiles apparent, sed telescopio visæ in duas stellas divisæ conspiciuntur: in hoc censu est prima Arietis stella; aliæ triplices sunt, aut quadruplices, ut nonnullæ Plejadum, quæque est media in ense Orionis. Verum ista forte commodius proximo tractatu, ut & alia permulta ex Viro clarissimo trademus. Nunc ad institutum nostrum redeamus.

3. Stellas ejusdem esse cum sole naturæ hinc etiam liquet, quod solis ut fixarum non vagus, sed certus sit motus: adeo ut sol una ex fixis nobis videatur, sed nobis vicinior, & fixæ totidem soles, qui tanto à nobis distant intervallo, ut si exuto capillitio cernerentur, vix tanquam puncta lucida apparerent: ita ut Gassendus affirmare non dubitet omnes stellas in unum globum collectas, non majores visum iri, si uti æquum est, cernerentur, quam nunc stella pri-

mi ordinis conspicitur. Quare aut capillitium illud forte in humoribus oculi sibi accersunt, aut certe magna pupillæ dilatatio, ac vegeti illius luminis scintillatio id sideribus asstringit.

Sed, *inquires*, nonnulli planetæ scintillant, ut Venus: & tamen hæc propria luce non fulget: cum easdem pene phases, & luminis incrementa subeat quæ luna: ut tubo optico deprehendimus: ergo ex scintillatione non satis apte colligimus stellas propria luce fulgere.

Resp. Ex scintillatione, si sola esset, non demonstratum iri stellas propria luce micare: sed cum scintillatio in iis sit conjuncta cum immensa à sole distantia, cumq; Venus & Mercurius sint soli viciniore, ac forte ex materia terrea, & solida constent, non mirum est si hi planetæ scintillare videantur. Hactenus de duobus corporum generibus ex quibus sidera ipsa constant: nunc de cœlo quod lumen transmittit, dicendum est; utrum solidum sit an fluidum, corruptionis expers, an secus. Sit itaque

Secunda Conclusio.

Cœlum fluidum est, & spirabile, non solidum, idque non omnis est expers generationis, aut corruptionis.

Pars conclusionis prior probatur 1. Nam si durum & solidum foret cœlum, siderum lumen nunquam transmitteret: corpus n. durum & diaphanum lumini transitum præbet, cum illius meatus in rectas lineas disponuntur; idq; fieri nulla ratione posset, si immensa moles cœli instar crysalli solida esset; aut sane mirum in modum siderum lumen infringeret: ut si multa vitra etiam purissima simul jungas, plurimum opacitatis habeant necesse est. Quare frustra quidam Peripatetici astra in cœlo, ut clavos

in rota moveri putant: frustra cœlum innu-
meris Epicyclis perforant, & confundunt.

2. Explicari non potest qua ratione cœlum
inferius à superiore rapi queat: nam & sphæ-
ræ cœlestes terſæ, & politæ ſibi ſubjectas ab-
ripere non poterunt. Imo cum ſol, & cæteri
planetæ circa ſuum centrum torqueantur, ut
poſtea dicemus, nihil eſt cauſæ cur proprio &
inſito motu in liquido æthere ferri non poſ-
ſint; nec proprio quiſque cœlo affigitur.

3. Si cœlum Iovis ſolidum orbem Martis
abripit, cur Mars Iovis motu proprio non fer-
tur? Quin etiam Mars ipſe interdum ſole lon-
ge nobis eſt vicinior, ut poſt Tycho-
nem omnes Aſtronomi conſentiunt: ergo neceſſe eſt
ut cœlum Martis ſolis orbitâ interſecet: quod
neſcio an cum cœli ſoliditate, & firmitate
conſentiat, aut citra ſectionem, & diviſionem
corporum fieri poſſit.

Pars altera concluſionis multis quoque ob-
ſervationibus probari, ſimul & pars conclu-
ſionis prima confirmari poſteſt.

1. Enim maculæ quæ in ſole conſpiciuntur,
magno ſunt argumento cœlum non ita eſſe
adamantinum, ut nova in eo generatio fieri
non poſſit. Neque eæ maculæ in ipſo aëre,
aut alibi quam in corpore ſolari formantur.
Primo enim in medio ſolis diſco, & prope il-
lius Eclipticam, nunquam prope polos corpo-
ris ſolaris cernuntur.

2. Plures Aſtronomi magnis locorum inter-
vallis inter ſe diſtantes eaſdē prorſus maculas
eodem tempore & in iſdem locis obſervant.

3. Omnes eadē inſiſtunt via, nec tam æqua-
bili motu ferri poſſent, niſi eidem ſphæræ, cor-
pori nimirum ſolari adhæreſcerent; extra ſo-
lem nunquam conſpiciuntur, circa illius mar-
gines

gines graciliores, & compressiores cernuntur, circa illius medium majores apparent; idque juxta Opticæ leges; cumque plures sunt, in eadem semper serie, fere ut stellæ in firmamento moventur: quod cum sole vertiginem suam absolvant nempe intra spatium 26 aut 27 dierum. Interdum eadem macula post integram solis revolutionem revertitur. Imo anno superiori atra macula per tres revolutiones visa est, ut clariss. Cassinus ex ejus mole, & atro colore prædixerat.


Verum ista paulo diligentius ex eodem doctiss. viro explicemus. Maculæ solares atrum, ut plumum, colorem præ se ferunt, subnigra velut nubecula circundari solent, quæ in parte interiori paulo lucidior, quam in parte extrema cernitur. Varias induunt figuras, quas subinde mutant: ut quæ ab eo primum visa est anno 1672, quæque per 36, aut 37 dies apparuit: nunquã macula diutius permansit, quam quæ mensibus Novembri; & Decembri anni 1676 & Ianuario anni 1677 & per 70 & amplius dies perseveravit.

Cum telescopium primo à Galilæo inventum fuit, vix sol macularum expers videbatur: adeo ut Scheinerus qui magnum de his maculis volumen edidit, aliquando 50 simul in sole maculas conspexerit, tum rariores visæ: atque ab anno 1650 usque ad annum 1670 vix una aut altera est observata; ex eo tempore vix ullus effluxit annus, quin aut semel aut pluries visæ sint: neque ulla constanti temporum lege aut redeunt, aut evanescent.

A parte solis orientali lentiore motu in occidentalem feruntur, atque ab uno margine ad alterum 13 fere diebus progrediuntur. Celerior prope centrum motus videtur, & tantum spa-

tii in ea parte intra 4 dies videntur conficere, quantum prope circumferentiam 9 aut 10 diebus peragant. In centro quoque majores, prope limbum longæ & contractæ videntur. Ex hoc motu prope centum celeriore colligitur eas aut soli adhærescere, aut ei esse proximas.

2. Id ipsum ex cometarum generatione demonstratur: certum est enim eos non in suprema aëris regione, ut visum est Aristoteli, sed in coelo ipso formari. Nam illud omnino supra fidem est exhalationem sulphuream, & bituminosam in aëre accensam adeo religiose primi mobilis motum sequi; ubique terrarum eodem in loco apparere: adeo ut nullam fere parallaxim seu aspectus diversitatem subeat. Quamvis enim luna tot millibus milliarium à nobis distet, eodem tamen tempore è diversis terræ partibus, Constantinopoli, v. gr. & Parisiis sub iisdem stellis non conspicitur; neq; eodem in loco cernitur, ac si ex terræ centro videretur: quæ quidem diversitas è sensibili telluris mole orta parallaxis vocitatur; de qua forte inferius. Sed omnes cometæ qui centrum abhinc annis visi sunt, atque ab Astronomis peritissimis observati, longe minorem quam luna parallaxim habuere: ergo necesse est eos luna multo sublimiores fuisse; cum n. sensibilis terræ moles illam de qua loquimur, efficiat aspectus diversitatem, quo longius à nobis astrum distat, hoc minor illius est parallaxis, seu minor est differentia inter verum ejus locum, quæ ex terræ centro videremus, & apparentem quem ex telluris superficie conspiciamus. Quod in figura delineata clarius futurum est. Sit enim globus terræ A, locus spectatoris I, Luna B. qui in centro A existeret,



ret, lunam sub stella D, tanquam in vero il-
lius loco cerneret; oculus vero in I lunam
sub stella F, & depressiorem quam revera sit,
intuetur. Arcus itaque DF, seu differentia
veri, & apparentis loci parallaxis nominatur.
Atque hæc eo minor est, quo astrum subli-
mius est: tum enim terræ moles minus est sen-
sibilis, ac minorem aspectus diversitatem in-
ducit. Sic sideris ex.gr. Martis in C positi pa-
rallaxis est arcus DE, multo minor arcu DF.
Cum igitur cometarum omnium qui à cen-
tum, & amplius annis visi sunt, nulla fuerit
sensibilis parallaxis, palam est eos maxima sal-
tem ex parte non luna solum, sed & forte solē
ipso altiores extitisse.

Confirm. Cum cometæ caput undiq; & eo-
dem in loco simul ab omnibus videatur, om-
nino

nino necesse est id globo telluris majus existere. Quanta igitur futura est illius cauda, quæ magnam cœli partem interdum occupat. Illud etiam quod Seneca objicit, minime contemnendum videtur, quæcumq; aër creat, brevissima sunt: nascuntur enim in re fugaci, ac mutabili: sed cometæ vel senis, inquit, mensibus manent: fieri igitur non potest ut certus, & constans ignis in corpore vago sedeat, & ita pertinaciter hæreat.

Multa asserri possunt de novis stellis, aut de veterum extinctione. Sed de his suo loco.

Diluuntur objecta, & quadam solvuntur difficultates.

Opp. 1. Adversus ea quæ diximus de maculis solaribus; visus forte, aut telescopii vitium irrepere; aut eas in sublimi aëre procreari; aut quædam forte esse planetas qui sub aspectum veniunt, cum solem obducunt; idq; eo facilius objicitur, quod earum macularum generatio, aut natura explicari non possit.

Resp. Nihil fere certius esse in Physica, quam maculas in sole apparere; nec tubum opticum nobis illudere, cum eadem ubique terrarum appareant: quod etiam probat eas in sublimi aëre non formari: præsertim cum æquabilem fere, & menstruam habeant revolutionem. Neq; inter sidera numerari possunt: nam sæpe in medio solis repete emergunt, aut penitus evanescent, aut plures in unam coeunt; aut una in plures distrahitur. Obscuræ, & quasi attramenti guttæ plerumq; apparent: quia ex aversa solis parte eas intuemur. Iam vero cujus naturæ sint illæ maculæ, quisque quod sibi videtur probabilius, id defendit.

Existimat Cartesius nigriores illas maculas ex particulis striatis, & instar cochlearum cō-

tortis

tortis quæ per polos cujusq; vorticis ultro citroq; commeant, exurgere. Is .n. tot vortices, quot stellas constituit: solem vero, aut stellas nihil esse putat nisi subtilissimam materiam in centro cujusq; vorticis accensam. Vorticem vocat totum illud spatium, quod septem v.gr. planetas complectitur, cujus pars media citissime rapitur; ceteræ eo tardius, quo longius sunt à centro remotiores. Nostri hujus vorticis medium sol occupat, qui rapidissime circa suum centrum agitur: adeo ut spatio 26 dierum circa seipsum revolvatur, ut ex maculis solaribus colligimus. Cùm itaq; vortices circa proprium quiq; centrum torqueantur, motus vel nullus est, vel tardissimus circa polos. Quare materia illa striata per partes polis finitimas facile ingreditur. Atq; idem fere in sole evenit, quod in liquore ad ignem effervescente, cui spuma ex particulis diversæ ab aliis naturæ supernatat: ille .n. partes ad motum minus accommodatæ, ab aliarum agitatione expelluntur, & in unam molem satis crassam assurgunt. Sic minutia illæ striatæ cum variis angulis sunt asperæ, minus sint ad motum idoneæ: hinc sibi mutuo adhærēt, & in magnas sæpe moles coeunt: cum sole tamen in orbem moventur. Postquàm vero à subtilissima & ignea solis substantia quasi subactæ sunt, vel penitus dissolvuntur, ubi sol eas instar spumæ resorbet; vel in partes quasdam lucidiores abeunt, quæ faculæ appellantur.

Aliis placet has maculas nubes esse, aut crassos vapores, quos solis calor evexit: ut si quis terram à luna cerneret, hic eam nubibus, & vaporibus tanquam maculis obductam intueretur. Sunt qui eas velut fuligines, aut pabuli solaris reliquias, & quasi cineres superstitites fingant. Nec desunt qui eas similes esse putent

iis sordibus quas fluvii innatare post exundationem cernimus; easque ex variis halituum corpusculis constare; quæ propter celerrimam solis turbinationem, vel in unam coeunt molem, vel in plures disperguntur. Sed de his nihil certi, nihil liquidi afferri potest: id unum constat eas non in aëre, sed in ipso sole, vel saltem quam proxime generari.

Opp. 2. Nullam esse in coelo contrarietatem, nullam adeo generationi & corruptioni locum. Vnde illius motus est circularis, non rectus, ut in elementis: hinc coelum est corpus simplicissimum, & liberum ab omnis corruptionis contagio, quod motui circulari nihil adversetur. Hinc sol, & stellæ quam in sui conditione naturam accepere, integram tuentur. Ac nulla stella tot retro sæculis vel penitus extincta est, vel mole imminuta.

Resp. Id ipsum esse quod in quæstionem venit, an nulla sit in coelo contrarietas: cum saltim in eo sint raritas & densitas, quæ sibi adversantur. Motus vero rectus nec terræ, nec elementis convenit, nisi quatenus ea sunt à suis locis revulsa. Ac licet stellæ nec motu, nec mole sint immutatae, de quo tamen postea, idem prorsus de terra dici potest, quæ tamen est omnium generationum sedes. Quod dicunt nullam fieri in coelo generationem, id falsum esse cum ex maculis solis, tum ex cometis ostendimus.

Instant. Sed neq; cometarum generatio intelligi nullo modo potest: ac longe probabilius est eos inter æterna naturæ opera numerari oportere: adeo ut si Cartesio credimus, sint quidam velut planetæ qui ex uno in alium vorticem migrant; iiq; sub aspectum nostrum cadunt, cum nobis sunt viciniore: ita ut inter planetas & cometas hoc intercedat discrimi-
nis,

nis, quod illi semper in eodem vortice, & quasi in eadem statione permaneant, cometæ vero sint quasi ingenui homines qui nulli civitati addicti per omnes divagantur.

R. Idem nobis de cometis, quod de maculis videri: cum forte ejusdē sint naturæ. Nam observatum est anno 1618 toto illo tempore quo Cometa apparuit, nullā in sole visā fuisse maculā: illud tamē vix explicari potest cur cometæ aut caudā trahant, aut coma ornentur, si nihil sunt quam planetæ. An forte Kepleri sententiæ accedendum, qua putat cometas nihil esse præter cœlestē materiam vi quadā occultiore condensatam, quæq; radios solis colligit, aut dispergit. Idem. n. fere hic evenit quod in vitro globo, quem si aqua impleveris, & forāmini cubiculi undiq; clausi sic aptaveris, ut radii solares dimidiam globi partē collustrent, tum ii in quodā puncto collecti, rursus dispergentur: atq; in opposito pariete speciem cometes sua cauda instructi exhibebūt. Hinc cometæ cauda in solis partē aversā projicitur. Aliis aliter videtur, nec vacat omnium Philosophorum, aut Astronomorum de cometarum natura sententias referre, dummodo illud inconcussū maneat cometas in cœlo procreari.

Ne illud quidem omittendum à D. Cassino observatum anno superiore 1677 cometē apparuisse: cum anno 1577 à Tychone & aliis fuerit observatus. Imo anno 1477 visus quoq; est cometes, ut Bzovius in Annalibus refert. Sic anno 1572 cometa à Tychone visus, anno 1672 visus quoq; fuit. Ex quo illud satis probabile colligitur cometas inter æterna, ut ait Seneca, naturæ opera, quæ. s. una cum aliis sideribus condita sunt, referri oportere, ac motum eorum forte certum esse & constantem.

Q V Æ S T I O II.

De præcipuis Cosmographia elementis.

QUæ sint præcipuæ hujus universi partes, quæ earum natura diximus, nunc quo ordine disponantur, dicendum nobis esset, nisi quædam ante velut præambula nobis forent exponenda: quibus non constitutis vix longius progredi liceat, aut ea quæ ad hujus mundi descriptionem pertinent, intelligere.

Primum illud statuendum quod ratio, & experientia demonstrant, sidera, saltem maxima ex parte & cœlum ipsum rotunda esse, aut sphaerica.

1. Enim terra, luna, & reliqui planetæ suum in se habent centrum, quod partes omnes quasi uno consensu æquabiliter premunt. Si terra globosa non esset, sed plana, ubiq; eadem esset poli elevatio; sol dimidiam illius partem simul, & eodem instanti collustraret.

2. Stellæ quæ circa polum nobis conspicuæ positæ nunquam oriuntur, vel occidunt, & quo magis à polo distant, eo circulos ampliores motu diurno describunt, globosam cœli figuram demonstrant: sic qui à septentrione in Austrum iter faciunt, novas stellas ante incognitas deprehendunt. Quod utiq; non accideret, nisi ut cœli, sic terræ sphaerica esset figura: neq; iis qui ad orientem sunt constitutis citius sol occideret.

3. Nec gravia in terram ad perpendicularum inciderent, nisi terra esset sphaericæ figuræ; nam huic figuræ id proprium est, ut lineæ quæ ad illius centrum tendunt, in superficiem cadant ad perpendicularum. Omnia quoq; instrumen-

ta quibus motus cœlestes explicantur, aut perispecti habentur, rotunda sunt; ac demum unus terræ gradus uni itidem cœli gradui respondet. Nec siderum phænomena, nec dierum & noctium diversitas, nec eclipses, nec horologia scioterica ullo modo explicari possunt, nisi cœlo, & telluri figuram sphaericam tribuamus. Neq; illud concedendum Oceanum esse terra altiore: cum enim aqua semper decliviora loca petat, si terra esset mari depressior, aqua terram inundaret.

2. Illud quoq; principii instar ponendum, terram ad firmamenti, imo ad cœli solaris cōplexum comparatam puncti instar obtinere. Nam dimidium cœlum conspectui nostro patet; atq; ex 12 Zodiaci signis, sex supra horizontem attolluntur, reliqua deprimuntur.

Quanta vero sit terrę moles, & quot millia illius diameter cōtineat, definiri facile potest, si nobis liquere possit, quantū pateat unus orbis terræ gradus. Iam ut omittam Veterum hac de re sententias quæ nimium inter se dissentiunt, Fernelius ex suis observationibus collegit, unum terræ gradum, seu trecentessimam sexagesimam circumferentię partem esse 68096 passuum qui geometrici dicuntur, quorum nimirum singuli sunt 5 pedum. Quæ summa efficit 56746 exapedas parisienses. Post Fernelium Snellius Batavus gradum continere 28500 perticas Rhenenses, seu 55021 exapedas comperit. Pater Riccioli eum definivit 64363 passuum Bononensium qui ad exapedas redacti 62900 efficiunt. D. Picard Regiæ Academię ex multis & accuratissimis ac sæpius repetitis observationibus comperit unum maximi circuli in terra descripti gradum esse 57060 exaped. Parisiensem: adeo ut terrę circumferentia

fit 10270 leucarum, cum tribus leuce quadratibus, posita leuca communi 2000 Exapedarū. Quam autē inierit viam, peculiari tractatu explicat, ubi demonstrat huic terræ magnitudini omnino esse acquiescendum, atq; eam metiendirationem quam secutus est, omnium quæ ante factæ sunt longe esse accuratissimam.

3. Omnes Astronomi illud quoque principii loco statuunt, motus coelestes esse omnino æquabiles. Nam sydera, certis temporibus eo revertuntur, unde sunt profecta: tametsi stare nonnunquam, aliquando regredi videntur. Atque in id tota incumbit Astronomia, ut quidquid inæquale in conuersione siderum apparet, id nobis explicet salva motuum cælestium æquabilitate.

Cum itaq; non terra modo, sed etiam cœlum sit figuræ sphaericæ; cumq; in orbem motus suos agat; horum motuum rationes per minorem globum iisdem instructum circulis quos cœlo affingimus, satis apte exponuntur. Imo iidem circuli ad telluris globum pertinere intelliguntur, & licet ii sint fictitii quodammodo, his tamen neglectis vix ipsius Geographiæ, & Cosmographiæ elemēta capi possunt. Quare danda est opera ut eos sphaeræ circulos breviter aperteq; demonstremus: sed nonnullæ sunt ante definitiones præmittendæ.

Prima, sphaera est solidum una superficie contentum, in cuius medio punctum est, à quo omnes rectæ lineæ ductæ ad superficiem ambientem sunt æquales. Vel brevius à Cicero-
ne describitur, figura cujus extremitates paribus à medio radiis attinguntur.

Secunda, poli sphaeræ dicuntur puncta in illius superficie immobilia, circa quæ volvi concipitur sphaera.

Tertia, recta linea utrumque polum connectens axis nominatur.

Quarta, polus circuli est punctum in superficie sphaerae, à quo circulus describitur.

Hinc liquet 1. omnes rectas à polo circuli ad circumferentiam productas esse æquales.

2. Circuli sphaerae maximi, qui scilicet sphaeram in partes æquales secant, & per illius centrum transiunt, duo hinc inde poli per semicirculum inter se distant: id figura fiet apertius.



Linea GBH concipiatur ut circulus sphaerae maximus illius poli P, & O, à quibus describitur, inter se distant per semicirculum P G O, aut quod idem est P B O, quæ licet recta linea videatur, est tamen semicirculus in sphaera. Quare inter circulum G H, & illius polum P, à quo .s. describitur, est quadrans circuli, seu arcus 90 graduum P G. Vnde posito pede circuli

cini immobili in P, & altero pede usque ad G porrecto describetur circulus in sphaera maximus G B H.

3. Cum duæ lineæ P O, & G H, ita se interfecerint in puncto B ut quatuor angulos efficiant rectos, seu 90 graduum: hinc fit ut circulus P O, qui transit per polos P & O alterius circuli G B H illum secet perpendiculariter, seu ad angulos rectos. His intellectis, ad sphaeram quæ mundum ipsum representat, veniamus: sed optimum fuerit sphaeram artificialem, aut globum in manus sumere.

In sphaera aut globo quidam circuli delineantur, qui magni sunt usus: quorum alii sunt maximi, ut G B H, alii minores ut A F E, quos utique per rectas lineas, seu eorum diametros exprimimus, ne confusionem pariant. Qui sunt maximi vel sunt immobiles, ut Horizon, & Meridianus, vel mobiles, ut Æquator, & Zodiacus.

1. Horizon seu finitor sic dicitur, quod aspectum nostrum definiat, ac cœlum in duas partes secet, quarum una nobis conspicua est, altera abscondita. Hic circulus describitur tanquam à duobus polis, à puncto quod vertici nostro imminet; quodque Zenith vocitatur, & à puncto opposito, quod Nadir appellant. Ut si concipiamus horizontem G B H, illius poli erunt P, & O.

Horizon duplex vulgo statuitur, unus qui dici solet rationali, alter sensibilis; ille per centrum terræ, hic per illius superficiem transit: cum autem terra cum cælo comparata (nisi cœlum lunare exceperis) puncti habeat rationem, unus ab altero horizonte sensibilibiter non discrepat.

Præcipui usus horizontis sunt duo, primus
ut cœ-

ut coelum in duo hæmisphæria secet, quorum alterum à nobis conspicitur, alterum occultatur; secundus ut in eo ortus & occasus siderum designentur.

Secundus circulus spherę immobilis dicitur Meridianus. Hic per utrumque mundi polum, & verticem nostrum transit. Vnde si meridianum concipiamus PBO, illius poli erunt in horizonte ut in G, & H, cumque unus ex his circulis per alterius polos transeat, se se invicem intersecant ad angulos rectos, seu perpendiculariter, & ad normam.

Præcipuus hujus circuli usus in eo est positus, ut coelum in duas partes secet, quarum una dicitur orientalis, altera occidentalis. Vnde cum sol ad eum circulum diurna conversione pervenit, tum medius effluxit dies.

Verum quo usus hujus circuli, & aliorum, melius percipiantur, sex in coelo ut in sphaera materiali puncta immobilia licet intelligere, ex quibus præcipui circuli delineantur. 1. n. duo sunt puncta in Meridiano, de quibus jam alibi, Zenith, & Nadir ex quibus horizon describitur: adeo ut tot sint horizontes, & meridiani quot ejusmodi sunt puncta. 2. Duo itidē puncta sunt in horizonte, quæ ortus & occasus dicuntur, in quibus videlicet æquator secat horizontem, aut sol oritur & occidit in æquinoctiis: ex his utiq; meridianus delineatur. 3. Occurrunt in meridiano duo mundi cardines, circa quos mundi machina quotidiana vertigine volvitur. Polum nobis conspicuum vocant Arcticum, vel septentrionalem, propter septē stellarum congeriem, vel constellationem quę Vrsa minor dicitur. Hic polus supra horizontē tantum attollitur, quantum oppositus qui & Meridionalis, vel Antarticus dicitur, sub ho-

rizonte delitefcit : ut in figura appofita fi circulus P o P fit meridianus , G B H horizontis pars dimidia ; poli mundi E , & N , quantum unus ex polis nempe E fuper horizontem G B H attollitur , tantum alter N deprimitur.

3. Iam ab his polis circulus, A B I, inter eos medius describatur, qui magni ufus futurus eft: hunc æquatorem vocant, ifq; motus diurni partes, feu tempora dimetitur : adeo ut 360 illius partes, in quas ut alii circuli, dividitur, quique gradus dici folent, fpatio 24 horarum decurrantur ; ficq; 15 illius gradus intra horæ fpatium motu diurno conficiantur. Quare ftella quæ medio inter utrumq; polum loco affigitur, ut in puncto A, fingulis diebus hunc circulum delineabit. Quo verò ftellæ ab eo circulo longius difcedunt, eo minores circulos motu diurno abfolvunt, atq; omnium minimi funt qui polis proximi: unde hæ ftellæ polis finitimæ, nunquam oriuntur, vel occidunt: fed nobis femper funt inconfpectu.

Cum autem Aftronomi folaris motus potiffimum habeant rationem; ubi fol medio inter polos intervallo conftituitur, motu diurno eundem defcribit circulum, qui idcirco Æquinoctialis dicitur, quod tum dies æquentur noctibus, idque bis in anno contingit: Æquator verò ut reliqui circuli in fphæra maximi, cœlum in duas partes æquales dirimit, una Borealis, altera Australis vocitatur.

Quod fi non alio quam diurno motu fol & planetæ moverentur, nihil fere necesse effet alios in fphæra circulos effingere. Sed alio quoque motu quafi retroagi, & ab occafu in ortu ferri videntur: adeo ut interdum in Aquilonē adducantur, interdum in Austrum abducantur. Quare alius circulus qui Zodiacus, aut eclipti-

ptica dicitur, quique sit planetarum orbita, in sphaera describitur. Hic Aequatorem oblique intersectat: maxima illius declinatio, seu distantia ab aequatore est 23 graduum, & 30 circiter minutorum: tantundem enim illius poli a polis mundi, seu aequatoris distant.

Sol intra annum eclipticam percurrit, & uno quoque die ferme unum gradum peragrat. Sunt. n. in Zodiaco ut in omni circulo 360 partes aequales, seu gradus: dies vero 365 cum sex horis annus complectitur. Cum igitur Zodiacus in 12 signa tribuatur, unoquoque mense sol unum signum perlustrat. Atque ea signa duplici hoc versiculo continentur.

Sunt Aries, Taurus, Gemini, Cancer, Leo, Virgo.

Libraque, Scorpius, Arcitenens, Capri, Amphora, Pisces.

Hæc sunt totidem constellationum nomina, quibus quorundam animalium figuras affingunt. Cum igitur sol ad principium arietis pervenit, ubi Zodiacus æquatorem secat, tum motu diurno æquatorem delineat, ac dies nocti æquatur: quod horizon æquatorem, ut alios sphaerae maximos circulos in partes æquas dividat: sunt. n. maximi sphaerae circuli velut totidem diametri circuli, qui se bifariam secant. Sed ubi sol cursum suum paulatim ad septentrionem inflectit, ac singulis diebus circulos æquatori parallelos describit, hos utique horizon non amplius in partes æquales dirimit; major quippe eorum portio super horizontem incubit. Vnde dies longiores sunt noctibus.

Horum ultimus circulus dicitur Tropicus cancri, quem sol ineunte æstate, seu in solstitio æstivo motu diurno describit: hunc horizon bifariam non secat, uti nec alios parallelos: sed

major illius portio supra horizontem eminet, quod per illius polos non transeat. Nam ab eodem polo & æquator, & omnes illius paralleli tanquam ab eodem centro describuntur. Ac circulus sphæræ maximus, qui per minoris polos non transit, hunc nec bifariam, neque ad rectos angulos secat, ut in figura superius delineata, circulus V B L. circulum minorem N I, in partes inæquales, & oblique dividit in C, quod per illius polum O non transeat.

Hic quidam circulus tropicus vocitatur: hæc .n. est velut solis meta, ultra quam progredi nō potest: sed inde ad æquatorem paulatim revertitur; quousque ex acta æstate, cum principium libræ attigit, circulum æquinoctialem diurno motu rursum describat; ac dies iterum nocti libretur, quod circa 22 Septembris accidit. Idque est autumnii initium, ac jam deinceps sol parallelos conficit, quorum pars major sub horizonte delitescit, quia polus eorum sub horizonte deprimitur. Illorum omnium postremus circulus quem sol motu diurno absolvit, Tropicus Capricorni vocitatur, quo peragrato ad æquinoctialem convertitur, ac circuitum suum complet, cum ad principium Arietis circa vigesimum diem Martii revertitur.

Quatuor igitur sunt præcipui cardines in quibus mutationes temporum sunt, duo æquinoctia, ac duo itidem solstitia. In his sol aliquandiu velut in eadem statione permanet: ita ut dies vel noctes vix augeri, vel minui videantur. Duo circuli maximi per illa puncta ducuntur, quorum alter Colurus æquinoctiorum, alter solstitiorum dicitur; ille per polos mundi, & æquinoctiorum puncta, hic per polos etiā Zodiaci, & per maximos solis ab æquatore excursus, seu per solstitia ducitur. Cum sol

alte-

alterum ex nodis æquinoctialibus obsidet, tum nullam habet declinationem, seu nullam ab æquatore distantiam: sed maximam obtinet, cum ad alterum tropicorum pervenit: in Tropico quidem canceri nostro vertici proximus est, in Tropico capricorni remotissimus.

Reliqui sunt in sphaera duo minimi circuli, quos poli Zodiaci motu diurno conficiunt: hi polares dicuntur: atq; ab utroq; mundi cardine 23 gradibus, & 30 fere minutis distant, quanta nimirum est solis ab æquatore maxima declinatio.

Vnus ex omnibus sphaeræ circulis Zodiacus sua latitudine donatur. Non enim solis modo, sed etiam reliquorum planetarum circuitus exhibet. Sol autem à mediâ Zodiaci lineâ, quâ eclipticam vocant, nunquam deflectit, sed ab ea alii planetæ hinc & inde octo aut circiter gradibus possunt aberrare. Longitudines & latitudines stellarum penes eclipticam solent dimetiri: longitudo penes distantiam à principio Arietis, latitudo penes distantiam ab ipsa ecliptica accipitur: ut declinatio est illius, ab æquatore distantia.

Atq; hi sunt magis usitati in sphaera circuli: sunt enim alii qui magni quoq; sunt usus; sed describi non solent: ut verticales qui à singulis horizontis punctis ducti per verticem nostrum transeunt; horarii qui per polos mundi fere ut meridianus æquatorẽ dividunt, suntq; 12 qui æquatorem in 24 partes æquales, quot sunt horæ in die, dirimunt.

Hj vero circuli, æquator imprimis, ecliptica, meridianus, tropici, & circuli polares ad globum telluris utilissime transferuntur. Nam suus est terræ æquator, qui lineâ vulgo dicitur, & cœlesti æquatori subjicitur. Suus cuiq; loco

est meridianus. Ac mirum est quantos usus habeant hi circuli ad varios terrarum situs dignoscendos, ad navigandi artem, atq; ad ipsius Geographiæ scientiam. Cum enim ut cœlum, sic terram in longum, & latum liceat distribuere: latitudo loci, aut urbis alicujus, nihil est aliud nisi portio meridiani inter æquatorem & locū ipsum intercepta. Quare qui sub linea æquinoctiali degunt, nullam habent latitudinem: maximam vero sortiuntur, qui longissime ab æquatore sub ipsis polis versantur. Parisiis v.g. existit 48 grad. 52 minutorum: eadem igitur est latitudo quæ poli elevatio. Nam qui sub linea versantur, utrumq; polum in horizonte conspiciunt. Cum ab æquatore discedimus, jam alter polus attollitur, alter deprimitur.

Latitudinem vero facile cōsequimur ex solis altitudine meridiana, cum est in æquinoctio: hæc. n. subducta à quadrante circuli, quod reliquum est, altitudo poli dicitur. Sed accuratius eā consequimur ope unius ex stellis quæ circa polum gyraunt. Nam si illius altitudinem minimam accipias, quæ sit v. g. 40. graduum, tum post 12 horas maximam, quæ sit 60 gr. differentia utriusq; cum sit 20 graduum, si dimidium hujus differentiæ, nempe 10 gradus à maxima stellæ altitudine subduxeris, altitudinem poli 50 graduum consequeris. Quod facile intelliget qui spherā artificialem aut globum cœlestem vel terrestrem inspexerit.

Longitudo vero loci in ipso æquatore desumitur: est quippe æquinoctialis circuli portio inter meridianum loci v.gr. Lutetiæ, & alium meridianum, quem cōsensus hominum primum constituit, interjacens. Is meridianus per insulas quæ Assoræ vocantur, transire concipi-

tur. Qua vero arte longitudo haberi possit, hū est hujus loci explicare: id unū admonemus, quod si initium aut finis, aut medium eclipsis lunaris accurate observari posset, longitudes locorum, atq; eorum distantia facilius cognoscerentur: nam si eclipsis lunaris initium una hora citius Constantinopoli, quam Lutetia observetur, differentia longitudinis inter utramq; urbem 15 graduum futura est. Verum ista leviter attigisse satis fuerit.

Terrarum orbem in quinque partes tribuerunt, quas veteres Zonas dixere. Primam, quæ inter utrumq; tropicum interjacet, torridam appellant: nam radiis solaribus ad perpendicularum vibratis adurit. Hanc ex utraq; parte excipiunt duæ mediæ, & temperatæ inter tropicos, & circulos polares comprehensæ. Reliquæ sunt duæ frigidissimæ, quæ circulis polaribus concluduntur.

Qui sub Zona torrida degunt, vix ullam dierum & noctium diversitatem experiuntur. Nā qui in ipso æquatore verticem habent, iis dies omnes noctibus æquantur, ac sphaeram rectam habere dicuntur: quod æquator horizontem ad partes angulos dividat; uterq; enim circulus per alterius polos transit. Vnde horizon omnes æquatoris parallelos in æquas partes dividit.

Hinc fit 1. ut sol tamdiu supra horizontem, quandiu infra, commoretur. 2. bis uno quoq; anno eorum verticibus imminet, siq; æstatem habent duplicem; cum sol ad æquinoctiorum puncta accedit: circa solstitia vero sol quam potest maxime ab eorum verticibus recedit. 3. iis omnes stellæ oriri, & occidere videntur; nam quæ sunt vel polis finitima, sub horizontem deprimuntur.

Qui inter tropicum, & æquatorem versantur, jam aliquam dierum inæqualitē fortiuntur, & eo majorem, quo longius ab æquinoctiali recedunt: tum enim horizon parallelos æquatoris in æquas partes non amplius dirimit: cum per eorum polos non transeat, Hinc umbras habent in omnem partem porrectas: sol enim exoriens in occasum; ubi occidit, in ortum; cum versatur in signis quæ ad Austrum vergunt, in septentrionem; cum deniq; in sex signis quæ inter æquatorem, & septentrionem defleunt, commoratur, umbras corporum versus Austrum porrigit.

Nos qui Zonam temperatam incolimus, umbras in Meridie semper in septentrionem, nunquam in Austrum projicimus: quod sol ad verticem nostrum nunquā perveniat; & ubicumq; is exiit, magis ad Austrum vergit. Vnde in partem oppositam umbras dirigit. Contrariū evenit iis qui australem plagam incolunt; atq; inter tropicum capricorni, & circulum polarem interjacent. Horum enim umbræ in ipsa Meridie semper ad Austrum tendunt; atq; iis etiam hyems eodem tempore quo nobis æstas contingit. Vtriusq; dies sunt noctibus inæquales, & eo magis quo longius recedūt ab æquinoctiali. Quod horizon parallelos æquatoris, quos scilicet sol singulis diebus describit, in partes magis inæquales dividat, quo polus magis super eorum horizontem attollitur.

Qui verticem habent in circulo polari, ubi sol ad tropicum cancri pervenit, tum diem ut vocant artificialem, qui scilicet est mora solis super horizontem, 24 horarum obtinent. Cum enim idem sit illis horizon, qui Zodiacus; (nā ab eodem polo describuntur:) ubi sol principium cancri attigit, tropicus cancri, quē tum

motu diurno sol describit, totus super eorum horizontem extat; nec ulla sui parte sub horizonte delitescit.

Iam si qui sint, qui verticem habeant sub æquatoris polo, diem continuum sex mensium habeant necesse est: cum idem sit illius circulus æquator, & horizon. Quandiu igitur sol in sex signis quæ ad septentrionem declinant, versatur, tamdiu ab illis conspicitur, nec unquam nisi toto vertente semestri, sub eorum horizonte deprimitur.

Nihil dico de iis qui inter polū Zodiaci, & polum Æquatoris versantur: ex dictis enim liquet diem unius, aut pluriū mensium iis contingere, ut alteri polo sunt viciniore. Interdum dies est trimestris, cū scilicet tria Zodiaci signa supra eorum horizontem ita extant, ut nunquam sub eo deprimi possint: interdum quadrimestris, cum magis ad polum mundi accedunt. Ac de sphære circulis, & præcipuis Cosmographiæ elementis satis diximus: cui tamen rei pleriq; non libros tantum, sed ingentia tribuūt volumina. Nunc ad ea quæ magis sunt controversa redeamus. Qui tamen hæc accuratius tractata videre cupit, is consulat Institutiones Astronomicas Petri Gassendi, quas in linguam gallicam eleganter convertit optimus & doctiss. Bernerius.

Q V Æ S T I O III.

De Mundi systemate.

TRia sunt magis vulgata mundi systemata, Ptolemæi, Copernici, & Tychonis Brahei, qui sigillatim explicare conabimur: tum quid in singulis probandum, quid reprehenden-

dendum nobis videatur, aperiemus.

In Ptolemæi & vulgari mundi systemate terra immobilis medium hujus universi occupat. Huic luna est finitima. Cum enim terræ umbram subeat, ubi deficit, & solem sæpe obscuret, eam esse telluri proximam, & sole longè humiliorem constat.

Plusculum est difficultatis in Mercurio, & Venere: nam eodē fere motu cum sole progrediuntur: nec Mercurius longius fere quam 27 gradibus, uti nec Venus ultra 48 hinc atq; inde à sole digreditur. Hinc Mercurius raro sub aspectum cadit: est quippe omnium planetarū minimus, & radiis solaribus opprimitur. Anno 1631 à Gassendo visus est in sole instar atræ, & minutæ maculæ, nec planetā esse nisi ex motu celeri potuit dijudicare. Ex eo tempore semel ab Hevelio visus est: ac proximo mense Novēbri die 7 anni 1677 in solis disco videbitur, ut clariss. Cassinus Astronomos admonuit.

Sol Venerem excipit, ut medium inter planetas locū obtineat. Mars sole sublimior est, huic succedit Jupiter, Saturnus deniq; inter errantia sydera, seu planetas supremum locū occupat. Firmamentum Saturni orbem excipit: eumq; stellæ fixæ proprio, licet tardissimo motu ferantur; atq; uni corpori simplici unus motus conveniat, necesse est, si vulgo Philosophorum credimus, ut primum mobile quod secum omnes sphaeras cœlestes spatio 24 horarum abripit, supra firmamentum statuamus. Atq; hoc est systema Ptolemaicum, quod magnam præ se fert simplicitatem, & facilitatē, si phænomenis ipsis conveniret.

Nicolaus Copernicus cum animadverteret phænomena cū Ptolemæi systemate non convenire, aliud cōmentus est, quod omnes pene

Astronomi hujus ætatis sequuntur : nam solē in centrum mundi relegato, terram inter sydera consecravit. Itaq; Mercurii orbis solem proxime ambit : hinc fit ut parum ab eo recedere videatur. Spatio pene trimestri circa solem vertitur, tum Venus fere intra octo menses, deinde magnus orbis quam terra motu annuo peragrat ; luna circa telluris globum tanquam in Epicyclo seu in parvo circulo intra mensem circumagitur. Mars, Iupiter, & Saturnus eo quo diximus ordine sequuntur. Mars fere intra bienniū, Iupiter intra annos 12, Saturnus intra 30 annos periodos suas absolvūt : stellæ vero manent fixæ & immobiliæ.

Recentiores Astronomi multa huic systemati adjecerunt. 1. enim iis placet singulos planetas circa suum centrum gyrare. Sol intra 27 dies, terra intra 24 horas, Iupiter decem fere horarum spatio circa se voluitur, ut postea dicemus. Imo unicuiq; planetę principi suus est proprius vortex, qui circa se torquetur. Sic luna terræ vorticem sequitur. Iovis quatuor sunt itidem velut lunulæ, tanquam satellites, tres Saturnum comitantur.

Quare inter recentiores Cartesius qui Copernici systema multum illustravit, in varios velut vortices, aut turbines totum hoc universum distribuit : ita ut tot sint magni vortices quot stellæ, & sol una sit ex stellis. Hic adeo centrum sui vorticis occupat. Solem efficit materia primi elementi tenuissima, quæ est quietis impatiens : hinc sol raptissime circa se vertitur ; atq; eodem prorsus motu cælum planetarium, & planetas ipsos circumagit, eo majori impetu, quo solem vicinius petunt. Alii autem vortices minoris notæ circa terram, Martem, Iovem, & Saturnum, & alios forte


forte planetas torquentur : adeo ut terra 365 vicibus circa se volvatur, dum semel circa solem communi vertigine circumducitur. Satellites Iouis peculiarem cum Ioue ipso vorticem constituunt, ut Saturni satellites cum Saturno. Sic luna circa terram duodecies, & amplius volvitur, cum telluris globus semel circa solem gyrat. Verum hæc omnia multo fiet illustriora, ubi uniuscujusq; planetæ motum persequemur. Nunc summa tantum rerum capita attingimus.

3. Cum Tycho Brahæus nobilis Danus videret Ptolemæi systema cū observationibus, & phænomenis non consentire; ac Martem interdum sole ipso nobis esse viciniorem observaret; cumq; motus quinque planetarum luna excepta à sole omnino pendere cerneret, nec tamen terram moveri in animum suum induceret, mediam quandam iniit viam, quã pleriq; Philosophi amplectuntur. Placet illi terram in medio mundi stare immobilem, atque ab illius centro lunæ & solis orbes, ac firmamentum describi: sed solem ipsum quinque aliorum planetarum centrum constituit: nam eorum motus, stationes, directiones, & retrogradationes sol omnino regit, & moderatur, ut postea ostendemus.

Quare in hac hypothese cœlum fluidum est, idque triplex: primum mobile, quod motu diurno circumagitur; firmamentum, & cœlum planetarum. Sic trium planetarum superiorum orbes terram involvunt, non Veneris, & Mercurii orbitæ, quæ soli sunt proximæ. Quid in unoquoq; systemate sit commodi explicare ante non possumus, quam motus planetarum fuerint à nobis expositi, quod proximo tractatu aggrediemur: nunc illud in

universum expendamus utrum probabilius sit systema Copernici, quam Tychonis. Nam de Ptolemæi hypothese omnes pene consentiunt: quod ut clarius fiat, Copernici & Tychonis Systemata figuris hic exprimantur. Itaque eo redit omnis quæstio utrum sit probabilius terram stare, an moveri. Sit igitur

Systema Copernicanum.



Systema Tychonianum.*Prima Conclusio.*

Nulla ratio demonstrat terræ stabilitatem aut motum: tutius tamen est telluris quietem, quam mobilitatem defendere.

Prob. concl. Ex solutione omnium rationum quæ in utramque partem afferuntur. Primum enim adversus terræ motum hæc opponi solent, terram esse corpus gravissimum, & ad motum minime idoneum. 2. Quod si ea spatio 24 horarum, circa suum centrum ageretur, fore ut ædificia brevi corruerent, ac terra ipsa tanto impetu agitata dissolveretur. Nam ut rota citissime acta globulos sibi impositos procul expellit, sic terra tanta incitatione

tionē mota turres & ædificia excuteret: non secus atq; ii qui secundo flumine & velis passis pervehuntur, hunc motū minime sentiunt: sed ubi navis in orbem gyrat, tum qui stant, vacillare incipiunt, & proni cadunt. 3. Nec demum gravia ad perpendiculum deciderent: cum enim cadunt, jam terra longius provecta est, neq; corpus grave in id terræ punctum, unde emissum est, relabi potest.

Resp. Copernicani has & similes rationes ex falsis sensuum præjudiciis duci, neq; eos qui has afferunt populares ratiunculas, satis advertere telluris globum vna cum aëre diurna vertigine abripi. Cum itaq; ædificia ipsa una cum terra & æquabili motu deferantur, nec telluris motui resistent, nec est quod metumamus ne illa corruant, aut terra ipsa tanto motu dissipetur, nisi forte in corpus aliquod solidum offendat, vel repente sistat. Quod autem exemplum rotæ in exemplum afferunt, res est omnino dissimilis: nam motum terræ circumfusus aër & corpora terræ imposita ex æquo participant. Sed gravia, inquiunt, ad perpendiculum non reciderent.

Resp. Copernicani motum gravium absolutum esse curvilineum, tametsi motus respectivus, quem solum percipimus, sit rectilineus: ut sagitta è pede mali in navi magna celeritate acta ad pedem mali relabatur, quiq; in navi vehuntur, eum motum perpendicularem esse decernunt: licet ii qui stant in littore, aliter dijudicent. Atq; hanc similitudinem non prætervolant in navi, inquiunt, tam facile versus proram, quam versus puppim ambulamus: licet is qui versus puppim progreditur, majus spatium in aquæ plano conficiat: sed motus relativus idem omnino est; ac pisces
in

in pelvi positi in omnes partes eadem facilitate natant; nec bombardile longius versus puppim, quam versus proram globum emittit. Sic licet terra citato cursu ab occasu in ortum promoveatur, nihilominus eadem prorsus accidunt, ac si immota consisteret: nam gravia cadere videntur ad perpendicularum; in omnem partem libere & æqua facilitate ambulamus; nec motus terræ vel incessum animalium, vel avium volatum quicquā morari potest: quod communis motus imprimatur terræ, aëri, & omnibus quæ terra & aëre continentur.

Sed, instant, vix credibile est aera ipsum eodem cum terra motu abripi: nam illius partes sunt male inter se colligatæ, ac motum reluctantis aeris non sub æquatore modo, ubi motus terræ est citissimus, sed etiam in aliis regionibus nullus non perciperet.

Resp. Copernicani, aut potius Cartesiani, solem circa suum centrum agitari, atque hoc motu expansum in mundo planetario æthera impellere, quo agitato terra, & cæteri planetæ, tanquam naves in medio mari cientur, eo tardius, quo longius à centro distant. Sed interim in hoc magno vortice sunt alii minores; in quibus singuli planetæ circa suum centrum gyraunt, & minores interdum planetas secum abripiunt. Sic luna circa telluris globum; Iovis & Saturni satellites circa Iovem & Saturnum aguntur, eo celerius quo planetæ principi, Ioui nimirum, aut Saturno sunt propiores. Motus vero terræ inter Tropicos utcumq; percipitur: quandoquidem in eâ regione perennem ventum ab ortu in occasum perflare experiuntur, qui in India, navigare solent.

Non dissimili ratione quæ à Copernicanis

afferuntur contra telluris quietē argumenta, solvi possunt. Primum .n. opponunt quod cum eadem appareant phœnomena, seu terra, seu cœlum moveatur, ut omnes fatentur Astronomi, cumq; natura compendio agat, quantū potest maximo, longe probabilius videatur motum diurnum terræ, quæ est instar puncti cum cœlo comparata, quam firmamento ipsi, cujus celeritas nulla mentis agitatione concipi potest, omnino tribui oportere: nam necesse est ut qualibet stella intra unius arteriæ pulsum multa millia miliarium conficiat. Quare id mirum videri potest, quid causæ sit ut terræ dissolutionem reformident, nihil soli, nihil stellis ipsis ob tantam motus pernicitatē metuant.

Hanc utiq; rationem multum dilatant: natura, inquiunt, eundem finem per terræ motum consequi potest, quem per stellarum & primi mobilis rapidissimum motum assequitur; maiorē cum luna & reliquis planetis, quam cum sole & stellis fixis habet cognationem: reliqui vero planetæ non stant immobiles, cur igitur ea sola non movebitur? Idem .n. hic usu venit ac si quis urbes & montes circum se moveri jubeat, ne oculos vel caput circumagere cogatur. Sed ne illud quidem facile concipitur, qui possit terra in medio pensilis & quasi in æquilibrio constituta primi mobilis, & totius universi rapidæ agitationi resistere: mirū si in medio fluidæ & mobilis substantiæ instar pali fixa permaneat: nam cæteri planetæ qui & mole, & soliditate non plurimum à terra dissident, communi illo motu abripiuntur.

Accedit illud quoque primum illud mobile nec intelligi posse, nec cum instituto naturæ ordine convenire. Nam illius celeritas omnem fidem superat, nec qua ratione inferiores sphæ-

ras abripiat; cogitatione assequi possumus. Cum deniq; cœlestes globi eo velocius ferantur quo terræ sunt viciniore: nam luna intra mensem, sol intra unius anni spatium; Mars biennio, Iupiter 12 Saturnus 30 annorum intervallo, stellę fixę 26000 annis suas absolvunt revolutiones: quod vero omnem ordinem, conturbat, primum mobile spatio diurno inestimabili celeritate convertitur, inferioresq; sphaeras etiam renitentes, imo ipsum aëra abripit. Hujus .n. aëris, ut jam diximus, notum minime interruptum sentiunt qui sub Æquatore navigant, ac longe facilius ab ortu in occasum, quam vicissim ab occasu in ortum devehuntur. Fluxus vero aëris potius terræ motui, quam primi mobilis rapiditati tribuendus videtur. Nam globus telluris circa æquatorem agitur, atq; huic celeritati dum aër minus obsequitur, in contrariam partem videtur reflueret. Sic cometæ diurno motu feruntur: cum tamen nulli cœlo affixi videantur: quod motum terræ his tribuamus.

Hæc utiq; magnam præ se ferunt probabilitatem: nec tamen sunt ejusmodi, ut omnino persuadeant. Primo .n. quod negant stellarum celeritatem concipi ullo modo posse: esto, sed non continuo id impossibile judicent, quod animo non comprehendunt: deinde eo facilius movetur circulus, quo major est: nec major subest difficultas in tanta motus pernecitate, concipienda, quam in æstimanda firmamenti mole prope immensa. Deinde non tanta est forte firmamenti a nobis distantia, quantam ad libidinem fingunt.

Quod autem primū mobile de medio sublatum volunt, non multum repugnamus: nam id concipi nulla ratione potest. Imo probabile

est

est omnia sidera uno & communi motu ab ortu in occasum ferri: sic tamen ut firmamentū celerrime, luna tardissime moveatur: unde hæc celeri motu ab occasu in ortum, stellæ fixæ tardissimo ferri creduntur: cum unus sit omnium motus, quem in spirarum modum sidera efficiunt, ut alibi dicendum est.

Sed, *inquiunt*, nunquam natura per ambages operatur, quod paucis expedire potest: cur igitur tanta sphaerarum machina moveatur, cum ex solo telluris motu iidem consequantur effectus? Terra sole & stellis indiget, non sol terra: nec solis igneæ & fluidæ naturæ cum motu annuo bene convenit: imo nec rotundam figuram is tueri posset, sed cœlum trajiciens incredibili velocitate partes ejus figuram oblongiorem & ovali similem obtinerent.

His & aliis respōderi solet, stellæ ipsas propter hominem cōditas fuisse, ut essent in signa & tempora: unde non mirum est si illæ potius moveantur, quam terra, quæ tanquam vas cœlestibus influxibus excipiendis est destinata. Deinde non ii sunt Copernicani qui cum Nicæta Syracusio censeant sidera omnia stare, neque præter terram rem ullam moveri. Iam Cartesius tot vortices cōstituit, quot sunt stellæ fixæ: adeo ut sol & reliquæ stellæ circa suum axem torqueantur. Quod vero addunt solem & stellæ tam celeriter moveri non posse, & rotundam tueri figuram: id fortasse verum esset si medium illud in quo sol movetur, aliquantulū resisteret, aut si sol ipse sui cœli motum non sequeretur. Quare quæ hætenus contra terræ motum aut quietem allatæ sunt rationes, vim demonstrationum non habent. Nunc videamus utri opinioni Astronomicæ observationes & phænomena magis faveant. Sit itaque

Secunda Conclusio.

Systema Tychonianum verisimilius videtur; licet Copernicanum ut hypothesis defendi possit.

Pars prior conclusionis hinc probatur, quod sit velut communis notio omnium animis infixæ, terram stare, solem moveri; quod omnibus phænomenis Systema Tychonianum satisfaciatur, ut ex dicendis fiet manifestum; quod denique in hanc partem sacræ Scripturæ auctoritas multum propendeat. *Terra*, inquit Ecclesiastes, *in æternum stat*, *sol oritur & occidit*, & in libro Iosue *sol contra Gabaon nemovearis*, *stetitq; sol in medio cæli*. Hinc Psalteres Regius. *Qui fundasti terram super stabilitatem suam, non inclinabitur in sæculum sæculi*.

Quid respondeant Copernicani, non ignoreo, 1. Sacram Scripturam ad vulgi captum se accommodare; vulgus enim sensuum præiudicia omnino sequitur: unde non quid sit, sed quid hominibus videatur, docet scriptura, cum hæc neque ad fidem, neque ad morum institutionem pertineant. Sic lunam luminare magnum vocat, cum tamen inter sidera sit pene mole minima.

Scriptura, inquiunt, viam qua in cælum eundem sit, docet, sed quibus machinis moveatur, aut quanto à nobis distet intervallo, non tradit: id enim formandis moribus omnino est inutile.

Resp. 2. Cartesiani terram non magis moveri in medio sui vorticis, quam hominem, qui in fundo navis sedet: licet enim navis multum promoveatur, hunc tamen hominem sedere, quie-

quiescere, aut dormire constat; sic globus telluris una cum suo vortice delatus proprie non movetur: eundem quippe ad vicina corpora situm aut ordinem tuetur.

Resp. Deniq; nec sine probabili ratione qui terrā in medio mundi aut saltem vorticis nostri diurna tātum conversione cum Origano & Longomontano agitari pertēdunt, solem moveri, & stetisse ad Imperium Iosue. Quod autem docet Ecclesiastes, terrā in eternum stare, id quoq; verum est: nam semper eadē permanet. Præmittit. n. *generatio transit, generatio præterit*; tum subdit, *terra in æternum stat*. Cum terra sit omnium fere generationum sedes, ea tamen in suo statu semper perseverat.

Hæc utiq; fateor non absurde dici posse: sed tamen quod de Platone dicit Cicero, id sane meliori jure de scriptura divinitus inspirata pronuntio, etiamsi nullam rationem afferre possem, qua illam defenderem, tamen ipsa me autoritate frangeret: ac præstat ignorare quod sacra Scriptura reticet, quā impugnare quod videtur docere: præsertim si nulla demonstratio, nulla experientia contrarium persuadeat. Quod autem lunam vocat luminare magnum, id utiq; verum est: nam majus quam reliqua sidera nobis lumen affundit. Non inficior quidem rationes quæ contra terræ motum afferuntur, vix ullius esse momenti: nā sive terra quiescat, sive sol & fixæ moveantur, eadem prorsus apparent phænomena: sed cum scriptura terræ stabilitati nonnihil favere videatur, hanc velut tutiorem defendimus. Quanquam non ignoro sacram Scripturam de his rebus persæpe loqui, ut nobis videtur: Ac nescio an Copernicus aliter loqui potuisset quam Iosue, cum soli, ut motum sisteret, imperavit.

Pars altera conclusionis partim ex dictis, partim ex iis quæ proximo tractatu dicturi sumus fiet manifesta. Nam systema Copernici tam apte cum phænomenis convenit, ut hypotheseos loco ab Astronomis merito usurpetur, ut excentrici circuli & alia bene multa quæ tanquam hypotheses habentur. Primo .n. motus terræ diurnus ab occasu in ortum in omnia sidera à nobis sic transfertur, ut ea ab ortu in occasum ferri videantur.

2. Motus terræ annuus facile intelligitur: nihil enim hoc systema à Ptolemaico differt, nisi quod sol & terra locum commutent. Cum igitur terra est in principio Arietis, tum sol in principio Libræ opposito cernitur, & quantum globus terrę in Zodiaco progreditur, tantum sol ipse progredi videtur. Vnde si quis in luna existeret, motum lunæ non perciperet, sed eum terræ tribueret.

3. In hac hypothese axis terræ ubiq; sibi est parallelus, & in idem coeli punctum dirigitur. Finge trochum quem in magno circulo puer contorquet: hic majorem circulum, ut terra magnum orbem lustrat, circa suum centrum gyrat, & ubiq; sibi æquidistat: ita ut ad eundem coeli locum convertatur: hinc fit ut stellæ semper æquales nobis appareant. Non enim modo terræ globulus, sed etiam totus in quo defertur orbis, puncti instar est, si cum firmamento conferatur.

Disimulare tamen non possum hac in re durum esse Copernici systema. Respond. tamen id mirum iis videri non debere, qui nullos divinæ potentiæ terminos præscribunt: deinde illud ut probabile ostendimus stellas ejusdem esse cum sole conditionis, ejusdem forsitán & molis; ac solem è firmamento ceu stellâ visum

iri: nec demum magnus terræ orbis sole ipso major appareret: corpus .n. lucidum in specie: ampliorem spargitur, ut videre est in lucernæ flâma eminus spectata. Sic Iupiter fere æqualis videtur ei circulo quem intimus satellitum suo motu describit. Nec demum, inquiunt, illud est verisimile stellas omnes eidem spheræ esse affixas. Coelum quippe solidum non est, sed fluidum: nec necesse est ut stellæ eidem velut circumferentiæ inhereant. Nam corpus lucidum optime in medio constituitur, ut undiq; fulgeat, nec commode in extrema superficie collocatur. Quod si igitur sol una ex fixis censeatur, atque omnes sint immobiles, nisi forte circa suum quæque centrum gyrent, melius unaquæq; stella in centro sui vorticis quam in circumferentia instar solis consistit. Hinc forte eæ majores apparent quæ nobis propiores. Sed quæ ad stellarum, imo & planetarû theorias pertinent, proximo tractatu exequemur, simul & ostendemus quam facile Phases Veneris, & planetarum omnium excursions explicentur in systemate Copernici.

Id unum hoc loco prætermittere non possumus, diversitatem dierum & noctium paulo difficilius in hoc systemate explicari quam in Ptolemaico: tametsi ea in sphaera Copernicæa satis commode explicatur, propter axis parallelismû, & orbis magni cum firmamento collati intensibilem magnitudinem. Imo in vulgari sphaera si globulum terræ in medio positum, solem ipsumingas, & pilam vel globulum sic manibus sub Zodiaco paulatim circûducas, ut illius axis ubiq; sibi sit parallelus: cum in principio Arietis constituetur, uterq; illius polus in confinio partis illustratæ & obscuræ versabitur, sicq; dies æquabitur nocti: sed ubi

terræ globum versus principium cancri paulatim promovebis, Axis terræ sensim à sole digredietur, ac polus nobis conspicuus longissime à sole declinabit, tumq; sol radiis maxime obliquis nostras regiones collustrabit, ac demum polus Arcticus hemisphærio tenebroso altius immergetur; nobis adeo huic polo vicinis dies brevissimi contingent. Sed qui Australem plagam incolunt, & æstate, & diebus longissimis fruuntur: quod eorum polus ad solem maxime inclinet, atque is in partem à sole irradiatam multum promoveatur.

Iam globo terrestri ad principium Libræ accedente, tum polus nobis conspicuus paulatim ad solem accedit, ac tandem in partis illustratæ & obscuræ confinio existens, dies rursus nocti æquatur, tumq; sol quasi esset in principio Arietis cernitur. Deniq; cum globus terrestris ad principium Capricorni pervenit, tū polus Arcticus maxime ad solem inclinatus, atq; in partem irradiatam altissime proventus est. Hinc sol radios directiores vibrat, & dies longissimi efficiuntur. Si quidem pars terræ in qua degimus, motu diurno describit circulum parallelum, cujus major portio solaribus radiis collustratur.

Ex quibus sane liquet systema Copernicū, ut hypothese[m] phænomenis cœlestibus explicandis fatis idoneam usurpari posse: utrum autem verum sit, an falsum nō est Astronomi discernere: hic enim tantum ex hypothesi, non absolute concludit. Satis illi fuerit si motus cœlestes: utcumque explicet, causas horum motuum Physicus investiget.

Tres porro terrę motus à Copernicanis tribuuntur, quos utiq; D. Cassinus hoc fere modo explicat. 1. Circa suum axem ab occasu in or-

tum vertitur, atque hunc motum in sidera omnia transferimus: isque 23 horis & minutis 56 perficitur: hoc quidem motu omnes terræ meridiani, verticales, horizontes abripiuntur. Atque illius terminus est alter Colurus in telluris globum translatus.

2. Terra in plano ellipticæ circa solem spatio annuo sic movetur, ut soli ipsi motus tribuatur. Eoque motu Coluri in terram translati sibi mutuo semper paralleli manent, nisi quod ad stellas cōparati motu qui fere spatio 25000 annorum absolvitur, continenter defleant, atque efficiant ut eum motum ab occasu in ortum stellis ipsis tribuamus. Cum autem poli ellipticæ in globum terræ translati ad easdem semper stellas ob immensam prope distantiam dirigantur: Colurus solstitionū circa ellipticæ polos actus, simul & terræ, seu Æquatoris polos, qui 23 grad. 30 min. a polis ellipticæ defleant, secum abripit, & in orbē contorquet. Atque hinc dierum & noctium inæqualitas oritur, ut polus terræ Borealis soli varie exponitur. Cum. n. super terræ hemisphærium a sole illustratum in medio circuli polaris extat, & 23 grad. cum semisse attollitur, ac partes omnes circum eum polum circumjectæ irradian-
tur, tum æstas contingit. Vbi autem duo poli terræ oppositi in confinio utriusque terræ hemisphærii illustrati, & obscuri jacent, tum dies æquantur noctibus: tum enim paralleli omnes media sui parte illustrantur. Sed ubi polus Australis attollitur, & Borealis deprimitur, tum noctes sunt longiores.

Sunt alii motus librationis in terra & luna, qui explicatu paulo sunt difficiliore: hinc tamen multa scitu digna eruit D. Cassinus, quæ aliquando publici juris faciet.

✠✠✠ ✠✠✠ ✠✠✠ ✠✠✠ ✠✠✠ ✠✠✠ ✠✠✠ ✠✠✠ ✠✠✠ ✠✠✠
 ✠✠✠ ✠✠✠ ✠✠✠ ✠✠✠ ✠✠✠ ✠✠✠ ✠✠✠ ✠✠✠ ✠✠✠ ✠✠✠

TRACTATUS II.

De cælo.

His explicatis quæ ad mundi compositionem in univèrsū, & ipsam Cosmographiam pertinent, proximum est ut præcipuam illius partem, cælum videlicet, & sydera percurramus, quæq; de rebus adeo remotis perspecta esse possunt, quam brevissime dicamus. Primum itaq; solis, tum lunæ, & aliorum planetarum theorias, postremo stellarum motus, & phænomena aggrediemur.

Q V Æ S T I O I.

De solis motu, & illius phænomenis.

Hæc sunt præcipua solis phænomena. 1. motu diurno circulū æquatori parallelū sic describit, ut nunquā ab Æquatore ipso plusquam 23 gradibus cum 30 minutis discedat. Hinc in eodē horizontis puncto cras non orietur, in quo hodie ortus fuit: sed quandiu est in sex signis Borealibus, is ad septentrionem magis ac magis deflectit, donec ad tropicum, seu ad metam sui excursus perveniat. Idem dicendum, cum in signis Australibus commoratur: sensim quippe ad Austrum declinat, donec ad Tropicum Capricorni accesserit.

2. Hinc accidit ut sol tardius quam stellæ fixæ motu diurno feratur: adeo ut si hodiè cum stella aliqua sit in circulo meridiano, mense


exacto stella citius duabus horis ad eundem
circulum meridianum perveniat.

3. Sol in sex signis Zodiaci quæ Borealia
dicuntur, quatuor ferme diebus diutius cōmo-
ratur, quam in Australibus. Quin etiam is ter-
ræ propior est, & illius diameter major appa-
ret media hyeme, cum signum capricorni oc-
cupat, quam in summa æstate, ubi longissime à
nobis distat. Apogæum .n. solis gradum septi-
mum canceri, ut perigæum septimum capricor-
ni occupat. Apogæum vocant maximam a terra
distantiam, perigæum minimam.

4. Annua solis conversio 365 diebus horis,
quinq; 48 minutis, 37 secundis absolvitur: de-
sunt .n. 49 minutis 23 minuta secunda ex D.
Cassino: adeo ut unoquoq; die sol 59 minuta
unius gradus 8 secunda conficiat. Cum itaque
annus civilis, seu Iulianus sit 365 dierū, & sex
horarum: quæ quidem horæ quarto quoq; an-
no simul additæ integrum diem efficiunt: is an-
nus civilis major est Tropico, & veto 11 unius
horæ minutis & 23 secundis. Hæc utiq; minu-
ta cum olim neglecta fuissent, post 1300 fere
annos in decē dies excreverunt. Cum .n. tem-
pore Concilii Nicæni, anno scilicet à Christo
nato 325 æquinoctium vernum die 21 Martii
contingeret, anno 1582 jam decē saltem die-
bus antevertebat. Hinc Gregorius XIII Sum-
mus Pontifex annum 1582 decē diebus mul-
tavit, jussitq; ut dies quintus Octobris illius
anni decimus quintus haberetur: sicq; æqui-
noctia, & solstitia suis locis sunt restituta; ac
festum Paschatis præstituto tempore deinceps
celebratum. Atque ut in posterum quatuor
cardines, seu duo æquinoctia, & duo solsti-
tia in suis quæq; locis permaneant, jussit idem
Pontifex ut centesimo quoque anno unus dies

bisextilis expungatur; cumque non centum, sed 130 annis Iulianus annus Tropicum superet, statuit etiam ut quadringentesimo quoque anno dies bisextilis non prætereatur; cum tamen annis 380 Iulianus annus Tropico sit major tribus diebus.

Quo autem hæc inæqualitas ad certâ æqualitatem redigatur, supponit Ptolemæus solem moveri in circulo nobis excentrico; & plano eclipticæ parallelo, in quo æquis temporibus æqua spatia conficiat. Sit circulus d e d, excentricus, in quo sol singulis diebus 59 minuta, & 19 secunda decurrat. Sit mundi centrum in quo stamus S, principium Arietis T, initium Libræ R, recta linea R S T Zodiacum in duas partes æquales, solis vero orbitam, seu excentricum circulum in partes inæquales dirimit:



major est portio T C R, quam reliqua; ergo majus temporis spatium sol impendit in perigran-

granda portione boreali TCR: quam in parte Australi RET: punctum vero C, quod longissime à terra abest, Ptolomæus apogæum vocat; atq; ibi sol tardissime ferri videtur; punctum E oppositum, ac terræ S proximum, perigæum dicitur. In quo quidem puncto motus solis apparet celerrimus. Quare cum sol est circa apogæum, singulis diebus motu proprio minuta 57 fere conficit: prope perigæum 62 minuta, & amplius percurrit: prope apogæum sol vix 30 gradus spatio 31 dierum cum semisse peragrat; tantundem vero conficit spatio 29 dierum cum triente, ubi ad perigæum pervenit: adeo ut omnes revolutiones diurnæ non sint omnino sibi æquales.

Sol igitur his motibus cietur. 1. Ab ortu in occasum, ut reliqua sydera, diurna vertigine abripitur; 2. Sub ecliptica ab occasu in ortum spatio annuo circumducitur. 3. Circa proprium centrum spatio 26 dierum, & paulo amplius torquetur, ut ex maculis solaribus colligimus.

Fieri autem potest ut unus sit solis, & aliorum siderum motus ab ortu in occasum: sed stellæ fixæ hanc revolutionem celerrime conficiunt; planetæ vero eo tardius quo longius à stellis sunt remoti. Hinc luna nobis proxima tardissimo motu ab Oriente in Occidentem fertur: adeo ut celerrime in ortum regredi videatur. Sol itaq; & idem est de reliquis planetis iudicium, spatio 24 horarum non totum circulum, sed 359 duntaxat gradus, vel circiter peragrat, nec circulos integros sed spiras delineat, eo majores quo sunt æquinoctiali circulo propiores.

Copernicus tres alios motus non soli quidem, sed quod eodem recidit, terræ ipsi attingit. Primum .n. excentricitatem solis. mino-

rem esse quam tempore Ptolemæi existimat: quare centrum excentrici tardissimo motu in parvo circulo circumagi putat. 2. declineationem solis maximam sensim quoq; esse imminutam ex observationibus veterum Astronomorum colligit. Nam quæ tempore Hipparchi, seu 120 annis ante Christi Domini natiuitatem erat 23 grad. 52 min. nunc est 23 gr. 30 min. Quod ut explicarent nonnulli recentiores decimam sphaeram commenti sunt. Copernicus vero orbitam terræ ab Austro in Boreâ, aut vicissim aliquantulum librari credidit. 3. cum æquinoctia in iisdem locis fixa non permaneant, sed ab ortu in occasum hinc inde fluctuent, undecimum coelum finxere: & Copernicus novam terræ librationem. Quæ forte omnia penitus inutilia videntur: cum veteres Astronomi instrumentis adeo exquisitis non uti fuerint, ut aliquot minutis non aberrarent: solæ refractiones ab iis omnino neglectæ suspectas eorum observationes efficiunt.

Excentricitas solis ex 1000 partibus in quas semidiameter orbitæ solis diuisus concipitur, 36 iuxta veteres, 17 iuxta Cassinum completitur. Itaque motus solis inæqualis nobis videtur: diutius n. sol in semicirculo Boreali, quam in Australi commoratur. Apogæum C nunc in 7 gradu cancri, Perigæum E in 7. capricorni constituitur. Diameter solis apparens circa apogæum est 31 min. & 40 secund. adeo ut sit pars centesima octava distantiae solis à terra: in Perigæo diameter solis est 32 min. & 50 sec. estq; centesima quinta pars distantiae à terra: quam idem illustris Astronomus, ex quo hæc desumimus, statuit ex parallaxibus 22000 semidiametrorum terræ.

Ex maculis solaribus liquet solē ipsum circa
suum

suum centrum verti: adeo ut motus ille ad terram relatus sit 27 dierum, & 8. horarum; ac si ad stellas fixas referatur, spatio 25 dierum, & 12 horarum absolvitur. Axis hujus revolutionis eclipticæ axem sic intersecat, ut angulum cum eo efficiat 7 graduum cum semisse, isq; ad easdem stellas fixas semper dirigitur. Quod in figura utcumq; explicari potest: sit .n. discus so-



lis P O P ecliptica G H, illius axis P B O, circa hunc axem sol non vertitur, sed circa axem VBL, qui axem eclipticæ sic intersecat, ut arcus PV sit 7 grad. 30 min. & punctum V ad eandem fixam dirigatur. Polus Borealis V ad octavum graduum Virginis, Australis L ad octavum gradum Piscium refertur: uterq; hic polus cum sol spatio annuo eclipticam peragrat, parvos circulos circa eclipticæ polos delineat: iique extremos solis in argines occupant, cum sol 8

gr. Geminorū, aut sagittarii obsidet: unde tum temporis maculæ solares lineas rectas motu suo describunt, quæ cum ecliptica solis G B H angulum septē graduum cum semisse efficiunt. Extra hæc loca lineas curvas, & pene ellipticas describunt, quarum convexitas varie ad Borealem, vel Australem solis partem convertitur, ut poli hujus motus longius aut propius ab ecliptica solis distant. Cum sol est in gradu octavo Virginis, tum polus Borealis V est quasi apogæus tumq; macula motu suo describit lineam curvam; cujus convexitas ad Boream tendit: contra accidit ubi sol octavum gradum Piscium tenet. Hæc utique ex Viro clarissimo prætermittere nolimus; licet forsitan multis subobscura videantur: nam manifeste demonstrant maculas soli ipsi insidere.

Q V Æ S T I O II.

Luna motus, & phaenomena explicantur.

Varii & multiplices sunt lunæ motus qui illius theoriam plurimum involvunt. Ac 1. luna sic motu diurno fertur, ut uno quoq; die in diversis planè horizontis punctis oriatur, & occidat; & tamē ut in sole, sic in luna certi sunt in horizonte, & meridiano fines, quos ea non prætergreditur: Quodq; sol intra spatium annuū, hoc luna intra mensem conficit: ita ut singulis diebus ferè 13 gradibus ab una ex stellis fixis recedere videatur, & suum circum spatium 27 dierum, horarum ferè octo absolvat. Atq; hic est mensis periodicus, seu tempus quo luna ab occasu in ortum revolutionem suam conficit, ubi cum aliqua stella comparatur: ut mensis synodicus dicitur spatium temporis

poris quod inter duo novilunia intercedit; constatq; diebus 29 horis. 12 min. 44. Cum. n. luna suum orbem peragrat, sol interim instar stellæ fixæ in eodem loco non permanet, sed 26 aut circiter gradibus in Zodiaco promovetur: quo igitur luna eum assequatur, duos dies, & aliquot horas infumit.

Sic in superiori Figura si novilunium acciderit, cum sol & luna erant in puncto C, intra 27 dies, & aliquot horas, luna circulum CE conficiet, & redibit ad punctum C unde digressa fuerat, atque hic est mensis periodicus. Verum interim sol non stat immotus, sed partem CK 26 aut circiter graduum conficit: quo igitur luna eum assequatur, & fiat alterum novilunium, duos dies, & amplius infumet: tempus igitur quod ab uno novilunio ad alterum præterfuit, quodq; mensem synodicum vocitant, est 29 dierum, & 12 horarum aut circiter: nunc enim minuta negligimus. Quare menses alternis constant 29 & 30 diebus.

Quæ supersunt minuta in horas colliguntur, donec post aliquot annorum volumina unius diei summam efficiant. Quare hic mensis synodicus duodecies repetitus lunarē annum procreat 354 dierum, horarum 8, min. 48: adeo ut anno solari diebus undecim vel circiter minor existat: qui tertio quoq; anno intercalatium efficiant annum 13 mensium lunarium, dies aliquot abundant, qui certis annis accrescunt: itaut post 19 annorum circulum septies intercalare oporteat; tumque anni lunares solaribus satis accurate exaquantur.

Hæc est periodus Metonica, decemnovalis, vel cyclus aureus à Metone Atheniensi excogitatus, qui Græcis adeo placuit ut in foro curiæque urbis præfigeretur. Quare si hoc anno


1677 novilunium accidit die 29 Julii, exacto
19 annorum circulo nimirum anno 1696, in
eundem prorsus diem incurret: tametsi una
fere hora cum semisse antevertat. Quod utiq;
discrimen cum neglectum fuisset, a tempore
Nicænæ Synodi novilunia jam quatrduo an-
ticipabant: quod Paschatis, & festorum mo-
bilium loca omnino perturbabat. Cum enim
in Martyrologiis consueto more novilunium
prænuñtiabatur, jam quartus pene dies lunæ
effluxerat: sed Gregorius XIII. ea restituit,
cum fastosemendavit.

2. Si luna æquabili motu suum orbem per-
lustraret, atq; ut loquuntur Astronomi, medius
ejus motus, & æquabilis cum vero & appa-
renti exacte conveniret, nihil opus esset ex-
centricis, aut epicyclis, quo illius motum ex-
plicare, ac certis numeris dimetiri liceret. Nā
si spatio 29 dierum, & 12 horarum à sole di-
gressa eum assequitur, singulis diebus 13 gra-
dus, & 16 fere minuta conficiet: cumq; sol eo-
dem tempore fere uno gradu in ortu promo-
veatur, lunam motu diurno à sole 12 gradus,
& minuta 11 recedere necesse est. Quare sin-
gulis horis dimidium, aut circiter gradum pe-
ragrabit. Neque erit arduum conjunctiones
omnes medias, vel oppositiones, ac demum
ipsam lunæ ætatem dignoscere: ut per epactas
fæcilius accurate cognoscimus.

Quid igitur hanc lunæ theoriā adeo spi-
nosam, & difficilem efficit? idem scilicet in lu-
na quod in sole uti venit: hæc aliquando tar-
dius, aliquando celerius videtur promovē-
neque in pleniluniis tanta occurrit diversitas,
quanta in quadraturis. In conjunctione enim
aut oppositione lunæ inter verum mediumque
motum differentia maxima vix ad 3 gradus ex-

sur-

furgit: cum in quadraturis ultra septemgradus excurrat.



Quod ut explicet Ptolemæus excentrico utitur ut in sole C E C & epicyclo G R G, centrum epicycli D orbitam lunæ spatio mēstruo decurrit, dum luna ipsa eodem fere tempore epicyclum suum peragrat: sic motus centri epicycli, seu mensis periodicus lunæ 27 diebus, & 7 horis perficitur, dum luna epicyclum suum diebus fere 32 decurrit: hinc apogæum lunæ continenter mutatur. Atque ex hac hypothefi omnes lunæ Anomalias, ut vocant, aut motus inæqualitates explicat.

Multiplici tamen nomine hæc hypothefis Copernicum offendit, neq; hic vacat illius afferre rationes. Quare loco excentrici duos epicyclos ipse constituit: adeo ut centrum epicycli D motu æquabili orbitam lunæ concentricam decurrat. Interim minoris epicycli R

cen-

centrum æquali motu majorem epicyclum peragrat, dum luna bis in unoquoque mense minorem epicyclum percurrit; major epicyclus anomaliam quæ in pleniluniis, & noviluniis contingit, quæque 5 gradus non excedit; minor epicyclus alteram anomaliam quæ fit in quadraturis explicat. Verum ista ad vivum non refeco, cum ad intimâ pertineant Astronomiam.

Iis potius accederem qui omiſſis tot excentricis, & epicyclis una ellipſi cœleſtes motus ſatis commodè explicari poſſe putant. Imò ſi Cartefio credimus, lunæ orbitam ejus eſſe figuræ neceſſe eſt, cum ab utroq; terræ, & Martis cœlo hinc inde prematur. Vnde luna celerius movetur, & minus à nobis recedit circa conjunctiones, & oppoſitiones cum ſole, quâ verſus quadraturas, ubi illius orbita magis excurrit, & majores ſunt illius anomalix. Atq; hinc multa colligit ſatis ingenioſe.

1. Lunæ motum menſtruum à motu telluris diurno, ſeu à parvi vorticis vertigine proficiſci: cumq; luna 60 circiter ſemidiametris terræ à nobis diſtet, non mirum eſt ſi intra menſem revolvatur: cum terra ſpatio diurno motum ſuum abſolvat: nam eadem proportionè majus ſpatium habet decurrendum.

2. Cum motus lunæ partim à telluris minore vortice, partim à ſolis magno vortice pendeat, & utrique aptari debeat, hinc fit ut neque ſub ecliptica, neq; ſub æquatore hic motus perficiatur. Nam ſi ad ſolum terræ motum ſe accommodaret, hic motus fieret ſub æquatore: quod ſi à ſolo vortice ſolis penderet, ſub ecliptica omnino abſolveretur: cum autem lunæ vortex ſit ſolis vortici vicinior, huic potius ſe aptat: unde lunæ orbita 5 tantum gradibus

dibus ab ecliptica deflectit.

3. Ex figura ecliptica vorticis in quo luna circumagitur, causam satis probabilem & illis reciproci oceani afferre se putant Cartesiani: quæ hypothesis tractatu proximo fusius exponetur.

Verum his omiſſis quæ dubia sunt, aut falsa, nunc ea quæ circa motum lunæ à D. Cassino sunt observata, quæq; majoris usus esse, possunt, paucis attingamus: ea quippe fusius explicata aliquando Deo annuente edet in publicum.

1. Luna, ut diximus, spatio 27 dierum, & octo horarum orbitam suam conficit, quæ eclipticam interfecat. & cum ea efficit angulum 5 graduum,

2. Ea porro intersectionum puncta, seu, ut vocant, nodi continentur variantur, & singulis diebus tria minuta versus occasum decurrunt; adeo ut spatio 18 annorum 7 mensium cum semisse suam revolutionem absolvant.

3. Dum luna proprium motum conficit, suam à terra distantiam triplici modo mutare observatur. 1. enim illius apogæum C singulis diebus 6 min. & 41 sec. versus ortum decurrit; atq; illius excentricitas 42 partes complectitur ex mille, in quas semidiameter orbis lunaris divisus concipitur.


Hæc excentricitas est minima, & simplex cum sol æqualiter distat ab apogæo, & perigæo lunæ: sed ubi sol ad apogæum lunæ C, aut perigæum E propius accedit, tum augetur illa excentricitas. Cumq; sol est in apogæo, vel in perigæo lunæ, simplex excentricitas dimidia sui parte augetur.

Præterea luna à conjunctione, aut appositione sua cū sole usq; ad quadraturas longius à terra

terra recedit: sed à quadraturis ad novilunia, aut plenilunia illius distàtia à terra minuitur: hæc postrema distàtia à tellure est fere pars quarta primæ excentricitatis. Atq; hæ excentricitates magnam in motu lunari inæqualitatem efficiunt. Quo autem modo hi motus explicari queant, non possumus hoc loco fusius exequi, perpauca duntaxat attingemus.

Iam illud innuimus lunam non eandem cū sole viam insistere: cū illius orbita eclipticam in duobus locis interfecet: quemadmodū ecliptica æquatorem in punctis æquinoctialibus dirimit. Interfectionū altera nodus ascendens à Ptolemæo, caput Draconis à recentioribus vocitatur: tumq; luna in Boream deflectit; declinationem maximam ab ecliptica quæ est quinq; graduum, ventrem Draconis, ut alterum nodum caudam Draconis nominant. Hi quidem, ut dictum est, nodi non sunt immobiles, sed spatio 18 annorum, 7 mensium cum semisse suam periodum ab ortu in occasum absolvunt. Nam si mutæ orbis lunæ, & eclipticæ interfectiones in iisdem locis fixæ permanerent, eclipses tum lunæ tum solis semper in iisdem locis Zodiaci contingerent.

Luna quippe eclipsim patitur, quando terræ umbram ingreditur: quod tum accidit cū soli è regione opponitur; atq; ambo luminaria utriq; nodo sunt proxima. Sol vero nobis videtur deficere in ipso novilunii puncto, cum lunā illius aspectu nos fraudat: sed quando ab itinere solis ea deflectit, & ad Boreā, vel Austrum declinat, tum nec solem occultat, neq; ab umbra terræ obscuratur: quod utiq; figuris magis quam verbis explicatur, prima quidem solis, altera lunæ eclipsim exhibet.



Ex iis liquet cur eclipsis solaris nunquam, fere integra, & totalis existat, nec unquā toti terrarum orbi appareat : cum enim luna intra unius horæ spatium dimidiū fere gradum cōficiat, quantum scilicet diameter solis in proprio coelo occupat ; vix evenit ut solem cui fere æqualis apparet, totum obducatur ; vel certe intra pauca momenta aliquam solis partem nobis aperit. Nec fieri potest ut ubiq; terrarum solem occultet, cum luna inter omnium oculos,

los, & solem simul intercipi non possint: secus de lunari eclipsi sentiendum est: cum enim luna omni lumine careat, toti terrarum orbi obscurata apparet.

2. Hinc colligitur solem esse terra longe majorem: cum terræ umbra in mucronē desinat. Sic lunam terra molto minorem existere necesse est: cum ab umbra terræ quæ in conum definit, tota sæpe obscuratur, & diutius immersa maneat. Atq; illud certum est umbram terræ in apicem desinere, neq; in infinitum protrahi: ut accideret si terra esset æqualis aut major sole: non enim cæteri planetæ ab umbra terræ obscurantur. Vnde hoc minor est eclipsis, quo luna est apogeo vicinior, aut longius à terra abest; aut certe quo major est illius latitudo, quādo scilicet alterū ē nodis præcise nō occupat. Cum enim plusquam 14 gradus à nodo distat, tum major est illius latitudo, quam ut terræ umbram subeat. Atq; hinc liquet cur unoquoq; mense eclipsis non accidat, & qua ratione tam certo prænuntiari possit. Enimvero circa eclipses pauca quædam ex D. Cassino subjiciamus.

1. Id posse accidere ut sol deficere nobis videatur, licet luna inter solem, & oculos nostros directe non interponatur; idq; maxime accipit prope horizontem, quod ibi radii solares refracti solem in proprio loco non exhibeant.

2. Ut definiri possit quo in terræ loco sol defecturus videatur, intuendum est quam terræ imaginem radii ab omnibus telluris punctis ad centrum solis ducti in luna ipsa depingerent: cujus quidem imaginis diameter quadruplus fere esset diametri lunaris, ac si illa imago esset visibilis spatio 24 horarū integram in luna

revolutionem efficere videretur; eaq; velut in translato speculo cōtinenter mutaretur, ut diversæ telluris partes motu diurno soli essent obversæ: cum interim luna solē in iis locis obduceret, quorum imagines pertransiret.

3. Tum luna deficit, cum nodis vicina non longius à puncto soli opposito discedit, quam semidiametri apparentes lunæ, & umbræ telluris patent, ut in figura cernere est. Post inventum telescopium tempus diligenter observari solet quo quæq; lunaris macula umbram terræ ingreditur: quod quidem in veniendis locorum longitudinibus utile esse potest. Sed cum eam lunæ maculam pars solis diametri exigua illuminat; tum penumbra dicitur, quā difficillimum est ab ipsa umbra secernere: unde vix initium aut finem eclipseos satis accurate possumus distinguere.

4. Eclipses ut parallaxes, quanta sit distantia tum solis, tum lunæ à terra, & quanta sit utriusq; sideris moles docent. Parallaxis lunæ tanta est, quāta semidiameter terræ ex luna visus; eaq; in media distantia est unius gradus, & paulo amplius. Ex observationibus D. Cassini diameter terræ est fere quadruplus diametri lunaris: minima lunæ à terra distātia est 53, maxima 61, & paulo amplius semid. terræ: minima lunæ à terra distantia est fere quadringentesima pars minimæ solis distātiæ à terra. Diameter solis est centies major diametro terræ, superficies solis 10000 terræ superficiē continet; & solidū illius milles mille majus est telluris globo. Diameter lunæ apparens in media sui à terra distantia æqualis est diametro solis apparenti, cum est in apogæo, 31 min. & 40 sec. diameter lunæ in perigæo semper major est solis diametro, ubicumq; sit. Augeri potest

diameter lunæ sexagesima sui parte ab horizonte usq; ab Zenith nostrum. Iam dimidium hujus incrementi accipit, cū ad tricesimū gradum supra horizontem pervenit. At circa visibiles diametros tum solis, tum lunæ, tū aliorum planetarū observationes adeo accuratas D. Picard, & multiplices fecit, ex quo transversa fila in tubi optici foco aptādi artē invenit, ut vix quicquā hac in re desiderari possit.

Iam utiq; ex iis quæ de corpore lunari diximus, utcumq; conijcere possumus quæ sit illius natura. 1. enim constat lunam non esse corpus læve, & politum instar speculi: vix .n. sub oculos caderet, & lumen tantummodo ex paucis locis reflecteret; reliquæ partes non ad oculum, sed alio lucem regerent. Quare luna corpus est asperum, & inæquale quod quoquo versum lumen suum reflectit: adeo ut partes quæq; in orbem radiant; nec minus luna à telluris globo, quam vicissim terra à corpore lunari collustratur. Neque enim aliunde lux illa debilior qua totus orbis lunæ silentis, & propemodum novæ perfunditur, quam à terra proficiscitur. Vnde si quis è luna, cum nova est, terram spectaret, totum telluris hemisphærium à sole collustratum intueretur. Luna crescente terra velut scensceret: ita ut in plenilunio terra sitiens, aut nova appareret: easdem enim subeunt phasæ terra, & luna, cum una ab altera collustretur.

2. Maculæ in luna telescopio cernuntur innumeræ partim obscuræ, partim lucidæ: sic tamen ut obscuritas earum minuatur, quo directiores radios à sole excipiunt, & in plenilunio quasi in meridie omnino collustrentur. Decrescente luna umbræ redeunt, sed in partem oppositam projectæ: imo ejusmodi corpora
luci-

lucida extra limbum lunæ cernuntur quasi partes eminentiores; in maculis nigris, & perennibus plures conspiciuntur, quasi scopuli, aut insulæ; consinium partis illustratæ, & obscuræ in crescente aut decrescente luna inæquale, & lacerum videtur.

Perennes vero illæ & subnigræ maculæ sunt, partes lunæ non adeo asperæ, & inæquales, quæq; lumen non tam valide regerunt; neque tamen eas esse aquas crediderim, cum nulli vapores, aut nebulæ à luna attollantur, quæ insignis alicujus partis conspectum oculis subducant, aut radios luminis infringant.

Itaq; ut fatear in corpore lunari partes esse alias aliis elatiores quas si libuerit, mōtes appellabis: quorum umbræ crescente luna decrescunt, donec in plenilunio penitus evanescant, ac senescente luna pars ea lucidior videatur, quæ ante erat obscura. Vt concedā illud quoq; areas quasdam velut collibus septas, aut profundiores valles in luna conspici, quæ in plenilunio candicant, crescente, aut decrescente luna nigrescunt: tamen non dabo lacus aut maria in luna, ut in terra videri; ac multo minus id concedam lunam instar terræ habitari. Mirum .n. merito videri possit si plantæ, & animales in ea regione non exurantur, cum per 15 dies integros sol eidem lunæ hemisphærio insideat, ac dies unus dimidius sit mensis; nec luna plusquam 5 gradus ab ecliptica deflectat: ita ut inter maximam, & minimam solis altitudinem perpauca duntaxat gradus intercedant. Hinc æstus ubiq; longe major est quam in Æthiopia, aut in desertis Africæ. Adde temere ea asseri quæ nulla ratione, nullo experimento muniuntur.

Atque hæc de maculis lunæ jam diu dictata
S
fue-

fuerant, cum D. Cassinus quæ circa eas maculas diligentissime observavit, nobiscum benigne communicavit.

1. Præter eas maculas nigriores quæ nudis oculis conspiciuntur, complures, & minores tubo optico deprehenduntur, quarum aliæ ferè ut rupes eminent, aliæ figuram rotundam aut ovalem sortiuntur. E medio macularum plerumque excelsi montes assurgunt, ac juxta diversum solis aspectum varias species oculis subjiciunt: nam in iis quandoque partes præ aliis eminent, & lunæ superficiei insistant ad perpendicularum. Cum .n. sol iis partibus imminet, & radiis perpendicularibus eas collustrat, tum nullam umbram projiciunt: sed ubi ex obliquo eas partes illuminat, tum umbras in partes oppositas projicit.

2. Pars ea in qua lumen definit, ex obliquo magis à sole perstringitur, & eo loci major est umbra montis lunaris; atque hujusmodi umbræ in quadraturis sunt distinctiores: in eam quippe partem quæ oculis nostris exponitur, seu in discum lunarem à sole collustratum eæ umbræ projiciuntur.

3. In pleniluniis nullæ umbræ cernuntur: tum .n. sol partē lunæ nobis obversam sua luce complet, & quæ circa lunæ margines extant montes, ex eadem parte à nobis cernuntur, quæ à sole collustratur. Vnde partes umbris dilutæ tam nostros fugiunt oculos, quam solē ipsum. Itaq; in pleniluniis partium extantium, & depressarū nulla sunt fere discrimina: quod nullis umbris distinguantur: tametsi magna est lucis, & obscuritatis in iis partibus varietas: cum quædam lucem fortius regerant, aliæ debilius. Sunt .n. quædam in medio candidiores, aliæ quasi radios in orbem spargunt, quos forte il-

læ eminentiores reflectunt. Neq; in quadraturis eę distingui possunt, quod juga alia aliis excelsiora, & serie quadam disposita ex umbrarum inæqualitate distingui non possint.

4. Umbræ augentur & minuuntur juxta, varium lunæ situm. Sic crescente luna, cum ea magis ad Orientem vergat, quam sol ipse, omnes umbræ in ortum diriguntur. Contra luna decrecente, cum ea magis ad Occidentem deflectat, sol in occasum umbras omnes porrigit.

5. Circa utramque quadraturam quædam partes lucidæ extra luminis confinium, porrectæ, quasi à luna divulsas telescopio deteguntur, eaq; nihil sunt præter excelsa quædam juga in hemisphærio lunæ obscurato extantia, quæq; prius crescente luna illustrantur, quam eorum radices; ut decrecente luna adhuc fulgent, cum partes depressiores nulla amplius luce collustrantur.

Atq; hæc partium inæqualitas tam varie lumen cum umbris temperat, ut exquisitas interdum figuras exhibeant: ut circa decimum, aut undecimū lunæ diem puella crinibus sparsis in lunæ sectione satis apte exprimitur.

Utrum autem luna spatio menstruo circa proprium centrum volvatur; hîc non excutio, quamquam id vero proximum mihi videatur: vix .n. aliter explicari potest cur eadem lunæ facies nobis obvertatur. Quin etiam uno item & altero librationis motu tum ab Austro in Boream, & vicissim, tum ab ortu in occasum eam agitari Cassinus demonstravit ex ipsis lunæ maculis, quæ aliquando circa lunæ margines vel repente apparent, vel oculis subducuntur. Verum ista, & alia hujus generis plurima Astronomis integra relinquimus.

QVÆSTIO III.

De Mercurii, & Veneris Phænomenis.

Reliquorum planetarum motus explicatu sunt faciliores in Copernicana, aut in Ty-choniana hypothefi, quam in Ptolemaica: cum à motu folis, aut terræ omnino dirigantur. Sic in fyftemate Copernici, aut Cartefii, quod ut hypothefis, nō ut thefis ab Aftronomis fupponi potest, fol in centro hujus vorticis quem incolimus cōftitutus fpatio 26 dierum aut circiter circa fuum centrū volvitur. Soli proxima



est Mercurii orbita, quam fpatio 88 dierū decurrit. Mercurium excipit orbis Veneris, terræ orbi finitimus; cujufmodi est circulus S G S: orbis terræ erit L N L, tandem C E C vel eclipti-

pticam, vel superioris planetæ orbem exprimat: quibus positis jam inferiorum planetarum Mercurii, & Veneris phænomena expendamus.

Ac primum Mercurius non longius à sole distat, quam 28 gradibus. Nam circulum soli proximū describit, eo citius quo soli est propior. Hinc fit ut raro sub conspectum veniat. Quæ autem de Venere dicturi sumus ad Mercurii theoriā applicari facile poterunt. Cum itaq; venus longissime à nobis distat, ut quando est in G, terrā in L constituta, tum pleno orbe lucet, sol quippe partem illius nobis obversam collustrat; sed tubo optico visa, tum mole admodum imminuta cernitur. Contra ubi erit versus punctum S: tūc, n. terræ L erit proxima, & tubo optico longè major apparebit, sed falcata admodum & fere instar novæ lunæ: nudis tamen oculis ejusdem fere molis cernitur, quod partem illius obscuram discernere non possumus. Circa puncta 9, & 3 quam potest longissime à sole digreditur, 48 fere gradibus versus punctum K cernitur, tumq; dimidio fere orbe, & quasi luna in quadraturis apparet. Itaq; bis cum sole conjungitur in G, & S, sed in altera conjunctione nobis est finitima, nempe juxta punctum S, tumq; nudis oculis videri non potest, quod radiis solaribus obruatur: sed ubi aliquantulum ab eo puncto discesserit, tum falcata cernitur, ac longe est amplioris molis. Contra, ut diximus, in altera conjunctione versus G, mole quidem est minina: sed pleno tamen orbe lucet.

Quod si Venus ubiq; sole inferior, & terræ esset viciniore instar lunæ, in utraq; illius cum sole conjunctione, matutina videlicet, & vespertina, semper falcata cerneretur. Ac demū si

illius orbita à terræ centro describeretur, ut visum est Ptolemæo, Venus nonnunquam soli opponeretur. Quod cum nunquam accidat, Ptolemæus ingentem epicyclum, cujus diameter centum fere gradus occupet. Tycho vero venerem ut reliquos planetas, luna excepta, à sole circumferri voluit; quæ quidem opinio iis est defendenda, quibus systema Copernici non placet.

Iam illud obscurum esse non potest cur Mercurius à sole minus digrediatur: cum minorem circa solem describat orbitam; aut cur interdum in sole ipso videatur, ut à Gassendo primum, tum ab Hevelio fuit observatum; idque die 17. Novembris anni 1677. contigit; cur etiam instar Veneris falcatus appareat; cur sit splendidior Venere, quod soli vicinior: cur Venus itidem reliquis planetis multo illustrior existat: adeo ut scintillare instar stellarum videatur.


Non erit alienum, quæ circa Mercurium & Venerem à D. Cassino fuerunt observata, hoc quoque loco subicere, sic tamen ut quæ difficiliora videri possint, omittamus.

1. Vix Mercurius in his regionibus sub oculos venit, quod soli vicinior ex ejusdem radiis vix emergit; neque ut jam dictum est, plusquam 27 aut 28 gradus à sole removeatur, quantum fere luna altero à novilunio die; ac sæpe ad solem revertitur postquam 18 gradus ab eo recesserit: adeo ut maximæ à sole digressiones novem gradibus inter se differant.

2. Hinc sequitur Mercurii orbitam S G S, Soli excentricam, aut certe eam esse ellipticam: ita ut sol majorem diametrum non bifariam secet: sed in ea ratione quæ est 2 ad 3 & paulo amplius: cum maxima Mercurii & sole

diva-

divagatio aliquando sit 27 gr. aliquando 18 gr. & differentia utriusq; sit tertia pars maximæ digressionis. Cumq; res ad calculum revocatur ea proportio inter semidiametrum excentrici Mercurij, & solis erit 39 ad 100. maxima Mercurij à sole distantia, quam aphe-



lium vocant, nunc est in 12 gradu Sagittarii, minima distantia, seu perihelium est in 12 Geminorum, si Mercurius ex sole visus supponatur. Post 88 dies ad unum ex iis punctis revertitur; ac tardo quidem motu ea puncta versus ortum deferuntur: adeo ut uno gradu 40 annis promoveantur.

Hujus motus orbita eclipticam secat, & cum ea efficit angulum sex graduum: ita ut linea sectionis prope solis centrum pertranseat: nodus, seu intersectio Borealis ad 13 gradum scorpionis refertur: atque hi nodi uno gradu fere 45 annis promoventur.

3. Cum Mercurius sub obtutum non cadat, nisi cum est in maxima à sole digressionem, vix unquam tubo optico rotundus videtur: sed interdum bifariam sectus, ut luna in quadraturis, interdum paulo gibbosior, aut aliquantulum cavus cernitur: cumq; is horizonti sit proximus & vaporibus obductus, vix illius figuram aut magnitudinem assequi possumus. Id tamen liquet eum a sole lumen suum mutuari, & circa solem revolvi.

4. Visus est quater in sole. 1. A Gassendo anno 1631 die septima Novembris. 2. Surattæ anno 1651, 3. à D. Hevelio in Prussia, & D. Hugenio Londini anno 1661, 3. Maii. 4. Avenione à DD. Gallet & Beauchamps die septima Novembris: cum D. Cassinus scripto in publicum edito Astronomos hac de re monuisset: isq; ex omnibus observationibus inter se collatis apogæa, & nodos Mercurii definivit. In postrema observatione visus est figuræ ovalis per axē tubi optici conspectus, & in ipso exitu quadruplo major apparuit, quam in disco solari. Diameter Mercurii centesima decima octava pars solaris diametri in hac observatione apparuit; fere ut ab illustrari Astronomo Hevelio fuerat definitus: cū tamē Mercurius tum terræ esset vicinior. In ultima quoq; observatione distantia Mercurii à terra cum distantia solis à terra collata fuit ut 2 ad 3. Itaq; si Mercurius tantū à nobis fuisset remotus, ac sol ipse, tum diameter Mercurii fuisset pars 180 diametri solaris; eaq; est inter diametrum terræ, & diametrum Mercurii proportio, quæ 18 ad 10.

5. Motus Mercurii apparens respectu terræ componitur ex motu annuo solis & Mercurii proprio, quem 88 diebus conficit: quomodo autem is accipi debeat definit: Cassino nos

ea tantum attingimus quæ intellectu sunt faciliora.

De Venere.

1. Circa Venerem hæc fere observavit Vir clariss. 1,47 gradibus cum semisse à sole interdum removetur, quantum fere luna quatríduana: sed illud etiam aliquando accidit, ut 45 gr. cum semisse à sole digressa ad eum revertatur, sicque maximæ ejus digressiones duobus duntaxat gradibus inter se discrepent.

2. Motus Veneris circa solem vel in excentrico circulo, vel in ellipti perficitur: sic tamen ut diameter orbitæ Veneris à solis centro dividatur in ea ratione quæ est inter 70 & 71, atque excentricitas fere nulla sit. Diameter vero hujus excentrici ad diametrum orbis solaris est in proportionem 72 ad 100. Maxima Veneris à sole distantia, seu Aphelium, ut ex sole ipso videretur, est in secundo gradu Aquarii, perihelium in secundo gradu Tauri; atq; hæc puncta sic in ortum moventur, ut unum gradum conficiant intra 46 annos.

3. Venus ad unum ex iis punctis spatio 224 dierum, horarum 17 revertitur: atque hujus motus orbita, vel circulus ab ecliptica declinat 3 grad. cum semisse: sectionis linea hinc in 14 Geminorum, inde in 14 Sagittarii dirigitur, eaque versus orientem sic incedit ut 76 annis unum gradum decurrat.

4. Cum Venus vespere è radiis solaribus emergit, & versus orientem deflectit, tum telescopio rotunda fere conspicitur, & exilis admodum: tum .n. hemisphærium à sole collustratum intuemur, ut quando est prope G, nobis in L constitutis. Tum sensim in orientem progreditur, & lux ejus paulatim imminuitur, donec ad maximam à sole digressionem perveniat in M,

tumq; ut luna in quadraturis bisecta apparet; ad solem deinde accedit & subinde magis sinuatur, donec ad punctum S perveniat, ubi radiis solaribus quasi immersa sub obtutum non venit: tumq; hemisphærium obscurum nobis obvertit: cum ex radiis solaribus emergit, tum aurora illucescente sui copiam facit, sed instar sitientis lunæ falcata, dum paulatim luce impleta in maxima à sole distantia prope H bifariam secatur ut luna in quadratura.

5. Sæpe Venus de die cernitur, & per telescopium etiam in utraq; cum sole conjunctione conspicitur. Semel à clariss. Horoxio in Anglia anno 1639 die 24 Decembris in soie visa est figuræ rotundæ & obscuræ; illius diameter erat vigesima sexta pars diametri solaris: tum vero Venus erat terræ proxima, ac distantia illius à terra ad distantiam à sole comparatâ eâ habebat rationem, quæ est inter 26, & 100. Hinc colligimus diametrû Veneris ut centesimam solaris diametri visum futurum fuisse, si Venus inæquali cum sole à nobis distantia fuisset: adeo ut sit fere æqualis telluris globo.

6. Venus multis maculis sed adeo obscuris & confusis aspergitur, ut earû limites vix discerni queant. Anno 1667 sub exitû mensis Aprilis pars quædâ in Venere multo lucidior reliqua superficie à D. Cassino visa est; eaque à cornu Australi Veneris motu satis manifesto recedere videbatur; & crastino die eadem hora pene in eodem loco conspecta fuit, & eodem motu ferebatur: utrum ea fuerit integra planetæ circulatio, aut libratio tantû, definire non audet. Neq; ex eo tempore ea macula, aut pars lucidior ab eo conspici potuit. Id tamē vero proximû crediderim Venerem ut reliquos planetas circa suum centrum moveri, & forte spatio 24 horarû.

QVÆSTIO IV.

De superioribus planetis.

Il planetae superiores dicuntur, qui longius à sole quam terra ipsa removentur. De singulis ex illustri Cassino magis tamen ut Physici, quam ut Astronomi differemus, ut quæ nostra hac ætate telescopii ope & variis observationibus sunt deprehensa, magna saltem ex parte omnibus eruditis exponantur.

Atque inter eos planetas 1. occurrit Mars qui circa solem spatio unius anni, decem mensium, & 15 fere dierum sive in excentrico, sive in ellipsi suam periodum absolvit. Illius orbitæ diameter à centro solis in ratione fere 9 ad 11 dividitur: adeo ut pars illius longior sit 11 partium, quarum minor 9 complectitur. Quod utiq; in motu Martis inæqualitatem efficit, quæ ad 10 usq; gradus cum semisse potest excurrere. Diameter vero orbitæ Martis ad annum solis, aut telluris orbem est ut 3 ad 2, & paulo amplius, idq; multo majorem in motu Martis inæqualitatem efficit, quæ ad 46, vel 47 gradus potest pervenire, ut ex iis quæ infra dicemus, intelligi utcumq; poterit: quiq; systema Copernici acrius intueri volet, facile perspiciet, quantum Mars interdum à nobis distet, quantum vicissim ad nos accedat: quod citra magnam in illius motu inæqualitatem fieri non potest.

2. Apogæum, seu maxima Martis à sole distantia nunc primum Leonis gradum occupat, ut minima est in primo Aquarii gradu: atque Apogæum lente versus orientem sic movetur ut 54 annorum spatio gradum unum cõficiat.

Sic Martis orbita, eclipticam secat, & angulum cum ea efficit unius gradus & 50 min. nodus ascendens, ut vocant, seu punctum intersectionis Borealis est in 17 Tauri, descendens in 17 gradu Scorpionis. Hi nodi versus orientem sic moventur, ut unum gradum intra 90 annos conficiant.

3. Cum Martis orbita solis orbe annuo sit major, & terram ipsam involvat, ut ex utroque systemate Copernici, & Tychoonis liquet, Mars interdum soli oppositus videtur, cum .s. terræ est proximus, & sole ipso propior, quod illius orbis semidiameter minor sit diametro orbis annui: tumque Mars multo major nobis videtur, atque illius diameter fere triplo major apparet, quam ubi tantum fere à nobis distat, quantum sol ipse. Nam in oppositione est semiminuti, seu 30 secundorum; sed 11 tantum minuta secunda complectitur, cum est in equali cum sole à nobis distantia: adeo ut ad diametrum solis apparentem ita fere se habeat ut 15 ad 166. Cumque diameter solis centies sit major diametro terræ, hinc fit ut ea sit ratio diametri Martis ad diametrum terræ, quæ 100 ad 166, aut 3 ad 5. Quare non ea est proportio inter planetarum magnitudinem, quæ distantia ad solem. Mars enim longius à sole distat quam Venus, & tamen multo minor existit, & vix Mercurium mole superat.

4. Mars in ipsa conjunctione cum sole pleno orbe lucet, quod sole ipso sit superior: sed à conjunctione usq; ad primam quadraturam fere ut luna tribus à plenilunio diebus lumine imminuitur: tum rursus impletur usq; ad oppositionem cum sole, ubi iterum totus Martis discus collustratus apparere; hinc vero usq; ad secundam quadraturam iterum lumine immi-

nutus, ut in prima quadratura, tum paulatim usque ad conjunctionem impletur. Quod in-
tuenti in systema Copernici fiet apertius.

5. Tota Martis facies pene ut lunæ maculis conspersa est, quas facile distinguimus à prima usque ad secundam quadraturam: cum propius ad nos accedit. Ex quibus D. Cassinus Martem circa proprium centrum spatio 24 horarum & 40 minutis revolvi apertissime collegit: cum maculæ ad eundem locum eo temporis intervallo revertantur. Hujus motus axis, ut de globi solaris aut lunaris axe diximus, ad propriam orbitam sic inclinatur, ut polus Borealis modo in hemisphærio nobis obverso appareat, modo Australis. Diu visa est in Marte pars quædam cæteris lucidior, quæ in eodem semper loco apparebat, licet reliquæ maculæ loca subinde mutarent.

De Iove.

Iupiter Martem excipit, isque spatio 12 annorum suum circuitum conficit, in conjunctione cum solè multo à nobis est remotior, quam in oppositione: adeo ut fere dimidia sui parte, major videatur cum soli opponitur, quam ubi una conjunguntur: ut Mars fere quintuplo est major cum terræ est proximus, quam ubi ab ea maxime distat: sed cum multa in ipso Iovis globo à D. Cassino sint observata, diligentius eam cûrsim perstringemus.

Iupiter tanto à Marte distat intervallo, ut eam distantia sit dupla illius quæ inter Martem & solem interjacet: quod non minimam dubitandi præbet occasionem, an forte in eo spatio insint aliqui planetæ aut minutiores, aut maculis obducti.

2. In ellipsi circuitum circa solem sic perficit, ut sol alterum ex focis obtineat, & majorẽ
dia-

diametrum dividat in ea ratione quæ est 10 ad 11: maxima illius à sole distantia 8 Libræ gradū occupat, ut minima ad octavum gr. Arietis refertur. Sic planum seu orbita Iovis eclipticam fecat in centro solis, ac linea sectionis hinc ad 8 cancri, inde ad 8 capricorni dirigitur. Nodi in oriētem sic moventur ut 100 annorū spatio unum gradum percurrant, ut Aphelium 76 annis gradum. itidem conficit orientem versus.

3. Iupiter prælongis tubis visus non omni ex parte rotundus cernitur, sed illius diameter ab ortu in occasu paulo est oblongior, quam qui à septentrione in Austrum ducitur. Globum Iovis variæ velut fasciæ obscuræ cingunt: nec constans est earum numerus. Interdum quinque cernuntur, aliquando una tantum conspicitur. Quæ medium fere globū involvit, est cæteris constantior: reliquæ subinde augentur, aut minuuntur; interdum plures in unam coeunt, aut una in plures dividitur. Sic intervalla inter obscuras fascias lucidiora quādoq; in plures partes, velut in totidem insulas dividuntur, quæ paulatim imminuuntur: adeo ut ex duabus fasciis subobscuris una coalescat. Post aliquot temporis intervallum redeunt insulæ lucidæ, & intervallum lucidum in eodem loco paulatim procreant. Sic in fasciis obscuris maculæ candidæ & rotundæ emergunt, quæ cum aliquandiu permanferint, rursus evanescent, post certum temporis intervallum redituræ.

4. Hæ maculæ ab ortu in occasum in parte nobis obversa sic moventur, ut prope Iovis centrum motus earum sit celerior, & oculorū aspectum effugiant, priusquam ad extremum marginem pervenerint. Motus ille spatio 9 horarum, & 56 minutorum perficitur: quod eo temporis spatio ad eundem locum revertantur.

tur. Ex hoc quidē motu colligitur obscuriores fascias Iovem non omni ex parte cingere, nec integrū circulum eas plerumq; absolvere, sed multis in locis interruptas apparere: adeo ut in eadem nocte varias sui species præbeant.

Sunt quædam maculæ fugaciores quæ integram periodum non absolvunt, aliæ plusquam mille conficiunt. Præcipua ex iis maculis in lucido intervallo quod Australius, est anno 1665 primum à Cassino observata; atq; ex ea motum Iovis circa proprium centrum collegit. Exeunte anno 1665, & ineunte anno 1666, paulatim evanvit usq; ad annum 1672, tumq; in eodem loco rursus apparuit, idq; per triennium, tum rursus evanvit, donec tertio post anno 1677 rursus fere per 5 menses oculis subiecta est: eodem anno alia macula in majori fascia visa est per tres menses, quæ eodem tempore suam revolutionem absolvebat.

De Iovis satellitibus.

Quatuor sunt minores planetae circa Iovem à Galilæo anno 1610 primum observati, quiq; sunt quasi totidem lunulæ, quæ circa Iovem, ut luna circa terram vertuntur, ac vulgo satel-
lites Iovis vocitantur; iiq; hoc celerius moventur, quo Iovi sunt propiores: ac fere in eodem plano suas periodos conficiunt, si secundum exceperis, qui aliquando extra commune aliorum planum visus est excurrere. Id vero commune omnium planum à Iovis orbita duobus gradibus & 54 minutis declinat, eamque in 13 gr. Aquarii, & 13 Leonis interfecat; uterq; nodus fere est immutabilis.

Primus satelles sex pene semidiametris Iovis, ab illius centro distat, 5 nimirum, & duabus

bus tertiis, suamque periodum absolvit intra unum diem, 18 horas, & 22 minuta, cum ad stellas fixas comparatur.

Secundus à centro Iovis 9 semidiametris remotus intra 3 dies, 13 horas, & 14 fere minuta circa Iovem revolvitur.

Tertius satelles 14 semid. & paulo amplius à centro Iovis distans periodum suam 7 diebus, 3 horis, 42 min. cum semisse absolvit.

Quartus denique 25 semid. cum triente à centro Iovis distat, & revolutionem suam diebus 16 horis 3, 2 min. conficit.

2. Iovis satellites cum illius umbram subeunt, tum instar lunæ quæ telluris umbram ingreditur, omnino deficiunt: quod opaca sint corpora quæ suum lumen à sole mutuuntur: ut vicissim umbras suas in Iovem projiciunt, quæ tanquam maculæ identidem apparent.

3. Cum Iupiter cum sole comparatus ad occidentem vergit, à conjunctione nimirum ad oppositionem, tum satelles quæ ab occasu in ortum fertur, prius umbram Iovis subit, quam corpus ipsius Iovis attingat. Quod in figura paginæ 390 clarius fiet.

Sit orbis terræ annuus S G S, Iupiter in L, terra in S. Tum vero Iupiter est telluri proximus, & oppositus soli videtur, per radium S L G, ut sol per radium S G videtur. Cum autem in terra est G, tum Iupiter L longissime ab ea removetur, & soli conjunctus apparet: uterque enim videtur per eundem radium G L: quod de Iove dictum, id ipsum de Marte & Saturno intelligitur. Est enim eadem omnium ratio.

Cum itaq; terra ab G per M ad S movetur, ac Iovem in easdem partes motum conspiciat, tum sol qui ab oriente videtur, umbram

Iovis

Iovis in occidentem projicit, & satellites prius illius umbram subeunt, quam corpus ipsum Iovis attingant. Contra evenit cum terra ab oppositione S, ad conjunctionem progreditur, & Iupiter est magis orientalis quam sol ipse: tum enim illius umbra ad orientem dirigitur, & satelles qui ab occasu in ortum fertur, citius corpus ipsum Iovis attingit, quàm illius umbram, citius quoque ex ea se se expedit quam ex Iovis globo.

4. Cum Iupiter soli non est oppositus, tum radii à sole in satellitem sub Iove positum vibrati umbram efficiunt in globo Iovis instar nigræ maculæ, quam nos è terra non in loco cernimus, ubi revèra est. Cum enim Iupiter est sole occidentalior, nimirum à conjunctione ad oppositionem, tū umbra est itidem magis occidentalis quam satelles, & prius Iovem ingreditur & egreditur quàm satelles ipse. Contra evenit cū Iupiter magis ad orientem vergit quam sol ipse, tum .n. umbra satellitis est magis orientalis quam satelles ipse. Aliquando in Iove macula seu satelles minor umbra sua cōspicitur: quod satellites obscuris maculis donentur, quæ sub oculos non veniunt nisi cum in Iove ipso, cernuntur: nam extra Iovē satellitum species minuunt tantūmodo. Hinc sæpe umbræ satellitum majores in Iove quam satellites ipsi cernuntur: quod partem duntaxat cujusque satellitis à sole illustratam intueamur; partes obscure oculorum aciem eludant: cum eæ tamen umbram satellitis augeant.

5. Tres primi satellites in unquamque revolutione quatuor eclipses efficiunt. 1. Cum satelles discum Iovis subit, 2. cum umbra satellitis discum Iovis obscurat. 3. Cum pars superior Iovis à nobis averfa satellitem occultat. 4. cū

satelles umbræ Iovis immergitur. Itaq; intra 7 dies primus satelles 16 eclipses, secundus 8, tertius 4 procreat; ac simul 28 efficiunt. Quartus satelles prope nodos intra 17 dies 4 eclipses procreat; prope limites vix eclipsim patitur: quod major sit ejus latitudo, quam ut Iovis discum, aut illius umbram delibet. Atq; hæ eclipses magnæ sunt utilitatis ut locorum longitudes definiri possint.

6. Vnumquemq; satellitem circa proprium centrum torqueri est verisimillimum; quando enim cum Iove conjunguntur, sæpe eorum maculæ conspiciuntur, sæpius non cernuntur: quod præcipuæ eorum maculæ interdum in hemisphærio nobis averso existât, modo in parte nobis obversa. Eundem satellitem & in eadem à Iove distantia modo majorem, modo minorem conspiciamus. Quartus aliquando omnium minimus, interdum duobus primis longe major apparet, & majorem semper in Iove umbram projicit. Tertius sæpe reliquos magnitudine superat; interdum ejusdem pene molis cum duobus primis videtur: quod forte maculæ obscuriores partem illius inferiorem obducant: hinc sæpe nō æquis temporum intervallis Iovem subit, eut ex eo egreditur: quod pars illius præ maculis sæpe occultetur.

7. Magna quoq; est in motu satellitum inæqualitas, quæ ut plurimum est optica & apparens, ut illorum orbitæ varie nobis obvertuntur. Nam aliquando accidit ut tanquam lineæ rectæ se se oculis nostris exhibeant; tumque eorum motus in longum tantummodo producitur, isq; longe celerior est in medio prope Iovem, quam versus maximas à Iove digressiones. Sæpe orbes satellitum instar ellipsium oblongiores cernuntur. Aliæ sunt inæ-

qua-

qualitates quæ ex motu Iovis circa solem, aut ex motu solis annuo pendent. Verum iste explicatu paulo sunt difficiliores.

Illud forte ad institutum pertinet magis ut perpanca de hypotesi D. Romer circa instantaneam luminis diffusionem dicamus: vix .n. quicquam ingeniolus potuit excogitari; vide sup. figuram pag. 398. Sit sol in medio, orbita terræ S G S. Nec porro quidquam interest utrum systema Copernici, aut Tychoonis usurpemus, ut ipse in peculiari opusculo demonstrat: nam in Copernici hypotesi terra S propius ad Iovem accedit, cum Iupiter soli oppositus videtur; ut in Tychoonis systemate sol ipse Iovem ad nos quasi advehit: sed in hypotesi Copernicana res facilius intelligitur. Diameter vero orbis annui S G 2000 saltem diametros terræ complectitur: adeo ut terra tanto intervallo sit propior Iovi in oppositione, quam in conjunctione.

2. Primus Iovis satelles in omnibus velut noviluniis, aut pleniluniis eclipsim efficit, aut patitur: cum enim inter oculos nostros & Iovem intercipitur, tum partem aliquam Iovis obscurat: sed ubi umbram C Q ingreditur, tum oculis subducitur; illa defectioni solis, hæc lunæ eclipsi similis est.

3. A conjunctione G ad oppositionem S, seu quandiu terra sui orbis semicirculum G M S percurrit, eclipseon initia, seu immersiones satellitis in umbram Iovis in Q conspiciamus: sed emergence in C videri non possunt: si quidem ea pars orbitæ satellitis, in qua fit emissio, pone corpus Iovis delitescit.

Cum autem terra pervenit ad punctum S, tū neq; initium, neq; finis eclipseos conspiciuntur: utrumq; enim à globo Iovis tegitur, ex-

tremos dūtaxat Iovis margines satelles in ipso ingressu & exitu attingit, & instar tuberculi limbo Iovis inhærentis apparet. Verū ubi terra versus γ cœpit progredi, jam satelles nō ex ipso limbo Iovis, sed in aliqua ab eo distantia exire conspicitur, tumq; emissio ex umbra C Q, seu finis eclipsis conspicitur, non immersio circa C: ea quippe latet & retro Iovis corpus posita sui copiam nō facit in toto semicirculo S γ G, seu ab oppositione Iovis ad illius cum sole conjunctionem in G: & maximæ quidem sunt distantia evanescētis & restituti satellitis à Iove, cum est in ipsis quadraturis; cū .s. terra est circa punctū M, vel ei oppositū: sunt vero minimæ cum terra circa puncta S & G cōmōratur: tum .n. satelles Iovis limbū contingere videtur. Iam illę eclipses, & durationū tēpora tam accurate ab exercitatis observātur, ut vix aliquot minutis secundis inter se discrepent.

4. Hinc sequitur lumen pene in instanti saltem diametrum terræ, hoc est, fere 3000 leucas decurrere: adeo ut frustra Galilæus & alii varias excogitarent, & difficiles rationes, quibus explorari possit quantum temporis lumen insumat in aliquo terræ spatio decurrendo. Sit .n. terra versus M prope primā Iovis quadraturam, & satellitis immersio versus Q observetur: post 42 horas cum semisse, iterū ambam Iovis ingreditur, tumq; terra motu annuo progressa versus γ immersionē proximam in Q observabimus: cum interim terra in suo orbe arcum M γ unius gradus & 45 min. cōfecerit qui fere 300 diametros terræ complectitur: re .n. ad calculū vocata arcus M γ est 300 partium, quarum semidiameter TS est 1000. Quod si itaq; vel unum minutum secundum lux insumat in eo spatio decurrendo, quantum

patet terræ diameter; terra accedente ad Iovē per lineam M 3, 300 saltē min. secundis citius quam par sit satellitis immersionē in Q intuebitur. Iam post sex menses, aut circiter cum terra erit in 9 seu in secūda quadratura; observetur emersio satellitis ex umbra C Q & post 42 horas cum semisse, cō terra à Iove recedit 300 suis diametris, tantum scilicet, quantum in prima quadratura accesserat. Quod si vel unius minuti secūdi tēpore lumen indigeret, quo unum terræ diametrū perageret, tempus inter duas immersiones in prima quadratura brevior foret 300 min. secundis, ut jā diximus; & inter duas emersiones in secunda quadratura, longius esset totidē secundis: adeo ut periodus emersionis abūdaret 600 min. sec. seu sexta parte unius horæ præ periodo immersionis: quod omnino est contra observationes: cū vix inter quatuor periodos duorum, vel trium minutorum inæqualitas inveniatur. Nec singulæ periodi integro minuto inter se differant.

5. Cum tamē sensibilis inæqualitas immersionum, & emersionum appareat, cū terra accedit, aut recedit à Iove, id verisimillimum putat lumen celerrime quidem, sed non in instanti propagari. Cum enim à conjunctione ad oppositionem terra ad Iovem continenter accedat, ut ab eo recedit ad oppositionem ad conjunctionem: si lux aliquā temporis morā postulat; in primo semicirculo GMS, semper immersiones nonnihil temporis anticipabunt; contra emersiones ab S, vsq; ad H, & ab H ad G subinde tardius & tardius apparebunt: cum terra semper longius à Iove discedat. Idque cum observationibus consentire existimat Vir pereruditus: adeo ut periodi emersionum in semicirculo S 9 G sint longiores periodis immersionum.

merfionum GMS simul sumptis, pene dimidia parte uniur horæ. Verum ista longiorem tractationem & plures observationes inter se collatas postulant.

De Saturno,

Saturnus longissime à sole distat: media ejus à sole distantia ad semidiametrum orbis solaris eam fere habet rationem, quæ est inter 95 & 10, seu fere decuplam: quod in illius motu inæqualitatem efficit sex grad. & 24. min. movetur quoq; in ellipsi, cujus major diameter à sole dividitur in ratione 8 ad 9: quod aliam inæqualitatem in motu priori pene æqualem efficit. Maxima illius à sole distantia est in 26 gr. Sagittarii, minima in 26 gr. Geminorum: hæc puncta in orientem sic moventur ut 48 annis unum gradum conficiant. Sic orbita Saturni cum ecliptica angulum efficit 2 gr. & 30 minut. nodi sunt in 22 gr. cancri, & 22 capricorni, uno quidem gradu versus orientem 50 annis promoventur.

2. A Galilæo, & aliis qui eum secuti sunt, Astronomis tot visus est formas induere, modo rotundam ellipticam, modo anulis quibusdam instrui ut tantæ varietatis & inconstantie causas inveniri posse pene desperaverint, donec clariss. Hugenius ante 20 annos verum hujus planetæ systema exhibuit. Est .n. Saturnus globosæ figuræ, ut reliqua fere sidera: sed latiori circulo velut annulo quodam cingitur: estq; ille annulus instar formicis, æquali à Saturno distantia removeatur: estq; ratio semidiametri planetæ ad distantiam annuli fere ut 3 ad 5: sed radius integer annuli ad radium Saturni est fere ut 11 ad 5; ut D. Cassinus de cernit, qui & diametrum annuli in media distantia 65 sec. determinat. Quare licet nobis Saturnum mente

concupere ut sphæram artificialem, aut globū potius annulo suo ut horizonte circumdatum. Tenuis quidem est annulus, sed latus, isq; continuatus per centrum Saturni transiret.

3. Cum autem illius annuli planum ita est dispositū, ut continuatum per terræ centrum pertranseat, tū sub oculos non cadit: quod illius duntaxat crassities nobis obvertatur, quæ minor est quam ut videri possit. Tum itaq; Saturnus omnino globosus cernitur; idq; tū accidit cum est æquatori proximus. Sed cū ab eo declinat maxime, tū ut ellipsis satis aperta cōspicitur: tum .n. visus noster qui in centro æquatoris positus concipitur, nō stringit planū illius annuli, sed satis alte, nempe annulo 23 gr. aut circiter super illud planū attollitur. Illud annulum, ut circulum aut orbem in aëre suspensum horizonti parallelum trēte cōcipio. Is utiq; mihi recedenti & ex obliquo spectanti ut ellipsis videbitur, eo angustior, quo magis ex obliquo cōspicitur: donec oculi ita constituentur ut circuli planum, si produceretur, in eos fere incurreret: tum .n. nulla amplius ellipsis, sed exilis quædam linea videbitur. Idem pene in Saturni annulo evenit, cujus diversæ phasēs ex varia solis illustratione, & radiorum visualium obliquitate pendent.

4. Annuli planum cū Saturni orbita multum inclinatur; linea sectionis hinc ad vigesimum Sagittarii, inde ad 20 Geminorum terminatur. Cumq; Saturnus circa solem movetur, hæc linea sibi ubiq; manet parallela: cumq; terræ recta obvertitur, tum annulus qui tenuis est, non densior, oculorum aciem fugit, & Saturnus ut dictum est, globosus apparet. Quod si radios visuales fere ad perpendiculū secet, tum ovalis figuræ & amplæ cernitur: & latitudo

major est dimidia parte longitudinis; tūq; Saturni diameter paululū minor est minori diametro annuli: aliquando uterq; æqualis; interdum diameter Saturni major est: tum vero anfulis instructus videtur: tū tubo debiliore cernitur: illæ anfulæ pene rotundæ, & à Saturni globo revulsæ apparēt. Cum Saturnus est proximus vigesimo Geminorū aut Sagittarii, tum inclinatio annuli respectu æquatoris, aut terræ est 32 gr. & amplius, tumq; ovalis figuræ appareat necesse est: circa vigesimum Piscium aut Virginis sine annulo conspicitur: tum .n. orbitæ Saturni & annuli sectio terræ obvertitur; cumq; non amplius quam 12 gradibus ab iis punctis distat, rotundum & sine annulo Saturnum intuemur. Quocirca vertente anno, sine anfulis, aut brachiis, aut ellipsi cernitur: nam unoquoq; mense gradum unum in Zodiaco conficit. Hinc Galilæus anno 1612 exeunte & ineunte 1613 Saturnum suis satellitibus ut putabat, seu rotundis anfulis destitutū, & rotundum plane cōspexit. Trigesimo post anno sub finem anni 1642 idem observatum fuit à Gassendo. Idem Hugenius decimo quinto post anno comperit; nimirū anno 1654 post septennium, scilicet anno 1664 ellipsis erat apertissima: cum Saturnus alteri solstitiorum esset proximus; tumq; illustriori fulgebat luce, quod à circumjecto annulo, ut terra à corpore lunari nonnihil luminis mutuatur.

De Saturni satellitibus.

De Saturni annullo ex Hugenio, qui primus eum detexit, & Cassino qui multa quoq; circa eundem annulum observavit, satis multa diximus: nunc de tribus hujus planetæ satellitibus, qui ex iisdem doctis. Viris, qui eos satellites primi observarunt, & eorū periodos definierunt,

runt, per pauca dicamus. Hoc utiq; commune habent, ut in plano fere annuli continuati suos motus absolvant, si tertium exceperis, qui non nihil ab eo plano deflectit.

Ac primus quidem satelles à centro Saturni uno annuli diametro & duabus tertiis distat: circa Saturnum spatio 4 dierum, 12 hor. 27 minut. revolvitur. Telescopio 33 pedum in maximis à Saturno digressionibus conspicitur: nunquam vero sui copiam facit, cum Saturno vicinior est: necdum videri potuit in conjunctionibus cum Saturno, etiam in maxima latitudine; unde alternis tantum diebus cernitur. Anno 1672 in Observatorio Regio à Cassino primum visus fuit.

Secundus satelles longe ante ab Hugenio observatus fuerat, isq; multo est illustrior: nam mediocri telescopio percipi potest. Is 4 diametris annuli à centro Saturni removetur, & circa eum spatio 16 dierum 23 horarum vertitur: ac suo motu lineam apparenti annuli circumferentiae describit parallelam: in conjunctionibus cum Saturno, quod saepe magnam habeat latitudinem, plerumq; conspicitur, siue conjunctio fiat in parte superiori, siue in parte inferiori.

Tertius satelles à Cassino primum deprehensus fuit anno 1671 exeunte Octobri, & ineunte Novembri in maxima à Saturno digressionem fuit observatus; tum evanuit, nec videri potuit nisi circa medium Decembrem anni 1672: rursus se oculis subduxit, donec sub initium Februarii 1673 per 13 dies visus est: 10 diametris annuli cum semisse à centro Saturni distat, & periodum suam circa hunc planetam spatio fere 80 dierum conficit. Nec se videndum præbet nisi in maxima à Saturni globo digressionem occidentali: nam luminis incrementa sumit:

adeo ut oculos effugiat in digressione orientali; sub aspectum veniat, in digressione occidentali.

Neque hæ vicissitudines luminis hinc oriri possunt, quod inæqualis sit illius à sole aut terra distantia: vix enim centesima parte distantia à solè hæc variatur. Imo tum imminutio luminis evenit, cum à parte suprema suæ orbitæ ad inferiorem & nobis propiorem accedit. Neque id dici potest hunc satellitem instar lunæ incrementa luminis subire, ut varie soli & terræ opponitur: nam in tanta distantia semper lucere debet, ut Saturnus ipse qui semper completur lumine.

Quare non alia occurrit hujus vicissitudinis causa, quam quod pars illius satellitis lumē satis vegetū reflectat, altera id reflectere nō possit; sere ut in globo telluris accidit, cujus pars aquis oceani obducta nō satis est idonea, ut radios solares regerat: cum a continente radii in omnes partes resiliāt. Itaq; hic satelles aut circa suum axem torquetur; aut idem Saturno, ut luna terræ hemisphærium obvertit: cumq; pars continenti analogæ terræ obvertitur, tum sub obtutum venit: ut visus aciem fugit, quando pars oceano analogæ ad terram convertitur.

Quamobrē cum Saturnus satis à sole distat, ut hic satelles videre possit, sēper in occiduis digressionibus se videndum præbet: imo & in utraq; cum Saturno conjunctione, dum magna sit illius latitudo. At nunquam videri potuit in maxima digressionē orientali: sed per integrū mensem semper delitescit. Quæ anno 1673 definita fuit à Cassino revolutio intra 80 dies, ex eo tempore fuit confirmata: ita ut diē duntaxat integrum intra novem periodos antevertat. In utraq; cum Saturno conjunctione illius

augetur latitudo eadem ratione, qua annulus dilatatur: etsi orbita quam suo motu describit annuli circumferentiæ non sit parallela, ut in duobus primis latellitibus contingit.

Stationes, directiones, & regressus planetarum explicantur.

His quæ ad planetarum theorias pertinet, ita explicatis, ut ab omnibus fere, qui eruditum Geometriæ pulveri non attigerunt, non ægre capi possint, ea breviter attingam quæ fortassis intimæ Astronomiæ magis esse videantur; præcipua nimirum planetarum phænomena: quod stare interdum, aut in contrarias partes moveri, aut etiam aliquando regredi appareant: cumq; hæc phænomena suas habeant causas Physicas, ea certe a Philosopho investigari debent.

Ac primū illud constat tres superiores planetas semper esse retrogrados cum soli opponuntur, directos cum sunt Apogæi, seu in conjunctione & in maxima a sole distantia, stationarios in utrisq; quadraturis. Quod utiq; in systemate Copernici facilius explicatur. Nam quæ eadē celeritate cum oculo moventur, stare credimus; quæ tardius nobis incedunt, in contrariam ferri partem, quæ celerius, præcurrere videntur. Hæc est propositio 54 optices Euclidis, quam ipsa cōprobat experiētia. Nam finge duas naves in eandem partem ferri: quod si illa in qua veheris, celerius promoveatur, alterā retrogradi judicabis: si ambæ æquali incedant motu, utramq; immotam credes. At si navis qua veheris, tardius incedat, altera quam citissime agi videbitur. Iam fig. p. 390 consule.

Quo igitur hæc notissima ad id quod propositum est, applicentur, sit terra in puncto S suæ orbitæ SGS, unus ex superioribus planetis in puncto L, sol in medio: tum Iupiter v. gr. soli

oppositus, & terræ proximus videbitur, eritq; vespertinus: nam sole occidente orietur. Cum autem terra & planetæ in easdem partes ferantur, versus orientem, sed terra velocius versus H progreditur, quam Iupiter in easdem partes incedat, tum sane hic nobis in terra constitutis à puncto, seu stella C, ad stellam Q regredi videbitur: nam terra circa punctum θ existente intuebitur Iovem L per radium θ L Q, quasi retroactus fuisset: Iupiter paululum progressus & adhuc vicinus puncto L supponitur.

Iam fingamus terram ad punctum G translata: adeo ut sol & Iupiter L per eundem radium videantur; tum sane Iupiter soli conjunctus, & directus, id est citius moveri in orientem apparebit. Cum .n. terra versus M progreditur, & Iupiter in contrarias partes, tum is celerrime versus ortum ferri apparer. Huic .n. nos qui in terra sumus, & motum terræ non percipimus, eundem Iovi aut aliis planetis asingimus. Tum igitur motus Iovis directus, & celerior quam par sit judicatur. In medio fere inter utrumque limitem intervallo, seu inter conjunctionem, & oppositionem cum sole, .s. in quadraturis, eodem stare loco planetæ cernuntur: unde & stationarii dicuntur: nam sub iisdem stellis apparent. Hinc merito Plinius miratur Martem multis mensibus in eodem Zodiaci signo commorari, quod duorum mensium spatium debet percurrere.

Ex iis liquet cur Mars longe amplius regredi videatur, quam Iupiter, & hic magis quam Saturnus. Quo .n. planeta sublimior est, tanto minorem arcum retrogradationis, ut vocant, describit. Quo .n. punctum L est nobis vicinius, CQ, qui regressum planetæ utcumq; indicat, major est: fere ut de parallaxi diximus: &

certe hæc motus inæqualitas est omnino optica & apparens, non Physica & realis.

Quare Saturnus minus quidem retroagi videtur quam Iupiter, sed sæpius : & Iupiter sæpius quam Mars retrograditur. Cum .n. Saturnus 12 grad. Iupiter 30 in sua quiq; orbita unoquoq; anno conficiant : terra utrumq; brevi afsequitur, & longe celerius quã Martem. Inter maximam & minimam Saturni à nobis distantiam menses sunt sex, & paulo amplius, in Iove sex cum dimidio, in Marte tredecim.

Sol nunquã regredi videtur: nam juxta Copernicum terræ motum in eum transferimus. In Tychoniana quoq; hypothefi quæ satis cōmode hæc phænomena explicat, quinq; planetæ circa solem tanquam centrum gyraunt. Nec luna unquam regreditur: quia circa terrã vertitur. Nec demum stellæ fixæ unquam regredi apparent, vel quia sunt immobiles, ut videtur Copernico; vel potius quia immenso à nobis distant intervallo. Neq; .n. aliunde planetarum loca nisi ex fixis dignoscimus. Vnde si Mars prius sub prima Tauri stella visus, jam sub prima Arietis appareat, illum signo integro retroactũ judicabimus. Sed nihil ultra stellas fixas conuehemur, ad quod earum motus referamus.

Eodẽ fere modo explicari possunt stationes & directiones Veneris aut Mercurii, nisi quod in apposita figura terræ orbis futurus sit LNL, orbis Veneris SGS. Terra itaq; posita in N, Veneris in S, cum terra progreditur versus M, tum Venus in contrariam partem versus H, celerime agi videtur, & directã apparet. Circa H seu in quadratura erit in maxima à sole digressionẽ; cumq; versus G movebitur, tum nobis in N, constitutis regredi videbitur. Ac certe plurimum hoc in loco sibi blandiuntur Copernica-

ni, quod loca, tempora, arcus regressuum cum siderum intervallis apte consentiant. Sed in systemate Tychoniano eadem phænomena satis apte explicantur, cum sol quinque planetarum centrum motus eorum gubernet.

Cum hæc typis mandarentur anno 1678 die 27 Februarii hora 7 cum dimidia Saturnus lunæ interpositu deficere visus est; quæ eclipsis in Observatorio Regio à DD. Cassino, Picard, & Romer separatim fuit observata, uti ab insigni Geometra D. de la Hire nunc Regiæ Academiæ socio, qui eam conjunctionē domi suæ observavit; & delineavit. Omnes in tempore & circumstantiis inter se convenere. Saturnus lunæ partem obscuram & orientālē subire ita visus est, ut nihil de ejus figura in ipso ingressu mutatum fuerit. Ex quo licet colligere lunę nullam esse atmosphērā circumfusam ab æthere diversam. Intra unius minuti & 49 secund. Saturni annulus fuit obscuratus, unius horæ & 10 minuterum spatio duravit eclipsis; cumque ex lunari corpore exiit, nulla quoque in illius figura mutatio accidit, licet præ lumine partis lunæ occiduae Saturnus pallidior videretur. Ex hac conjunctione quanta sit lunæ parallaxis aut à terra distantia, facile demonstrari potest. Iovis & Saturni phases in figuris ære incisiss habes delineatas pagina 115.

De Cometis.

Cometę de quibus superiore Tractatu velut in transitu diximus, inter planetas non luna modo, sed forte etiam sole superiores merito numerari debent: de quibus hæc pauca ex D. Cassino accipe. Primus qui ab eo observatus fuit cometa anno 1652 à die 20 Decembris, usque ad septimum Januarii: primum in ea constellatione quæ Orion dicitur, visus est. Hic
sub

sub initium motu celerrimo ferebatur, & singulis diebus 12 gradus peragrabat, ad septentrionem deflectens; sub finem vix unum gradum decurrebat; & eandem velut rectam lineam insistebat, siue Zenith esset proximus, siue ab eo longe remotus: quod fieri non potuisset nisi is luna fuisset longe sublimior.

Anno 1664 die itidem 20 Decembris visus est cometa usque ad undecimum Martii anni 1665, primum in capite corvi apparuit; hinc ad Navim descendit, & rursus ad caput Arietis conscendit: cum per Ceti caput transiret, ubi multis stellis occurrebat, diurno motu abreptus nunquam à semita sua deflexit: quod eum luna multo sublimiorem fuisse demonstrat. Eodem anno 1665 mense Aprili in Pegaso & Andromeda alius apparuit: sed illucescente diluculo: unde radiis solaribus oppressus non potuit satis accurate observari.

Quartus anno 1668 mense Martio visus est capite destitutus: cauda duntaxat apparebat in Eridano; nec motu diurno abreptus situm suum inter stellas fixas mutabat. Inter easdem stellas in Persia visus est: atq; Aristotelis temporibus huic similis cometa eodem in loco, & simili in septentrionem & orientem motu delatus, in Orionis quoque constellatione evanuit.

Quintus visus est anno 1672, qui ab Andromedæ capite primum ad Perseum, tum ad caput Orionis proprio motu progressus in eadem cum pede Persei Dantis ab Hevelio & à Cassino Bononiæ, & eidem stellæ proximus fuit observatus: quod illius quoq; magnam à terra distantiam confirmat.

Anno 1676 à die 14 Februarii usq; ad 9 Martii vir doctiss. P. Fontenay in Collegio Claramontano nunc Matheſeos Professor cometem

observata cauda destitutum, eodem prorsus in loco ubi caudam cometes sine capite D. Cassinus anno 1668 Bononiæ conspexerat. Ut stella tertii ordinis paulo ceteris obscurior visus est: sed sensim minuebatur cum versus orientem proprio motu incederet.

Ultimus anno 1677 mense Martio sub Andromeda quoq; visus est illucescente crepusculo, ac brevi radiis solaribus oppressus vix sui copiam fecit.

Ex iis & variis observationibus inter se collatis hæc colligit D. Cassinus: motus omnium cometarum in circulis terræ admodum excentricis confectos fuisse: adeo ut à recta linea vix eorum semitæ deflecterent, fere ut planetæ alterius systematis, aut si ita placet, alterius vorticis. Cum partem excentrici superiorem, & longius à nobis distitam peragant, sub aspectum non cadunt. Sed nobis propiores sub oculos veniunt.

2. Magnus ille circulus in quo movetur cometa vel terram involvit, fere ut cælum Martis, vel instar epicycli extra eam positus est. Cum ab occasu in ortum feruntur cometae, tum satis verisimile est eorum orbitas terram involvere. At si extra terram longe constituti velut in epicyclis deferantur, tum nobis propiores ab ortu in occasum contra signorum successionem fere ut satellites Iovis, aut Saturni moveri videntur. Sic cometa anni 1664 primo fuit retrogradus, tum motus sui directionem mutavit: ut D. Cassinus ante prædixerat. Contra cometa anni 1672 cum juxta signorum seriem incederet, directionem sui motus non mutavit.

3. Fieri potest ut idem cometa idem tamen recurrat: tametsi nemo id animadvertat; vel quia sub crepuscula revertitur, vel quia cauda
quæ

quæ eum sæpius prodit, & nebulosis radiis destituitur. Cauda etiam forsitan non aliud est nisi exhalatio quædam ab illius globo sursum vibrata: unde fere semper soli opposita videtur. Hæc ubi cometa est perigæus, si forte difflata est, vix cometa internosci potest. Id enim in quibusdam stellis interdum accidere jam supra inuimus, quæ idemtidē evanescunt; quæq; ante hoc sæculum à nemine fuerant observatæ. Sic cometa à P. Fontenay in Eridano forte quadam deprehensus, cum stellas in globo depictas una cum stellis firmamenti conferret, aliorum diligentiam elusit. Sic stella quæ est in collo ceti singulis annis recurrit: & tamen per 40 annos à prima illius observatione omnes Astronomos fugit. Andromedæ nebulosa ut nova sæpe habita fuit; ex quo tamen D. Cassinus eam deprehendit, in eodem semper loco visa est.

4. Cum cometæ motus celerior est, ex tribus observationibus conjici potest quam viâ deinceps insistant; ac licet moveatur in circulo, tamen illius motus citra errorem sensibilem ut in rectam lineam directus supponi potest. Cometarum qui annis 1652, 1664, & 1653, & 1665, & 1677, duodecim nimirum annorum intervallis apparuere, motus celerrimus fuit singulis diebus 12 aut 13 graduum, alii vix 4 aut 5 gradus decurrebant; ut cometa secundus anni 1665, & 1672. Ac de cometis tantum, nunc ad stellarum theoriam veniamus.

QVÆSTIO VLTIMA.

De stellis fixis.

Stellæ dicuntur fixæ, non quod sint immobili-
les: cum diurno motu omnes ab ortu in occasum ferantur, sed quia eundem inter se, &

constantem servant ordinem. Vnde veteres Astronomi non aliud primum mobile à firmamēto statuere. Ac præter cæteros Hipparchus qui 120 annis ante Christum natum vixit, omne suum studium in eo posuit, ut cuiusq; stellæ latitudinē, seu distantiam ab ecliptica, & longitudinē, seu distantiam à principio Arietis, aut æquinoctio verno designaret.

Et quidem latitudo stellarum eadē, & immutata manet, sed magna in earum longitudine accidit mutatio, quam primus deprehendit Hipparchus confirmavit Ptolemæus, qui ab Hipparchi tēpore stellas 2 gradibus ab æquinoctio verno longius distare comperit, quam ducentis ante annis Hipparchus desinierat, unde eas proprio motu ab occasu in ortum sic ferri statuit, ut unoquoq; sæculo unum gradum efficiant, & intra 36000 annos periodum suam absolvant. Cumq; à Ptolemæi tempore 28 gradibus stellarum longitudo aucta fuerit, sed tamen non æquabili motu, hinc factum est ut hanc periodū Astronomi varie definierint. Alphonsus Rex Arragoniæ eum spatio 49000 annorum, Copernicus intra 26000 annos confici, alii aliter statuerunt.

Copernicus vero omnē motum stellis detraxit, eumq; in terram transtulit. Ac primo quidem qui ejus tuerentur sentētiam, in ea sunt opinione ut putent stellas in eadem firmamenti superficie non esse affixas, sed alias aliis longe esse nobis viciniores. Cœlum quippe non solidum est, sed fluidum; nec corpus lucidū commode in extrema superficie, sed optime in medio collocatur, ut undiq; fulgeat, neq; media lucis portio pereat. Cartesius huic Copernici systemati multa adjecit, v. stellas totidem esse soles, ac singulis ut soli suum esse assignatum

vorticem : adeo ut sol una ex fixis censendus sit . Nam si unaquæq; stella propria luce fulget , nihil à sole nisi forte sola mole dissidet : adeo ut singulæ fixæ proprium suum systema , ac proprium vorticem habere videantur .

2. Centrum uniuscujusque vorticis sol vel stella obsidet . Solem efficit , ut idemtidem monuimus , primi elementi materia ; alii autem vortices minoris notæ circa terram , Iovem , Saturnum torquentur : ita ut terra 365 vicibus circa se volvatur , dum semel communi vertigine circa solem circumagitur .

3. Eum locum planeta quisque sortitus est , qui ejus soliditati magis congruit : hinc satis est verisimile planetas eo solidiores esse , quo longius à sole recesserunt . Totum vero coelum in perpetuo versatur motu , atq; in eo planetæ ut naves secundo flumine devehuntur . Quare nec terra , neq; ullus planeta proprie movetur , sed sui vorticis motui obsequitur . Qua quidem ratione omnem de terræ motu invidiam se amoliri posse putat .

4. Magni illi vortices sic inter se sunt coaptati ut unius poli partes alterius à polis remotissimas contingant . Sic .n. mutua inter se commercia facilius exercebunt : cumq; vortex raptissime circa suum centrum torqueatur , illius materia quantum potest à centro recedit , atq; per partes à polis remotiores erumpit , quod ibi motus sit concitator . Quare necesse est ut in proximum vorticem ingrediatur ; nec subire poterit alium vorticem commodius , quam per partes polis finitimas , ubi motus est placidior , minor adeo resistentia invenitur : materia vero illa cum sit tenuissima , meatus satis amplos quibus excipiat , offendit .

5. Stellæ in eadem coeli superficie non esse

constitutas, sed alias esse aliis sublimiores multis argumentis colligi potest. 1. enim quædam sensim crescere & minui videntur; ut ea quæ in collo ceti ineunte hoc sæculo observata, tum statim fere extincta. Anno 1648. rursus est visa; ac tandem doctiss. Bullialdus post 333 dierum circulum mole maximam videri, tum paulatim immiui deprehendit. Quod quidē vix explicari potest, nisi eam stellam quandoque propiorem nobis fieri, quandoq; longius à nobis efferri statuamus.

Circa eas stellas quarū magnitudo augeri & minui solet, quæq; post certa tēporū intervalla evanescent, & rursus vidēdas se præbent, hæc cōperio à D. Cassino observata. 1. quæ in collo ceti interdum apparet, jam anno 1596 erat cognita, & Bayerus eā in suo catalogo anno 1601 ut reliquas vulgo cognitās inseruit. Anno 1637 Phocilides qui Bayeri tabulas nō viderat, eam ut novam observavit, ac primus renascentem vidit, cum ante evanisset: ex eo quidem tempore illam singulis annis reverti, & unum fere mensem antevertere compertū fuit. Hanc anticipationē 33 dierū definivit clariss. Bullialdus. Eam quoq; stellam partim obscurā, partim lucidam existimat: adeo ut circa suum centrū gyrans, modo hanc, modo illam partem nobis obvertat. Sed tamen D. Cassinus ex collatis inter se observationibus hujus stellæ ab anno 1596 usq; ad hunc annum 1678 existimat anticipationem illius esse 35 dierum, & sex horarum; vixq; per simplicem stellæ circa propriū centrum revolutionē omnes illius phasēs explicari posse. Non .n. singulis annis eandem obtinet magnitudinem. Quandoque secundi ordinis stellas superat, interim intra tertium ordinem vix consistit. 2. non eodem semper tem-

Temporis spatium sui copiam facit. Nam aliquādo vix per tres menses continuos, quandoq; per 4 integros & amplius conspicitur. 3. neq; æquis temporum intervallis incrementa sumit. Interim citius crescit, interdum tardius: adeo ut quasdam mutationes Physicas intercedere satis sit verisimile; ac forte tam diversa phenomena explicari vix possunt, nisi polos revolutiones peculiari quodā motu ferri statuamus. Ineunte hoc anno 1678 ad summā suā molis, & fulgoris peruenit: cumq; quot annis 35 dies antevertat, quo tempore deinceps splendidior futura sit, aut quando annis jam elapsis majori luce fulserit, constitui facile potest.

2. Stella quæ est in cygni pectore sæpius itidem visa est, & subinde evanuit: anno 1600 ut stella tertii ordinis apparuit, & complures annos perseveravit. Tum paulatim imminuta, tandem oculis subducta est. Anno 1655 primum à D. Cassino visa paulatim lumine aucta est, idq; per quinquennium; dum stellas tertii ordinis magnitudine æquaret: tum sensim est imminuta.

3. Visa primum fuit stella à P. Anthelmo Cartusiano anno 1670 prope cygni caput, eaq; ut tertii ordinis stella per tres menses apparuit, ac paulatim velut extincta est: rursus anno 1672 ab eodem conspecta, ad eandem magnitudinem tertii nimirum ordinis perducta paulatim evanuit: neq; ex eo tempore se videndam præbuit: adeo ut vix ullus sit dubitandi locus, quin hujus generis stellæ Physicis & magnis mutationibus sint obnoxia.

Nihil hoc loco de refractionibus subjicimus, quæ alio loco sunt explicatæ. Hæ quidē à veteribus Astronomis neglectæ fuerunt: unde nō mirum est si eorum observationes minus sint

accuratæ. Quare nihil est causæ cur ex eorum observationibus vel excentricitatem solis imminutam ut vult Copernicus, vel maximam solis ab æquatore declinationem variatâ, vel anni magnitudinem immutatam esse statuamus, ac forte inutiles sunt motus obliquitatis Zodiaci, vel anticipationis æquinoctiorum, vel trepidationis stellarum.

Hinc etiâ liquet cur sol in ipso exortu figuræ ellipticæ appareat; quod nêpe illius diameter horizonti parallelus præ refractione nihil minuatur: cû diameter ad horizontem perpendiculariter insistsens aliquâtulum decrescat, & fere decima sui parte multatus videatur. Nec dubiû est quin in locis quæ sunt polis viciniora maior sit refractione, quod aër ibi sit crassior. Hinc Batavi cum anno 1596 in nova Zembla, ubi polus 76 gradibus attollitur, diu in Mari congelato hæssissent, tertio die Novembris solem postremû viderunt, quem ante vndecimum Februarii iuxta leges Astronomicas redditurum non sperabant, vigesimo quarto die Ianuarii conspexere: cujus ratio non aliunde quam ex refractionibus constare potest.

Neq; hic inquirendum puto an eadem sit ratio crepusculorum quæ refractionum. Nam si purus esset aër, tum fieret transitus à pura luce ad tenebras.

Nihil quoq; necesse est ut hoc loco Astrologiæ conjecturalis vanitatem refellam. Nam ut forte sidera quosdam influxus in terram demittant à lumine ipso discretos: quod valde incertum puto, influxus illi nihil erunt nisi causæ generales, ex quibus nihil certi concludi potest; nedum ex siderum aspectibus ingenia, mores, animum, vitæ munera, casus & eventus licebit colligere.

¶¶¶ ¶¶¶ ¶¶¶ ¶¶¶ ¶¶¶ ¶¶¶ ¶¶¶ ¶¶¶ ¶¶¶ ¶¶¶ ¶¶¶ ¶¶¶
 ¶¶¶ ¶¶¶ ¶¶¶ s ¶¶¶ ¶¶¶ s ¶¶¶ s ¶¶¶ ¶¶¶ s ¶¶¶ ¶¶¶ ¶¶¶

TRACTATUS III.

De meteoris.

ID unum restat ut de mixtis corporibus agamus, quæ cum sint imperfecta, aut perfecta, de illis priore loco dicendū. Mixtum dicimus imperfectum, vel in quo unum ex elementis dominatur, vel cujus principia male colligata facile possunt separari. Quæ vulgo dicimus elementa, terra quam incolimus, aqua, aër, ignis, seu flamma ad hoc mixtorum genus pertinent: de quibus cum jam in prima parte fuisse tractatum à nobis fuerit, nunc ea potissimū mixta persequemur quæ meteora dici solent: quod pleraq; in sublimi aëre appareant. Primum itaq; de communi horum materia, seu de halitu, ex quo non meteora modo, sed etiā forte mixta quæq; formantur, tum de iis quæ in terra gignuntur, post de aqueis, aëreis, & ignitis impressionibus ex ordine differemus, ac tandem de iride, & aliis quæ in nubibus apparent, tractabimus.

Q V Æ S T I O I.

De halituum natura & causis.

HAlitus est velut communis materies ex qua non meteora tantū modo, sed etiam, ut multis videtur, mixta perfectiora prodeunt. Miscibilia. n. vix inter se permisceri possunt; nisi ante in minutissimas partes cōminuantur: quod

quod fieri solet cū calor partes illas exagitat; atq; eas in vapores, aut halitus resolvit.

Primum itaque circa halitum quæri potest, quotuplex sit, & ex quibus potissimum prodeat corporibus.

Resp. Ex Aristotele duplex esse halituum genus, unum ex terra, alterum ex aqua dimanare; illud fumi, aut exhalationis, hoc vaporis nomine solet designari; exhalatio sicca est, vapor humidus.

Non desunt tamen qui hanc halituum divisionem nimis levem, & jejunam esse non temere forsitan existiment: non enim terra solū & aqua ex se emittunt profluvia: sed nullum fere est corpus, ex quo jugi effluxu hujusmodi halitus non manent: ut in magnete, electricis, & odoris corporibus cernere est.

Verum ut rem ita esse concedimus, sic summam, & incredibilem prorsus halituum varietatem ad summa quædā capita revocari oportere contendimus. Qui ex aqua prodeunt, vapores; qui è terra, & succis oleaginosi, fumi; qui deniq; è succis acrioribus exhalant, spiritus nominentur. Vaporum particulae à corporibus facile separantur, & in guttulas aquae coeunt; siue sint longae, & lubricae, siue aliā nactae sint figuram: fumi & exhalationes vi caloris ægrius attollantur: quod forte partes habeant ramosas, & alias aliis implexas: sunt tamen molliores quam spirituum particulae, quae instar cuspidum plerumq; durae sunt & acutae.

Hinc plus nocet valetudini exhalatio spirituosior quam vapor: quod illa particulis terrestribus, & acrioribus abundet. Hinc morbi innumerabiles ex halitu venenato propagantur. Cumq; e succis mineralibus illi erumpunt fumi, majorem edunt stragem: nam corpusculis
acrior-

acrioribus quasi morborum seminariis foeti, sanguinis massam, & spiritus vitales inficiunt. Vnde venenatus aer è subterraneis locis multus exhalat: ut in agro Puteolano est lacus qui fumos emittit sulphureos avibus ipsis perniciosos. Sic multis in Campaniæ locis, ex antris subterraneis fumi sulphurei, aut bituminosi exhalant, tum mortiferi, tum salutare.

Quæritur 2. Vnde tanta halituum vis: quæ causa illos excitet, aut sursum emittat.

Resp. 1. Vim illam, & efficaciam halituum, seu effluviorum ex iis potissimum causis duci, quas alio loco, cum de qualitatum origine ageremus, satis fuse exposuimus: nimirum ex ingenti corpusculorum multitudine, quæ eorum magnitudinem abunde compensat. Sic infinitæ aquæ guttulæ in aëre dispersæ sales exsolvunt, funes contrahunt, & ligna non satis exsiccata inflant, musici instrumenti fides tendunt, & interdum disrumpunt: quod actione velut communi, & conjunctim vim suam exerant. 2. Ex subtili & penetranti effluviorum natura: cujus generis in aquis stygiis, in Mercurio, & plerisque mineralibus sunt plurima. Sic è torpedine halitus erumpunt, qui stuporem piscatoris brachio afferunt. Ac nuper D. Richer nobis referebat se in insula, quæ vulgo *la Cayenne* dicitur, piscem crassæ, & oblongæ anguillæ similem vidisse qui extremo digiti, imo, & baculi tactus statim stuporem brachio, & vicinis partibus, imo & levem inducit scotomiam: quod ipse experiri voluit: ejus loci incolæ referunt hunc pisem alios vorare postquàm eos extrema suæ caudæ parte percussit, & stupore quodam affecit. Sic spiritus armoniacus ubi e calce, aut sale tartari fuit distillatus, odorem teterrimū, qui tamen plerisque mulierum morbis est perutilis,

tilis, emittit. Sic in Zona torrida effluxus substantialiales adeo penetrantes exhalant, ut enses in vaginis exedant, & in ferruginem convertant. 3. Motus celeritas undecumq; accadat, plurimum auget vires effluviolorum, aut halituum: ut in pulvere pyrio, in auro fulminante, in fulmine ipso cernere est: quemadmodum & apta corpusculorum figura, & meatuum coaptatio, ut in magnetis effluviis cernimus.

Resp. 2. Halitus quantumvis subtiles propriam naturam non exuere, ut in peculiari tractatu fuisse demonstrat D. Boyle; idq; vapores ex aqua, & ex hydrargyro sublatis ostendunt. Hinc qui Mercurium sæpius tractant, ut qui inaurandis metallis, aut chymicis operibus dant operam, aurum plerumq; ore tenent inclusum, cui Mercurii fumi sæpe adhærescunt. Id ipsum ex sulphure sublimato in vasis occlusis liquet: nam fumi in flores, hoc est, in sulphur redeunt. Sic è vegetabilibus distillati liquores corporum, ex quibus prodierunt saporibus plerumq; retinent; idq; luculentius in ipsis odoribus qui tam longe lateq; diffunduntur, Vt nihil dicam de contagiosis effluviis, quæ tot strages edunt; nihil de atramento sympathetico, & innumeris experimentis, quibus planum fit magnam esse vim in effluviis, quæ non solum è locis subterraneis, sed etiam ex aliis corporibus manant: horum vires integre perstant, licet pene in atomos sint concisa.

Sed quid tot halitus è locis subterraneis educit?

Resp. Vi caloris eos attolli: undecumq; is calor oriatur, seu à sole, seu ab igne subterraneo. Cum autem calor solis vix ultra aliquot pedes penetret, atq; ex profundioribus fodinis halitus interdum erumpant; pleriq; ad ignes subterraneos confugiunt. Sed hi perpaucis in locis

locis se prodūt; nec probabile est ubiq; in terra hos ignes delitescere: cum jam diu cuncta cōsumpsissent: & tamē ut ignem in succis mineralibus, & aliis mixtis inesse non inficior, sic ubiq; fere calorem vigere in locis subterraneis non pertinaciter negaverim. Seu materia subtilis Cartesii ubiq; regnet; seu bituminosa, & sulphurea corpōra oleosos halitus suppeditēt; seu percolatione quadam, & separatione humoris aquosi alii succi incalescāt, fere ut fit in sanguine animalium, & in foeno madido; seu sales in aqua exsoluti hunc calorem procreent: infinitis prope modis calor generari, & foveri potest. Sed de his paulo uberius agendum est.

Q V Æ S T I O II.

De mixtis imperfectis quæ in terra gignuntur.

DE mixtis perfectis, seu de fossilibus, quæ in terræ visceribus gignuntur, proximo tractatu dicemus, nunc communes quasdā impressiones quæ meteorologicæ dicuntur, ex quibus tamē ipsa fossilia magna ex parte oriūtur, conjecturis persequamur: vix .n. hic est demonstrationibus locus: cū ista in terræ sinu abdita delitescant. Quæ igitur nobis veri propiora, non quæ certis experimentis, ac demonstrationibus muniuntur, proferemus.

Ac prima quidem & communis fere, nō solum impressionū quæ in terra, & aëre gignuntur, sed etiam fossilium omnium causa effectrix calor aut solis, aut terræ congenitus afferri solet. Imo & pleriq; ignem subterraneum, atque, ut vocant, centralem in terræ gremio ardentē constituunt: cui generationē mineralium, effluxus omnes subterraneos, sulphuris, bituminis, carbonum fossilium, imo & salium omnis penē generis procreationē, terræ motus, ther-

marum, seu aquarum calentium originem referuat acceptam.

Queritur igitur 1. An ignis subterraneus, ubiq; ardeat, qui sit effectrix causa omnium fere quæ in terra gignuntur.

Resp. 1. Vix illud à nobis concepi q' i fieri possit ut ignis ille in locis oclusis, ubi nullus fere aëri est locus, perstare queat: cum & alimentum desit, & spiracula non pateant, quibus fumi, & fuligines exhalent. Vix enim tam actuosum, & mobile elementum tamdiu intra subterraneas specus coerceri potest, quin se ipsum aliquo indicio prodatur.

Sed, inquiunt, unde ergo tot vapores & fumi? non à solis calore, cū is non tam alte pervadat: ergo non aliunde quā ab igne, quo terræ ardent viscera, evehuntur. Neq; .n. vel media hyeme calor solis tantum vaporum copiā attollit. Sol quidem è summa tellure multos halitus efferat, longe tamen plures ignis subterraneus attollat necesse est. Hinc cū repente mare intumescit, vel media hyeme, & crassi vapores subito attolluntur, atq; in locis frigidioribus copiosus imber decidit, longe probabilius est calorem subterraneum esse horū causam principem, quam solem ipsum.

Resp. Nos utiq; non inficiari quin multus interdū sit calor in terræ penetralibus: sed is nō ex igne accēso, & velut captivo proficiscitur: verū aut ex succorū, & salium permistione, aut ex igne ipso dimanat qui in mixtis corporibus plurimus est, ut ex subtiliori materia, quæ cuncta penetrat: ut in iis quæ cernimus corporib⁹.

Atq; illud vero proximum videtur eundem fere, & sui similem in cryptis subterraneis calorem vigere: tametsi hyeme ea loca impense calida, æstate gelidiora nobis videntur: cujus
rei

rei causa est ipsa corporis nostri affectio, non caloris mutatio. Cum .n. in specu subterranea Regii Observatorii 84 pedes alta per bienniū duo thermometra essent collocata, spiritus vini eandem pene altitudinē in qualibet anni tempestate retinuit: nisi quod æstate paulo alius sublatus apparuerit: cum scilicet aër subterraneus adeo gelidus nobis videtur.

Opp. Iterum plurimos montes ardere, ut in Italia Vesuvium, Ætnam qui flāmas imo & lapides longe lateq; vibrat. Et quidem in Hecla Islandiæ monte continui sunt ignes, qui cum exitu careant, sonos edunt tristes, & lamentationibus similes. Multos alios refert Varenius in Geographia generali, ut montem in Iava insula, qui anno 1586 cum antea non arsisset, primum disruptus est flagrantis sulphuris eruptione: adeo ut decem millia hominū in agris perierint. Sic mons in Sumatra insula Ætnæ similis fumum, & flammam evomit. Mitto alios bene multos quorum Maphæus, & alii rerum Indicarum scriptores meminerunt: ut in Mouchis insulis, in Philippinis, Iaponia, in Peruvia quoque, & variis Americæ jugis: adeo ut nihil pene sit in naturæ historia certius quàm ignis subterraneus qui passim se prodit.

Resp. Nos id minime inficiari, pluribus in locis quæ sulphureis abundant corporibus ignem identidem accendi: sed cum id fit, tum sui copiam facit. Verum negamus ignem subterraneum ubiq; ardere.

Quo autē modo ignis etiam in materia sulphurea accēdatur, nō est adeo explicatu difficile, si id meminerimus, calorē in motu celeri, & perturbato partiū insensibilium esse positū: quē motum efficit subtilioris corporis cuncta permeantis agitatio, eo quo diximus alibi modo.

Illud

Illud quoq; non ægre concessero mediã terræ regionem jugi æstu adeo fervere, ut qui in fodinis hungaricis laborât, vel in mediis aquis nudi anhelent: ac fatis est verisimile calorẽ illum à spiritibus mineralium, sulphuris imprimis aut bituminis, qui in iis locis continenter exhalant, omnino proficisci: cum in sũma telluris parte plerumq; hi spiritus se prodant. Sic prope Neapolim spelunca est angusta, v. *grotta del cane* dicta, quod in eam coniecti canes omni motu & sensu priventur, donec vicinæ aquæ immersi quasi spiritum & vitam recuperent: cũ tamen homines nihil hinc detrimẽti capiant: quod exhalatio gravior sit quam ut sursum ascendat, sed terrã duntaxat allambit. Sic prope Baia; antrum visitur ex quo halitus adeo fervidus erumpit, ut cerã pene liquefaciat. Mons quidam est in Campania, quem tritulum vocant in cujus medio spelunca est in multas divisa partes, quæq; aërẽ continet adeo fervidum, ut pro ludatorio ulurpetur. In Vesuvio foveas excavant eidem usui destinatas. Ne illud quidem negaverim, in quibusdam locis quæ multo sulphure, & bitumine abũdant, jugem ignẽ ardere posse: cum succus huic alendo non desit, & in montiũ cavis percolatione quadã generetur: Cumq; magna materiæ copia simul accenditur, hinc flammarum torrẽtes erumpunt. Et quidem halitus bituminosi, & inflammabiles ex certis locis continenter erumpunt: ut in illo fonte qui tribus leucis Gratianopoli distat: nam si fax recens extincta admoveatur, statim accenditur. Atq; ex iis terræ motuum ratio utcumq; erui potest.

Quæritur itaq; 2. quæ causa terræ motus procreet. An quod halitus inclusus, & calore dilatatus majorem suo motui locum exigit, &

sui

fui vasis latera concutiat? Vix tamen conclusus aër tantas edere strages poterit, quantas in quibusdam terræ motibus experimur: cū interdum montes subsidere, valles assurgere, novæ insulæ emergere videantur. Quare necesse est ut spiritus ille accendatur, ut in hoc aëre fulmina. Hinc nusquam frequentiores sunt terræ motus quam in locis quæ montibus ignivomis sunt vicinora: ac saepe terra prius tremat, quàm flammæ ex iis montibus erumpant. Hinc puteorum aquæ ante fremitum terræ sulphureo halitu plerumq; inficiuntur, quod spiritus illi motores sulphurei sint, aut bituminosi.

Neq; aliud fere est, ut ait Plinius, in terra tremor, quam in nube tonitruum. Nam in terræ fremitu solet.

Sub pedibus mugire solū, & iuga celsa moveri.

Iam ignes accensos per venas subterraneas instar aquarum longius serpere satis verisimile videtur. Hinc Gassendus in vita Peireskii refert eodē tempore incendiū in Semo Æthiopum monte, quo Vesuvianum in Campania, anno 1633 contigisse: ita ut Vesuvius cū Ætna, hic cum Syria, quæ cum Arabia felice, ista demum cum monte Semo communicet. Sive series quædam incurvatarū rupium canales faciant; sive ipsi ignes vias sibi aperiant. Visi sunt montes eruptione igniū creari, ut Puteolanus, quem modernū vocant anno 1538. Sic Thera insula inter Cycladas circa Senecæ tēpora emerfit. Interdū terræ motu flumina siccantur, nova emergunt: quod lapsu terræ vel cōsueti meatus, & alvei occludantur, vel novi aperiantur. Tempore Vesuviani incēdii littus Neapolitanum aliquantisper exsiccatum fuit, ut idem Gassendus refert, revomente interim monte absorptas hiatus aquas, sed admisto sulphure ignescentes.

Plu-

Plures sunt terræ motuū species, aut diversi potius effectus. Cum .n. exhalatio accensa, ut fit in cuniculis, antri interioris fornicē sursum ejaculatur, adeo ut instar arteriæ alternis erigatur, ac subsidat, tum pulsus ab Aristotele nominatur. Cum autē latera illius cavernæ quæ spiritum velut captivum retinet, alternatim, & subsultim vibrantur, tremor est, qui inclinata cito restituit. Sed ubi nō ita libratur hinc atq; inde terra, ut loco suo celeriter reddatur, inclinatio est edificiis perniciofa: nam parietes, & tecta extra perpendiculū suspensa collabuntur. Inclinatio longe est periculofior, cum terra nutat navigii more: nisi enim motus ex altera parte inclinata restituat, ruina sequitur. Cum cavernæ intus sunt ampliores, tū aliquando urbes integræ absorbentur, nullo sui vestigio relicto. Interdum accidit ut spiritus in vorticem actus terræ loca commutet, quod ultimo Neronis anno contigisse Plinius refert.

Q V Æ S T I O I I I.

De fontium origine, & differentiis.

Proximū est ut de fontium origine perpauca dicamus: nam res est late fusa, si omnes Authorū hac de re opiniones, aut referre volumus, aut refellere: quod paucis abhinc annis præstitit Vir clarissimus, qui postquā in prima sui operis Gallico sermone conscripti parte 22 de fontium origine sententias cōfutavit, in secunda parte quid sibi videatur, disertissime explicat, & variis experimentis confirmat.

Primum itaq; communem, & receptam magis opinionē ultro amplectitur; fontes omnes ex imbribus, & solutis nivibus originem suam

ducere. Sic tamen huic sententiæ adstipulatur, ut in ejus explicandæ ratione plurimum ab ea quæ vulgatissima est, dissentiat. Negat enim pluviam tam alte terram pervadere, vix ultra duos pedes penetrare. Quæ .n. pluvia in montium, aut camporum planitiem decedit, hæc tota aut plantis nutriendis, aut stagnis, & lacubus colligendis, aut vaporibus suppeditandis infumitur: nec terram subit, aut per venas subterraneas delabitur. Id norunt agricolæ qui stagnantes illas aquas in fossas humiliores deducunt: secus commissa terræ grana nimio humore corrumpuntur. Hinc Seneca docet nullam esse pluviam tam magnam quæ terram ultra decem pedes in altitudinem madefaciat: *omnis, inquit, humor intra primam crustam consumitur, nec in inferiora descendit.* Imo, vix terra post largiorem imbrem ultra duos pedes madida reperitur. Cum puter effodiuntur, eadem fere siccitas usque ad 20 plerumq; pedes apparet. Tum sæpe aut arena, aut argilla, aut marga humidior occurrit, deinde aqua è topho, aut lapidosa terra plerumq; erumpit, quæ si summam telluris partem penetrasset, quidquid effodiendo terræ extrahitur, id humore madidum apparuisset.

2. Sed neq; pluvia quæ in summa montium juga decedit, tot fontibus, aut fluviiis sufficeret: non .n. terra aquam prius reddit, quam ipsa omnino sit ante persusa, & madida. Vnde ubi terra est siccior, aquam ea retinet; si sit humidior, vix eam transmittit, nisi spongiosa sit admodum, aut arenosa. Cum igitur terra argillosa sæpius ultra viginti pedes sit alta, priusquam pluvia ad eam perveniat, quidquid est terræ incumbentis ante madefaciat necesse est. Et sane non adeo sunt continui imbres, quin terra

interjecto tempore plurimum arescat. Iam quantum aquæ aut calore solis, aut frigore ipso ut in glacie, & nive cernimus, exhalatur: quantum id est quod remanet, ut tam densam terræ partem perfundat, & tot rivos in terra procreet, ex quibus fontes circa montium declivia, aut radices exoriantur.

3. Ex iis efficitur fontes, & flumina ex pluviis quidem, & nivibus oriri posse, quæ terram tam alte non penetrant, sed quæ per declivia labuntur; seu torrentes efficiant, seu primam duntaxat collis superficiem, aut crustam permeantes rivulos procreent: ex quibus flumina tandem nascuntur.

Quod autem opponi solet non tantum aquæ ex imbris, aut nivibus exsolutis in terram decidere, quantum satis est tot fontibus, & fluminibus. Hinc Seneca, *Pluvia*, inquit, *potest facere torrentem, non potest autem fluvium equali inter suas ripas tenore labentem*. Rem ipsam Vir clariss. ab altiori principio deducit, & ad calculum etiam revocat.

Ac primum quidem id considerat, quantum pluvix, ac nivis in his regionibus unoquoque anno decadat. Hanc fere ad 19 digitorum altitudinem pervenire comperit.

Deinde aliis observationibus 84 modios Parisiensis, quorum singuli duos aq; pedes cubicos continent, per tubum unius pollicis latum 24 horarum intervallo effluere comperit. Itaque ex vase aut receptaculo, quod fere 30000 aq; modios contineret, aqua per totum annum ad unius digiti latitudinem æquabili motu proflueret.

His rite exploratis quantum spatii percurrat Sequana v.gr. ab ipso fonte, priusquam rivum aliunde excipiat, dimetiri voluit: quod tres fere leucas in longum, & duas in latum patere

animadvertit : adeo ut pluvia quæ hoc terræ spatium quotannis irrigat , multo sit uberior , quam primum hujus fluminis exordium postulet : quod utique inito calculo demonstrat.

Quare si totum illud terræ spatium lacus esset, cujus profunditas foret 19 digitorum : quantum .i. unoquoq; anno pluvix in unum collatæ suppeditant , longe major aquarū copia ex iis prodiret quam per fluvium jugi fluxu delabatur : adeo ut quod reliquum est, in alia loca subterranea se recipiat, aut in vapores abeat.

Ex quibus id liquet, imbres, & nivem fluminibus , & fontibus aquas abunde subministrare, neq; adeo necesse esse aut aëris in aquam conversionem cum Aristotele, aut vaporum ascensum cum plerisque , vel aquas maris per subterraneas specus subeuntes cum aliis comminisci : cum res sit plana & aperta, eaq; vera effectus causa habenda sit , qua posita effectus ponitur, sublata tollitur, aucta , vel imminuta effectus itidem augetur , aut minuitur . Sed pluvix fontibus , & fluviis sic originem, & incrementa præbent, ut quo largior imber cecidit, fontes aut flumina eadem ratione crescant, æstate interim exsiccantur : frustra igitur causas reconditas , & invias quærimus , cum tam manifesta oculis ipsis subiciatur.

4. Illud etiam attentius consideranti liquebit eam esse montium structuram, ut in iis resectis diversi ordines terræ argillosæ varie dispositi appareant : tum huic incumbit terra, aut arenosa, aut tophe similis, plerumq; nō solida, sed ex lapidibus male coagmentis sic composita, ut subeunti aëri locum præbeant. Multæ interim specus , plures subterranei canales variis modis argillosam, & firmā terram penetrant. Sic infima terræ pars, quæ rivis, & fluviis sub-

jicitur, fere semper est argilloſa, & pinguis, cui aut tophus, aut arenosa terra incumbit.

Ex quibus omnibus id licet colligere, ex mōtib; pluviā, & nivem exſolutam in flumina delabi; nec torrentes modo, ſed etiam rivos jugiter fluentes hinc originem ſuam repetere. Nam in locis montofis ſemper inter colliū anguſtias perennes rivi occurrunt, nō turbidi aut lutulenti inſtar torrentium; ſed pleriq; limpidi; quos non imbres tantū per devexa collum delapſi ſovent, ſed etiā aqua quæ per occultiores meatus & primam, ut diximus, terræ cruſtam ſenſim delabitur, omnino tuetur, & conſervat. Hinc ſæpe poſt multos à largiore imbre dies aqua ſenſim ex illa exteriori terræ cruſta in ſpecus vel in infima parte collis excavatas, ex quibus interdū lapides eruuntur, ſtillatim decidit. Non quod pluviæ, aut nivis planitiem montis obſidentes eam penetrent, & recta decidāt. Id .n. fieri non poſſe ſtagnantes aquæ vel in agris, vel in montiū jugis plane demōſtrant: maxime cū pluvia vix terrā ultra duos pedes pēnetret: ſed aqua ſub ipſo velut cortice mōtis declivis fertur. Nam eo loci terra fere inſtar regularum imbricatim ita eſt diſpoſita, ut extrorſum aquā repellat, nec ſinat eam intus ſubire. Hinc qui aquam ex montibus deducunt, infimā ductus, aut canalis partem argilla non muniunt, quā diſrumperet aqua, quæ ex pluviis per devexa montis, ſub primo velut cortice delabitur, quæq; etiam aquæ ductum excavatum ſubit.

Itaque hi rivuli ad radices montium continenter labuntur, donec plures coeant, & in majorem fluvium illabantur: cumq; è montibus, præſertim poſt multum imbrem, limum ſecum vehant, hic ſenſim congeſtus fundum & fluviorum, & rivorum oblini.

terram pinguem, & firmam non offendant, arenosam terram penetrant, dum argillosa terra, quæ ubique fere occurrit, sustineantur: aut certe per anfractuosa, & petrosa loca se in terræ cava insinuant.

5. Cum itaq; fluvii post largiores imbres, aut nives solutas intumescunt, aqua per arenosæ terræ aut lapidosæ meatus subit, & declivis fertur, donec terram argillosam, aut lapidibus firmatam offendat: tumq; instar scaturiginis interdum in ipsa fluminis ripa post decursum terræ spatium, interdum etiam in media planitie apparet. Imo & cava ad montium radices aptata aliquando implet, donec ad libellam, & velut in æquilibrio cum aqua fluminis constitutatur: nec facile post exundationem remeare potest, quod per tumulos extantes velut in lacus, aut labra descenderit, & fluminis alveo sit humilior. Multum tamen aquæ ex aliis locis paulo elatioribus sensim in alveum fluminis depressiorem relabitur. Hinc tot scaturigines in ripis fluviorum, & in mediis fluminibus occurrunt; ex aqua nimirum fluvii, quæ per arenosam terram egressa in alveum revertitur. Hinc quo fluvii aqua præ siccitate est depressior, hoc illæ scaturigines magis minuuntur. Interim tamen æquabilem fere fluminis cursum tuentur, donec novus pluvie proventus accesserit.

Rem ita esse multis constat argumentis. Nam alveus fluminis in fundo plerumq; est argillosus: cum ripæ ipsæ sint arenosæ; cumq; flumen pleno alveo fluit, aut exundat, aqua proprio pondere per arenosos meatus subit. Hinc putei omnes, & cellæ vinariæ aqua interdum implentur: quod in exundationibus Sequanæ plerumq; cernimus: detumescente autem flumine aquæ illæ aut puteorum, aut cellarum mi-

nuuntur, & paulatim in flumen relabuntur.

6. Ex iis conficitur fontes magis ex fluminibus oriri, quam vicissim: vix .n. ulli sunt in planitie fontes, aut putei, qui ex superiori fluminis parte originem suam non ducāt, & cum aqua fluminis non librentur: adeo ut exundante fluvio augeantur, & decrefcente minuantur, etiam cum longius à fluvio distant, ut ex multis experimentis liquet. Sic anno 1671 mense Ianuario aquam in subterraneis Regii Observatorii cellis ejusdem fuisse cum Sequana altitudinis compertum fuit. Sic ubi prope fluvium terra altius effoditur, plures occurrunt fontes, qui versus flumen ipsum illabuntur. Hinc ubique fere in planitie, & arena, & argilla huic substrata, & aqua reperiuntur; cumq; altius terra eruitur, & ad libellam cum vicino flumine, fere semper aqua occurrit.

7. Fontes ex iis aquis in montium cavis stagnantibus, vel in clivo, vel etiā in jugo cujusq; montis scatent, dum aqua illa per idoneos velut tubulos in vapores attollitur, quos aut calor terræ congenitus, aut qui à sole proficiscitur, excitat. Imo & frigore aquā, & glaciē exhalari compertum est. Accedit etiā forte motus aëris, ut nihil dicam de causis, ut vocant, catholicis, ut de subtili substantia cuncta permeante, & aliis hujus generis: id unū liquet in locis subterraneis vapores continuo exhalare, qui in cellis etiā vinariis cernuntur, & lignum in his asservatū inadefaciunt. In Observatorio Regio etiam cum foris omnia rigent præ frigore, pene ipso tactu percipiuntur, iiq; in fornicis cava impacti, in guttas aq; concrefcunt. Quo utiq; modo cum terrā argilosā in clivo, aut in ipso etiam montis cacumine offendunt, motu eorū, aut præ frigore, aut quia tubuli, &

rimæ defunt, aut alia ex causa retardato in aq;
guttulas concreſcunt: quæ relabi non poſſunt,
quod iis terra argilloſa ſubjaceat. Neq; id intel-
lectu eſt difficile quæ vapores ſublatis per terræ
tubulos, & meatus conſcendant: cum per ipſū
aëra ſemper mobilem uſq; ad nubes efferantur.
Si quidē in terra meatus ſunt anguſti, qui ſur-
ſum eluētantes halitus ſuſtinent, neq; eos rela-
bi ſinunt: ubi in ſumma tellure præ frigore, aut
alia ex causa denſantur, fontes aperiunt.

Atq; hæc non veriſimilia modo, ſed etiam
magna ex parte vera eſſe arbitror: nam facile
id aſſētior, fontes pleroſq; ex pluviis aut nivi-
bus originē ſuam ducere, eos vero qui in locis
celſioribus jugiter fluūt, ex ſublatis vaporibus
proficiſci. Quamquam fateor illud me aſſequi
nō poſſe 1. non ex fontibus flumina, ſed potius
fontes ex fluminibus naſci. Nā ut res ita ſe ha-
beat in locis, quæ uno forte, aut altero milliāri
diſtant à flumine, quid dicemus de iis locis lō-
giſſime ab iis diſſitis? quid de mōtoſis regioni-
bus quæ tot abundant fontibus? Atq; illud vix
credibile eſt aquā fluminū ad ea uſq; loca per
ſubterraneos meatus permanare: deinde unde
ii fontes, qui ē duriffimis rupibus jugiter fluūt,
quique ætate vel ſicciffima non exſiccantur?

2. Ne illud quidem facile concedā, pluviā
per venas aut tubulos ad depreſſiora loca in-
terdū non labi. Nam videmus ſæpe interjectis
aliquot diebus poſt largiores imbres aquā in
puteos ſatis altos extillari, non per extimam
modo ſuperficiem, ſed per meatus alte in terra
demerſos Sic aqua in lapidicinas vel in medio
collis excavatas, poſt diuturnos imbres uber-
tim exſtillatur: quæ haud dubie terrā incūben-
tem pervāſit. Atq; ut fateor terrā argilloſam,
& pinguem ab aqua non penetrari, ſic mihi

persuadeo terram raram, spongiosam, aut etiã petrosam facile aquam admittere.

3. Ne illud quidem negari potest fontes nōnullos è mari prodire: quod salugo ipsa in fontibus aut puteis mari vicinis demonstrat. Sunt alii qui æstuante mari effluunt, recedente decrescunt. Huiusmodi fontes, & putei in Gallia non desunt, ut prope Cadomum, Burdegalam, & ubiq; passim in littoribus Africæ, in India prope Coromandelium putei omnes sunt falsi. In insula S. Vincentii fontes, in Peruviano littore lacus itidem falsi occurrunt. Et sane non video quid obstet quominus aqua marina eadē facilitate terram subeat, qua fluminū aqua terram arenosam pervadit. Neq; .n. pondus aquæ falsæ obstare potest: cum majori mole incumbentis aq; pressa, facilius terrā penetret. Neq; illud mihi probari potest terræ mari circumjectæ meatus jam aqua ex fluviiis effusa plenos, aquam marinā non admittere. Non .n. tantum aquæ fluvii per totam terram effundunt, ut omnes terræ poros, aut tubulos obsideant.

Itaq; illud ultro cōcedimus fontes plurimos ex pluviis, & fluviiis etiam oriri: sed utrū eadē sit omnium origo, multū ambigo. Ac fieri potest ut pleriq; in terræ profundo sint lacus, aut abyssi, ex quibus fontes interdum emergunt, cū aqua in vapores extenuatur. Vnde .n. aqua in fodinis etiam profundis, & sæpe ultra 100 exapedas occurrit: hæc sane vix a pluviis, nedum à fluminibus manare potest. Hinc densi vapores, qui ex locis profundioribus erumpunt.

Adversus ea quæ de fontium, & fluminum origine diximus, multa opponi posse nō ignoro. 1. in quibusdam terræ locis magna esse flumina, tametsi raro, aut nunquam in iis regionibus pluat, ut in Ægypto.

R. Veleo loci fluvios non continenter fluere; aut certe eorū fontes in iis esse regionibus, quas largior imber perfundit. Sic Nilus cujus origo est in Zona torrida, circa solstitium æstivum exundat: quod in Zona torrida eo tempore ingens pluviae copia decidat. Eadem est ratio Nigri fluminis quod eodem tempore in Africa exūdāt, quo Nilus in Ægypto; nec minorem terræ tractum decurrit quam Nilus. Sunt alii quoq; fluvii in Congo regno eodem tempore exundantes. Iino & ingens illa Brasiliæ fluvius argenteus eodem proflus tempore intumescit. Indus quoq; & Ganges pluviiis mē-sibus, ut plures alii Indiæ fluvii exundant.

Sed quomodo, inquires, aut pluvia, aut vapor ē locis subterraneis erūpēs saxa aut rupes penetrat, & in iis scaturigines procreat? An forte ut in humano corpore, sic in terrā, & in rupibus passim venę aut tubuli hucusq; discurrunt? an potius quod pars inferior montis, aut rupis interdum sit mollior? hinc montes in Insula S. Helenæ licet petrosæ, intus forte sunt molliores, cū omnes fere arserint. An fontes non semper ibi sūt, ubi apparēt, sed ex altiore loco per subterraneos ductus ad locū scaturiginis permeant? Plura opponi possunt, sed ex his quę diximus, facile dissolventur: alio itaq; pergamus.

Quæritur 2. Vnde tantus in thermis calor?

Resp. Hunc calorē non ab igne quidē subterraneo, qui aut nullus est, aut in iis certe locis, ubi thermæ, aut fontes calidi scatent, sui copiā non facit: sed tamen à calore subterraneo qui nusquam fere deest, omnino eum prodire putem. Cum hoc olim argumentū in Academia Regia tractaretur, pluribus ostendit D. du Clos hunc calorē non ab igne subterraneo, qui tamdiu vigere citra aērē non posset, sed ex vapore

calido proficisci. Hinc thermarū aqua igni admota non facilius ebullit quam aqua frigida. Quin & linguam non sic adurit aqua thermarum, atq; aqua communis, quę ex igne eundem caloris gradum nacta est : quod hujus caloris subiectum sit tenuis vapor, qui non tam alte linguae aut oris partes penetrat. Sic teneriores herbas ut acetosam nō emollit, aut coquit eadem facilitate atq; aqua cōmunis, cui idem caloris gradus inest. Hinc sepe thermę calidiores sunt nocte quā die: quod ii vapores externo aëris frigore coerceantur, & aëri expositi diutius calorem suū tueantur, quam aqua igni admota.

Ac plerūmq; hæ aquæ sunt minerales : unde illud non abhorret à vero fumos è sulphureis mineralibus sublatos hunc aquę calorem imperiri. Sic prope Aquisgranum, ubi pleriq; fontes calidi, & putei occurrunt, sulphuris, & lapidis calaminaris multæ sunt fodinæ. Nec mirum si diutius calorem suum tueantur, cum aëri non exponantur. Nam quasi vasis occlusis continentur. Intensum vero calorem pleraq; mineralia simul mixta procreant. Sic antimonium cum sublimato contusum impense calet; si floribus sulphuris, & limaturæ chalybis aquam frigidam affuderis, magnum calorem excitabis.

Itaq; illud nō abhorret à verisimili, puri, aut impuri sulphuris, ut bituminis, carbonum fossilium, & aliorū hujus generis mineralium fumos qui è terra continenter erūpunt, hunc calorem thermis conciliare. Hinc sulphuri quiddam simile in puteis thermarum colligitur, ut Aquisgrani cernere est. Interdum thermæ acidum, & astringentem habent saporem: quod aluminis, vitrioli, ferri quoque particulae iis admisceantur. In insulis Azoribus plures sunt thermæ, & multum fervidæ: magna .n. in iis locis.

locis est sulphuris copia : ubiq; fere continenter fluunt, nisi forte quæ piperinæ dicuntur in Rhetia. Nam in iis aqua circa tertium mensis Maji erumpit, & fluit usq; ad decimum quartum diem Septēbris. In Iaponia fons est adeo fervidus, ut vix aqua igni admota tantum calorem concipiat; nec continue fluit, sed bis de die, idque per unus horæ spatium cum ingenti fragore. In Scotia teste Varenio lacus est, & fluvius Nessa dictus, qui nunquam frigore congelatur, licet is calidus non sit.

Contra sunt alii fontes admodū frigidi: quod forte in iis locis nullus pene sit calor subterraneus: fieri etiam potest ut quædam mineralia hoc frigus aquæ impertiant: quemadmodum sal Armoniacus aquam multum refrigerat; id quoque nitrum, alumen, aut alia fossilia nobis incognita præstare possunt. Et sane aquæ subterraneæ & glebas minerales, & succos admodum corrosivos dissolvunt: ex quibus & calor, & frigus interdum oriuntur. Sic aquæ hungariæ post superflui humoris exhalationem vitriolum non modo compositum, sed etiam in suas partes salinas, sulphureas, metallicas & terreas dissolutum præbent.

Quæritur 3. Vnde tantæ vires, quæ in aquis mineralibus deprehenduntur. Nam hoc nomine donantur quæ ex admistione mineralium insignem habent qualitatem: quod solidas, & fixas fossilium particulas contineant, ut fontes sale vitriolo, alumine imprægnatæ. Idq; vix credibile est aquas esse in terræ visceribus adeo acres, ut metallorū particulas dissolvant, instar aquæ fortis: nisi forte aqua jam vitriolo, aut alio sale armata metallorum velut atomos decerpit. Verum id raro accidit.

Resp. Itaq; prima metallorum exordia quæ

vaporum specie lapidibus adhærescunt, cum aquæ vaporibus, aut rivulis etiam in terra manantibus misceri posse; cumq; prima metalli rudimenta sint molliora, ea quoq; possunt ab aqua præterfluente decerpi. Sed imperfecta quæ sunt mineralia, ut sulphur, vitriolum, carbonēs fossiles, in fumos persæpe exsoluta aquâ imprægnare solent.

Hinc aquæ minerales aliæ sunt acidæ, quædam amaræ, quædam salæ, aliquæ oleosæ, & pingues: acidulæ passim occurrunt: ac teste Varenio in Germania sola ad numerum millenarium accedunt. Quædã adeo sunt acidæ ut iis utantur homines aceti loco: ut in Sicilia fons qui est in Nicana Provincia. Alii fontes vinosam habent aciditatem, ut in agro Lugdunensi ad opidum S. Baldomari, ait idem Varenius, & alibi passim; alii sunt astringentes, quod alumine, aut vitriolo, aut ferri etiam particulis imprægnentur: & ubiq; fere prope illos fontes acidulos reperiuntur fodinæ, aut vitrioli, aut aluminis, aut salis. Cum ferrum, aut vitriolum aquam imprægnat, colorem ex rubro in atrū colorem degenerante gallæ infusione induit.

QVÆSTIO IV.

De maris falsedine.

Proximum est ut de maris affectionibus agamus: quæ quidem ad duo capita referri possunt, nimirum ad maris falsuginem, & illius motum.

Circa maris falsuginē quæritur 1. unde hæc oriatur. Atq; illud certum videtur, eam ex salis particulis in aqua exsolutis proficisci: cum sal aq; marinæ exhalatione cōcreseat: adeo ut jam pene omnes Philosophi Aristotelem hac in re

deferuerint, qui maris falluginē ex halitu tereno, & adusto repetit. Nec minore errore labuntur quidam Peripatetici, cū ab adustione, quā sol, aut ignis efficit, salem omnē deducunt: adeo ut mare perpetuo solis fervore aduratur: hinc illius fallugo. Vnde, inveniunt, sal nunquā citra adustionem educitur: ut in calce, & cineribus videre est. Sic Oceanus sub Zona torrida multo sale inficitur, non item in mari glaciali, ubi lōge minor est adustio. Addit Scaliger pro comperto veroq; haberi, in fundo mari aquas esse dulces, superficiem non dulcem: quia dulce in levi, leve autem à sole absumitur.

Sed contra: nam aqua oceani in imo falsior est quam in superficie: est. n. aqua salda dulci gravior: & tamē radii solares vix fundū maris attingunt. Iam quid causæ esse potest cur stagnantes aquæ dulces existant, cū radiis solaribus sint expositæ? Sed cur pluvix è medio Oceano sublatae falledinis sunt expertes: cum ex Arist. l. 2. meteor. c. 7. fumi adusti una cum humidis sublatis, & in pluviam coeuntes mari falluginē impertiant? Quod autem de Zona torrida afferunt, id concedimus: nam sol majorem dulcis aquæ copiam attollit, & in vapores convertit, qui sæpe versus polos recidunt. Hinc mare hyperboreū minus habet falluginis, vel ob pluvias, & nives uberiores; vel propter multorum fluminum affluxum. Aquam dulcē soli quantum voles expone, falsa non fiet.

Quare fallugo maris à salis particulis oritur: siue sint mari ipsi coævæ, ut satis probabile arbitramur: unde & frustra de earum ortu questio movetur: siue in mari ut in terra quædam salis fodinæ, ac dissolutæ insint, quæ fortassis renascuntur. Nam multos esse in maris alveo salinos montes non est incredibile: cum tota

pene insula quæ Ormus dicitur, nihil sit præter durum, & candidum salern, ex quo ædes ipsæ conficiuntur. Neq; ullus fere in illa insula puteus aquæ dulcis occurrit. Nec sal ex aqua Oceani multum absumitur, cum in vapores attolli vix possit. Sunt enim salis particulæ, ut satis probabiliter conjcit Cartesius, duræ, rigidæ, & velut columellæ quæ sublata in ætrem proprio pondere recidunt.

Hinc .n. palam fit cur aqua salia linguâ pungat; cur carnes sale aspersæ sint firmiores, & minus corruptioni obnoxia. Nā aquæ, & aliorum fere humorū particulæ cū sint lubricæ, & plicatiles à rigidis, & duris salis partibus, quibus advolvuntur, omnino retinentur: sic aquæ particulæ cū sint penetrantes, salis atomos circumfundūt, & separant: hinc salis in aqua exolutio. Nec salis partes flecti possunt, nisi summo ignis calore ex rigidis, & cylindricis fiant flexiles, planæ, & instar gladiatorum secantes: ut in spiritu salis, & aquis stygiis contingit.

Sed, inquires, cū salis atomi sint crassiores & graviores, quare per totam aquā diffusæ in ea fluctuant & cur proprio pondere non decidunt?

Resp. Salis partes esse æquabiles, & circa eas facile advolvi flexiles aquæ particulas: & tamen, ut diximus, pars aquæ ima est falsior, ex eaq; majorem salis copiā extrahūt salis artifices, qui scilicet aquam marinā in vasis plumbeis excoquunt, quam ex aquæ parte summa. Quod si eæ particulæ essent ex una parte acutiores, tandem ad fundum descenderēt; si arcuatæ essent, cum angustos duriorum corporū meatus subeunt, vix se expedire possent. Itaq; ut optime colligit Vir doctissimus, necesse est eas velut collumellas æqualiter crassas existere: sic .n. facilius ab aqua sustinentur. Hinc aqua ma-

rina est aqua pluviâli pellucidior: nam subtilis materia partes aquæ circumagit, non inflectit; cū cæ sint à se invicē sejunctæ, non sibi mutuo implexæ: ut crines, inquit idē Author, pectinis dentibus discriminati facilius calamistro crispatur. Hinc etiā aqua falsa vix in glaciē cōcre- scit, quod à subtili materia facilius moveatur.

Dixerit aliquis, cum ex mari tot vapores, & nubes attollantur; partes aquæ flexibiles ab- eant in aëra, rigidæ salis particulæ remaneant, necesse est ut mare in dies falsius evadat.

Resp. Tantum aquarū ex fluminibus, & plu- viis in mare delabi, quantum in vapores abit: fit .n. jugis quædam, & non interrupta circu- latio. Imo id potius ex nobis requiri potest cur falledo maris nō minuatur, si fontes magna ex parte per subterraneos meatus ex aqua maris percolata nascūtur. Atq; hinc sane probat Vir clariss. eam non esse fontium originem. Quod quidem maxima ex parte verum esse arbitror. Sed tamē nō is sum, qui omnino inficier aquas: ex Oceano per patentes meatus saepe longius excurrere. Nec saltem deponūt nisi cū in vapo- res abeunt: tum .n. fixas salis particulas relin- quunt: ex quibus putei salis, ut in Burgundiæ Comitatu, in Luneburgensi tractu, & alii pas- sim in locis: tametsi hi fontes possunt etiam ex fodinis salis originem suam repetere.

Atq; ex iis liquet i. cur aqua Oceani in qui- busdā locis sit falsior, ut de Zona torrida dixi- mus: nisi forte in iis mensibus, quibus largior imber decidit: tum enim aqua maris, saltem prope littora, minus falsa percipitur: quod in littore Malabarico luculenter cernitur: Nam mensibus pluviâlibus, propter magnam aquæ copiam quæ ex mōtium jugis delabitur, aquā Oceani pene dulcem experiuntur. Cumq; in

locis Septentrionalibus per totum fere annum pluatur, hinc fit ut Oceanus Septentrionalis minus habeat salſedinis, quã verſus Zonam torridam. Accedit illud fortaffis, quod aqua frigidiſior in iis locis minus ſalis ex fodinis exſolvat. Quin etiam, ut diximus, ingentes fluvii qui in mare ſe exonerant, illius ſalſedinem nõ mediocriter temperant; maxime prope eorum fluminum oſtia. Sic fluvius ille magnus vulgo *Rio della plata*, qui ſe in Braſiliam exonerat, ſic Oceani aquam temperat, ut ultra 15 à litore milliaria maris aqua dulcis appareat. Idẽ fere contingit in Africa, ubi fluvius *Zaire* dictus in Oceanum inſluit.

Quæritur 3. Cur aqua pluvialis quæ è ſublatiſ e mari vaporibus oritur, ſit dulcis: cum aqua marina diſtillata omnem ſuam ſalſuginem, & ingratum amarorem non exuat.

Reſp. Varenius, idq; ſatis apte, duplex eſſe ſalis genus in aqua marina, ut in aliis corporibus, fixum nimirum, & volatile; illud poſt diſtillationem in fundo vaſis remanet, hoc una cum vapore aſcendit, & ingratum ſaporem retinet. Sed aqua pluvialis hunc ſalem exiit, quod lenis ea ſit evaporatio, & longum iter conficiat antequam in pluviae guttulas concreſcat: adeo ut in ipſo itinere ſpiritus ipſi ſalini paulatim ſe evolvant & cū aliis ejuſdem generis conſociantur.

Illud quoq; nõ abhorret à verofiſſimi ſalſuginẽ maris ex multiplici ſale prodire: adeo ut quiddã habeat vitrioli, aut nitri: unde tanta in iis locis quæ mare alluit foecunditas. Atq; hæc forte eſt cauſa cur mare naſeam ac vomitum provocet: quod circūſuſus aër multo ſale bituminoſo, aut etiã vitriolico inficiatur, cujus corpufcula ventriculi fibras vellicant: quam-

quam

quam jaſtatio ipſa multum etiam huc cōfert: nā in malacia, ſeu tranouillo cōelo vix nauſea excitatur. Hinc pleriq; rhedis veſti nauſeant. Sed tamen ſalem volatilem eſſe hujus effectus in parte cauſam veriſimilius putem: cum etiā aër maritimus oculorum dolores excitet.

Illud quoq; vero proximū crediderim, quod olim D. du Clos in Academia Regia obſervavit, aquam marinam duplici potiſſimum ſale conſtare. Primus ſulphureus quodammodo dici poteſt, quod acrior ſit, & multū de ignis natura participet: unde cū ſale tartari, & aliis hujus generis magnam habet cōnationem. Atq; is in ſale vulgari plurimus eſt, qui ex aqua marina in foſſulas excavatas derivata, calore ſolis æſtivo primum in lamellas, tum in cubos concreſcit. Quod reliquū eſt aquæ ſalſæ dum coquitur, aliud ſalis genus ſuppeditat, quod non tam facile concreſcit ac primum, idq; habet amaram ſtipticitatem vitrioli ſapori non abſimilem: hinc Mercurialis dici poteſt, quod acidis ſalibus ſit vicinior. Hinc aqua marina, poſtquam primum ſalis genus, quo vulgo utimur, præbuit, ſalem tartari deliquio, ſeu in aëre humido ſolutum turbat, & coagulat, ut ſales acidi: quod non efficit ſal communis in aqua diſſolutus. Fit enim ex eo & ſale tartari liquor quidam pellucidus.

Sed neq; ſal ipſe communis omnino eſt expers ſalis mercurialis: cum enim 9 libras hujus ſalis in aqua exſoluti, & per chartam bibulam filtrati idem Vir doctiſſ. leni igni admoviſſet, ac ſalem qui exhalata paulatim aqua concreſcebat, ſubinde collegiſſet, in fundo una aquæ libra tantummodo ſuperfuit, quæ igne moderato nullum amplius ſalem dedit, donec igne vehemētiore omnino fuit exhalata: tum enim
ſal

sal remansit penetrans, acerbus, & stipticus. Hic aqua exsolutus liquorem tartari statim in album coagulum convertit. Ex quo id liquet salem communem sulphureum dici posse, cum auri, stanni, antimonii, & mineralium quæ sulphurea sunt, dissolutioni serviat, ac præcipitet argentum, plumbum, Mercurium in aqua forti dissoluta: sed tamen non omni vacat sale acido, & Mercuriali quiq; à vitriolico non plurimum abhorret.

QVÆSTIO V.

De Vario Oceani motu, & maxime de æstu reciproco.

N Vnc de multiplici maris motu, qui Philosophorum ingenia adeo exercet, dicere incipiam: tametsi tutius esset & utilius huius motus, & præsertim æstus reciproci historiam pertexere, quam in illius causis indagandis tempus conterere: sed in his naturæ arcanis saltem quid sit verisimile, invenire volumus. Quo autem non temere & perturbate, sed certa rarione & ordine progrediamur, varios maris motus distinguamus: tum in eorum causas inquiremus.

Motus maris vel sunt generales, qui omni tempore, & fere in omnibus locis deprehenduntur, vel sunt proprii, & speciales, quibus certæ Oceani partes moventur; iiq; vel sunt perpetui, & constantes, vel certis anni partibus, aut diebus recurrunt; vel deniq; sunt contingentes, nec certa lege incipiunt, aut desinunt, hique à ventis originem suam ducunt, de quibus postea.

Motus generalis est duplex, unus continuus ab ortu in occasum, alter velut compositus ex contrariis motibus, hicque æstus reciprocos,
aut

aut fluxus, & refluxus maris appellatur. De
utroque nobis agendum.

Ac primum quidem motus maris continuus
ab Oriente in Occidentem pene ubiq; sed ma-
xime in Zōna torrida inter tropicos se prodit;
ilq; adeo validus est ut alii motus, aut venti
eum non impendant. Hinc navigantes ab In-
dia in Africam, vel ab Africa in Brasiliam lō-
ge celerius promoventur, quam si ab Africa
in Indias, è Brasilia in Africam remeent. Sic
ubi freta, seu maris angustia ab ortu in occa-
sum porriguntur, ut fretum Magellanicum, per
quod ex Oceano Atlantico in pacificum iter
patet, tum motus ille maris continuus longe
incitator est. Idq; in plurimis Americæ, & In-
diæ locis contingere, imo & hunc motum in
Septentrionali Oceano esse conspicuum ob-
servat Varenius. Nam Oceanum Tartaricum
per fretum novæ Zemblæ, & fretum Vaigas
ferri ex pioſa glacie quam Oceanus Tartaricus
ejicit in fretum Zemblæ, & ex ipſo maris mo-
tu observatur. Sic ad littora Septentrionalia
Americæ in pacifico mari motus sit versus fre-
tum Anian; item à Iaponia versus Chinam, &
ubiq; fere: nisi quod interdum ab oppositis lit-
toribus in contrariam partem mare repella-
tur; ut in mari pacifico: uti inter Panamam,
& Limam, in loco quem, *Cabo de correntes* vo-
cant. Atq; hunc motum maris generalem ple-
rumq; conturbant venti, qui ab Austro & Bo-
rea, vel à plagis collateralibus perfluant: un-
de in his regionibus vix ille motus generalis
deprehenditur.

Iam vero æſtum reciprocum, seu fluxum, &
refluxum maris, quo mare duodecim fere ho-
rarum ſpatio ad eadem littora fluit, & refluit,
ex priore motu generali sic pēdere, ut nihil ſit
nifi

nisi ejus affectio, quædam, aut modus, idem Author non absurde forsitan existimat. Nam & in easdem partes, nimirum ab ortu in occasum Oceanus movetur, & æstus ille est tatum intumescencia, & detumescencia maris. Cum aqua ad certum locum majore copia affluit, tum fluxus nominatur. Deinde cū ille impetus remittit se se, ac minus aquæ advehitur, tum refluxus vocitatur. Atq; hæc intumescencia, & detumescencia in patenti & libero Oceano spectari debet, non tantum in ipsis littoribus: nam in quamcunq; partem moveatur mare, cum in loca decliviora aqua profluat, semper ad littora fertur, neq; ex situ littorum qui varis est & multiplex, judicare possumus in quâ partem Oceanus moveatur.

Verum illud est vero proximū in fluxu mare ab Oriente in Occidentem ferri: nam in Zona torrida longe à littoribus non alius Oceani motus observatur. In fretis etiam quæ ab Oriente in Occidentem diriguntur, mare intumescit sex horarum spatio; tum aliquantulum in eodem statu permanet, nimirum per duodecim unius horæ minuta, deinde eodē temporis spatio detumescit. Sed continenter ab Oriente in Occidentem delabitur per freti orificium, nunquam remeat in contrarias partes. Idq; observatur in freto Magellanico, atq; in Canalibus inter Maldivas insulas, in freto Maniliensi, Iauæ, & alibi passim.

Iam quæ sit causa hujus intumescenciæ, aut detumescenciæ maris, & cur certis tēporibus aut locis ita sit adstricta, ut fere intra 25 horas mare ad idem littus bis accedat, & ab eo bis recedat; cur in noviluniis, & pleniluniis longe sit major aut minor, quam in quadraturis; cur lunæ motum adeo religiose consequatur:

& cæ.

& tamen in æquinoctiis aquæ multo magis intumescant: hæc sane, & alia hujus generis ab ipsa natura omnino videntur involuta.

Illud tamen omnes pene fatentur hunc motum à luna pendere: cum tanta sit inter lunæ, & Oceani motum connexio. Cum enim luna ad nostrum meridianum non redeat nisi post 24 horas & 50 fere minuta; eodem prorsus temporis spatio æstus redit: adeo ut si hodie æstus hora sexta incipiat, cras post sextâ horam, & 50 minuta revertatur. Vix tanta inter res naturales occurrit neessitudo, quin una alterius sit causa. Cum videmus umbras ad motum solis loca commutare, illas à sole projici non dubitamus. Cum igitur æstus maris reciprocus cum lunari motu adeo sit colligatus, vix negare possumus quin luna cum motu moderetur.

Quamquam forte id nos fugiat qua ratione



luna cum maris motum temperet. Omissis vero, & circumscriptis iis opinionibus quæ nihil fere habent probabilitatis, duæ tantum occurrunt quæ defendi utcumq; possint. Prior est Cartesii, quam superiore tractatu attigimus, eaq; huc redit terram T, & lunam L. eodem in vortice, aut coelo cōtineri, quod spatio menstruo luna conficit: cū autem luna terræ motu diurno ad circulum meridianum alicujus loci pervenit, ut ad punctum A, aut C, tum æther interjacens inter duorum corporum terræ, & lunæ angustias fluit celerius, & subiecta corpora magis premit. Quare necesse est ut terra T cujus locum, & quali æquilibrium determinat materiæ cælestis circumfluentis substantia & motus: necesse, inquam, est ut globus telluris loco suo paululum dimoveatur & in partem oppositam aliquantulū cedat. Quod sine ullo negotio perficitur: cum telluris globus sit velut in æquilibrio constitutus, atq; in medio aëre pensilis. Quare æther interfusus inter illas angustias rapidius agitur, & subiectum aëra, nec non mare ipsum quæ sunt corpora fluida, quæq; facilius cedunt, vehementius premit, eaq; versus littora attollit.

Iam ubi præ terræ motu diurno lōgius à nobis abscedit luna, tū aër ex iis angustias expeditus Oceanum non amplius premit, & aquæ ultro relabuntur. Bis uno quoq; die æstus recurrit: quod idem terræ punctū ad illas coeli angustias motu diurno revertatur. Quocirca senis fere horis mare fluit, senis itidem refluit. Æstus porro singulis diebus una fere hora tardius recurrit: quod luna vigesimam fere octavam sui orbis partē unoquoq; die peragret, & ad Meridianum 50 fere minutis tardius recurrat. Cum deniq; coelum lunare figurā habeat

ovali proximam, & nobis propior sit circa novilunia, & plenilunia, tumq; majores sint angustiae quam in quadratis aspectibus, hinc fit ut in pleniluniis, & interluniis major sit tum aëris, tum Oceani pressio, major adeo aestus. Quamquam forte id non adeo pendet ex corpore lunari, quam ex ipsius lunæ orbita, quæ figuræ est ellipticæ.

Illud sane inficiari non possumus nihil fere ingeniosius excogitari potuisse: sed tamē graves ea hypothesis patitur difficultates. 1. Quod terræ motum supponat. Quamquam non dubito quin etiam in vulgari sententia eadem aëris pressio locum sit habitura.

2. In pleniluniis, & noviluniis luna nō semper est perigæa, aut terræ proxima. Verū huic difficultati nuper satisfactum fuit ab ingenioso, & pererudito juvene. Neq; id omnino constat maximos aestus contingere in pleniluniis & interluniis. Sed tertio die à novilunio, & 18 die lunæ maximos aestus plerumq; accidere experientia constat. Verum ista accuratiores & varias postulant observationes.

3. Id obijci merito potest Cartesio, in hac hypothese futurum ut aquæ maxime detumescant, cum luna ad meridianum alicujus loci pervenerit: tum. n. subjecta aqua maxime premitur: adeo ut in quadrantis circuli distantia mare intumescat. Sicq; luna horizontem stringēte maximus erit aestus qui sensim imminuitur, donec luna ad meridianum pervenerit: quod experientiæ videtur contrarium. Nam licet non eodem tempore propter situs littorū recurat, tamen id vulgo persuasū est in libero & patenti Oceano majorem aestum accidere, cum luna meridiano est vicinior. Quod utiq; argumentū rationem à Cartesio allatam circa

motum Oceani ab ortu in occasum, quique à luna itidem pendet, videtur infringere: existimat enim Cartesius id accidere quod luna subiectum mare premat, & aquas idcirco attollat. Nam si res ita esset, mare intumesceret, non in ea parte quæ lunæ subjicitur, sed hinc inde ab eo loco 90 fere gradibus.

Resp. tamen utcumque possunt Cartesiani mare lunæ subiectum deprimi quidem, sed proximum intumescere; idque successive propter diurnum terræ motum. Multa alia opponi possunt quæ omittimus, ut experiamur an alia æque saltem verisimilis marini æstus causa afferri possit.

Itaque existimat P. Fabri rem omnem explicari posse si statuamus lunam esse telluri persimilem, suam habere atmosphæram, & circumfusum aërem: in eam quoque corpora gravia tendere, dummodo ei sint propiora quam terræ: adeo ut aër inter lunam & tellurē interjectus quasi in duas partes distractus videatur. Pars illius in terram, pars altera in lunam nititur, & gravitat. Cum igitur luna est perigæa, tum minor aëris columna subiectam terram, & mare premit: nam partem illius luna terræ æmula ad se rapit. Cumque corpus lunare ad meridianum circulū pervenit, tum aqua huic subiecta minus premitur, quam in aliis locis quæ lunæ nō subjiçuntur: unde aqua eo loci attollitur, & intumescit. Quod si terram mari opertam ut in mundi exordio concipiamus, tum sane figurā pene ellipticam obtinebit: adeo ut circa latera sit depressior. Atque hac ratione omnia phænomena æstus marini facilius explicantur, quam in hypothesi Cartesiana. Ego tamen id omne ætheris potius pressioni quam aëris tribuerem: cū in Barometro major aut minor aëris gravi-

tas non observetur, cum mare intumescit, aut deprimitur. Atq; illud satis est verisimile vim omnem gravitatis ab aëre subtili, aut ab æthereâ substantia proficisci. Præterea jam superiore tractatu ut probabilius quiddam ostendimus, nullam esse lunæ atmosphæram. Sed æstus varia phænomena expendamus: hinc enim forte lux aliqua oborietur.

Præcipua æstus reciproci phænomena explicantur.

Quæritur 1. Cur circa æquinoctia æstus sint maximi, non item circa solstitia. An forte ex eadem causa id proficiscitur, ex qua uberiores pluvix, & fluminum exundationes iis temporibus tum in Zona torrida, tum in his regionibus contingunt?

Quæritur 2. Cur stagna, lacus, imo mare Calpium, Pontus Euxinus, imo & totum Mediterraneum non æstuet?

Resp. Id accidere quod lacuum superficies sint angustiores, nec corporis lunaris objectu pars una magis quam altera prematur: quod etiam vis illa, quæcumque sit, quæ subjectas aquas premit, interjectu terræ multum imminuatur. Vnde ubi plures sunt insulæ, ut in Moluccis, Philippinis, in sinu Mexicano, in Antillis aut nullus fere, aut longe minor est æstus, quam in patenti, & libero Oceano: quod aëris incumbentis pressio multum frangantur, cum est interrupta, nec junctis viribus, & nisu communi subjectas aquas premat. Hinc forte in mari interno, seu mediterraneo nullus prope est æstus: quod cum Oceano non communicet, nisi per fretum Gaditanum; neque in maris æstu tantum aquarum per eas angustias potest irrumpere, ut totum illud mare attollat, nisi forte ubi directe magis in mare impellitur, ut in Bætica regione juxta fretum,

ubi æstus est mediocris : quod fluxus ab Austro in Boream effusus magis è directo in partes Hispaniæ incurrat, nō item in partes Africæ ubi nullus est æstus, & obliquior Oceani impetus. Sic in mari infero pene nullus est, neque in ora Hispanica, quam oblique admodum alluit. Obstant etiam plures insulæ quæ vim æstus frangunt. In portu Massiliensi circa plenilunia utcumque fit sensibilis : quod mare ea parte ab Austro in Boream sit liberius, nec pluribus insulis interceptum. Sed major in sinu Veneto percipitur : quod longior sit sinus, & mare in eum ex Siciliæ angustiiis excurrat ; atque inæqualis aëris pressio, aut gravitatio in tanto spatio ab Austro in Boream esse possit. Sic in Syriæ, & Palestinæ ora æstus est sensibilis, nullus in mari Ægeo, Propontide, Ponto : quod forte mare illud ab Occidente in ortum porrigatur contra generalem maris motum. Eadem ratione nullus est æstus in mari Balthico. Accedunt etiam interjectæ insulæ in mari Ægeo quæ vim pressionis destruunt ; angustia Helle Ponti, Bosphori &c.

Quæritur 3. Cur in Oceano Septentrionali ultra Scotiam, ad Norvegiam, Groenlandiam vix ullus æstus percipiatur. An quod ea terræ regio longius à lunæ tramite sit distita ? aut quod illud mare ab Occidente in Orientem excurrat, ac multis tum insulis, tum excurrentibus terris sit interruptum : quæ omnes causæ in unum colligi debent. Nam in Mari Hudsonio magnus æstus deprehenditur : quod eo loci mare ab Oriente in Occidentem pateat.

Quæritur 4. Cur in Zona torrida, plerumque tanti sint æstus. Sic ad ostium Indi fluminis in sinu Cambaiensi, ad Panamam, quoque in Americæ ora Occidentali, & aliis passim in
locis

locis ad magnam altitudinem mare intumescit.

An forte æstuum illa inæqualitas partim expressione aëris, partim ex alveis fluminum, aut littorum depressione, partim ex directo aut obliquo aquarum motu oritur. A freto Gaditano usque ad tropicum cancri æstus est permodicus; vel quod in eam oblique admodum perveniat, aut potius quod mare ab ortu in occasum continenter moveatur, atque is motus objectu Africæ intercipiatur: minus oblique inter Nigrum, & Guineam incurrit. Hinc major in iis locis est æstus: quod in eum velut sinum mare cum impetu, & directo motu propellatur. Eadem est ratio de Indi, & Gangis faucibus.

Verum ut de Oceano nostro loquamur, major est æstus cum mare recta propellitur, ut prope Tagi ostia. In Garumna idem magnus est: nam æstus ad 120 pene milliaria diffunditur, ac tantum spatii non emetitur, nisi horis fere 18: cum 12 tantum horas in reflexu impendat. Idque ad calculum exigere facile est. Nam si die novilunii incipiat tertia hora à media nocte, senis horis ad quinquagesimum fere milliare perveniet, nimirum hora nona ante meridiem; hic rursus senis horis perveniet Burdegalam, ac tertia de meridie hora, naves quæ in portu consistunt, gyrabunt, & puppes obvertent, quod est argumentum æstus adventantis. Tandem ad S. Macarii oppidum hora ferme nona jam languidior accedit, neque ibi moratur, sed eum statim refluxus excipit: quem id circo senis horis minus quam æstum durare necesse est. Nec mirum si aquæ proprio pondere celerius in mare delabantur, quam à mari in fluvios excurrant: est quippe mare ipso flumine depressius. Quan-

to longius aquæ protruduntur, tanto lentius procedunt: cum fluminis alveum altiorem, offendant. Nam eo usque æstus progreditur, donec Oceani & fluminis aquæ sint velut in æquilibrio.

Multum quoque momenti affert situs fluminis. Sic Garumna recta fere in mare fertur, non item Sequana: serpit enim hic fluvius multiplici flexu: hinc æstus multo longius in Garumnâ quàm in Sequanâ excurrit. Quod autem eodem tempore æstus in Oceano, & in Garumna prope Burdegalam contingat, id eo fit quod 12 horis tardius Burdegalam perveniat, quo tēpore redit in Oceano: unde Oceanus, & Garumna eodem tempore intumescunt, non uno quidem æstu, sed diversis.

In Sequana tres sunt ingentes fluctus prope æquinoctia, & solstitia, v. *Labare*: primus ad altitudinem fere 4 pedum assurgit. Huic proximus octo, tertius 12 pedum altitudinem superat, & quatuor pene horarum spatium 25 leucas gallicas magno strepitu percurrunt. Idem fere in Garumna, sed tardius, & maxime circa Septembris initium cum aquæ sunt depressiores, contingit. Quo autem fluvius pleniore alveo fluit, eo minus has exundationes experitur. Cumque circa æquinoctia, & circa novilunia, aut plenilunia majores sint æstus, iis temporibus hi decumani fluctus majores, & frequentiores existunt. Cum etiam Sequanæ alveus instar infundibuli extremum orificium habeat apertius, adveniens æstus ibi tumens æstus non excitat: at ubi sensim instar tubi coarctatur, aquæ ex Oceano magno impetu in angustiore alveum irrumpunt.

Sed cur circa Normaniam, & Armoricam confinia tanti æstus incurrant, ut ad Sancti Michaë-

chaëlis, & Sancti Maclovii interdum 60 pedum altitudinem superent? An forte id accidit quod Oceani aquæ à Meridie in Septentrionem agitatæ, Britanniaë occurſu reſiliant, atque ab Armoricaë, & Normaniaë littoribus iterum reſcuſſæ in ipſum velut angulum, & concurſus anguſtias confluant uberimæ.

Idem fere evenit in freto Magellánico propter utriuſq; maris Atlantici & pacifici concurſum, & motus in diverſa nitentes. Nam in fretis omnibus majoribus æſtus ſemper ſibi occurrunt: quod ex utroque latere mare premitur. Idem fere in confiniis Oceani Britannici, & Germanici contingit. Imo eodem æſtu mare prope Orcadas à Septentrione in Auſtrum, & Caleti ab Auſtro in Boream nititur. In medio autem inter utrumq; extremum ſpatio vix æſtus percipitur. Vno verbo æſtuum magnitudo, & tempus plurimum pendent à ſitu littorum.

Circa æſtum maris hæc quoque à D. Richer in inſulis Braſiliæ vicinis obſervata comperio.

1. In ea regione quæ prope flumen Amazonum, & inſulam vulgo dictam *la Cayenne* non minus ſtatis horis æſtum recurrere quam ad Galliæ littora; in pleniluniis nimirum, & noviluniis circa horam à meridie quartam: adeo ut illud principii loco haberi non oporteat, tum æſtum eſſe maximum, cum luna ad Meridianum loci pervenit.

2. Eo loci mare ad ſex pedum altitudinem, cum æſtus ſunt maximi, intumeſcere: quod ex palo infixio per integrum annum fuit obſervatum. Circa æquinoctia æſtus eſſe maximos: cum tamen differentia vix ſex digitorum exiſtat.

3. Æstus esse maximos non in ipsis interluniis, aut pleniluniis, sed tertio die à novilunio, aut plenilunio: quod ab aliis quoque fuit observatum: aut certe his diebus eadem perstat maris intumescencia, imo & crescit, fere ut solis æstus tertia à meridie hora major est, quam in ipsa meridie.

4. Iam observatum ab eo fuerat anno 1670 die 16 Julii in nova Anglia ad ostium fluminis vulgo *Portsmouth* latitudinis Borealis fere 34 graduum, in novilunio æstum contingere maximum hora undecima, cum quindecim minutis seu horæ quadrante, eodem pene tempore quo Rupellæ. Nam hic locus magis ad Occidentem vergit, & tardius ibi sol ad Meridianum pervenit 4 horis cum semisse quam Rupellæ, ubi æstus maximus accidit tertia à meridie hora cum semisse. Vnde licet colligere æstus eodem tempore sub eodem Meridiano non recurrere; ac forte Oceanum ab Austro ad Boream propelli, & instar fluminum exundare.

5. eodem anno æstus Rupellæ solito multo majores circa utrumque æquinoctium contingere; nova erat luna circa æquinoctium vernum, plena circa autumnale, utrobique fuit perigæa.

6. Die quarto Augusti ejusdem anni, qui erat itidem quartus à plenilunio, major fuit æstus quam die plenilunii, tumque luna erat perigæa. Quod si variis in locis multæ hujus generis fierent observationes, forte hinc aliquid aut certi, aut verisimilis circa æstus reciproci causas erui posset.

Sunt & alii speciales Oceani motus quos sigillatim explicare non sulcipimus. Idque alii ut P. Fabri, & Varenius abunde præstiterunt. Insignis est ille maris motus prope Guineam, quo

quo ab Occidente in Orientem tanto impetu
versus sinum Africae impellitur, ut nisi nautae
ab iis littoribus caveant, ne secundis quidem
ventis remeare possint. Multae naves periire,
cum motus ille nautis nondum erat cognitus.
Causa illius satis est obscura, nisi forte ab
Americae littoribus mare repulsum in eum si-
num cum impetu excurrat. Aut fortassis lit-
tus eo loci est declivius. In medio mari mo-
tus ille non est sensibilis, quod à contrario
Oceani motu ab ortu in occasum deleatur.

2. Prope Sumatram insulam Oceanus in sinum Bengalensem ab Austro in Boream continenti, & valido motu affluit : simili modo in mari pacifico Oceanus jugi motu ab Austro in Boream ad Peruviana, & reliqua Americae littora illabitur. Horum motuum causa est aut motus Oceani qui ab insulis, vel ab Australi terra repellitur ; aut venti Australes, qui in iis Americae regionibus indefinenter spirant. Sic Oceani motus generalis à Brasilia repulsus versus Antillas, & mare Septentrionale, ubi via est liberior, protruditur.

3. Ingentes fluvii cum se in mare exonerant, aquam plerumque ad aliquot usque miliaria à littoribus repellunt. Vt in Africa in regno Congi majores fluvii, ut Zaire in mare cum impetu irruunt, idque ad 12 miliaria interdum repellunt: sed & venti periodici, seu anniversarii magnam in Oceani motu varietatem inducunt, de quibus mox erit differendum.

Q V Æ S T I O VI.

De Ventis.

DE ventorum origine & affectionibus omnes pene Philosophi cum veteres, tum recentiores differuerunt, & nemo fere ex iis non aliquid probabile saltem attulit; tametsi recentiores ex Nautarum relationibus rem omnem diligentius expenderint. Ac præter cæteros paucis abhinc annis vir eruditissimus Rob. Bohun peculiarem ea de re tractatum anglico sermone conscriptum edidit, ex quo pleraque excerpemus: nam is distincte & accurate rem valde obscuram explicare nobis videtur.

Primum quidem venti nomine omnes pene intelligunt sensibilis aëris motum, aut fluxum, ut Seneca definit. *Quid enim, inquit, Ventus nisi aer fluens impetu, aut cursus aeris concitior?* Est etiam ventus aëris maiorem locum affectantis agitatio: cum .n. levis est commotio aëris, tum aura, non ventus nominatur.

2. Quid aërem tanto impetu percellat, merito inquiritur. Placet Aristoteli exhalationem terrestrem, aut fumum esse venti materiem: ut pluviae, & nix ex vaporibus concrescunt. Contra Cartesius ventos nihil esse nisi dilatatos vapores existimat: cum vapor longe magis quam exhalatio sicca dilatetur. Verum id merito contenderim ventum plerumq; esse exhalationem vapore permistam; imo interdum eum nihil esse præter ipsius aëris fluxum. Hoc .n. ut ait Seneca, interest inter aëra & ventum, quod inter lacum, & flumen: sed quæ sint causæ hujus agitationis, multum ambigitur.

3. Itaq; has esse præcipuas ventorum causas

crediderim. Prima & maxime generalis est sol ipse, qui calore suo multos ex aqua & terra vapores & halitus educit, qui vicinum aërem protrudunt. Sic in Zona torrida continuus ut Oceani, sic aeris motus ab Oriente in Occidentem deprehenditur; sive rarefactus aer majorem locum affectet; sive potius in eum cedentem, & leviolem vicinus gravior, & pressior irruat. Aer quidem dilatatus in omnem partem protrudi potest: sed non ubique admittitur. Cum verius Septentrionem aer protruditur, tum ventus ab Austro spirat. Et sane si quis attente consideret quantum aer dilatari possit: ita ut demonstrante clariss. Boyle in millicuplum & amplius spatium citra calorem in machina pneumatica dilatetur: is mirari desinet, si aer solis fervore adeo dilatatus tantam atmosphære mutationem interdum afferat; ac tantus fiat impetus irruentis in locum pene vacuum aeris. Verulamius exemplo utitur turriculæ undique clausæ, in cujus medio prunas ignitas collocavit: crucem plumeam calor auctus varie agitabat; idque maxime cum ex aqua vapores vi ignis sublatis eandem crucem instar turbinis torquebant. Quod igitur aut vehementius dilatat aerem, aut æquilibrium atmosphære destruit, id ventum procreare potest.

2. Vehemens aeris motus ventum persæpe efficit. Sic nimbus cadens magnum ventum excitat. Interim evenit ut nubecula delapsa nullum sensibilem in patenti aere ventum procreet: sed in camini tubo collecta cineres & paleas instar turbinis exagitet. Cum etiam nubes in alias subjectas præcipites ruunt, vehementem commovent ventum: ubi pressio ipsa fiet ex obliquo, sæpe ex resistentia nubis ventus in se revertitur, & instar turbinis in

seipsum revolvitur. Hinc etiam ingens ventus nubes pluvia prægnantes antecedit: quod eæ sint graviore. Hinc plerumque cadente pluvia cessat ventus. Multum quoq; ad ventorum generationem confert vis aeris elastica, qua pressus se se restituit: nec dubito quin æthereæ substantiæ, aut subtilioris aeris motus magnum ad ventorum procreationem momentum afferat: licet illius pondus, & vis sensu percipi non possit. Sed præcipua ventorū causa est vaporum dilatatio: hinc procellæ in mari, & crebriores sunt, & magis pertinaces: nam maxima vaporum copia e mari erumpit; qui calore aut solis, aut subterraneo pene ut in æolipilis cum impetu diffunduntur.

Illa autem vaporis extenuatio est quidem in parte, sed non sola ventorum causa. Nam si sola esset, æstatē vehementiores flarent venti, quam vere & autumno; imo in omnes partes, & non in certam plagam spirarent. Sed de motu venti postea. Itaque his quas attulimus ea quoque vulgaris accedit causa, cujus Seneca meminit, cum docet, *edi è specu Ventos, recessuque interiore terrarum*. Hinc enim pleraq; meteora seu aeris impressiones suam ducunt originem: unde qui in profundioribus laborant fodinis, ex cæruleo candelæ accensæ colore, vaporibus, & aliis signis futuras tempestates prælagiunt. Hinc spiritus fluenti è succis mineralibus prorumpunt, atque ex quibusdam antris subterraneis ventus continenter spirat: ut de quodam Provinciæ monte refert Gassendus, qui ex utraque parte ventos contrarios emittit. Idem pene prope Neapolim observatur. Sic Fr. Baco meminit cujusdam montis laxosi in Vvællia, vocant *Aber Bary*, ad cujus radices variæ sunt specus, in quibus audiuntur ventī tumultuantes. Sic eodem teste in alia

Angliæ regione ventus adeo validus erumpit per certa spiracula, ut injecta corpora leviuscula magna vi repellat. Sed hujus generis passim occurrunt exempla : hinc sæpe tranquillo aëre repente intumescit mare, & magno strepitu inclusus spiritus erumpit, ingentis procellæ velut prænuntius.

Atque hi sunt fere communes ac præcipui ventorum fontes : tametsi facile assentior Verulamio, qui existimat ventos plerumque in infima etiam regione procreari ; neque eorum fontes vel in solis terræ antris, vel è media regione semper quæri oportere. Nives quoque in montibus, & glacies exsolutæ interdum ventos generant : neque enim in solam aquam dissolvuntur. Sæpius accidit ut vapores in ventos dissentur, antequam in nubes coalescant ; tumque eos ventos tremulus foliorum, imo & arborum motus, stellarum scintillatio ; halo, seu corona lunam cingens ventum imminuentem prælagiunt. Interdum quoque evenit ut flatulentæ exhalationes in nubes concrecant. Hinc nautæ cum nubes conglomeratas circa horizontem, easque laxiores, & minus opacas, sed paulo splendidiores contuentur, fore ut ventus ex ea parte brevi oriatur, & plerumque vehemens, augurantur. Sive hæc nubes subiectum aera magis premat, seu quod magis crediderim, ex ea constet materia quæ in ventum facile dissolvitur.

His explicatis, jam quæritur unde transversa, & obliqua venti motio oriatur : an forte ut placet Aristoteli, exhalatio sursum evecta à sublimi aere versus occasum diurna cœli vertigine abripitur, & oblique detorquetur ? Verum si res ita esset, omnes venti ab ortu

flarent, & nubes in occasum propellerent: An potius ab ingenita gravitate, aut incumbētis aeris pondere protruduntur, donec ab aere terræ proximo, & graviori, aut forte ab ipsis halitibus turmatim erumpentibus repellantur; & eo feruntur ubi minorem offendunt resistantiam, aut rariorem aerem, qui eos vapores facilius excipiat? Hinc sæpe occurſu montium, aut aeris densioris reſiliunt, & venti repente in contrarios mutantur. Interdum in contrarias partes feruntur venti: nam qui leviori halitu conſtat ventus, ſublimior eſt; nec facile dilabitur: interim proprio pondere in terram præcepsruit, & ſtatim reſilit, vel præ impetu quem acquiſivit; vel quia una exhalatio aliam urget & infequitur. Contingit aliquando ut aer inſimus nullo vento perturbetur, cum nubes cellerime promoveantur: interdum etiam venti vires acquirunt eundo: quo enim plures imprimuntur iſtus, eo magis creſcit impetus: ſed tamen cum longiorem tractum decurrunt, pars melior exhalationis plerumque diſſipatur.

Illud quoque non omittendum, ventum per maximum circulum in certam plagam horizon-tis ferri; ſive quia hæc eſt via compendioſior, ſeu quia per hanc ſemitam liberius fluit. Huc adde circulos maximos ad perpendicularum ſecare horizontem, quaſi totidem verticales: hinc major ventorum vis, & campus liberior.

Motus venti non interrumpitur, niſi denſior aer occurrat, aut montes, aut inſulæ, aut promontoria: unde in medio mari motus ille magis eſt æquabilis, non interciſus, aut undulationi ſimilis, niſi ubi inſulæ

Iæ obstant aut promontoria. Quin etiam ut atmosphæra aut densior est, aut levior; aut novæ exhalationes in ipso itinere occurrunt, aut contrarii etiam venti ab oppositis, aut diversis plagis oriuntur, ventus aut reflectitur, aut alio divertit: & nonnunquam ex duobus sibi mutuo contrariis compositus exoritur.

Cum fervet dies, plerumq; tranquillum est cælum: quod nimium extenuati halitus ventum non creent: mediocris enim condensatio ad ventum requiritur. Hinc Australes venti sæpius de nocte quam de die spirant: quod frigore nocturno halitus in fervidis regionibus unde prodeunt nimis extenuati, moderato noctis frigore densentur. Atq; eam ob rationem vere & autumno venti sunt crebriores: cum nimium densantur vapores, in pluviam abeunt; cum nimis extenuantur stagnat aër.

Quousque autem venti ascendant, definire non possumus: vix enim in Europâ vel præcelsi montes à ventis sunt liberi. Mons est in Azoribus, vulgo *le Pic de Tenarife*, sunt item in America Peruviani montes ab omni vento tuti. Refert Varenius observationem Davidis Frælichii qui cum anno 1615 ad summum cacumen montis Carpathi in Hungaria magno labore penetrasset, adeo tranquillum, & subtilem aërem ibi offendit, ut ne pili quidem motum sentiret: cum inter ascendendû, in depressioribus montibus ventum vehementem esset expertus; atq; ut ipse autumat, illius montis altitudo ad milliare germanicum assurgit: cum nubes quas subiit, vix essent dimidio milliari germanico altiores. Explofit in ea parte sclopetum, quod non majorem edidit sonum quam si bacillum confregisset: sed post aliquod temporis intervallum, mur-

mur prolixum adeo invaluit, ut inferiores montis partes, & convalles impleret. Inter descendendum inter annosas nives iterum felopetum explofit: sed cum ingenti fragore, qualem vix tormentum bellicum emitteret, itq; per semiquadrantem horæ duravit. Expertus quoq; est in celsis iis montibus etiam media æstate ningere, aut grandinare, cum in subjecta planitie plueret. Sed de causis & natura ventorum hætenus: nunc præcipuas eorum species persequamur.

Præcipua ventorum species explicantur.

Venti alii sunt generales, alii certis locis affixi, utrique sunt aut constantes, aut mutabiles, ut eorum causa est generalis aut particularis: generalis est ventus qui magno telluris tractu per totum fere annum in mari spirat.

Generales venti sunt tantummodo in Zona torrida: ii plerumq; ab Oriente spirant: sunt enim vel Euro collaterales, aut Eurus ipse; interdum tamen ad aliquot gradus extra Tropicos ventus ille Orientalis excurrit. Hinc in mari pacifico à noua Hispania itinere 60 dierum ad Philippinas, & à promontorio Bonæ Spei ad Brasiliam constanti vento aut Euro, aut Euro-Borea; à Philippinis in Africam idem ventus regnat; sed non eadem constantia: nam propter quasdam insulas interpellatur.

Quæ sit huius motus causa, ex dictis facile colligitur: neq; enim vel à primo mobili; ut vulgaris est opinio Peripateticorum; vel à diurna telluris vertigine, ut videtur Copernicanis, sed à sole ipso qui eam viam insistit, hunc motum duci crediderim: cum de die

nautis omnibus id attestantibus vegetior sit quam de nocte: sol enim magnam vaporum copiam e mari subiecto continenter educit. Imo in nostro Oceano ubi aer ab omnibus aliis ventis liber existit, sæpe aura tenuis motum solis consequitur. Idem enim accidit atq; in vulgari experimento candentis ferri, quod secus aquam motum aer itidem agitato subsequitur: ut ex pluma, aut levi corpore suspeso percipitur; extenuatus enim aer ad se allicit densiorem. Fieri etiam potest ut aqua maris, & aer incumbens, (nam utriusque idem est motus) calore solis dilatentur, & attollantur: unde in partes depressores subinde relabuntur: ut ingeniose conjicit clariss. Vossius. Quia lege, inquit, naturæ ab alterioribus ad decliviora fit motus: quod enim æquor, id ipsum patitur aer huic incumbens: eadē sunt utriusq; velut liquoris leges hydrostaticæ. Cū sol est in signis borealibus à mense Martio usque ad Octobrem, tum ventus ille magis deflectit in Septentrionem; contra accidit in aliis mensibus. Sæpe montes in Orientem positi hunc ventum impediunt; ut in Guinæa, ubi molesta admodum & tædiosa est malacia prope æquatorem. Sæpe etiā venti qui à terra spirant, hujus venti vim frangunt.

z. Circa trigesimum fere latitudinis gradum in orientali vento plurimum debilitato regnat per sæpe occidentalis, qui forte nihil est præter tropicum, seu orientalem ab oppositis litoribus reflexum. Vnde hic ventus maximā anni partē in his regionibus regnat. Sic penes varios reflexionis gradus alii subinde venti excitantur: Quare occidentalis vetus, seu Zephyrus inter perennes, aut stationarios potest numerari: cumq; sol in signis Australibus commoratur, jam à vigesimo quinto latitudinis

gradu incipiunt venti occidentales.

In Peruvix litoribus, & Chili australes pene continenter spirant. Hinc naves auro, & argento onustæ paucis diebus e Lima Panamam perveniunt; sed abeuntibus alia est ineunda via. Hic ventus incipit a 46 gr. latitudinis australis: in mari procul litoribus hi venti non spirant. Sic ad litora terræ Magellanicæ ad fretum *le Maire* flant venti occidentales pene continui, & cum impetu. In aliis itidem locis proprii sunt, & pene cōtinui venti; sive ii à nivis resolutione, sive alia ex causa oriantur; seu certis in regionibus nativos habeant fontes. Cujusmodi est ventus in Provincia qui vix ad duo milliaria excurrit, & ab eodem loco continenter perflat teste Gassendo. Hinc Seneca, Nulla, inquit, est regio quæ non habeat aliquem ventum intra se cadentem, & circa se nascentem.

3. In locis quibusdam maritimis sunt venti periodici, & diurni. Sic in litore novæ Hispaniæ à media nocte spirant venti terrestres, mane marini. An forte terram calorem diutius retinet, quam aqua; unde propter calorem superstitem terra etiam noctu halitus ventis gignendis suppeditat. Qui quidem venti ad mare diriguntur: quod ibi aer nocturno frigore deprimatur. Nam aer diu dilatatus noctu subfidit, & ad locum suum resilit, ut videtur Vossio. In plerisque locis ventus ille à mari spirans non aliud quiddam est quam generalis, & Tropici venti cenatus; maxime inter insularum angustias in Zona torrida. Nam ventus ad ea tendit litora, ubi minus impeditur præ montibus: ac ventus ille semper fere increfcit, cum sol altius super horizontem ascendit, ut nuper nobis referebat eruditissimus Richerius. Quare terreni halitus de die nimirum attenuati,

nocte densiores facti, & circa montes collecti proprio pondere noctu deprimuntur. Sic in Iamaicam insulam vix naves de nocte possunt appellere, neq; egrēdi, cum ventus marinus exortus est: adeo ut atmosphæræ æstus non minus sint reciproci, quam Oceani. Ac satis probabile videtur ventos magna ex parte oriri ex inæquali aeris densitate, & raritate, quâ solis motus moderatur. Hinc sæpe venti marini, maxime in India orientali cessant, cum sol ad Tropicum Capricorni deflectit: qui à terra spirant venti, plurimum à situ montium pendēt. Vnde in parte orientali insulæ Iamaicæ vix à terra ventus percipitur: quod montes hinc longius sint remōti; & exhalationes in ipso itinere dissipentur. In insula vulgo, *la Cayenne*, in Brasilia, Madagascar, & aliis nullus pene à terra ventus spirat, & ubiq; ventus marinus æstum diei plurimum temperat, & est salubrior. Vnde regiones quæ vento destituuntur, vix incoluntur. Cum ventus marinus vulgo *Brizæ* cessat, fit quædam malacia, tum terrenus incipit; neq; ab iisdem plagis fiat ventus ille maritimus. In litoribus Africæ occidentalis, imo & in occidua Americæ parte inter Tropicos, ubi regnat generalis, & orientalis ventus, nulli à mari ad litora perflant venti, ut circa viride promontorium, regnum Congi, & Nigri ostia; nisi forte longa series montium ventum orientalem arceat, ut in Guinea, tum Africæ, tum Americæ, in Peruvianis litoribus occiduis.

4. Etesia, seu anniuersarii, si Aristoteli, & Plinio credimus, constanter spirant circa solstitium æstivale: eorum originē repetunt à colliquatis nivibus in Borealibus, & remotis regionibus: cum autem noctu cessent, id videtur probabilius propiores eorū esse fontes, nimirum

rum in Macedonia, & Thraciæ regionibus, ubi sunt montes perpetuis fere nivibus opaci. Sic Madriti in Hispania magna æstatis parte flant venti Boreales a Pyreneis jugis.

5. Sunt alii venti periodici qui certis anni temporibus, præsertim in Africa, & Indiæ orientalis litoribus, & certis mensibus constanter spirant. Motiones appellant plerumq; 5 mensibus ab una terræ plaga, totidem ab opposita perflant: duodus vero mensibus circa Martiū, & Septembrem aut cessant, aut aliis ventis cedunt. Euro-boreas in mari Indico tum fere spirat, cum sol circa Tropicum cancri deflektit. Constantiores ibi sunt etiam motiones, quàm ubi mare magis contrahitur. Quæ sint earum vicissitudinum causæ; an solis motus, ex quo maxime pendent; an colliquatæ nives; an ipsius atmosphæræ varia rarefactio, aut cōdensatio: cum scilicet vapores in magnis insulis, aut vicinorum litorum promontoriis quasi in quibusdam promptuariis coacervantur, donec aut vi elastica aeris, aut rarefactione protrudantur, vix explicare possumus.

In his regionibus nulli pene sunt cōstantes, aut annuales venti: magna anni parte regnant occidentales, aut eorum collaterales: verno tempore boreales, & ortivi præcipue dominantur: quod forte tum temporis sol ad Septentrionales plagas deflektens nubibus, & nivibus opacas, magnam vaporum copiā sursum tollat, & calore diurno in ventos diflet. Et sane circa utrumq; æquinoctium crebriores sunt venti, quod halitus nec nimium extenuentur, ut in æstate, nec plus satis densentur, ut hyemis tempore: sed mediocriter densantur, & frigent. Hinc Australis ventus magis de nocte, quæ de die spirat: quod in iis regionibus vapores interdum sint rariores; sed nocte appe-
tente

tente mediocri frigore condensentur. Fieri etiam potest ut circa utrumq; æquinoctiū sol mediam Zonæ torridæ viam insilens utrimq; vapores magno impetu versus polos protrudat. Hinc largiores iis temporibus pluviae, quæ & ventis novam materiam suppeditant.

6. Alii sunt venti subitanei, & vehementes qui penes materiæ, aut agitationis differentias varia sortiuntur nomina. Communi tamē voce procellæ dicuntur; ventus circumactus, & eundem ambiens locum, & se in ipsa vertigine concitans, turbo est. Nam ut flumen incurrens in aliquod saxū, retorquetur, & in orbem aquas sine exitu flectit: sic ventus quādiu nihil obsistit, vires suas effundit: sed ubi aliquo promontorio percussus, aut in tenui canali collectus sæpius in se volutatur, similem aquis facit vorticem: cum diutius volutatus inflammatur, aut typhon, aut prester nominatur, qui nihil est nisi igneus turbo. Ecnephias itaque est ventus ex aliqua nube vibratus, & subito prorumpens: seu nubes suo pondere, deorsum ruens aerem magno impetu elidat, seu spiritus nube inclusus repente erumpat: quod forte sit nitro-sulphureus, & à subtili materia circumactus exitum non habeat; aut contrarii aeris profluentes inter se collisi eos æstus in atmosphæra commoveant. Nam aer nimium dilatatus, aut densatus, aut pressus magnos, & ingentes motus excitat.

Hujus generis procellæ crebrę sunt in mari Æthiopico, præsertim prope equatorem, & ad promontorium bonæ spei. Lusitani *travados* vocant. Ex montis cujusdā vertice in eo litore Ecnephias sæpiissime ingenti cum impetu prorumpit. Sereno, & tranquillo cœlo nubecula nigra conspicitur ex eo monte sublata, quam bovis oculum Nautæ appellant: vix enim

initio nucem magnitudine sua æquat: quod forte sit altissima. Hinc quo minor apparet, major sequitur tempestas: quia ab altiore loco demissa vehementius aerem elidit: tum vero se se explicat, & montis fastigium fatis amplum, & in planitiem definens tegit; ac tanto impetu ex eo loco ruit, ut imparatas naves obruat. Sed Nautæ jam cautiores facti, longius à litore statim recedunt, tum vela colligunt. Nec fere fallunt futuræ tempestatis indicia, ac duabus, aut tribus sæpe horis antequam erumpant, ea apparet nubecula. Frequentes sunt ejusmodi Ecnephiæ prope æquatorem, iis præsertim mensibus, quibus constantes venti sunt rariores. Prope Guineam admodum crebri sunt; ac primus impetus est venementissimus; atq; eorum ope Nautæ æquatorem sæpe superant, cum venti continui mensibus Aprili, Maio, Junio, & aliis quoque temporibus idemtidem desint. In aliis Africæ locis alios observant menses: adeo ut certis in locis Ecnephiæ sint anniversarii. Addit Varenius, & pene omnes qui itineraria scripsere, id confirmant, in faucibus Arabici maris Ecnephas mirabiles accidere: cum densa, & atra nubes mixta cum flammeis nubeculis instar candentis camini tenebras inducit diei; tum subitanea, nec diu durans procella exoritur, quæ rubram arenam ingenti copia in terram & mare ejicit. Arabes referunt aliquando cōtigisse ut arenosæ illæ procellæ coetus mercatorum qui Alepō in Arabiam proficiscuntur, obruerint; atq; inde Arabiæ, & Ægypti mumix prodierint, nimirum corpora arenis tecta, solis calore exsiccata.

Hæ procellæ quas & *tornados* vocant, intra unius horæ spatiū in omnes pene plagas diriguntur; fulgura, & tonitrua eas plerumq; comi-

mitantur, & magna imbris copia: unius aut alterius horæ spatio durant. Præcelsi in terra montes has procellas gignunt crebriores; pluviarum quoque temporibus cum sol verticibus imminet, eæ sunt frequentiores.

Sæpius accidunt prope Africæ litora, quam in America. Fors est ut in Africa maxime prope Guineam montes generalem, & continuum ventum prohibeant. Hinc major in mari ventorum inconstantia: partes vero Africæ Australis mineralibus, & nitro sulphureis spiritibus abundant; unde tantum in aere incendium oritur. Accedit etiam nubes non paulatim in pluviæ guttulas, sed subito quasi in torrentes resolvi; seu id ex inusitata atmosphæræ densitate oriatur, seu ex diversis, & inter se luçantibus ventis.

Isdem fere ex causis oritur typhon vulgo *ouragam*, ventus nimirum vehemens: qui aut à vertice irruit, aut in omnes horizontis plagas paucis horis vagatur: seu contrarii venti inter se colliduntur; seu ventus cum impetu erumpens ex opposito obice in seipsum redeat, & contorqueatur. In quibusdam Indici maris locis ultra sex horas non durat, in aliis interdum per 20 horas, & amplius dominatur: plerumq; ubi præcelsi montes in litoribus ad ortum tendentibus assurgunt: in Insulis Philippinis, & mari inter Iaponiam, & Indiam interjecto typhones crebri sunt: hinc periculosa adeo navigatio. Caribbeas quoq; insulas in America hæ procellæ sæpius infestant: cum in insula *la Cayenne* sint pene incognitæ, ut ex erudito viro, quem idemtidem laudavimus, nuper accepimus. Vidit tamen eo loci navēs malis, & velis disruptis præ impetu Typhonis qui eas circa secundum latitudinis gradum invaserat. Idq; observatum fuit eundem qui an-

no 1669, mense Septembri in his regionibus adeo sæviit, circa sancti Christophori, & vicina Insulas sex ante diebus magno furore obvia quæq; evertisse, ac fere sex horis prius Rupellam quam Parisios pervenisse: nam sub occasum solis ibi furere incœpit; cum circa mediam noctem Lutetiæ sævierit. Sæpe etiam hesturbines terræ motus comitantur. Circa novæ Hispaniæ, & Peruvix litora hæ sunt pene incognitæ: quod ventus à terra spirans cum generali vento non collidatur. In patenti Oceano typhones aut rari sunt, aut minus nocent: hos insidiosa tranquillitas aeris, & maris plerumq; antecedit: quod forte venti contrarii sint quasi in æquilibrio. Author Anglus R. Bohun, qui præter cæteros de ventorum origine fuse & accurate scripsit, multas hanc in rem à præfectis navium acceptas refert historias. Quod autem affert p. 286, videtur consideratione dignum, in Noviluniis typhones noctu incipere, in pleniluniis de die, frequentiores esse inter æquatorem, & Tropicū Cancrici; rariores ab æquatore ad Tropicum Capricorni; Typhonem anno 1670, 18. Augusti regiones Caribbæis proximas quæ ad ortum diriguntur, vastasse: cum Hispaniolam, Cubam, Iamaicam ne læsisset quidem. Vbi ventus circumagitur ad varias cœli plagas, tum futurum typhonem ominantur. Quin & aves turmatim à montibus in valles interdum confugiunt, cum eæ tempestates imminet, Forte etiam Barometri ope eæ prælagiri possunt: cum pluvia aut salsa aut amara decidit, mox futuram tempestatem, prænuntiat: quod spiritus minerales, & sulphurei plerumque has excitent.

De Ventorum affectionibus.

ID unum restat ut ventorum qualitates breviter perstringamus. Atque hæc sunt vel manifestæ, ut calor, frigus, siccitas, & humiditas, vel occultiores: de illis summatim agamus. Ac primo venti eam sortiuntur naturam, quæ materiæ ex qua prodeunt convenit, quam in ipso quoque itinere acquirunt, dum alia sæpe ostendunt effluvia quibus consociantur. Quare ut ventus in æolipilis cum odorem spargit aut jucundam, aut molestum juxta liquoris inclusi naturam: atque ut aer foliis per rubrum oblongiorem nive & glacie obductum erumpit frigidior; sic ventorum qualitates vel ex his corpusculis quæ ad eorum compositionem pertinent, vel ex natura loci quem pervadunt, magna ex parte pendent. Quare sublolanus, seu Orientalis ventus ex Aristotele calidus est, & siccus. In his tamen regionibus in Gallia, Anglia, Belgio plerumque est frigidus, quod à Germania, Polonia, & aliis frigidioribus locis prodeat. Imo plantis, & fructibus, & animalibus est infestus, ac teste Verulamio magnam erucarum copiam affert. In Italia sæpe est humidior, quod à mari Adriatico spiret. In India Occidentali ut plurimum est salubrior, & frigidior. Contra in Arabia, & Africa adeo calidus est, & siccus, ut vix ferri possit: quod arenas, & calidas regiones decurrat. In Zona torrida, & fervidis regionibus, qui à terra flant venti, semper sunt calidiores: contra in frigidis regionibus ventus maritimus nimium frigus temperat: venti qui per loca nive obducta transeunt, iidem sunt frigidiores. Accedit etiam calorem, & frigus comparate ad corporis nostri dispositionem nos referre solitos: hinc aer qui

qui media hyeme satis tēperatus percipitur, penegelidus media æstate iudicatur. Fieri etiā potest ut venti ex locis subterraneis, ex quibus erumpunt, calorē suum, & frigus depromant.

Venti Occidentales sunt humidiores, nec admodū frigidi: an forte quod à mari spirent, unde ex hac coeli plaga magnæ plerumq; tempestates oriuntur; idque maxime cum ad austrū declinant, & à solstitio brumali flat Afri-
cus: hinc enim copiosi imbres. Atque hi sub solis occasum sæpe oriuntur, ut Eurus oriente sole perflat. Nam sol exoriens vapores uberiores excitat, qui utrimq; in partes soli oppositas cientur; vespere qui in partes nostras reflant, occidui; qui vero in eas regiones, ad quas sol accedit, spirant, ortivi dicuntur. Cumq; aer continuo fluxu in occasum feratur, venti ortivi sunt sicciore: quod vapores disjiciant: tum .n. duplici impetu aer propellitur, nec finit vapores coalescere: sed occidui motu in contrarias partes nitente nubes sistunt, & densant: unde hi venti sunt imbriferi, & humidiores. nisi quæ alia causa obstat.

Boreas seu Aquilo gelidus est, siccus, & gravis: quod forte per loca nivibus opaca pertrāseat: eadem sunt qualitates Australis venti in parte terræ Australi. Vnde in Regione Magellanica; & Chyli Auster pene continue flat: at Batavi in nova Zembla per totam hiemē ventos aquilonares experti sunt. Dum .n. sol aerē intra tropicos calore suo extenuat, crassiores vapores in frigidas regiones protrudit: hinc densitas aeris admodum inæqualis. Frigus vero aut subtilis materiæ defectu, aut ex certa, & determinata motione, aut ex nitrosis corpusculis oritur. Imo ex locis quæ vêtus peragrat, calidus fit aut frigidus: cum ventus borealis sit densior, & gravior, is deorsum ruit, atq; ut
vide-

videtur illustri Boylio, aërem ex sublimi, & gelida regione ad terram vehit. In Belgio, & locis. ad mare Septentrionale vergentibus sæpe boreas est nebulosus, & imbrifer : quod etiam accidit cum Notus, seu Auster ab Aquilone percussus in seipsum reflectitur.

Est enim Auster, & humidus & calidus, qui nubes laxat, & resolvit. Nam vel ex locis æstu solis fervidis profectus mare Mediterraneum peragrat, atque in ipso itinere alios perinde vapores asciscit ; vel ex subterraneis, & sulphureis halitibus magna ex parte constat, qui in locis fervidioribus exhalant : & sane vix credibile est Australem ventum ad nos ex Tropici usque pervenire. Imo simul & eodem tempore in Italia & Gallia contrarii perflant venti, & Borealis sæpe ab Alpibus in Italia, non è frigida regione spirat.

Flante austro aër calore, & humore laxatur, vapores resolvuntur, & in majores globulos coalescunt, caput gravedine laborat ; stuporem affert, & tristitiam. In quibusdam locis, ut in Aquitania, & Occitania Africus malignior est : in Azoribus flante hoc vento pueri plurimum ægrotant ; corporis .n. meatus aperit, & laxat, humores liquat. Hinc artifices qui circa plumbum, & mercurium laborant, male se habent flante hoc vento : quod præ humore solvantur nervi, ii præsertim qui voci inferviunt. Hinc plerumq; humido aere lingua vacillat. Contra Aquilo est salubrior : quod poros adstringat ; calorem nativum contineat, nec facile eum expirare patiatur. Quare nos vegetiores efficit, humores à putredine, & corpora ab epidemicis morbis tuetur. Interim tamen distillationes acriores, & pungentes in lateribus dolores excitat, dum insensibilem perspirationem prohibet, atq; iis qui calculo

laborant, plerumq; officit, dum meatus occludit. Postremo Auster ex obliquo spirat: hinc magnos in mari fluctus excitat, dum Aquilo recta fere decedit. Hinc impetu statim fracto minus mare commovet. Auster bombyces necat, Boreas fovet.

Q V Æ S T I O VII.

De aliis Meteoris aereis.

PAULO diutius quam proposueram in ventorum explicatione hæsi: nunc reliquas aeris impressiones majori brevitæ exponam. Ac primum occurrit nubes, quæ nihil est præter halitum vario filaminum plexu contextum, & vapore rorido plerumq; prægnantem. Frigore densatur, & eo usq; ascendit, donec sit æqualis cum aere ponderis, aut illius agitatio desinat. Ac forte halitus filamina seorsum sumpta sunt aere leviora; ut aquæ guttulæ jam frigore densatæ sunt eodẽ aere paululum graviores: sed halitus vapore permixtus est pene in æquilibrio cum aere constitutus. Accedunt etiam aliæ causæ quibus nubes licet densiores in aere librantur: quod plerumq; halituum filamina pene sola remaneant vapore jam à ventis excusso. Hinc nubes instar velleris crispata apparet, eaque ut plurimum sterilis, & candicans. Fieri etiam potest ut corpora minus gravitent, quo longius à terra discedunt. Hinc nix jam formata & aere gravior, tamen in eo suspenditur. Sed & guttulæ liquidæ, ut minutissimi pulveris grana in aere diu suspensæ manent: quæ conjunctæ statim decidunt. Quin & ventus qui nubium particulas male colligatas evehit, sublatis quoq; retinet. Addunt alii halitus qui è terra erumpunt, & nubes pensiles sustinent. Non .n. aliud est nubes præter halitum in sublimi

limi suspensum, qui opacitate sua sub oculos cadit: singula .n. illius corpuscula nonnihil luminis reflectunt; simul congesta totam regerunt lucem, vix ullam transmittunt. Qui Alpes, aut Pyræneorum juga conscendunt, cum ad nubes perveniunt, tum densam nebulam subire sibi videntur. Sic ille cujus supra meminimus, cum in montis Carpathici præcelsum jugum conscendisset, infra quidem nubes alias aliis depressiores cernebat, easque vix dimidio milliari germanico altiores esse conjiciebat. Sed cum inter ascendendum eam aeris regionem subiit, tum dēssissima nebula se obductum comperit. Quod quidem demonstrat vix nubē à nebula differre, nisi quod nebula gravior est & terræ vicinior: cum frigoris vicinius concreseat: ex locis humidioribus, & paludosis, e fluminibus quoq; & maxime inter collum angustias plerumq; assurgit, non tam radiis solaribus, quam ingenito terræ calore effusa. Nam mane & vespere sæpius, sole fervido terram raro obducit: ubi mane recidit, serenum cœlum promittit. Quod si .n. sol non potest tenuem illum vaporem attollere, nedum è mari, & fluminibus aquam evehet: cum sursum attollitur, pluviam præfagit. Nam terra adhuc calens novos vapores suppeditat, qui tandem in aquam abeunt, ex qua prodire.

Cum tenuis halitus diurno calore evectus post solis occasum decidit, tum aura ferotina dicitur, multis perniciofa, iis præsertim quibus laxior est fibrarū contextus, & pori apertiores: æstate quidem tardius post solis occasum delabitur, quam vere, & autumnō: quia modico frigore opus est, ut vapor acri halitu permixtus concreseat. Hieme autem non satis est caloris ut exhalationem illam sursum attollat. Flante vento dissipatur, pluvio cælo

aura ferotina non decedit: nam in pluviam ab-
abit. Sub æquinoctia malignior est, & maxi-
me in iis locis, ex quibus halitus minerales
evehuntur: nam temperato calore magna va-
porum copia attollitur, maxime in locis palu-
stribus: qui cum acrioribus corpusculis abun-
dent, facile subeunt capitis poros; dentium
doloribus, & humorum distillationibus viam
aperiunt. Hinc sanguinem nonnunquam ex-
primunt, somnum arcant, caput fatigant, ac
respirationis organa potissimum lædunt.

Non dissimilis est rosis ipsius ratio: est quip-
pe vapor nocturno frigore concretus. Insensi-
biles enim aquæ particulæ tranquillo maxime
& sereno cœlo, herbarum foliis adhærescunt,
& collectæ sunt sensibiles. Hinc loca aridiora
ros nullus tegit: quod ibi humor desit. Flante
vento, vel cœlo nubilo perparum rosis deci-
dit: nam ventus vaporem dissipat: pluvio cœ-
lo si quis vapor educitur, hic filamentis exha-
lationum implicitus cum nube confunditur.
Acrioribus corpusculis ros abundat: hinc se-
getum rubigo, cum ros spica exceptus ardore
solis putrescit. Fieri etiam potest ut nitrum
subtilissimum in rore contineatur. Vnde inse-
ctorum procreationi multum confert. Nitrum
quippe fecunditatem terræ & aquis impertit:
vere, & autumnos ros est uberior, nimio enim
ardore solis humor consumitur; hieme parum
humoris evehitur. Pruina est ros quidam ac-
cerrimo frigore congelatus: hac cuniculos
brevis saginari volunt, quod instar rosis sit ni-
trosum, & dulcis.

Quæ autumnos filamenta instar telæ araneæ
volitant, & capillitium veneris vocant, nihil
videntur esse præter nebularum reliquias ca-
lore solis exsiccatas.

Iam illud neminem fugit pluviam ex vapo-
rum

rum concretionem, fere ut in aquæ distillatione cernimus, generari. Sublati .n. vapores in sublimem aerem frigore densantur, & in guttulas abeunt, primum insensibiles, sed inter cadendum subinde augentur, dum aliæ aliis confoctantur. Atque eæ sunt majores, quo ex sublimiori loco delabuntur. Hinc media æstate, uberrimi quidem vapores sursum attolluntur, sed solis ardoribus dissipantur, nec facile coguntur in pluviam, nisi vento frigidiorē densentur. Contra hyeme plerumq; calor est debilior, quam ut vapores attollat; æstate nubes multo sunt sublimiores: hinc guttæ majores cadunt: hieme autem vel statim vapor etiam in infima aeris regione concrevit: hinc minutæ guttulae; vel si altius ascendant, in nivem abeunt. Vere & autumno calor est moderatus: magna quoq; diurni æstus, & nocturni frigoris inæqualitas. Hinc pluviae uberiores.

Non omnes concrevissent in pluviam nubes, vel quod vaporum particulae nimium inter se distent, nec se mutuo contingant; vel quia non satis est frigoris nubi constringendæ. Densantur vero nubes tum vaporum ascendentium copia, tum vento australi & occiduo, præsertim si à mari spiret, quod majorem vaporum copiam suppeditat: interdum etiam ab oppositis ventis vapor constringitur; imo & guttulae insensibiles vento flante aliæ in alias plerumq; impingunt, & in majusculas abeunt guttas quæ proprio pondere recidunt. Illud quoque fieri potest quod Doctissimo viro visum est, ab aere paulo calidiorē à terra sublato nubes jam pene in subtiles nivis flocculos congelatas solvi, & in aquam solvi præ inferioris aeris tempore. Et sane altissimæ nubes in nivem potius quàm in pluviam concrevissent; cumq; in subjectis vallibus pluit, eodem tempore in præcellis montibus

tium jugis ningit, ut præter ceteros is testatur, qui montem illum Hungariæ excelsum ascendit. Sed de nive postea. Cum autem densior est nubes, aut aeris calor altius sublatus, tum guttæ ex mutuo occurſu fiunt majores. Nam si pars tantum nubis inferior calore solvatur, tum minutiores aquæ guttulæ futuræ sunt: stillicidia enim, inquit Seneca; quamvis jam inclinent se, & labantur, nondum tamen efficiunt lapsum: sed ubi plura cojere, & turba vires dedit, tum pluere dicuntur.

Multa sunt pluviæ adventantis indicia; ut sol in ortu clare affulgens, aut cæruleo colore tinctus, aut concavus: signum enim est in aere magnam esse vaporum copiam; eadem est ratio lunæ pallidæ. Sic cū stellæ plus æquo scintillant, & lasciviunt, pluviā portendunt; flavæ itidem nubes circa solis ortum pluviā prænuntiant; vespertinæ crastinam serenitatem promittunt. Nam vapores sole oriente sursum tolluntur, & in pluviā resolvuntur: cum iidem præ noctis frigore decidant. Iam ex animantibus, & aliis ex rebus pluviæ indicia colliguntur: quod subtilis & roridus vapor per aerem diffusus corporū meatus subeat. Hinc strident fores, ligna in ignem conjecta crepitant. Sic boves extento collo cœlum suspiciunt, muscæ acrius pungunt; porci stramina diserpunt; lumbrici emergunt è terra; formicæ se in sua latibula recipiunt, hirundines juxta superficiem aquæ volitant; quod forte muscas, & alia animalcula quæ halitus, aut ventus in terram deprimat, velut prædam suam insequantur. Ranae frequentius coaxant, quod humido aere gaudeant. Sed nullū certius futuræ pluviæ signum quam ex Barometro colligitur: quo enim magis descendit, & aer est levior, hoc humilior est, ut suo loco diximus. Idque in Barometro

ab eximio Hugenio invento longe clarius, quam in aliis conspicitur. Sed de his alibi.

De pluviis prodigiosis nihil hoc loco dicere attinet. Refert Agricola anno 1534 in Suevia pluisse sanguinem. Vt autem, inquit, in majorem fidem habeamus annalium monumentis, facit res illa decantata, quæ patrum memoria accidit; aer enim ille stillavit guttas, quæ lineas vestes crucibus rubris, quasi sanguineis imbuebant. An forte effluvia quæ è terra rubra prodire, ut naturam suam, ita & colorem tueri possunt, ut multis experimentis probat D. Boyle. Vnde in regno Neapolitano post Vesuvii incendia, ejusmodi prodigia identidem contigisse aiunt. Sic eodem libro nimirum duodecimo, eorum quæ è terra effluunt, hæc habet idem Agricola. Certe, inquit, hic Kempnicii undecimum ab hinc annum mense Septembri effluerunt imbres, sic cum terra lutea commisti, ut ea passim plateas viderem comperfas.

Neq; id negaverim interdum posse accidere, quod refert Gassendus in vita Peireskii, maculas nimirum sanguineas lapidibus, ac parietibus adhærescentes ex erucis ortas; dum in papiliones abeunt, & spolia exuunt: quod observavit Peireskius anno 1608. Hinc cruentas illas maculas vix aqua ablui posse referunt historici: quod ipsam demonstrare experientiam in illis papilionum excrementis testatur. Cum etiam neque in ædificiorum tectis, nec fere in oppidis, sed potius in agis atq; in foraminibus, in quibus nidulantur; neq; in devexis & cælo obversis lapidum superficiebus, sed in averfis, & concavis conspiciantur: hinc colligit sanguineas illas guttas, & interdum prægrandes è cælo non decidere.

Nix non alio fere modo quam pruina con-

gelatur: nivis. n. flocci ex innumeris globulis congelatitatis coalescunt: adeo ut ea nihil sit præter spumam quandam quæ in glaciem co- crescit: fere ut brumalis nebula capillis aut: barbæ solet adhærescere. Hinc nivis ut spumæ candor oritur ex infinitis globulis, quos tenuissima halituum filamina connectunt. Vnde laxior illa textura tam facile solvitur, & cito nix liquefcit, vel in ipsa aqua frigida.

Sed cur nivis flocculi plerumq; instar stellarum sex radiis distincti appareant? an quod globum, aut circulum alii sex globi, vel circuli ex omni parte tangant: unde si plures globulos in eodem plano agites, sic coibunt, ut sex globuli eundem velut circulum, aut orbem efficiant. Ea utiq; fusius explicat vir in Phisicis, & Mathematicis cum viveret, versatissimus D. Rohault, quæ longum esset hoc loco regere; id vero non accidere admonet, nisi ventus satis vehemens ante spiraverit.

Illud etiam liquet nivem fertilitatem terræ inducere; vel quia terræ, & plantarum halitus continet, neq; eos exspirari sinit; vel quia nitrosa est: unde ob eam quoq; causam tam facile in aqua exsolvitur, & dissoluta ventum, seu auram frigidam spirat. Hinc sæpe accidit ut in montibus nive obductis erumpentes halitus sibi fornicem aut crustam excavent, sub qua lata exsurgunt gramina. Ac nescio an aliunde vis illa nivis exsolutæ, præsertim ejus quæ ineunte hieme cecidit, qua adustionibus adeo est utilis, quam à nitroso sale oriatur.

Prætereo alias nivis affectiones vulgo notissimas: quod sit friabilis: quia globulis constat qui facile separantur; quod aquæ innatet: quia multo turget aere, aut spiritu; quod nivali tempore iter facientes aut deliquium, aut bulimiam, seu diram famem patiantur. Nam ha-
litus

litus nivales, & nitrosi lubeunt corporis meatus præ calore apertos; unde & spiritus uberioriores expirant, simul pulmones, & ventriculū male afficiunt. Hinc panis huic malo remedium est, qui benigno spiritu ventriculum recreat; & vehementior tussis noxios halitus excutit. Id unum addimus nivem in loco sublimiori, quam pluvia generari. Nam excelsorū montium juga nive perpetua obducuntur, quæ nulla pluvia exsolvitur. Cum nix imminet, frigus aliquantulum remittitur: quia nubes nive prægnans coarctat aerem terræ vicinum, & halitus è terra erumpentes repercutit. Postquā nix delapsa est, plerumq; aer tepidior est, vel quia sol radios prius nubilo oppressos jam liberius vibrat; vel quia nubes ante pendulæ suo frigore subjectum aerem infestabant.

Cum nubes sunt sublimiores ac flocculi nivis primum calore liquantur, tum lubeunte frigidiorē vento iterum congelantur, grandinam præbent. Cum autem nivem liquecentem ventus frigidior corripit, ac multos flocculos in unum colligit, tum grando, & major, & figuræ polygonæ præceps ruit. Hujus extrema sæpe pellucet, quod eæ partes prius quatas frigus occupaverit, neq; intimas illius partes penetraverit. Hinc nix quædam in medio opaca remanet. Aestate frequentior est, & major: quod tum nubes sint sublimiores; neq; hic meo satis est calor qui ad nubes adeo sublimes perveniat: inferiores quidem attingit, sed citius nix soluta decidit, quam frigore iterum congelari queat.

Dum autem nix nondum liquata est, sed aliquantulum emollita, tum grando non pellucet. Sic grandinis, ut nivis figuras tum diversi halituum plexus, aut frigoris gradus, aut venti ipsi varias, & prope infinitas exhibent. Nec

verisimile est æstate, cum aer infimus calidior est, pluviam delabentem congelari; nec prope terram, sed in media aeris regione, ubi intensum frigus regnat, congelatur.

Fieri etiam potest ut guttula jam in glaciem concreta in ipso descensu augeatur, dum novas superficies, aut tunicas induit fere ut cerei, aut candelæ per repetitas immersiones formantur. Vnde majores erunt grandinis globi quo ex altiori loco decident, & major humoris copia in descensu occurret. Antequam grandinet, magnus plerumq; strepitus in sublimi aere audiri solet; colliduntur .n. jam congelatæ guttulæ, dum aliæ in alias incurrunt. Cum autem illud murmur longe ante grandinis lapsum audiatur, id magno est argumento grandinem in sublimi, non in infimo aere formari: adeo ut nihil necesse sit ad antiperistaltism confugere.

QVÆSTIO VIII.

De ignitis impressionibus.

Nunc de Meteoris quæ in medio aere accenduntur, dicendum est: quæ omnia ex halitu sulphureo, & nitroso oriuntur. Hinc .n. cudentur fulmina, & fulgura emicant. Fulgur, ut ait Seneca, est late ignis explicitus; fulmen est coactus ignis, & impetu jactus. Itaque materia fulminis ut pulveris pyrii est terra, nitrû, & sulphur; utriusq; effectus sunt omnino consimiles. Hinc nubes cava instar tormenti erit, cujus claustra dum sulphurea exhalatio dirumpit, & tonitru, & fulgur, & fulmen efficit. Fulguratio, ut ait idem Stoicus, ostendit ignem, fulminatio emittit; illa comminatio tantum, ista jaculatio cum ictu; nec natura, sed impetu distant.

Quo autem modo ista in nubibus procreentur, explicatu sane arduum est. An forte, ut videtur Cartesio, exhalatio sulphurea densa nube intercepta, & superiorum nubium aut casu, aut agitatione inflammata tantum fragorem cum fulgetris edit. Hinc æstate, vel Autumno, & maxime post tranquillū cælum crebra sunt tonitrua, & fulgura. Nam majore calore opus est ut halitus illi sulphurei, & forte bituminosi attollantur. Cum itaq; nubes sublimiores aere calidiore solvuntur, & in nubes inferiores decidunt; dumq; interclusus aer versus extrema nubium primus egreditur, qui in medio concluditur, per angustiores exitum non sine fragore erumpit. Tumq; major est tonitus, cum exhalationibus vehementius arctatis secundi elementi globuli expelluntur: adeo ut halitus sulphurei primo elemento innatantes speciem flammæ præbeant, circumjectum dilatent aëra, & horribili fragore aures percellant.

Hinc fit primo ut major sit tonitruī sonus, quo nubes sunt crassiores: aer quippe fortius dilatatur, tum restituitur, quod sonum efficit. Secundo in locis quæ mōtibus, & vallibus sunt aspera, aer fortius percussus majorem strepitū efficit, quæ variæ reflexiones augent: ut exemplo illius qui in præcelsis Hungariæ montibus sclopetum emisit, jam supra ostendimus. Vnde diu scule durat sonus, cum fulgur in momento totum aëra percurrat. Tertio cum nubes superior calore soluta in subjectam decidit, simul partem illius velut congelatæ nivis dissolvit: unde vix tonitru aures percellit, quin simul, & eodem tempore uberior pluvia decidat.

Sed quæcumq; sit fulminis, & tonitruī causa, perspicuū videtur id ex materia sulphurea, aut bituminosa potissimum cudi; tumq; mitroso, & volatili sale aërem refertum esse. Vnde

tam præceps illius motus, & odor sulphureus, quasi pyrii pulveris : sales illi in aqua fere instar calcis incalescunt. Quare vix ullum cuditur fulmen aut tonitruui sonus auditur, aut fulgura oculos perstringunt, quin eodem tempore nubes in aquam resolvatur : tamen si densa nubes interdum circa horizontis limbum fulgurant citra tonitruui bombum. Sive id accadat quod nubes minus densa non satis valida sit, quæ aerem exagitet : cum tamen quædam exhalationis partes primo elemento innatantes vibrent fulgura ; sive ut existimat vir doctiss. nubes illæ longius à nobis distent, quam ut tonitruui bombus ad nos perveniat. Et sane plerumq; evenit ut inter crebra illa fulgura quoddam murmur ex longo intervallo audiat.

Fulminis & tonitruui phœnomena ex percussionis legibus magna probabilitate deducit idem vir clariss. in tract. de corporum collisione. Ac primo quidem ingens ille strepitus ex motus celeritate, subita aeris dilatatione proficiscitur, nec non ex repetitis, & crebris flammæ eruptionibus, quales in nitrosis omnibus accensis experimur. Nam spiritus his salibus conclusi magno impetu aerem verberant, & dilatant, ut in auto fulminante cernimus.

2. Coruscationes illæ subitaneæ, & repetitæ fulminis materiam magna vi in partem oppositam propellunt, sic tamen ut ab ipsius aeris vi elastica non mediocriter repellatur : fere ut in pyrobolis, & in tormentis bellicis cernimus. Nam erumpens flamma objectu aeris repellitur, & vi sua elastica simul tormentum retro pellit, ea forsitan ratione, ut quantum tormentum vincit pondere globum bombardilæ, tanto minus recedat. Sic in pyrobolis flamma in aerem pro viribus resistentem incurrens, contusus ut fulcro, quo pyrobolum nonnihil retro pellat,

ac sæpe cōtorta vertigine turbinat. Ut aqua e vase cylindrico, & suspenso exiens per foramen in latere prope basim aptatum, vas ipsum inter effluendum torquet in gyrum: quod ab aere repellatur. Ita ferme materiæ inflammatae motus instar turbinis peragitur: quod obliq; in aerem impingat; quod priorem flammæ eruptionē alia statim excipiat, quæ prioris motus directionem mutat. Hinc fulminis motus flexuosus, & undulanti similis. Nec fulguris flamma est æquabilis, & uniusmodi: sed ex variis fit coruscationibus, quarum una aliā statim excipit. Hinc forte sonus crepitās: quod singulæ flammæ eruptiones aerem cum strepitu percellant.

3. Fulmen multū aeris secum vehens obvia quæq; interdum sternit: quod incredibilis inflammatae materiæ velocitas efficit: cumq; unum, aut alterum turris lapidē loco movet, simul, & turrim quatit. Neq; id intellectu difficile videtur, quo fulmen modo unum, aut alterum lapidem locis suis dimoveat: hujus. n. habemus specimen in tesseris, aut scirpis quibus solent ludere: ex iis quippe sibi mutuo incubentibus unus aliis subjectus tāta facilitate & velocitate obliquo motu expellitur, ac si aliorum pondere non gravaretur. Fieri etiam potest ut fulminis materia instar turbinis agitata arborem contorqueat: cumq; arbor fixis stat radicibus, truncus sæpe in longum scissus appareat. Cum arbor evellitum, tum ea fissuræ, & striæ aut raro aut nunquam cernuntur.

4. Fulminis materia cum aut occurssu duri corporis, aut ipsius aeris resistentia in plures partes abit, tū plures quoq; & varios procreat effectus, & in varias interdum flammæ, aut globos huc illic discurrentes distrahitur.

5. Quod effectus fulminis attinet, si vulgo

afferuntur. Illæsa vagina interdum enses fundit, atq; inviolato ligno, ut ait Seneca, circa pila ferrum omne distillat, aut oculis integris conflatur argentum. Id sane ex summo illius flammæ ardore, & incredibili motus celeritate proficiscitur; fere ut lampadis flamma per tubum vibrata vitrum, & metalla fundi solent. Fieri etiam potest ut halitus nitrosi, & volatiles durissima quæq; corpora penetrant; imo & ferrum candens, vel levi sulphuris contactu liquari solet. Vix autem id crediderim fracto dolio vinum aliquando ictu fulminis incrustari; aut etiam interdum congelari. Stat, inquit Seneca, intra dolium vinum; nec ultra triduum vigor ille durat. An forte non eadem est semper, & uniusmodi exhalatio, quæ fulmen incendit? Si pinguis fuerit, & oleosa, mollia tantum adurit corpora; si penetrans & subtilis, cedenti materię parcat, obstantia quæq; perfringet. Sic aqua fortis metalla dissolvit, non ceram, vel lignum. Exhalatio vero ex qua fulmen cuditur, multum nitri, bituminis, sulphuris, & salis volatilis continet.

Neq; hic excutio an partes terrestres in mediam aeris regionem sublatae cum nitrosis, & sulphureis fumis incensæ in lapidem quandoq; abeant. Quamquam nemo ex veteribus ante Avicennam huius lapidis ceraunii meminerit, & mirum videri possit nullum in magnis urbibus, ut in hac civitate unquam visum fuisse.

Illud potius merito quæri potest, cur excelsa quæq; sæpius fulmine jciatur: an forte quod plerumq; nubes circa latera dehiscat, & ex ea parte exhalatio inflammata erumpens ex obliquo, non recta deorsum decidat. Hinc excelsa quæ sunt, ex transverso occurrunt. Deinde cum nubes in media, & infima sui parte est disrumpenda, id præcipue accidit ubi corpus excelsu

sub-

subjicitur. Id enim aeris descensui obstitit, efficitq; ut in diversas partes distrahatur: aeris motum nubes consequitur, atq; in eo loco dehiscit, & quasi viam fulmini sternit.

Sed cur vinum, & liquores in cellis turbari solent, & acescere, cū vehementius tonat. An tremulus aeris motus id efficit; an potius occultum quoddam est in aere fermentum, quod consuetū partium insensibilium motum perturbat, & corrumpit? Hoc utiq; esse verissimilius hinc probat Boylius, quod cū vitrum cerevisia impletū hermetice sigillasset, post magna tonitrua, nihil hic liquor de vi sua, & sapore amisit: cum doliis conclusa pene omnis acesceret: quod exhalatio illa diffusa per aerē dolia quidem penetraret, vitrū nō item. Addit illud quoq; carbones fossiles in cellis vinariis accensos cum tonat, cerevisiam à corruptione defendere: vel quod sulphureos, & corruptos halitus ignis discutiat; vel quod vim eorum obtundat, dum figuram halituum, aut magnitudinem, aut texturam mutat.

Iam reliquas impressiones igneas perstringamus. Primo occurrit ignis fatuus qui nihil est præter halitum pinguem, & tenacem, nullo igne flagrantem, sed instar lampyridum, aut signi putridi lucentem. Eiusdemodi ignes circa coemeteria, & paludes frequentius discurrūt: quod ex pingui, & viscoso halitu prodeant. Autumni tempore, imo & in regionibus fervidis sunt crebriores: quod pinguis humor magno solis ardore elici, & digeri soleat.

Stellæ discurrentes prope terram incēduntur. Hæ videntur discurrere, quod aer his exhalationibus sit refertus, & accensus halitus pabuli sui venā sequatur. Interim velut igne continuo totum iter signant: quia visus non subsequitur momenta currentis, sed videt simul

unde exierit, & quò pervenerit, ut in titione circumactò, qui speciem circuli ignei præbet.

Communis horum omnium materia halitus est pinguis, & viscosus, qui plerumq; accenditur: siue cum spiritus in nube conclusus volutatur, ut in fulgure; siue cum tenuis est vapor & copiosa exhalatio sulphurea, ac nulla nubes cernitur: tum enim præ magna agitatione sulphureus halitus se se expedit à vapore, & sine crepitu in stellæ, aut globuli ignei modum e sublimi aere in terram ruit.

Cum exhalatio accensa in mucronē acuitur, pyramidis; si teres sit, & cylindrica, columnæ, si latiore fastigio sciutillet, facis; si rotunda sit, & plana, clypei; si oblonga, & transversa, trabis; si mediæ partes intumescant, draconis nomen accipit. Quod si globus igneus circum se floccos pensiles instar lanæ præferat, ac saltu incondito lasciviat, capræ saltantis nomen obtinebit. Stipulæ dicuntur, cū globus igneus non apparet, sed exhalatio late dispersa incensas stipulas, aut paleas exhibet.

Cum ignes illi materiæ tenui, & subtili insideant, facile extinguuntur: nam si crassiori adhæreant materiæ, subito decidunt, ac proprio renitente pondere diutius in aere suspendi nō possunt. Quare trabes quæ aliquādiu perseverant (qualē se vidisse Aquis Sextis anno 1637 ab ortu in occasum prætervolantem testatur Gassendus, quæ eodem tempore in tota Occidentia visa est) in sublimi forsan aere formātæ. Anno 1676, die 31 Martii hora septima cū semisse, (ut in commentariis Regiæ Academiæ clariss. Cassino Bononia scriptum reperio) huius generis ignea impressio visa est Bononiæ. Huius caput Lunam magnitudine æquabat instar solis post pluviam in vaporoso aere circumcidum apparebat, longè autem se caudā scin-

tillantem trahens, motu celerrimo ab ortu in occasum spatio fere 4 minutorum abreptum prope horizōtem majus apparuit, terra instar ignis rubescēte: nam magnus strepitus, quāle fere ignes massiles disruptis chartis efficiūt, auditus est, & nubibus, aut fumo permistum evanuit: tumq; odor sulphureus, aut bituminosus aerē implevit. Cœlum statim ex sereno nubibus obductum fuit, & nocte aliquantulum pluit: cum ante quatuor menses non pluisset. Eadē hora multis in locis Italiæ, & Florentiæ imprimis cum ingenti sono id apparuisse ferunt. Ac de mixtis imperfectis tantum. Nunc de Iride, & aliis impressionibus quæ emphaticæ, seu apparentes dicuntur, agendum est.

QVÆSTIO VLTIMA.

De Iride, & aliis impressionibus emphaticis.

DE loco, natura, coloribus, & figura Iridis jam nulla pene est inter Philosophos contentio. Nā omnes fere qui rem acriori animo expenderunt, in sententia Cartesii acquiescunt. Sed cum ea demonstrari vix possit, nisi demonstrationes e secretiori Mathesi deprecæ adhibeantur, quæ nec publici sunt saporis, neq; hoc loco afferri debent, rem omnem quā poterimus dilucide Physicis rationibus, & experimentis firmatam exponemus.


Ac primum quidem certum videtur, & exploratum Irim in nube rorida, aut globulis aqueis e nube delabentibus formari. Vnde si forte sub exortū solis virentia prati gramina rore aspersa, conspicias, singuli roris globuli ex certo situ, & loco spectati omnes iridis colores exhibebunt. Est quidam in Provincia locus, Sillantium vocāt, ubi fluvio luse præcella
rups

rupe magno impetu præcipitatus, & vapore rorido, tanquam minutissimo pulvere circūfusus, irim fere perennem teste Gassendo exhibet. Sic ubi aquam sole averso ore spargimus, hæc irim plerumq; exprimit.

2. Hinc sequitur ex varia luminis reflexione, & refractione varios iridis colore emergere. Quo autem modo id fiat, ingeniose explicat Cartesius. Sed tum varietatem colorum à globulis secundi elementi circa suum centrū gyrauantibus repetit, rem satis obscuram majore obscuritate involvit. Globuli enim, ut ei videtur à corpore lucido recta impulsu luminis sensum efficiunt. Sed ubi circa suum centrum velocius torquentur, aut tardius, varios colores imprimunt: album vel flavum colorem inducunt, cum illa rotatio fere æqualis est recto globulorum impulsui; ubi circumvolutio globulorum est quam rectus eorum impulsus, tum color ruber emergit: contra evenit in cæruleo, & nigro. Sed illud vix crediderim radios luminis, aut potius globulos secundi elementi circa suum centrum tanta pernecitate moveri posse, ut rectam luminis emissionem, quæ in momento perficitur, longe superent. Quare iis missis quæ rota in conjecturis sunt posita, ad certiora veniamus.

3. Quædam ut experientiæ principia statuit D. Mariotte in tractatu quem nōdum emisit in publicum, quæq; magnam iis quæ dicturi sumus, lucem afferent. Supponit itaq; lucis radium eumq; solidum qualis per foramen cubiculi clauli subire intelligitur, ex medio rariori in densius, ut ex aere in aquam oblique incidentem sic frangi, & inflecti, ut pars illius interior fiat concava, exterior convexa: cum versus perpendiculum frangatur. Ut in figura apposita cernere est radium solidum AC, BD,

ex aere in vas aqua plenū IL incidentem. Vas



autem in obscuro cubiculo positum per tenue foramen lucem excipiat. Itaq; radius fractus erit BD, EG. Quod si corpus album in fundo vasis EL apponatur, tum id liquebit experientia, radium fractum cōcava sui parte in colores debiliores abire: adeo ut purpureus sit in E: cæruleus in N appareat: ut in convexa sui parte prope G ruber, tum in H flavus videatur: atq; hæc est constans naturæ lex.


In Trigono, seu prisma vitreo ILM radius solidus AF, BC, ad perpendicularum incidens in superficiem IL irrefractus quidem eā pervadet: sed cum oblique in latus IM inci-



dat, frangetur, & in colores varios sic abibit, ut purpureus, seu violaceus sit extremus in parte cava & interiore E, cui succedet cæruleus, tum flavus, tandem extremus erit color ruber in D: qui colores.

lores in charta excepti apparebunt. Quamvis hoc principium experientia tantummodo notum sit, non minus tamen admitti debet quam illud, lumen ex densiori medio in rarius incidens frangi ad perpendicularum. Quare sola luminis incurvatio efficit ut in varios abeat colores.

4. Si radius luminis ex aere in aquam incurrens incurvetur ob refractionem, & coloribus




tingatur, ut radius E D F H solidus, fractus in FH incurvatur, & in colores varios degenerat in M I. cum e scypho aqua pleno A B C egreditur in aerem, & iterum frangitur in M I, G L: cumq; in easdem partes incurvetur, eos-

dem, sed vividiores servat colores in G L: adeo ut color ruber sit vegetior in L, quam in I, purpureus, & cæruleus sint itidem fortiores prope G, quam versus M: quod experiri facilissimum est.

5. At si radius bis refringatur, sed eadem inflexionem, seu curvaturam non servet, tum post secundam refractionem nulli emergent colores. Sic radius solidus CE, DF ex aere in vas AB aqua plenum incidens inflectitur, & variis coloribus tingitur in G, & H, sed in ipso exitu ex aqua in aerem sic frangitur in G I, H L


ut quæ pars erat interior, & cava, jam fiat exterior, & convexa: adeo ut pene in rectam lineam restituatur.



neam restituatur. Quare colores quidem in G H apparent, sed nulli amplius cernuntur versus IL. Imo si speculum in GH, aut hydrargy-
rus adhibeatur, qui radios reflectat versus OP: etsi colores appareant in GH, nulli tamen cernentur in OP. Nam qui radii erant exteriores in ingressu nempe EF, FH fiunt interiores post reflexionem, nimirum HN, NP: unde omnis color destruitur: cum eadem radiorum inflexio non maneat.

6. Quocirca ut Iridis colores in guttulis aquæ formetur, necesse est primo, ut radii duplicem quidem refractionem patiantur, tum in ipso ingressu, tum in exitu: sic tamen ut eadem maneat curvatura, aut inflexio. Secundo, illud quoque requiritur ut radii satis vegeti ad oculum perveniant. Quo autem id modo fiat, ingeniose admodum explicat D. des Cartes, & multo dilucidius D. Rohault. Existimant itaque eos luminis radios tingi coloribus in primaria

ria iride, qui duplicem refractionem, cum una reflexione patiuntur: sic tres radii à GEQ, leu




à solis diametro prodeuntes, & primum fracti in HFR, tum reflexi in IKS, iterum refracti in TNL, ad oculum VPM sic perveniunt, ut punctum superius colore rubro tinctum appareat in V, centrum solis E flavo colore in P, & pars infima solis Q cæruleo, aut purpureo colore tingatur in M: sicq; diameter iridis pene æqualis est solis diametro. Quamquã major subinde apparet, forte ob radiorũ diffractionem, ut loquitur P. Grimaldus: quod nimirum radii luminis diffracti instar aquæ salientis spargantur.

7. Quo autem radii luminis sint efficaces, & in colores abeant, necesse est ut densiores ad oculum perveniant, & pene paralleli: quod tũ accidit, cum recta à centro solis O ducta in punctum N, angulum efficit cũ radio ad oculi centrum appellente NP, 41 graduũ & 30 minorum. Tum .n. ex calculo ipso radios esse, & densiores, & minus divergentes demonstra-

tur:

tur: sed hoc ipsum luculenter demonstrat experientia. Quod si enim phialam aqua plenam obscuri cubiculi foramini, per quod radii solares admittuntur, in eo situ objeceris, & apte collocaveris aut oculum, ut angulus sit 42 fere graduum, aut chartam candidam, tum color cæruleus in M, flavus in P, & ruber in V conspicietur.


8. Quod si angulum efficias 52 aut circiter graduum, tum eosdem colores in charta candida contueberis, sed inversos: adeo ut cæruleus summum locum obtineat: sicut fit iris secundaria; cum .s. radii duplicem reflexionē, & refractionem patiuntur, ut radii ab ADG, seu a sole prodeuntes franguntur, primo versus B 3 H, guttæ aut phiale BDB tum reflectuntur primo in C 4 I tum in D, A tandem refringuntur in E 6 L, & ad oculum perveniunt F 7 M: ita ut



punctum F infimum exhibeat punctum A solis supremū, & rubro colore tinctū appareat: cōtra

ullum colorem pertransibit: paululū remota
phiala radii a sole prodeuntes, quiq; propter
inmensam distantia ut paralleli concipiuntur,
quandiu incident in partem quadrantis AC, vi-
ciniorem puncto A, iridis colores nō dabunt:
donec circa puncta GF, hoc est circa quinquage-
simum nonum, aut sexagesimum gradum
incident: ut radii HEKG: tum, n. sic frangun-
tur in F, & G ut ad idem fere punctum L per-
veniant; atq; hinc juxta dioptrices leges refle-
ctantur in MN, & efficiant radios LN, & LM, ra-
diis GL, & FL aequales: qui rursus refracti in
NP, MO fere paralleli ad oculū in IO collo-
catum perveniunt, nec curvaturam mutant:
nam KG interior fit, NP itidem interior, qui
in cæruleum, aut purpureum colorem abit.

Cum itaq; extra hæc puncta FG radii lumi-
nis paralleli AE sic frangantur, ut se se interse-



cent; nec paralleli, & cōferri ad oculum per-

veniant, non satis sunt validi ut sensum afficiant. Sic in ultima figura radii KG, HF ultra sexagesimum gradum incidentes in GF fracti incidunt in LS; hinc reflectuntur in MN; adeo ut qui erat interior KG, GL fiat exterior LN, NP, quiq; incidendo erat exterior, & convexus HF, fiat interior, & concavus MO. Quare juxta naturæ principium superius expositum nulli colores apparebunt. Accedit illud quoq; radios gutta aquæ aut phiala vitrea NP, MO nimium divergentes fieri debiliores, nec ad oculum pervenire posse, in quemcumq; locum incidant HF, KG, nisi circa sexagesimum, aut quinquagesimum nonum gradum à puncto A numerando, versus puncta FG superioris figuræ: adeo ut qui incidunt longius versus R, aut propius versus A, exeuntes nimium divergant: quod circa idem punctum L post primam refractionem non concurrant. Angulus vero VNP, quæ radius à centro solis V, ductus efficit cum radio ad oculum perveniente NP, est fere 41 graduum, ut Cartesius supponit.

10. Ne illud quidem est omittendum, quod in eodem tractatu, ut plurima alia speculatione digna vir laudatus observavit, radios vel in Iride, vel in trigono, seu in prisma vitreo coloribus tingi, qui in dubia luce, aut in penumbra appare videntur. Nam in ultima figura, ne novam delineare cogamur, supponamus rubrū colorem in P, flavum in R, caruleum in Q, purpureū in O apparere: palam est eos tantum radios qui ab extremis solis partibus exeunt, hos colores efficere, eoq; esse debiliores, qui vero radii medias Iridis partes penetrant, cum sint uberiores, puram lucem tantum exhibent. Accedit etiam radios ab extremis solis partibus ad mediam Iridis Zonam pervenire, quorum alii rubrum, alii purpureū colorem indu-

cerent: sed confusi se se invicem quodāmodo destruunt, & nullum gignunt colorem. Illud quoq; manifestum est viridem colorē in flavi, & cærulei cōfinio saepe apparere: quod is color ex flavi, & cærulei permissione oriatur.

Sed cur Iris in arcum, aut in semicirculum fere curvatur? An forte, ut jam alii observarunt, oculus velut in apice coni, seu pyramidis constitutus, quæ in eadem superficie conuerteretur objecta, in eadem quoq; circumferentia intueretur: maxime si ad eorum distantiam non attendat. Est autem oculus in triplicis velut coni apicibus collocatus, & radii visuales eos quos diximus, efficiunt angulos: unde non mirum est si juxta quemq; angulum certo colori conspiciendo aptatum, rubrum v.g. colorem in extimo circulo, purpureum aut cæruleum in circulo intimo cōspiciat: illum penes angulum 41 grad. & 46 min. purpureum penes angulum 41 grad. & 14 min. Cum autem aquæ guttulæ in orbem disponantur circa visionis axem; ipsius Iridis colores itidem in orbē dispositi cernuntur. Sic ubi aquam ore spargimus sole averso, tum Irim artificialem, & nullo modo à naturali diversā efficiamus, cujus colores in nubem oppositam transferimus. Sic .n. res etiā inæquali à nobis intervallo remotas, quasi æqualiter à nobis distarent, & in eadem essent superficie conspiciamus: unde & turrium fastigia, & aves ipsas in sublimiori aëre volātes, uti & colores Iridis ad nubes ipsas referimus: quod ultra certum, & definitū spatium objectorum distācias quasi omnino æquales judicemus. Unde interdū pluvix guttulæ quæ tinctæ coloribus videri debent, ad clivū nontis referuntur, neq; irim tum in nube, sed in loco opposito, & splēdido intuemur. Ac de Iride satis multa.

Nūc reliquas impressiones emphaticas cur-

sim attingemus ; quod Iride explicata nō difficilis sit earum intellectus. Ac primū occurrit fulgor ille qui cingit sidera , halonem Græci, nos Coronam dicimus. Nec multum ab Iride discrepat , nisi quod plerumq; unius coloris existat : sapius circa Lunam spectatur : fit .n. in nube rorida, sed quæ nondū in pluviam solvitur : unde sol tenuem illum vaporem facile sua luce pervadit. Ex duplici fit refractione, nō aliter ac de scypho vitreo diximus ; aut potius ut in lente convexa tubi optici radii luminis bis refracti halonem quemdam exhibent.

Hæc vero Gassendus de halone in suis cōmentariis memoriæ prodidit , raro coronam lunarem ab extremo Maii ad extremum usq; Septembrē à se visam esse ; nec tere alio fante vento quam Cauro, & Cæcia, seu boreæ lateralibus leniter spirantibus ; diameter tum in lunari, tū in solari halone semper fuit 45 graduum. Sexdecim solares observavit , quorum intimus color ruber , medius flavus , ultimus subviridis : qui mane visi sunt , plerumq; subsequenter pluviam habuerunt ; contra qui à meridie sunt observati.

Virgas sol in nubibus instar Iridis variis coloribus tinctas depingit ; colores illi ex duplici refractione guttis roridis , ut in phiala vitrea aut in Iride ipsa delineantur.

Major nos manet de parheliis , cum scilicet plures soles apparent in nubibus , difficultas : siue in densiore , & æquabili nube radii solis refracti ad oculos perveniant ; siue ut videtur Cartesio, sol nubi congelatæ, & politæ imaginem suam imprimat . Nubes quidem congelatur , cum calore soluta repentino frigore corripitur : glaciem vero illam in aëre suspendunt, aut vapores qui continenter è terra erumpunt , aut venti qui in sublimi vehementius

spirant. Sic vis, & impetus venti Dracones illos volantes puerorū ludibria tamdiu in aëre sustinet; aut forte corpora minus gravitant quo longius à terra discedunt.

Verum ut Philosophi in hujus meteori causas possint inquirere, id necessarium videtur, ut varia illius phænomena ante observata paulo diligentius examinent: ut ex iis inter se collatis quæ sint eorum causæ, conjecturis saltem assequantur. Atq; ut omittam parhelia quæ anno 1629 die 9 Martii Romæ visa, à Cartesio sunt delineata, & ea quæ vir Doctiss. P. le Bossu anno 1666 die 9 Aprilis prope Carnutum observavit, quæq; acerrimo vir ingenio & omni eruditione præstans D. Gallois tum in eruditorum Ephemerides retulit die 10 Maii. Ex multis, quæ circa hoc phænomenon adnotavit P. le Bossu, quæq; nobiscum benigne communicavit, paucis attingam.

1. Exeunte Martio, & ineunte Aprili frequentius visuntur; hyeme fere nunquam; æstate interdum conspiciuntur; præsertim si vere ineunte visi fuerint.

2. Vix parhelia cernuntur quin simul corona circa solem, eaq; Iridis coloribus tincta appareat. Sic in parheliis à Cartesio descriptis duplex erat halo, cujus mediū sol occupabat. Quod à P. le Bossu visum est die 9 Aprilis anno 1666. & tertio post die à D. Stephano Ecclesiæ Carnutensis nunc Canonico; utrumq; inquam, cū duplici halone apparuit. Sed exterior halo erat excentricus. Ac fere semper duo spurii soles in exteriori corona hinc inde cernuntur: adeo ut satis sit verisimile eandem pene esse aëris dispositionem in parheliis, quæ in coronis cernitur; & raro halo solaris cernitur, quin ex utraq; parte parhelia saltem inchoata tanquam albæ maculæ conspiciantur.

3. Sæpe accidit ut præter halonē duplicem circulus albus horizonti fere parallelus, quiq; per centrum solis transit, appareat, in eoq; (spurius soles videantur: ut evenit in iis parheliis quorum meminimus. Interdum tamen hic circulus deest. Sic anno 1666 die 14 Junii circa horam septimam matutinam coronam solarē vidit vir pereruditus à nobis laudatus D. Stephanus, solē in medio, & duos soles spurios & diametro sibi oppositos; unus ad Septētrionē, alter ad austrū vergebat. Nullus erat circulus candidus; nubes in contrarias partes ferebantur, sed superiores lentiore motu agebantur; pars summa coronæ 52 gr. supra horizontem eminebat: solis in medio positi altitudo erat fere 32 graduum: alter ex spuriis solibus longam trahebat caudam, quam formavit nubes à borea delata. Hæc ubi discussa fuit, cauda evanuit. Id vero sæpe evenit ut halo paulatim angustior, & parhelia extra halonem videantur, & aliquot horarum spatio perseverent.

4. Interdum parhelia in iis apparent locis, ubi nullæ sunt nubes, ac serenum est cœlum. Sic anno 1671, die 26 Maii hora 5 matutina. Carnuti corona circa solē visa est, in qua duo parhelia 23 fere grad. à sole remota apparuerunt. Sole altius supra horizontem ascendente halo sensim factus est cōtractior, donec parhelia jam aliquot gradibus ab ipsa corona distarent. Unius ex parheliis cauda 15 aut 20 gradus patebat, eaq; sic erat, inflexa, ut partem illius circuli candidi, cuius supra meminimus, quiq; est horizonti parallelus, efficere videretur. Interim in iis locis, in quibus parhelia apparebant, cœlum serenum erat, nisi quod nubes idētidem subeuntes hanc serenitatem interpellabant: cū pars coronæ interior, ut fere semper accidit, obscurior esset. Nec dubium

est quin ii vapores ubi parhelia formantur, nubibus sint sublimiores & sorte tranquiliores. Vnde hæc parhelia nō nisi post horā nonā omnino desierunt, cū nubes cœlum obduxerunt.

5. Fixam, & tenaciorem esse hujus meteorī materiā, hinc etiam possumus conjicere, quod 25 Maii ejusdem anni circa vndecimam a media nocte horam cum 45 min. visa sit duplex paraselene, cum Luna plurimum ad Austrum declinaret, & horizonti propior esset; altera ex iis nempe Orientalis quinquies fere major Lunari globo apparebat; eaq; erat admodum lucida, cum prælonga cāuda: sed sensim imminuta est, dum opposita versus occidentem sensim augetetur, & utraq; tandem æqualis pene magnitudinis apparuit. Ac de meteoris hætenus.

TRACTATUS IV.

De mixtis perfectis seu de fossilibus.

Explicatis imperfectioribus mixtis reliquū est ut de perfectioribus quæ & fossilia, aut mineralia dicuntur, strictim breviterq; agamus. Nam & hoc volumen jam in majorem excevit molem, & in Physica generali imo & ubiq; passim quæ ad naturam, mixtionem, firmitatem & alias affectiones mineralium pertinent, jam magna ex parte exposuimus. Quæ autem ad eorum analysim aut varios usus spectant, Chymicis, & Medicis relinquimus, ca tantummodo quæ intellectu non sunt difficilia, quæq; Philosopho perspecta esse debent, afferre contenti.

Fossilia, quorum naturas, & causas inquiremus, in tria genera brevissime dividi possunt. Primum terras ipsas continet, siue sint cōmunes, siue in pretio habeantur. Secundum est succorū, qui vel pingues sūt & inflammabiles,

ut sulphur, & bitumen: vel macri, ut sales. Tertium deniq; mineralia proprie dicta complectitur: quæ iterum in tria genera diducuntur, in lapides, metalla, & metallica, quæq; vulgo mineralia dicuntur, quod inter metalla & lapides ambigant. Hæc omnia, ut par esset, explicare non possumus. Sed quæ utiliora videbuntur, & scitu digniora, attingemus.

Q V Æ S T I O I.

De Variis terrarum generibus.

Terræ aliæ sunt steriles, aliæ pingues & frugiferæ. Illæ ut plurimum sunt candidæ, leves, aut arenosæ. Est enim arena minutissimorum lapillorum congeries cum permotica terræ portione conjuncta. Hinc arenosa terra humorem non retinet, sed per laxiores poros trahit; & quantumvis copioso imbre diluatur, non lutescit. Constat enim corpusculis angulosis, & pene vitreis. Nam microscopio visa pellucunt. Hinc sterilis est: cum humore exsolvi non possit, nec seminali facultati obsequatur. Vnde arenulæ vim habent absterisiam, & cotes ex iis compactæ ferrum exacuunt. Hinc etiam cæmentum ex calce & arena fit tenacissimum: nam calcem viscidam, & pingue arenæ granula suis angulis retinent. Fluvii pene omnes cum exundant, arena aut sabulo obducunt terras. Nam aqua corporum, quibus affluit, rameta exedit, & secum defert.

Terra pinguis sæpe est subnigra: hunc quippe colorem exhibet humore perfusa: Sed exsiccata ut plurimum albescit: candor enim ut olim Strato Lamplacenus censebat, est nativus terræ color. Vbi aqua diluitur, lutum facit, ac tenacior est quam arenosa: unde humore affu-

fo, & manibus subacta, vel agitata non facile dividitur, aut dissolvitur: sterilis vero & macra cito solvitur: cū illius partes nullo vinciantur glutine. Solū tamen argillosum, densum & tenax plerumq; idem est sterile. Nam plantarum vegetatio, aut nutritio fieri non potest citra partium resolutionem: terra autem illa cū sit tenacior, exsolvi nequit, aut dividi; neq; adeo ullum plantis succum præbet: cum nullos habeat meatus quibus alimentū percoletur: quin potius plantarum fibras suo glutine implicat.

Quoddam tamen est argillæ genus pingue, quod terris inspersum, eas fecundat. Mar. nam galli vocant, olim margam, mutuata à Germanis. voce: quod sit velut quædam terre medulla. Alia est durior & lapidi similis, quæ longiore temporis tractu dissolvitur, eaq; humidioribus terris habetur utilior; alia vero est mollior & terris siccioribus magis convenit. Vtraq; suam fecunditatē salī nitroso aut sulphureo. refert acceptā; sal quippe non acidus, aut vitriolicus, seu nitrosus & pinguis, qualis in calce est plurimus, fertilitatem affert. Ex iis quæ diximus, colligere possumus plerasq; terras cū succis mineralibus permixtas inveniri. Hinc diversæ earum tum colores, tum sapes, diversæ adeo facultates oriūtur. Sic ubi succus atramentosus, aut aluminosus cum terra miscetur, vi adstringente plerumq; aut stiptico sapore se prodit, cū terra succo pingui, aut bituminoso imbuitur, flammam facile concipit.

Hinc pretiosæ terræ diversis succorum generibus plerumq; inficiūtur. Terra samia olim in pretio erat: eam fuisse pinguem, mollem, candidam & glutinosam ex Galeno discimus. Terra lemnia, vel sigillata. præter cæteras est illustris: figura capræ olim signabatur, nunc quædam litteræ turcicæ ipsi imprimuntur. Pin-

guis est, densa, mollis, adstringens. Mitto de Armenia, Melitenſi & aliis dicere, quas aduerſus venena utiles prædicant.

Pictores macris & raris utuntur. Sic varia cretarum genera, rubricam, ochram plerumq; adhibent. Qui ſordibus veſtiũ diluendis operam impendunt, ii terras pinguioreſ, acres, & raras ſeligunt, quales Sardinia & aliæ paſſim regiones præbent. Figuli, ſtatuarii, plattici gypſo, creta, vel argilla pingui, viſcoſa, denſa, molli, non terris aridis & macris utuntur. Cum enim argilla multo ac pingui humore & fibris tenacioribus conſtet, ductilis eſt, ac figuræ ultro excipit. Terræ vero aridæ citius diſſolvuntur: duræ vix ſubigi & manibus tractari poſſunt; raræ igni admotæ liquoreſ vix continent. Sed tamen niſi ars vel natura argillam ſabulo miſcuerit, vix vaſa quæ ignis ardoreſ ferant, effinguntur. Quare arenæ corpuſcula quæ dura, vitrea, & aſpera eſſe diximus, ſuis angulis terram pinguiorẽ vinciunt, & ne ſolvatur, prohibent; meatus occludunt, & cæmenti vices obeunt. De terrarum analyſi quæ in Academia magno ſtudio perfectæ fuit, nihil neceſſe eſt hoc loco plura diſſerere: cum D. du Clos in tractatu de ſalibus quem publici juris facere meditatatur, hoc argumentum uberrime explicet.

Terras feraciorẽs nitroſas exiſtere, ſeu fale volatili, qualis ex urinis, & fimis animalium eruitur, imprægnari diximus. Tametiſi nitrũ illud, ut plurimum non ſit concretum, ſed in humido exſolutum. Interdum nitrũ volatile nonnihil bituminis habet admixtum; tum huius generis terræ ſunt ſubnigræ. Quæ autem ex ſabulo & limo ſunt compoſitæ, liquorem acidum, tum nitroſum præbent: ut quæ ex loco prope Caruſianos, qui Parnafſus vulgo

nuncupatur, est eruta: ubi nulla erat arena, nullus itidem liquor acidus occurrebat.

Major erat inter argillas & bolos varietas. Quædam .n. argillæ vitriolo, alię sulphure, alię bitumine donantur, sæpius & nitrosum & acidum liquorem præbent, eadem fere est inter oëtras diversitas. Sic creta alba multum nitri continet; tripolitana non est expers sulphuris; fabulum parum nitri, sed multum habet aciditatis: nitrum vero ex terris extractum non eum ingratum odorem spirabat quem in plantarum & animalium nitroso sale experimur. Idq; ut alibi diximus, vel ex eo maxime dignoscitur, quod sublimati solutionem turbet, ac præcipitet, & cum spiritu salis effervescat.

Sed nusquam major salis nitrosi tum volatilis, tum fixi copia in terris se prodit, quam in marga ipsa, cum aëri aliquandiu fuit exposta. Ea quippe novo subinde nitro foetatur: ut nitrolæ terræ ex quibus salpetræ eductus est, aëri expostæ novo sale petræ imprægnantur. Idem accidit in aquæ fortis capite mortuo, imo in terris vitriolicis, aluminosis & aliis hujus generis quæ suo sale exhaustæ novum ex aëre salis proventum trahunt. Cumque diu marga humorem retineat, hinc fit ut novo ex aëre nitro facilius imbuatur. Verum hæc forte ad quæstionem proximam magis pertinent.

QVÆSTIO II.

De salibus.

QUæ mineralia, aut fossilia dicuntur, ea satis apte ab Avicenna in quatuor genera dividuntur, in sales, sulphura, lapides, & liquabilia de singulis nonnulla dicemus. Ac primum quidem id salis nomine vulgo intelligitur, quod cum sit durum, in aqua tamen

dissoluitur, quo quidem titulo alumen, & vitriolum inter sales. numerantur: quanquam forte succi potius quidam, quam sales dici debeant: sed de his postea.

Sales omnes vir doctiss. quem mox laudavimus, in hæc genera partitur. Alii sunt inflammabiles, qui in rebus sulphureis & bituminosis dominantur, ac de iis hoc loco non agimus; alii inflammari non possunt; qui vel sunt simplices, & quasi primitivi, vel compositi Illi vel sunt nitrosi, seu acres, vel acetosi, vel neutri: cujusmodi est sal communis: nitrosi dicuntur qui in res sulphureas vim suam exerunt, quiq; aut sunt concreti, & visibiles, aut in humore per minima exsoluti visus aciem fugiunt, sed effectibus se produnt. Rursus qui concreti sunt, & visibiles, aut sunt fixi, aut volatiles:

Sales acetosi in humore diffusi sui copiam non faciunt, nisi cum aliis salibus miscentur: tumq; fiunt compositi. Nitrum veteres dixerunt: salem acrem ex Ægypto & aliis calidioribus locis eductum, quiq; cum acidis liquoribus effervescebat: hoc utiq; instar salis lixivialis tum linteis abstergendis; tum vitro conficiendo utebantur, non acidum & frigidum erat ut salpetra, qui hoc nomine jam designatur.

Nitrosos itaque sales nunc proprie dicimus, qui cum rebus sulphureis majorē habent cognationem, cum acetosis tumultuantur; mercurii sublimati solutionem turbant, eique aut lacteum colorem præbent, cum sunt volatiles, aut fulvum, & subrubrū, cum sunt fixiores. Ac sæpe evenit ut sales illi nitrosi nec sapore, nec fusione se prodant: ut in cancerorum lapidibus, ostreorum conchyliis, coralliis, margaritis, & aliis quæ cum acetosis liquoribus permixta tumultuantur, & effervescent. Sales acetosi in plantis & animalibus vigent quidem, sed dissoluti:

luti: in mineralibus magis se produnt. Sic aquæ vitriolicæ, & ferrugineæ hoc sale penetranti & acido imbuuntur.

Sal communis ex æquabili elementorum mixtione exoritur: unde illius sapor ex acri & acido temperatur. Iam alio loco monuimus ex Viro clariss. salem marinum in aqua exsolutum sic evaporatione concreescere, ut pars nitrosa & acrior primum concreseat, quæ sine tumultu cum sale tartari dissoluto commisceatur: cum sibi non sint infesti; sed pars altera quæ in fundo vasis aqua omni exhalata remanet, quæq; est acidior, cum solutione salis tartari tumultuatur, & eam coagulat; quæq; hic dissolverat, statim præcipitat. Inter sales compositos primo loco Armoniacus & fossilis numeratur. Is n. ex nitro volatili & sale communi componitur: in levioribus quibusdam terris, & in specubus interdum efflorescit. Sal gemmæ seu fossilis ex sale itidem communi & nitro fixo coalescit: hinc solutionem sublimati præcipitat: quod sal communis non præstat, solutionem quoque vitrioli subviridem flavo colore tingit, & crystallos procreat.

Salpetræ, alumen, vitriolum sunt sales ita compositi, ut sal acetosus in iis dominetur. Cum sal acidus, quem aëreum vocat vir clariss. ex quo hæc mutuamur, una cum terra petrosa, ex qua per calcinationem sal itidem lapidificus jam expeditus fuit, commiscetur, tum alumen concreescit; ut vitriolum in terris ferrugineis, aut cupreis. In sale petræ nitrum acido temperatur: hinc cum salibus nitrosis, ut cum sale tartari mixtus, nec effervesceat, nec præcipitationem creat; ut alumen & vitriolum quæ nitro destituuntur, nisi forte cum salis nitri acidus per distillationem exaltatur.

Itaq; id non abhorret à verisimili subtiliorē

& penetrantem aërem in terra nitrofa irretitū, (quod humoris aquosi interventu perficitur,) in falempetræ converti, qui in lapidibus nitro-
sis & humido aëri expositis plerumq; efflores-
cit: ut in cellis vinariis in antris humidioribus,
& domorum ruderibus: in terris quoq; pluri-
mis, & in calcinatis lapidibus, in plantis quoq;
& animalibus sal nitrosus in falempetræ facile
degenerat. Imo sal communis qui ex se falemp-
etræ non procreat, ubi cum calce viva per-
mixtus paulo diutius cum humidiorē terra ma-
ceratur, aërem ad se rapit, & in falempetræ
degenerat. Quin etiam sales nitrosi, ex quibus
salpetræ conficitur, salem communem in gra-
nula cubica concretum præbent, qui à nitro se-
paratur. Salpetræ neq; in crucibulo, *v. un cruci-*
fet, neque ad flammam lampadis, aut ligni, aut
vini spiritus incēditur: nam necesse est ut cum
materia terrestri & densa conjungatur: ut cum
carbōne accenso, eltychlinio candelæ, sulphu-
re communi tartaro, stanno fuso, ferro can-
dente aut mineralibus sulphureis. Major est
fulminatio cum multum salis nitrosi & fixi ad-
miscetur, uti accidit in pulvere fulminante ex
æquis portionibus salis tartari, sulphuris, & sa-
lis petræ. Sic in pulvere pyrio carbō levioris
ligni sulphuri & salipetræ adjicitur.

Ut lapides calcarii, aut gypsei nitro fixo abū-
dant, sic alumen & vitriolum multum habent
salis acetosi, qui cum succo lapidifico & me-
tallico intime adhæreat, sui copiam non facit
nisi calcinatio præcesserit, & in humido aere
exolutio. Vitriolum plus habet metalli, idq; ut
idem talem diximus, ex marcasitis sulphureis
ferrugineis, aut cuprosis aëri humido expositis
elicitur. Sed de his postea: nihil hoc loco de sa-
libus, qui ex acidis & sulphureis temperantur,
adjiciam: longius .n. à proposito nos abduce-

cerent, ac de iis nonnulla in Physica generali diximus: fermentationem videlicet ex nitrosis & acetosis non sine tumultu in se mutuo agentibus prodire, sive ad rei perfectionem tendat, ut in digestionibus, sive ad destructionem, ut in putrefactione: nam post conflictum & effervescentiam quæ sunt homogenea, una coeunt, sal acetosus cum nitroso intus miscetur, & superficialia quæ sunt, seu aquosa sint, aut terrestria facilius separantur. Sales acidi cum nitrosis & volatilibus coeuntes non ægre divelluntur, ut ii cum nitrosis & fixis confociantur. Spiritus salis petreæ arctius cum nitrosis & fixis conjungitur, & novum sale petreæ procreat. Sed forte non omnis sal acidus sale nitrosum sibi eodem modo subicit. Non enim spiritus acidus vitrioli sale tartari in vitriolum convertit. Verum ista longiorem tractationem possulant.

Illud magis ad institutum nostrum pertinet, ut in quibus maxime volatilitas & fixitas, ut aiunt, salium positæ sint, expendamus. Hæ quidem qualitates magis sunt relativæ, quam absolutæ. Quod .n. fortiori ignis gradu in sublime agitur, si debilior calor adhibeatur, fixum futurum est. Itaque volatilitas, ut fusc & ingeniose explicat D. Boyle in peculiari tractatu, ex affectionibus mechanicis oritur .i. quod partes corporum sint exiguæ admodum, majorem adeo habeant pro mole sua superficiem: unde & leviores sunt, & minus impetui caloris resistunt. Qua quidem ratione equitum turma ingentem arenulæ nubem sursum tollit. Secundo, quod minor sit partium corporis specifica gravitas: unde minimi granula ignis vi attolli vix possunt. Tertio, figura partium ad motum idonea plurimum etiam confert ad volatilitatem: hinc ramosa olei partes, quarum alia aliis sunt confertæ, non tam facile sursum ele-

runtur, ac partes aquoſæ licet graviores. Quare cum partes corporis vel inter ſe, vel cum aliis arctius implicatur, vix ſurſum pelluntur, aut ſeparatim moventur. Sic nitrum in crucibulo ſtatim liqueſcit: ſed intenſo caloris gradu opus eſt ut ſpiritus ex eo poſſint exſtillari: quod ſibi mutuo cohæreant. Hinc artiſices cū terra aut bolo nitrum miſcent, ut illius granula à ſe mutuo ſeparata interjectu terræ in pulverem tritæ facilius attollantur, quam ſi mutuo ſibi cohærent. Ac Chymici omnes cum ſalē, nitrum, antimonium ipſum diſtillare volunt, prius hæc in pulverem comminuunt, ut ignis vi citius avolent. Sic limatura chalybis cum ſale Armoniaco ſatis volatili ſurſum attollitur.

Urina recens ſpiritum, ſeu ſalem volatilem non niſi fortiiori ignis vi, & exſtillato prius phlegmate dimittit: ſed ubi in occluſis vaſis ſeptē aut octo hebdomadis eſt digeſta, & partes comminuta, tum ſpiritus ſubtiliores vel leni caloris gradu ſe ſe expediunt: Imo ſi recens urina ex ſale lixivioſo, aut ex calce viva exſtilletur, vel leni calore ſpiritus erumpit; ſive additione ſalis nitroſi & fixi ſpiritus volatiles dividantur; ſive partes quædā fixæ, quibus ſpiritus captivi tenebantur, ſali fixo adhæreant. Sic ubi ſal Armoniacus cum lapide calaminari, aut ſale alcali tritus diſtillatur, ſal marinus qui una cum ſale urinæ & fuliginis cōpoſitionem ſalis Armoniaci ingreditur, ſocietate cum ſale fixo in ſita in fundo ſubſidit, & reliqui ſales fugaciores facti ſtatim attolluntur. Sic etiam ſalpetræ cū oleo vitrioli permiſtus ab eo ſic dividitur, ut leni arenæ calore ſpiritum ſuum præbeat.

Neq, ex aliis cauſis aut ſalium, aut aliorum corporum fixitas oritur, quam ex mechanicis affectionibus, ſed oppoſitis, primo ex partium craſſitie: hinc vapores in ſublimem aërem tolluntur.

Iuntur, quandiu exiguis partibus & divisis constant: sed ubi plures in unam coeunt, & in guttas aquæ concresecunt, statim decidunt. Quare in fixis corporibus plures particulae arctius inter se colligatae non facile ignis calore dividuntur. Secundo, major partium specifica gravitas, ut in metallorum calcibus fixitatem efficit, & obstat quominus sursum effluatur. Tertio, partium figura ita disponitur, ut ramulis, vel hamulis, aut aliis configurationibus mutuo implicentur, aut forte complanatis superficiebus, fere ut duo polita marmora arctius sibi cohaereant, nec separari facile possint. Ac saepe ignis ipse hanc cohaesionem efficit, dum partes corporum sic atterit, ut superficies eorum magis complanatas efficiat: non aliter fere ac vitra dum expoliuntur, typis suis ita adhaerescunt, ut vix ab iis divelli queant. Sic minium, seu calx plumbi, & aliae metallicae calces certo ignis gradu in majora grana & splendentia instar lythargyri aureae coalescunt. Hinc ubi plumbum in vitrum convertitur, partes illius laeves fiunt & politae, & sibi mutuo arctius cohaerent. Non dissimili ratione mercurius vaso occluso igni moderato per sex aut septem hebdomadas expositus, in rubrum abit pulverem, quem praecipitatum per se vocant, multo fixiorem quam erat antea: quod illius particulae huc illuc agitatae tandem sibi mutuo adhaerescant: vix enim pristinam fluiditatem recuperat. Res etiam fit fixior cum partes volatiles & fugitivae avolant, aut meatus corporis solidiore materia opplentur; aut partes inter se magis quam antea devinciuntur. Sic spiritus nitratis volatilis sali fixo affusus, aut cum argento in aqua forti in chrysallos concretus vix avolat. Sic spiritus salis nitrosi eidem sali & fixo admixtus vix ullo igne separatur: adeo stricto

nexu.

nexu partes inter se devinciuntur, ut divelli non possint. Quod vocant antimonii butyrum, vel oleum spiritu nitri in album pulverem, & ita fixū præcipitatur, ut in crucibulo per multas horas calcinari possit: & tamen ambo liquores separatim erant volatiles. Sic flores sulphuris, & sal Armoniacus exquisite tritus simul commisti & ter aut quater ab hydrargyro, cujus pondus sit dimidium illius mixturæ, sublimati, hydrargyrum specie pulveris purpurei in fundo vasis relinquunt adeo fixum, ut vix fundi queat: & tamen hæc omnia sunt volatilia, quæ simul juncta, apta partium configuratione rem adeo fixam procreant. Multa in hanc rem addit Vir clariss. Sed alio pergendum.

Q V Æ S T I O I I I.

De succis oleosis.

INter fossilia non infimum tenent locum. Sulphurei & bituminosi succi, qui omnes ex aqua. sale, & subtili terra prodire. Crassiora quippe plantarum, & bituminosa olea crebris distillationibus in hæc resolvi, jam in Physica generali diximus; ac facile accedo Viro clariss. res omnes inflammabiles ex iis principiis constare, in ea per extremam analysim dissolvi; ut ante aliquot annos in Academia Regia præstitit industrius & in Chymia versatissimus D. Bourdelin. Illud quoque facile concedam vel purissimum vini spiritum ex iis coalescere, & in aquam magna sui parte dissolvi: salem nitrosum & volatilem in eo dominari, uti in oleis omnibus. In sulphure est forte sal acidus, sed ad intimam illius naturam non pertinet, & facile ab eo separatur.

Hoc utique ex artificiali adipis generatione quam doctor Greu in dissertatione de mixtione ut à se factam commemorat, non medio-

crīter confirmatur. Oleum ex olivis expres-
sum cum spiritu nitri per aliquot dies digestū
primum medullæ colorem, tum adipis aut bu-
tyri consistentiam adeptum est, idq; instar adi-
pis igni admotum liquecebat. Sed in ipsa di-
gestionē vase post aliquot dies recluso spiritus
nitri partes sulphureas exhalare sinebat, ut
oleum firmitus esset & compactius. Nec forte
adeps in animalibus ex parte oleosa sanguinis
aliter concrevit: cum nitrosa aëris corpuscu-
la, aut salinæ partes ipsius sanguinis cum ea ac-
curate miscentur. Hinc pleraq; animalia hie-
me pinguescunt: quod tum partes oleosæ san-
guinis magis coagulentur. Cum in aqua parum
sit nitri, hinc fit ut pinguedo piscium sit flui-
dior & magis oleosa; sed terræ & animalium
pinguedo durior est ob nitrosum aërem.

Non dissimili ratione se resinam artificiosè
procreasse testatur, cum oleum vitrioli oleo
anis guttatim affudisset, & accurate miscuis-
set: paulatim .n. in resinam ea mistura ita coal-
uit, ut omnibus gummi resinosi affectionibus
prædita videretur: vix in aqua dissolvi pote-
rat, friabilis erat, & facile inflammabilis.

Atq; hinc colligimus gummi & resinam in
plantis ex partibus oleosis & acidis una com-
mittis prodire. Nec forte succinum, sulphur,
& omnia bitumina aliter in terræ penetrali-
bus formantur: ex petroleo puriori succinum,
vel ambram prodire; ut ex crasso & nigro bi-
tumina omnia concrefcere satis est verisimi-
le, eaque omnia mīstionis gradu potius quam
natura inter se differunt.

Sulphur ex pyrite lapide, aut marcasita, aut
vena metallica educitur, eo quidem modo
quem fusc Georgius Agricola explicat. Sæpius
ex iisdem venis sulphur & vitriolum eruun-
tur; illud ignis incumbentis vi per descensum

existit-

existitatur; vitriolum crebris lotionibus, ut sales reliqui, & evaporatione concrefcit. Interdum sulphur integrum & purum e mineris effoditur, præsertim prope montes ignivomos; aliquando lapidibus adhærescit; interim ex aqua sulphurea, aut e glebis educitur.

Iam magna est bituminū varietas. Nam alia sunt liquida, & oleo simillima quæ aquis innant; alia duriora, quæ è terræ faucibus eruuntur, quæq; diverfis signantur nominibus. Bitumen candidū & subtile naphtha dicitur; nigrū, foetens & amarum bituminis nomen retinet. In Palestina pene est purpureum, idq; asphaltum vocant, quo mare mortuum seu lacus Asphaltides abundat. Sic pissphaltum dicitur: quod ex pice & asphalto compositū appareat: non quod sit mistura ex pice & bitumine: sed quia communem utrique odorem exhalat.

Cum instar olei bitumen liquidum est, petroleum vocitatur; cum instar limi crassum existit, maltham nominant. Bitumen durum & politum gagates dicitur. Sic carbo fossilis est quoddam bituminis genus.

Neque alia est, ut diximus, succini natura aut origo: est enim succus bituminosus & fossilis, non succus arboris aut gummi, ut pleriq; opinantur. Nam ingentes electri, seu succini massæ ex arborum succis conflare non possunt. Deinde quomodo hoc resinæ genus in mare ex arboribus defluat, vix explicari potest. Est itaque succinum in mineralium censu reponendum. E fundo maris Prussiam alluentis ebullit; idq; sale, ut mihi videtur, & agitatione maris, ac forte etiam frigore concrefcit, & aquæ innatat.

Sed, *inquiunt*, electrum sæpe muscas, formicas, & alia animalcula visciditate sua implicata exhibet. Quam rationem Tacitus de moribus

bus Germanorum affert. *Succum*, inquit, *arborum esse intelligas, quia terrena quadam, atq; etiam volucris animalia plerumq; interlucēt, qua implicata, humore mox durefcente, matcria cluduntur.* Accedit etiam permagna succini cum resinis, & gummi affinitas. *Si naturam*, inquit Tacitus, *succini admoto igne tentes, in modum tada accenditur, alitq; flammam pinguem, mox ut in picem resinam eē lenteſcit.* Plinius quoque refert ex Indiis advectum electrum fuiſſe cum cortice.

Reſp. Arbores illas quę succinum pro lacrymis fundunt, a nemine viſas fuiſſe, uti nec ſylvas ad litora maris Boruſcotum, in quo succinum exſpicari ſolent, conſitas: ac ſuccus ille citius concreſceret, quam in mare delabi poſſet. Nec quid obſtat quominus muſcas, aut alia animalcula, imo & cortices arborum ſuccino adhuc liquido involuta, ac velut ſepulta fuiſſe fateamur: præſertim cum piſciculi, & piſcium ova inſerta atque implicata ſuccino aliquando viſa fuiſſe nonnulli teſtentur.

Neq; id negaverim magnam eſſe inter ſuccinum, & resinas arborum ſimilitudinem; cum ex iſſdem fere principiis coaluerint, ex oleo nimirum & ſale tum nitroſo, tum acido. Vnde iſſdem pene uſibus in medicina adhiberi poſſunt, & maxime diſtillationi aut tuſſi tenui & ſalfæ. Nam ſal acidus qui in ſulphure, ſuccino, & refina ineſt, uberioſorem ſalem qui in diſtillatione ſeu Rheumate exuberat, ompino infrangit, & oleoſa ſui parte eum diluit, ac temperat: ſicque materiam tenuiorem efficit craſſiorem. Cum autem tuſſis, aut Rheuma non ex tenui & ſalſo, ſed ex viſcoſo humore proficiſcitur, ubi acidum coagulationis principium dominatur, tum nec refina, nec ſulphurea aut bituminofa proſunt, ſed magis obefſe ſolent: nam

aciditatem & viscositatem sanguinis non minuunt, sed augent magis, ut prudenter observat Doctor Anglus mox laudatus.

Iam nihil necesse est varia electri genera distinguere: adeo ut aliud sit minetale, & quasi flos bituminis, aliud vegetabile & resinolum; tertium ex utroq; temperatum. Hanc enim ad arbitrium figit distinctionem Libavius: cum nullum sit nisi idem minerale, cuius ut bituminis diversæ species numerantur. Primas quidem candido deferunt: est .n. purissima bituminis portio, & odoris gratissimi. Illud excipit flavum, seu falernum, quod veteribus magno in pretio fuit: sequitur succinum variis distinctum coloribus. Est denique quoddam opacum, & squalidum, nec colore, nec odore suave, quod nullo fere habetur loco.

Q V Æ S T I O IV.

De lapidibus & gemmis.

Lapidem vulgo definiunt corpus mixtum, & durum, quod neq; est ductile, neque in aqua exsolvitur, nec per se est liquabile. Ex sicco halitu lapides concrefcere, ut metalla ex aquoso vapore decernit Aristoteles: alii ex terra & aqua eos cōpingi; alii ex succo lapidifico per terræ meatus varie percolato lapides formari autumant. Materia quidem lapidum non est halitus siccus & ignescens, ut videtur Aristoteli. Vix .n. potest huiusmodi halitus citra humorem in corpus durum commeari; nec tamen sola est terra, cuius partes si omni humore destituantur, in pulverem fatiscunt; nec sola est aqua, cum lapides vix aut nunquam calore liquantur; nec demum terra est aqua leviter diluta, ex qua nihil nisi lutum emergit. Sed forte,

ut videtur Avicēnæ, humor est viscosus & terrestris: ita ut continuitatem humor, terra largiatur soliditatem. Siccitas terræ humiditatem aque sistit, ne diffluat; humor minutissimas terræ partes cōmiscet, & necit. Hinc lutum induratum ad lapidis soliditatem accedit. Quod si humor viscosus & tenax non esset, is caloris vi cito avolaret. Hinc quæ per lapides vagantur venæ, nihil sunt præter terram exsiccata, quæ facile in pulverem comminuitur, quod ex ea omnis humor sit exhaustus. Itaq; lapides ex tenaci luto, vel succo lapidifico prodeunt: lutum est, ubi terra copiosior; succus, ubi aqua dominatur. Nec forte succus lapidificus aliud est nisi aqua faxeis ramentis prægnans: sive hic corporum subeat meatus: unde & plantas, & animalia interdum obducit, & incrustat; seu calore sensim concoctus, ubi moveri desinit, statim cogatur in lapidē; seu forte hic quoq; principia Chymica & mechanica sint accersenda.

Nam sal aut nitrosus ut in calce, aut acidus ut in marcasitis, aut forte utriusq; temperatio in plerisq; coagulationē efficit. Materia quippe omni sale exhausta lapidescet nunquam. Hinc sal metallicas solutiones cogit, & cuncta indurat corpora; ovorum testæ, marina conchyliæ, corallia ex sale nitroso suam repetunt duritiē. Sic nitrum & quædam lixivie lapidescunt. Vcū ex multis proferam experimentū. Cum D. du Clos salem tartari multo aceti sæpius affusi & distillati sale imprægnasset; atq; experiri vel let an ex eo sale temperato liquor spirituosus exstillari posset, cum sabulo Stampensi miscuit, & igne reverberii per parum phlegmatis extraxit; massam pene fusam e vase extractā, cui decem aquæ ferventis libras affudit, & agitatā per chartam bibulam filtravit: hanc omnis ærimonie expertem, & postero die coagulatā

invenit, cumque ignis vi aquam elicere tentaret, massa in lapidem conversa est.

Nec dubito quin eadem coagulationis causa ad principia Mechanica cōmode refertī possit, ut ex iis quæ in Physicā generali de firmitate dicta sunt, facile colligitur. Quibus si addideris quæ D. Grev in dissertatione corā Societate Regia Anglicana pronuntiata de mixtione ingeniose admodum differit, forte huic rei difficillimæ lux aliqua accedet. Mixtionem omnem partium contactu contineri palam est: tres autem sunt contactus illius gradus: vel .n. partes se se n. utuo quasi in punctis tangunt, ut fluida quæq; omnia: hinc magna eorum mobilitas; vel secundū planiores superficies se tangunt, ut sales pene omnes; vel aliæ aliis intrusæ & quasi concentratæ aëctiori vinculo inter se devinciuntur: cum .s. pars una aliam subit, & quasi penetrat, dum illius cavitatem subit.

Causæ autem hujus concretiones præcipuæ sunt: prima, partiū apta configuratio, & coaptatio: sic quadratum cum quadrato facile conjungitur, ut in sale communi; convexum item cavo apte inferitur. Secunda, pondus ipsum in fluidis quorū partes satis inter se conveniunt, est mixtionis instrumētum. Tertia, compressio aut circumfusi aëris, aut ætheris ipsius. Quarta est dissolutio partium: cum .n. corpora sunt fluida, & partes habent aut separatas, aut divisioni proximas, tum alterius corporis partes facilius admittunt: præsertim cū jam in motu posite sint, & mixtura omnis motionē perficiatur. Vnde omnis pene generatio ex fluidis proficiscitur, ne gemmis quidem, & lapidibus exceptis. Sic res lapidescunt, cum partes lapidificæ in aqua minutim exsolvuntur. Quinta est digestio, qua partes corporum comminutæ facilius consociantur, & in motu posite ad mixtio-

nem

nem sunt magis dispositæ. Sexta est agitatio. Sic chyli & sanguinis in animalibus agitatio & circulatio perfectam efficit missionem. Sic butyrum ex lacte sola agitatione partium con-
crescit.

His in universû de materia & causa effectri-
cæ lapidû explicatis, nunc ad gēmas veniamus,
de quarum natura & origine multi multa scri-
psere: sed præter ceteros D. Boyle hoc argumē-
tum diligenter, & doctè tractasse mihi videtur.

Ac primum quidē id videtur vero proximū,
gemmas omnes ex fluida materia originem
suam ducere: quod saltem de iis quæ sunt pel-
lucidæ, fatendum est. Nam quæ nunquam flui-
da extiterunt, vix eam habere possunt partium
dispositionem quæ perspicuitatem efficit. Sic
vitrum ex liquida fit materia, metalla ipsa, ut
argentū & plumbum in aquis fortibus, aut ace-
tosus exsoluta in crystallos abeunt pellucas.

2. Illud ipsum confirmat Geometrica & de-
terminata ut salium, sic gemmarum figura: vix
enim corpus certam & regularem figuram
adipiscitur nisi fluido quodam circumfusus;
ut in nitro, sale communi & aliis salium ge-
neribus experimur.

3. Sic aliquando filices lapillos pellucidos
ex succo puriori & percolato coalescentes in-
tus concludunt, interdum aliis succrescunt,
aut plures velut ex eadem matrice assurgunt:
ut in iis fossilibus quæ fluores vocitantur. Nec
fere aliter gemmæ formantur, ac sales ipsi ex
variis lamellis: adeo ut vel in adamante inter-
dum illæ commissuræ & fibræ conspiciantur,
& transversim juxta eas velut fibras à peritis
artificibus fodi possint: nec dubium est quin
hæ tenuissimæ lamellæ ex succo paulatim con-
crescente, fere ut in talco, aut in crystallo vi-
trioli accidit, prodierint.

4. Color gemmarum omnino est adventitius vel à minerali quodam colorato, vel ab exhalatione tingente. Quare gemmam adhuc liquidam pigmentum illud aut color extraneus penetrat: sic gemmæ pene omnes ignis vi suis coloribus plerumque exuuntur.

Hinc gemmæ coloribus splendidæ non longe à metallorum, aut aliorum mineralium fodinis eruuntur: ac fluores, seu gemmæ molliores, quæ in locis frigidioribus, ut in Germania & Anglia sunt frequentiores, succis mineralibus tinguntur: ac nisi eorum mollities obstarret, pro rubinis, aut smaragdis facile haberentur. Quin sæpe rubini, sapphiri & aliæ gemmæ vel coloris omnis sunt expertes, vel alienis imbuuntur coloribus. Sic veri adamantes interdum flavescent: adeo ut pro topasiis haberi possint; alii subviridi aut cæruleo colore inficiuntur. Sic gemmæ aliquando visuntur partim tinctæ, partim tincturæ expertes: quod non satis fuerit pigmenti ut totum lapidem, dum adhuc mollis esset & fluida materia imbueret. Quod utiq; de smaragdis confirmat Iosephus Acosta, quos in lapidibus crystallinorum more crescere testatur. Vidi, inquit, quosdam qui media sui parte albi essent, & media virides, alios totos albos, nonnullos virides.

5. Simili ratione crystallorum frustra interdum guttam aquæ pellucidæ intus continent. Sic in durissimis Indiæ lapidibus gemmæ aliquando delitescent. Cumq; gemmæ cum metallicis succis exquisitæ, & per minima, ut aiunt, misceantur, ut postea dicemus, illud omnino est probabile mixtionem illam fieri cum corpora adhuc fluida sunt: nam substantiæ duræ exquisitæ adeo misceri non possunt.

Hinc adamantes qui in rupe aut vicinis locis eruuntur, puri sunt & macularum expertes,

non

non item qui e terra effodiuntur, nisi ea sit nitida & arenosa : nam si rubra sit, aut nigra, eo quoque colore adamantes inficiuntur.

Sed *inquiunt* Chymici, tam regulares crystallorum, & gemmarum figura aliunde oriri non possunt quam a vi lapidū formatrice, quæ materiem nacta commodam similes ubiq; lapides effingit. Quid .n. iidem figuris gemmas ubiq; circumscribit, nisi constans, vegetus, & ubique regnans spiritus, rationibus seminariis prægnans, ac supremi artificis organum. Neque .n. figuram suam a loco, tanquam a vase mutuatur : cum plures ex una succrescant radice ; vel in eadem matrice, ut grana in spica contineantur : crescunt .n. in suis fodinis gemmæ, & aliæ aliis decedentibus succedunt.

Huic objectioni quam paulo fufius dilata-
vimus, respondet primo Author quem potissimum hoc in loco sequimur : etiam si forte de-
mus in gemmis vim plasticam & seminalem inesse, hanc non minus in principiis liquidis, quam in duris & firmis posse delitescere . Secundo nihil necesse esse principium architectonicum fingere, quod vitriolum, alumen, salem, gemmas certis figuris terminet : cum minimæ cujusq; corporis particulæ eam forte figuram nactæ sint : cui serviunt etiam fluidi in quo natant motus, calor, circumjecta corpora ; adde ipsius matricis, seu moduli figuram, cui gemmæ primordia, dum adhuc liquida essent, accommodata, & quasi impressa adhæserunt.

Accedit etiam multos hujus generis lapides qui gemmas imo & adamantes referunt, alios aliis accrescere, quiq; adnascuntur, cavitatem in eo cui succrescunt, quasi sui vestigium relinquere. Atq; idē fere iis accidit quod cernimus in forti solutione nitri aut aluminis, cui si virgas ligneas immiseris, statim huic concretio-

nes coagulatae, & chrySTALLIS similes adhærescunt. Sic D. Boyle se vidisse testatur lapidem crystallo similem & exquisite figuratum, qui circa filum metallicum & ramosum, quod purum fuisse argentum existimabat, concreverat.

Hinc etiam liquet gemmas coloratas cum metallicis & mineralibus succis esse conjunctas, quod sint pellucidis graviore. Itaque crystallos rupea licet ea sit adeo dura ut vitrum secet, & ignem excutiat, tamen ita est pura & pellucida, ut extraneæ mixturæ expers videatur; eaque cum aqua collata est fere triplo gravior: nam in aëre primum, tum in aqua appensa juxta principia hydrostatices alibi explicata se habet ad aquam ipsam ejusdem molis ut 2 cum duabus tertiis ad 1, adeo ut vel hinc liquere possit crystallos non esse glaciem intenso frigore concretam: cum glacies sit aqua levior, & crystallos in Zona torrida, ut in insula Madagascar frequentes occurrant.

Iam lapides magis colorati, ut granati Americani, quadruplo aqua graviore reperti sunt: & satis est probabile pigmentum aliquod minerale hoc ponderis augmentum efficere. Huc adde ex plerisque lapidibus & gemmis metalla aut alia corpora mineralia erui. Sic cum granatos in tenuem pulverem comminutos aqua regali idem Vir nobilissimus solvisset, & parte menstrui exhalata plures crystallos coirent: quod residuum erat solutionis non concretæ gallarum infusionem atro colore tingebat: adeo ut aliquid ferri iis lapidibus admixtum esse non abhorreat à verisimili. His vero dissolvendis maxime idoneum esse spiritum æruginis per se & sine additione semel atque iterum distillatum docet. In hoc utique cum dissolvisset stirias ex aqua lapidescente concretas, parte menstrui exhalata crystallos pellucidos & instar purioris

nitri formatae coierunt. Cumq; huic solutioni lapideę aliam cupri solutionem per spiritũ itidem æruginis factam & impense coloratã affudisset, nulla facta est præcipitatio, sed parte dissolventis exhalata crySTALLI alię coloris expertes, alię colore subcæreuleo tinctę apparuerunt. Quod utiq; naturã & originem gemmarũ illustrare potest. Quin & illę stiriaę quę antea specie aquarũ erant fluidę & purę, jam odoris non sunt expertes, & in calcẽ vivã rediguntur.

Quare si quę sint in gemmis vires medicatę, non aliunde oriuntur, quam ex iis succis mineralibus, qui cum materia lapidum adhuc fluida committi simul indurantur: cum interdum ii succi separari possint, ut in granatis; & gravitatem gemmarum specificam augeant, & variis subinde tincturis eas inficiant. Neq; hoc loco inquirendum puto an gemmis insint et vires. Fateor equidem pleraq; esse fabulis proxima, quę de gemmarum viribus narrant: ac si quas habeant, quod pertinaciter nõ abnuerim, cum viri & gravissimi & doctissimi id testentur, non stellis fixis cum Chaldæis, non rationibus seminariis, aut formis specificis, aut spiritui universi, sed succo percolato & minerali fumo ut originem, sic vires gemmarum acceptas referam. Quid.n. si e magnete durissimo tam penetrantes effluxus jugiter emanant; si adamantes & gemmę vi electrica donentur, an dubitare possumus quin tenuēs & subtiles halitus e gēmis profluant? Quis ignorat quos effectus procreent perpetuę pilulę ex regulo, ut vocant, antimonii paratę, idq; citra sensibilem ponderis imminutionem. Inter alia quę in hanc rem affert D Boyle, ut probet gemmas si minus alterari in ventriculo, certe vires suas exerere, illud refert memorandum, penes se fuisse adamantem qui in aqua calida positus in

tenebris luceret; atq; ope languidi menstrui, & e vegetalibus extracti, tincturas e duris corporibus, & ex nonnullis gemmis se elicere. Iam quanta est in terra fossilium, quæ nobis sunt incognita, varietas; eaq; possunt cum succis lapidescentibus concreescere, ac facilius cum solutis ut vocât principiis coeunt, & majores sunt eorû vires, quâ quæ in mineralibus, aut vi ignis jam fusis, aut in aquis stygiis dissolutis & varie vexatis occurrunt. Nondû n. his velut industriæ humanæ tormentis partes volatiles & spiritus exhalant: sed in statu fluiditatis perseverant.

Ac de lapidibus & gémis hæc in universum sufficiant; non possumus enim hoc loco ad eorum species descendere. Sunt quidam lapides nigro, vel croceo colore tincti, qui multum de natura ferri referunt: ut magnes, hæmatites sic dictus, vel quod etrumpentem sanguinem inhibeat, vel quod sanguineum succum reddat ad cotem: hinc solutio hæmatitis gallarum infusione in atrum colorem degenerat: hujus varietates sunt species: ut lapis scissilis, sic dictus quod facile scindatur. Illo utuntur aurifices ubi argentum inaurant, vel folia quæ gemmis solent subjicere, expoliant: hujus generis est Smyris, quo nihil fere est durius: hinc gemmis poliendis magni est usus. Hi lapides in ferri fodinis, aut terris subrubris inveniuntur. Vnde exsiccant, adstringunt, & consolidant. Hinc etiam tanta eorum gravitas specifica oritur. Cum autem teste Boylio marmoris albi gravitas ad aquæ gravitatem sit fere ut 2 cum semisse ad 1, magnes ut plurimû est quadruplo aqua gravius: hæmatites quintuplo; lapis calaminaris quo utuntur in convertendo cupro in æs, seu in aurichalcum, est fere instar magnetis, uti tuta instar hæmatitis ponderat: gagates, qui fossilis est, ejusdê fere est ponderis cum aqua,

Mitto de aliis lapidibus dicere, ut de talco, qui ex lamellis flexilibus & argenteis, ut lapis specularis constat, nisi quod hic instar vitri pellucet. Ex alumine plumoso aut scissili fiunt ellychnia perpetua, ut ex amiantho, quem idcirco veteres asbestum dixere. Refert Plinius à se visas esse *mappas ex eo in focus confectiorum ardentes, sordibus exustis magis splendescere igni, quam possent aquis; Regum funebres inde tunicas, quibus combusta cadavera à reliquo cinere separentur, rarum inventu, difficile textu propter brevitatem*. Nuper Doct. & curiosus vir D. Boconi Siculus Academiæ ex Italia misit oblongum hujusmodi funiculum ex Amiantho contextum, qui oleo imbutus ardet, sed non consumitur, isq; à D. Marchand inter alia rariora in horto Regio asservatur. Plures sunt lapides certis figuris addicti, quiq; magna ex parte ex vegetalium aut animalium partibus in lapides conversis prodierunt.

Hujus generis sunt lapides illi candidi, quos ex Sicilia & Melitenfi Insula advehunt, quosq; linguas serpentum vocant: cum ii nihil sint, ut demonstravit D. Steno, præter dentes carchariæ, seu canis marini crusta lapidea obductos. Hujus occasione eleganter tractatum conscripsit de solido in solido; ubi iidem fere principiis utitur, quibus D. Boyle: licet eodem fere tempore scripserint. Vterq; in ea est sententia gemmas maxima saltem ex parte liquidam materiem aut mollem extitisse, lapides medicos olim terram fuisse mineralibus foetam. Hinc substantiæ vegetabiles & animales solidis lapidibus inclusæ reperiuntur, quæ cum in terra molli inessent, spiritu aut succo lapidifico induruerunt. Hujus generis varios lapides refert & describit Anselmus Boëtius. Sic Adamantes rupibus, aut aliis lapidibus inclusi inveniuntur,

quod gemma in terra molli & permeabili formata fuerit. Sed ea terra, aut limus succo lapidifico in durum abiit lapidem. Inter alia plurima D. Boyle silicem afferat, qui serpente exquisitè formarum & convolutum, sed sine capite continet, atque hic serpens ex alio genere lapidis & simpidiore constat: adeo ut prius fuerit in lapidem conversus quam illius modulus. Sed de lapidibus & gemmis satis multa pro instituto.

QVÆSTIO VLTIMA.

De Metallis.

Metalla dicimus dura corpora, liquabilia, & ductilia: nam ignis vi funduntur, & malleo in incude confusa in longum & latum producuntur: cum lapides non sint fusiles, tametsi in vitra interdum abeant, ac fragiles sint, non ductiles. Quæ autem dicuntur mineralia, ut antimonium, arsenicum & alia hujus generis plurima, fundi interdum possunt, sed ea non sunt ductilia.

Quæ sit metallorum origo, & ex quibus ea consent principijs, magna est inter Peripateticos & Chymicos contentio. Quanquã forte in rebus conveniunt, verbis discrepant Aristoteles ex vapore & exhalatione; Scaliger & Agricola ex terra & aqua exquisitè permistis; Chymici ex sulphure & mercurio metalla cõpingunt; nonnulli salem, aut vitriolum, aut arsenicum his adjiciunt: in omnibus ratio consentit, oratio pugnat. Nam Philosophi remotam, Chymici proximam adferunt materiam. Illi primam inquirunt metallorum originem: cū ex vapore halituolo mixta quæq; prodant, & in eum resolvantur, non absurde forsitan hic fumus primum fossiliū rudimētum & materia constituitur. Adde metalla in venis plerūq; filatim, aut pectinatim concreſcere: quod omnibus

ribus mixtis quæ ex densato halitu gignuntur, commune est : nec facile intellectu assequimur, quomodo lucci crassiores exquisite permisceri queant, nisi iidem in vapores extenuentur. Vnde Albertus qui Chymicorum sententiæ favet, aurum in lapidibus duobus modis inveniri docet. Aliquando per totum lapidem diffunditur, quem flavo colore tingit; interim venas duntaxat auro prægnâtes conspiciamus. Cujus discriminis eam asserit causam, quod fumus ex quo aurum & reliqua metalla prodire, per lapidis meatus discurrens sensim congeletur. Cum igitur lapis est porosus, tum fumus mineralis illius substantiam penetrat, & cum eo confunditur. Sed ubi solidior est & compactior, tum halitus venarum ductus sibi aperit, nec totum lapidis corpus permeat; sæpe etiam auri ramenta fluvii devehunt, quæ in filamenta tenuissima diducuntur: quod forte exhalatio quæ e terræ penetralibus erumpit, aquæ frigore percussa congeletur.

Qui metalla ex aquæ & terræ exquisita mixture prodire volunt, ii communẽ sossilium, non propriam metallorum materiẽ afferunt: & eandem arenæ, chrystallo, imo & gemmis omnibus tribuunt originem. Addit Celsalpinus nullum humorem aqueum præ frigore effici ductilem, & pressilem. Nec mihi Chymicorum sententia displicet, qui metalla ex terra vitriolica, sulphure & mercurio componunt. Nam quædam metalla in vitriolum resolvuntur; atq; in plerisq; metallorum mineris, venis, & marcaffitis foecundis atramentum, seu vitriolum una cum sulphure reperitur. Addunt nonnulli vitriolum ex metallis ut ex ferro & cupro extractum in sua principia dissolutum, terram, silem, aquam mineralem, & pinguedinem sulphuream dare. Magna quoque est inter sul-

phur & atramentum cognatio; ex utroq; spiritus acidus & penetrans educitur; utrumque figi potest, & firmitatem idoneam adipisci. Neque alia excludimus mineralia. Nam arsenicum in plumbo inest, ac nitrum forsitan, quod in rebus pene omnibus invenitur, à metallis non omnino abest.

Omnes pene Chymici metalla ex sulphure, mercurio, & sale componunt: sed tamen de his principiis inconstantissime loquuntur. Pleriq; commune sulphur, vulgare in hydrargyrum, & sale in aqua exsolubilem his vocibus designant. Negant alii ex sulphure & argento vivo metalla coalescere, vel in illa resolvi posse: sed mercurii nomine humidum quoddam unctuosum crebris sublimationibus, & variis coactionibus expurgatum, ut sulphur velut calidum innatum & metalli formam intelligi volunt. Placet illis metalla, & lapides ex suis seminibus oriri, vi quadam plastica, non errante, & vaga, sed stabili, ubiq; gentium eodem plane modo operante, instar plantarum interdum crescere; in truncos & ramos diffundi & sursum erigi. Nam vis formatrix quæ inest sulphuri, materiam paulatim immutat, maturat, eamq; ad debitam perfectionem perducit. Hoc quidem sulphur, ut cordatiores Chymici statuunt, non à coelo aut sideribus; non ex igne centrali proficiscitur, ut voluit Paracelsus, sed ejusdem forsitan est nature cum vulgari sulphure, nisi quod longa digestionem infixum purum, & incobustibile evaserit. Metallorum anima vocitatur, quod iis specie largitur & formam, atq; si iis credimus, custos est virtutis seminalis ab Authore naturæ insitæ.

Verum utcumque res ea sit, id quod jeceram, iterum rehero, Chymicos inter & Peripateticos de natura & generatione metallorum convenire posse. Vtrique ex duplici po-

tissimum materia, quarum altera humida est, ficcior altera, metalla quæque componunt. Illam Chymici mercurium vel aquam vilcosam, hanc sulphur, animam, vel tincturam metalli vocitent, nobis perinde est.

Quin etiã illud dare Cartesio possumus, interiorē telluris partē, & quasi nucleum solidiorem esse & cōpactam: adeo ut metalla in intima terræ regione recondantur: ac quædam duntaxat illorum particulæ & quasi venulæ in superiorem, & molliorem terræ partē excurrant, quas forte succi acres & corrosivi exsolverunt, easq; partibus oleoginosis involutas calor subterraneus in extimas terrę partes evehit.

Succi enim acriores ex duplici partium genere constant; ex subtilioribus, quæ facile avolant, & crassioribus, quæ subtilioribus exhalatis in duriora corpora concresecunt: cujus generis sunt vitriolum, alumen, sal, gemmæ. Liqueores vero pingues & unctuosi in terræ interioris poris non in rectum aptatis, sed instar ramorum diffusis formantur: hinc olea mineralia prodeunt. Succi illius oleosi partes cum majora inter se interstitia relinquant, facilius, si Cartesianis credimus, subtilem materiam admittunt, in jugi adeo motu versantur; ac leviora plerumque esse ea corpora necesse est; nec fere sunt perspicua: quod poros recta dispositos non habeant; nec facile è corporum poris quos subiere, avolant: nisi forte cum extremi velut ramuli dividuntur, qui non ita facile se mutuis velut hamulis impediunt: tum enim liquor fluidus, & subtilis prodit. Sed ubi partes unctuosi illius liquoris crassiores sunt, quam ut à se invicem separari possint, ita sibi mutuo interdum implicantur, ut omni partiū motu sublato in durum corpus coalescant; idque maxime si ejus liquoris poris extranea la-

lium volatiliū corpuscula adhærescant: tum enim partes insensibiles motu destitutæ dura corpora ut sulphur & bitumen efficient, quæ calore liquefcunt.

Non dissimili ratione vir doctiss. metallorū originē ex principiis mechanicis satis ingeniose explicat. Itaque salis, aquæ, olei mineralis particulæ simul conjunctæ, & primi elementi vi in majusculis teri & poris sic agitari possunt, ut in iis meatibus in dura corpuscula metallorum primordia concrefcant. Quandiu n. salis spicula meatus sic aptatos subeunt, ut primi duntaxat elementi materiā admittant, magna vi impelli solēt, ut in calce ipsa cernimus. Sic salis particulæ cū oleosis, & aquosis junctæ per angustiores meatus suum motum diu continuare possunt: adeo ut in varias partes non distrahantur, sed una promoveantur, donec intra meatuum angustias motum suum finire coactæ in dura & solida corpuscula abeant, idque maxime in parte terræ interiore, cujus partes sunt compactiores, nō raræ & molles, ut in ipsa telluris superficie. Quanquam halitus illi metallici in superiorem terræ velut crustam attollantur, atque inter arenæ granula concrefcant.

Quæcumque sint metallorum primordia, quæ satis commode Aristoteles exemplo roris & pruinæ explicat, id multo est verissimillimū: ea non tam alte esse repetenda, neque ex interiori telluris nucleo in partem superiorem specie halituum attolli: Sed paulatim ea formari ex substantia quadam falsa, quæ in aqua est exsolubilis, quæq; sensim excocta & digesta non amplius aëris vel aquæ reformidat injurias. Rem ita esse multis saltem conjecturis, imo & experimentis suaderi utcumq; potest. Pauca ex multis proferam. Cum hoc argu-

men-

mentum in Academia Regia anno 1667 die
 14 Maii tractaretur, D. du Clos multa conside-
 ratione digna hanc in ré attulit. Primo, quod
 jam alibi diximus, in terra argillola prope Lu-
 tetiâ, ut aliis passim in locis durissimas & fer-
 rugineas Marcasitas inveniri quæ comminutæ
 & sub tecto aëri expositæ primum efflorescen-
 tias mucosas, albas, saporis stiptici dabant, li-
 cet Marcasitæ prius essent insipidæ: affusione
 aquæ multum salis vitriolici extractum est, id-
 que in loco frigidus post primam aquæ evapo-
 rationem in crystallos concrevit. Cum iterum
 aqua ignis calore magna ex parte exhalasset,
 aliud salis genus, non viride, ut prius, sed sub-
 rufum, & compactius, acidius tamen, neque
 adeo adstringens prodit. Atque hic sal vide-
 tur magis ferrugineus, & de metalli natura
 magis refert. Vnde id medicinæ utilius putat.
 Quæ superfuit aqua subrubra & densa instar
 olei ex lini semine expressa, acris sapore prædi-
 ta apparuit, qua exhalata nullæ prodierunt cry-
 stalli. Instar amurcæ fæces subsidunt, quæ si
 diutius igni admoveantur, instar argillæ pin-
 guis in aëre tamen exsolubilis concrescunt.
 Hanc utiliorem esse medicinæ, & ex illius sale
 aquas minerales parari posse existimat: adeo ut
 primum ens, ut vocant, ferri videatur: terra
 Marcasitarum nigra, & suo sale exuta iterum
 aëri ita exposita, ut a pluvia tuta esset, mul-
 tum salis dedit; idque sæpius fuit iteratum.

Illud quoque se observasse testatur, ex his
 marcasitis ignis vi cum borace arsenicali fusis
 primo ferrum prodisse: deinde cum per sexen-
 nium & amplius aëri essent expositæ & sæpius
 novo sale vitriolico imprægnatæ, alia metalla
 temporis tractu educta fuisse: adeo ut ma-
 turitas aut perfectio metallorum ex vitriolo
 pendere videatur.

Sic argilla ex qua cæmarcalitæ prodeunt, cum prius mollis sit, & viscosa, odoris omnis & saporis experta, postquam aëri sub tecto fuit per aliquot menses exposita, in frusta fatiscit, ac velut odorem acidum spargit, tumque ex ea vitriolum elici potest. Interjecto aliquot annorum spatio odorem sulphureum spirat, & fit arenosa, tum durior & in marcasitas tandem abit.

Hæc confirmari possent ex iis quæ D. Boyle tractatu de latentibus quibusdam aëris qualitatibus fuse explicat de lapide duro, & subnigro, qui fractus nullas aut salis, aut vitrioli particulas lucentes, ut solent marcasitæ, oculis subiciebat, aëri tamen expositus sub tecto, pars ejus maxima abiit in pulverem vitriolicum; in arca & in locis siccis servatus cæruleam quoque efflorescentiam & vitriolicam præbuit: ac sal ille non acidus tantum est, sed & partibus sulphureis abundat. Imo in vitro figillato mucus vitriolicus effloruit. Quod forte in iis lapidibus sint quædam vitrioli, imo & metallorum velut semina, quæ maturacione quadam egent.

Iam alias diximus glebas nitro suo exutas novum nitri proventum adipisci, cum aëri exponuntur. Idem in alumine contingere docet Agricola. Idipsum in vitriolo calcinato usu venit. Sic Antimonium viemetica destitutum, ex diaphoretico, ut vocant, quod scilicet per sudores, aut insensibilem perspirationem purgat, fit emeticum, ubi aëri exponitur. Sive quædam sit in aere substantia volatilis & salina quæ aliorum corporum naturam facile induat; sive quædam in iis mineralibus sint seminibus analogæ, quæ aëris beneficio maturitatem suam assequantur; sive in aere fluëtuant omnia salium genera, quæ cum sibi cognatis

& similibus confocientur. Ex aere ab iis mineralibus quiddam attrahi hinc suaderi potest, quod omnia fere aeri exposita novo sale, & pondere augeantur. Multa in hanc rem experimenta affert D. Boyle: duas uncias vitrioli calcinati die 12 Martii vasi metallico imposuit, quæ sex mensium spatio ultra decimam sui ponderis partem increvit. Sic marcasitæ vitriolicæ duæ unciae in partes concitæ post 7 hebdomadas 12 granis auctæ sunt.

Quanta sit vis aeris in hæc mineralia, ex hoc quoque experimento docet: quod cuprum spiritu salis dissolutum, cum crassum & turbidum appareat: tamen ubi aeri exponitur, viridem, & gratum colorem acquirat, licet nulla fiat præcipitatio. Idque luculentius apparet cum sublimatum, cuprum & spiritus salis apta proportionem miscentur: nam mixtura lutulenta est & subrubra, quandiu occluso vase continetur: ubi in phialam effunditur, & aeri exponitur, gratum & smaragdinum præ se fert colorem; idque ut dictum est, citra ullius materię veram præcipitationem. Iam ut ad institutum nostrum redeamus, non sales modo fossiles, ut vitriolum, nitrum, aquarum fortium fæces, alumen & alia hujus generis, sed metallica etiam glebæ suis metallis exutæ novis subinde metallis foetantur: ut fodinæ stanni & plumbi in Anglia, & aliis in locis teste Boyleo; ferri mineræ in Hva insula, referente Cæsalpino, & passim in Germania ex Agricola; argentum in Peruviano regno; aurum in quibusdam Germaniæ locis referente Gerharδο. Quare nullus est dubitandi locus quin venæ metallica aeri expositæ novam metallicam copiam suppeditent.

Quæ ad metalla pertinent reliqua breviter perstringemus, quod ab aliis fute explicata

nostram operam non desiderent, atque hoc operis in maiorem molem jam excreverit summa itaque capita decurremus.

Ac primum latentis venæ metallicæ indicia pluribus non differam. In montibus eas esse frequentiores fugit neminem: caruleæ flammæ calidiore potissimum cœlo huc & illuc discurrentes; metallorum ramenta aut fibræ in vicinis fluminibus conspicuæ tot sunt venæ delitescantis argumenta. Addunt alii calidum vaporem ex iis locis plerumq; erumpere, qui facile percipitur. Hinc etiam nives cito liquefcunt; nec ros ibi concrefcit, neque in iis locis procerae sunt arbores, nec lata gramina, sed pallidis & tenuioribus foliis sterile & exustum solum indicant.

2. Metalla lapidibus plerumq; adhærescunt, quos Græci Pyrites, Marcasitas, Arabes. vocant. Pyrites in cupri fodinis sunt frequentiores. Venæ metallicæ, ut auri & argenti aliæ sunt divites, & metallo prægnantes, aliæ non item: quædam sunt tractabiles, quæ in catino fusorio plumbum facile subeunt, aliæ duræ & intractabiles, quæ pyritem, aut marcasitam, aut aliud minerale minus fusile habent admixtum.

3. Raro purum aurum in sua minera occurrit, saltem in Germania, ut Lazarus Erkerus diligens metallorum examinador, observat; ac frequentius adjunctum habet argentum. Saxo albo aurum purius innasci solet. Interdum illius vena caruleum aut flavum cornu refert. Sic inter argenti venas præcipua est vitrea colore plumbi æmula, quæ in examine ignis vix sextam sui partem amittit. Huic proxima est alba nobilis; tertia instar cornu pellucet; quarta colore cinnabaris nativæ, quæ media sui parte excoquendo transit in argentum. Hac

utiq;

utiq; fufius Erkerus , qui etiam varia examinū genera explicat : cumq; hoc opus lingua Teutonica fit exaratum , in manus noſtras venit compendium Erkeri Latine, a doctiſſ. medico D. Borrix conſcriptum , in quo omnia, quæ ad dōcimaſiam , ut vocant, ſeu examen metallorum pertinent , dilucide explicantur.

Auri & argenti venas in Peruvia terunt in mortariis lapideis, aqua eas perfundunt : tum ſalis nonnihil & multum hydrargyri addunt; poſt crebras lotiones quibus partes terrenæ, & impuræ ſeparantur, reſtat auri vel argenti amalgama cum hydrargyro, qui cum ignis calore exhalaverit, metallum cinerei coloris in imo vaſis reliquit . Sic .n. metalli particulas quæ cum terreis excrementis tot lotionibus ejicerentur, hydrargyrus retinet, & diſſolvit.

Hoc enim hydrargyro eſt proprium ut pleraq; metalla exſolvat : ut plumbum, ſtannum, argentum , aurum . Vnde à Plinio rerum omnium venenum appellatur . Nam cuncta exedit, & pervadit vaſa, permanens tabe dira. Ipſi metallorum foſſores quantumvis ori veſicas applicent , ut adverſus lethalem hujus veneni ſumum muniant, brevi tamen aut phthiſi, aut paralyſi conſumuntur: quod tenuitate partium nervorum originem invadat , venas ſolvat, & maxime ductus lymphaticos . Ex particulis rotundis , terſis , & politis conſtat , quæ ſe in punctis fere tangunt , nec ſubtilis & cuncta permeantis ſubſtantiæ commercia intercludunt : hinc illius tanta mobilitas & liquiditas.

Quod autem hydrargyrum fumo plumbi fixum , & firmum evadere magna pars Chymicorū docet , hoc falſum eſſe nuper in Academia demonſtravit D. Borel. Liquato .n. plumbo & ab igne ſubducto , cum refrigerſcere inciperet, extremo baculi factum in plumbo fuit

foramen, quod uncia v. g. hydrargyri repletum est; tumque argentum vivum firmum visum est & stabile, non quod fixitatem à plumbi odore acciperet: sed quia cum plumbo mixtum fuit, & utriusque, ut vocant, factum est quoddam amalgama. Hinc pars illa quæ foramen implebat, multum aucta pondere inventa est.

Non dissimilis est ratio clavi, ut vocant, cinnabaris, quo impostores quidam credulos tolerant inescare, ut specimen transmutationis præbeant. Hac autem arte procedunt, ut ex eodem Borello in arte Chymica & Philosophia claro accepimus. Quatuor uncias cinnabaris, quæ scilicet ex sulphure & hydrargyro paratur, (tametsi alia est quoque nativa, ex qua argētum vivum ut ex minera extrahitur:) in pyxide ferrea sic disponunt, ut primo stratum limaturæ argenti subternatur; tum cinnabaris; tum limatura argenti, & ita alternis cinnabaris 4 uncia, & sex uncia argenti disponuntur: quod vocant stratum super stratum. Operculo ferreo & rite obducto, atque, ut loquuntur, lutato pyxis imponitur furnulo reverberii per 2 aut 3 dies, igne per gradus aucto, donec pyxis ferrea omnino rubeat. Extracta pyxide e furnulo pulvis niger cinnabari immixtus reperitur: hunc esse argenti limaturam volunt, suo sulphure, tanquam anima exuti. Cinnabaris vero non rubra, sed intus cinerea apparet, eaque cupellæ cum plumbo permixta argentum purum putum præbet, & eodem pene pondere cum limatura argenti. Ac si, inquiunt, pulvis niger reduci posset in argentum, non sine compendio hæc operatio procederet. Verum quam putant esse cinnabarium, ea nihil est præter argenti limaturam; hydrargyrus vero magna sui parte avolavit: nec
ater

ater ille pulvis est corpus lunæ, ut loquuntur Chymici, seu argenti, quasi inanime, sed cinnabaris ipsa suo mercurio destituta. Sic multa hoc hominum genus pollicetur,

Qua cuncta aeris discerpunt irrita venti.

Aliud quoque exemplum idem vir pereruditus afferebat. Argenti uncia in aqua forti dissolvitur, aqua leni calore exhalata pulvis argenti colligitur; plumbi libra funditur, extractis sordibus, ubi pellicula quæ statim in superficie concrevit, apparuerit, pulvis argenteus in crucibulum injicitur, plumbo refrigerato pulvis eadem fere quantitate innatat: qui fusus in argentum non abit; eum adeo nihil esse putant præter argenti corpus exanime, cum illius velut anima plumbum subierit: nam in cupella probatoria, v. la coupelle, tantum argenti præbet plumbum, quantum ante admistum fuit: & tamen hic fere idem quod in cinnabari contingit: nam totum argentum, plumbum fustum subiit, pulvis vero qui innatat, nihil est præter particulas plumbi, quas spiritus aquæ fortis in argenti calce superstites exederunt.

In iis omnibus nulla fit transmutatio, nec metalli in sua principia resolutio: sed localis duntaxat translatio. Atque idem fere usu venit, quod in aqua forti, quæ ut omnes norunt, argentum dissolvit, non aurum. Itaque cum Borello admonente aquæ fortis sex uncis duæ salis marini uncie admistæ fuissent, aqua pene tota distillatione extracta jam regalis facta est; quique in imo vasis sal superfuit, non utique est sal marinus, sed salpetræ, qui carbones accendit; & aquæ extillatæ guttula vestigium auri in lapide lydio dissolvit. Ac forte eadem est ratio, quæ cinnabaris: nam sel marinus aquam fortem subit, & spiritus nitræ

ex quo aqua fortis constat, in salempetræ re-
meat: quod sali fixo marini salis adhærescat.

Jam nihil necesse est ut de metallorum trans-
mutatione hoc loco dicamus: cum alii eam
possibilem, alii penitus impossibilem putent,
utrisque suæ rationes non desunt. Ac plerique
ex Alchimistis in ea sunt sententia, ut putent
metalla non specie, sed gradibus differre: adeo
ut omnium una & communis sit origo, eadem
sint primordia, solius loci aut matricis diver-
sitate, ac maturitatis gradu ea distingui arbi-
trentur, & ex iisdem erui mineris diversa me-
talla. Ac multum eorum interest metalla, om-
nia in unam speciem concludere, ut elyxir suū,
seu lapidem Philosophorum tueantur.

Alii qui metalla ex certis seminis formari
putant, diversas quidem metallorum & distin-
ctas species agnoscunt; sed non continuo de
transmutatione desperant: cum nihil sit in na-
tura tam vulgatum quam specierum commu-
tatio. Nec mirum, inquiunt, si metalla quæ
cum auro composita sunt imperfecta, ubi suo
sulphure exuuntur, & in communem resol-
vuntur materiem, quam mercurium esse vo-
lunt, in aurum facessant, ubi auri sulphure tan-
quam anima informantur. Humor, inquiunt,
qui arboris radices illabitur, in ipsius plantæ
naturam convertitur; alimenta in sanguinem,
hic in carnem abit, ac tota natura his mutatio-
nibus plena est. Hoc ipsum multis exemplis
aut falsis, aut veris confirmare moliuntur; fer-
rum in chalybem, plumbum in stannum, anti-
monium in plumbum converti pertendunt.
Multas quoque authoritates gravissimorum
Authorum afferunt, & historias, quas vel ipsi
texuere, vel ab aliis delusi acceperunt.

Et sane cum metalla partium crassitie, figu-
ra, contextu, & aliis si quæ sint, mechanicis
affe-

affectionibus inter se discrepent, forte non, omnino est impossibilis illa transmutatio, qua partes vilioris metalli nobilioris texturam, aut figuram adipisci queant. Sed cum ea textura, aut figura sit nobis incognita, & quantumvis argentum variis pigmentis auri colorem induat, vix illius pondus assequi possit, ea sane transmutatio ut impossibilis habenda est: cum ne unus quidem e millibus voti sui compos efficiatur. Vnde enim tanta grano pulveris aurifici virtus, ut plumbi massam in ictu oculi propria forma exuat, & ei colorem, firmitatem, ac pondus largiatur?

Sed, *inquiunt*, ex iisdem principiis aurum & argentum ducuntur, atq; auro omni in minera argentum inest vario pondere, ut præter cæteros testatur Cæsalpinus. Vidi, inquit Albertus Magnus, auri fibræ quæ per silicem discurrebat, degenerasse in argentum, cum ad aliud lapidis mollioris, & rarioris genus pervenisset. Hæc utique facile concesserim. Sed illud non assequor unde tantum pondus argento accedat. Atque ut cemento um, ut aiunt, ope, seu salium, admittance quiddam extraneum subire possit argentum, quod ei colorem & forte pondus auri conciliet, non ea tamen est vera transmutatio, sed sophistica adulteratio. Nec tantum opus in momento, sed post multa annorum volumina perficitur. Norunt scilicet Alchimistæ vertere rerum species; aurum in fumos resolvunt, & plerumq; pro thesauro inveniunt carbones. Summa votorum est credulos divites emungere; fabulas texunt, multa exempla colligunt, & si quem offenderint, qui in hanc artem insaniat, magna eum spe lætant, & ægrotum, animum plerumq; ad deteriorum partem applicant.

Neq; nos fugit quid soleant reponere : sed si tanti arcani forent conscii , non se inculcarent auribus nostris , nec se magnatibus vel invitis offerrent. Illa contubernalis Alchimi-
starum paupertas artem ipsam falsi revincit. Hoc ipsum artis est vel maximum quæ confusa sunt in venis metalla secernere , non eorum species vertere , quantumvis magnifice & gloriole loquantur.

Atq; immensa cavi spirent mendacia folles.

Qui sapiet ab hoc hominum genere se decipi non patietur , ne rem simul & famam misere decoquat , & sero sentiat suæ credulitatis labem .



FINIS.

MAG 2005982







